



ქართული
ბიბლიოთეკა

გ ა ნ ა თ ლ ე ბ ა

ეოველთვიური სამეცნიერო, ჰედაგოგოური და
სალიტერატურო ჟურნალი.

წელიწადი პირველი.

№ 3 და 4.

მარტი და აპრილი 1908 წ.

ტფილისი

სტამბა «იდეალი» ნიკოლოძის ქ. № 6.

1908

შინაარსი:

გვერ.

1. ბავშვის ჰიგიენა. თავისუფალი ჰაერით ხუნთქვის საჭიროება ექ. ა. ბალარჯიშვილისა	1 — 11
2. დ. ი. მენდელეევი ხურათით (1834—1907 წ.) და მისი საქმეწიერ მღვდელად ს. ი—ლისა	12 — 21
3. ასტრონომია, ანუ ვარსკვლავთ მრიცხველობა კლპერნიგიდან (1473—1543) ნიუტონით (1642—1727) წ. (დასასრული) ხურათებით სამ. ცომიასი. ...	22 — 40
4. უ. უ. რუსსო, მისი მღმდვრება და მნიშვნელობა მე-XVIII საუკუნეში, Contrat social (ხაზოგადებობრივი ხელშეკრულება) და სხ.	41 — 76
5. ასის წლის წინად კადევ კაცნი ვყოფილვართ! (ბ.ნ აღ. ფრანკლის ისტორიული წიგნების გამოცემა) Bâton-ისა	77 — 87
6. არითმეტიკული ამოცანების სწავლების წესი დასაწყის სკოლებში ლ. ბ—ძისა.	88 — 98
7. პედაგოგიის ისტორია დ-რ ვაიშერისა (თარგმანი გერმანულიდან) კავრძელება. ნ ლორთქიფანიძისა	99 — 196
8. ახლო წარსულიდან ილია ჭავჭავაძე რუსეთში (1906—1907 წ.) მალაქია ბოლქვაძისა	107 — 136
9. ხურათი პოლონეთთა სკოლისა პრუსიაში ადამ ჰელდერისა, თარგმანი ღ—ისა.	137 — 142
10. ბავშვის აღზრდა მომავალში. დედა. ბლექფერდის რეზანიდან	143 — 151
11. დარცხენილნი მომჩივრები (ძველი ამბავი) დ. ნ—შვილისა	152 — 155
12. სადღეისო, დექი დ. თემაშვილისა	155 — —

13. საქართველს მძლე ისტორიის რეგენზიის ვა-
მდ დ. კარიჭაშვილისა 156 — 170
14. კრიტიკა და ბიბლიოგრაფია ფიზიოლოგიური ლე-
ქცია რუსულიდან ნათარგმნი გ. ანუშიძის მიერ.
კოტე ელიოზიშვილისა, დარვინიზმი, თხზულება
ფერეიერის ი. ფანცხავას თარგმანი კოტე ელიო-
ზიშვილისა 171 — 193
15. წერილები პროვინციიდან, წერილი გურიიდან.
ქუთაისიდან. ჯიხაიმიდან. მასწავლებელთა კრე-
ბები ქუთაისის გუბერნიაში ვ. ოზიგელისა 193 — 201
16. ქართველ მასწავლებელთა შორის. დღევანდელი
ბიძგებები. სახალხდ მასწავლებელთა აზრი დედა-
უნით სწავლების შესახებ. მათივე აზრი რუსუ-
ლი ენის სწავლებისა და რუსული ენის სახელ
მძღვანელებების შესახებ. თბილისის დასაწყის
საქალაქდ სკოლების ბრძგრამის გამდ 202 — 208
17. შინაური მიმოხილვა. სამრეგლდ სკოლები. სა-
ხალხდ უნიგერხიტუტები. ქართველ სტუდენტთა
კავშირი. სდფლად შუშადბა. მასწავლებელთა
კრებები. ლექციები მასწავლადებელთათგის. ქარ-
თული ენა სახულიერდ ხემინარიაში 209 — 224
18. რუსეთის ცხოვრებიდან. ამურის რკინის გზის
ბრდექტი სათათბირდში. კამათი საერთდ განა-
თლების შესახებ. სათათბირდს მდქმედების სა-
ხიათი და მქტდმბრისტების შდრის უთანხმდ-
ბა. თანამედრდგვ მდგდმარედბა 225 — 238





პირობებზე და ეთნოგრაფიკულად სხვადასხვა მხარეებშია დასაშვანი. აქვე უნდა აღვნიშნავთ, რომ ეს მხარეები, რომლებიც აქვთ მთელი საქართველოს მთელს ტერიტორიას, არ არიან ერთნაირი. აქვე უნდა აღვნიშნავთ, რომ ეს მხარეები, რომლებიც აქვთ მთელი საქართველოს მთელს ტერიტორიას, არ არიან ერთნაირი.

ბავშვის ჰიგიენა. *

თავისუფალ ჰაერით სუნთქვის საკითრება.

ბავშვის ფიზიკურ განვითარების ხელის შემწყობ პირობათა შორის ფრიად მნიშვნელოვანი და თვალ-საჩინო ადგილი უჭირავს სუფთა და თავისუფლად მოძრავ ჰაერით სუნთქვას. სადგომი ბინის ჰაერი, როგორც გინდ ჰიგიენურად იყოს შენობა მოწყობილი, გაშლილ თავისუფლად მოძრავ ჰაერთან შედარებით, საღს თვისებებს ცოტად თუ ბევრად მოკლებულია, ამისათვის ბავშვის დრო-გამოშვებით თავისუფალ ჰაერზედ ყოფნა, მისი ნორმალურ ზრდისა და განვითარებისათვის აუცილებელს საკითრებას შეადგენს.—თუ როგორ უნდა სარგებლობდეს ბავშვი თავისუფალი ჰაერით—ამ საგანს მინდა შევეხო ამ წერილში; კერძოდ, ჯერ აღვნიშნავ ხნოვანებას, როდესაც ბავშვს თავისუფალ ჰაერზე გამოსვლა შეუძლიან და შემდეგ განვსაზღვრავ დროს, რამდენიც მას შეუძლიან თავისუფალ ჰაერზე დაჰყოს. მყუდრო და თბილ ზაფხულის დღეებში ახლად დაბადებული ბავშვის კარში ჰაერზედ გამოყვანა შეიძლება მხოლოდ მაშინ, როდესაც მისი თვალეზი უკვე შეეჩვია სინათლეს და თვითონაც საკმარისად მომაგრდა; ოთხი კვირის ბავშვი ამ მხრივ უკვე მომზადებულია.

*) ჩვენი წერილები ბავშვის ჰიგიენის შესახებ იბეჭდებოდა საბავშვო ჟურნალ „ნაკადულის“ დამატებაში, ესრედ წოდებულს „პედაგოგიურს ფურცელში“. რადგან „პედაგოგიურ ფურცლის“ გამოცემა, სხვადასხვა მიზეზებისა გამო, შესწყდა, ჩვენც იძულებული გავხდით ამ წერილების ბეჭდვა შეგვეწყვიტა. ესლა ვსარგებლობთ ჟურნ. „განათლების“ ფურცლებით და განვაგრძობთ ბავშვის ჰიგიენის შესახებ შეწყვეტილ წერილების ბეჭვდას.

ლია და მაშასადამე ამ ხნის ბავშვს დაუბრკოლებლივ შეუძლიან ისარგებლოს ზაფხულის დღის თავისუფალ ჰაერით. ესევე არ ითქმის ზამთარზედ. ზამთარში თავისუფალი ჰაერით სარგებლობა დიდს ზომიერებას და სიფრთხილეს მოითხოვს. ამის შესახებ სხვა და სხვა ავტორნი სხვა და სხვა აზრისანი არიან: მათი ერთი ჯგუფი ურჩევს მშობლებს მესამე წლის დასაწყისამდის ბავშვი სრულიად არ გამოიყვანონ ხოლმე კარში მთელი ზამთრის განმავლობაში, 3 — 8 წლის ბავშვმა კი თავისუფალი ჰაერით შეიძლება ისარგებლოს მხოლოდ იმ შემთხვევაში, თუ სიცივე არ აღემატება — 8° R. ამისთანა სასტიკი რეჟიმი, მეტადრე იქ, სადაც ზამთარი ხანგრძლივი და სუსხიანია, აშკარაა ბავშვს იძულებულ ჰყოფს, თითქმის 5 თვემდე, ჩვენში კი 3 თვემდის, კარჩაკეტილში იყოს მომწყვდეული და არა კეთილ შეზავებული ოთახის ჰაერით ისუნთქოს. ხანგრძლივი ზამთრის განმავლობაში თავისუფალ ჰაერს გადაჩვეული ბავშვი კი დიდის გაჭირვებითა იტანს გაზაფხულის ცვალებადს ღარს; ასეთი ბავშვი მუდამ ადვილად ცივდება, ხშირად ხდება ავად და ამ გვარად მის ოთხკედელშია გამომწყვდევას ბოლო არ ეღება. ასეთი უზომოდ ფრთხილი რეჟიმი ჰბადებს ბავშვის სისუსტეს და სიმჩატეს; ასეთს პირობებში გამოზდილი ბავშვი მეტად მგრძნობიარე ხდება სულ მცირე t ცვლილების, უფრო ზანტი, მძიმე ხასიათისა და ჟინიანია. მეორე ჯგუფი წინაღმდეგია ასეთი სასტიკი რეჟიმისა, ეს ჯგუფი უარს ჰყოფს ბავშვის „სათბუნებელში“ ზრდას და აღიარებს სრულიად წინააღმდეგ პრინციპს: მათი აზრით, ბავშვი, ძუძუმწოვარიც კი, მიუხედავად წლის დროისა და ღარისა, ყოველ დღე უნდა ატარებდეს რამდენსამე ხანს თავისუფალ ჰაერზედ, რაც შეიძლება ჩქარა უნდა გამოიწროთ მისი ორგანიზმი, რომ ღარის ჩვეულებრივმა ცვლილებამ მაზედ ცუდი გავლენა არა დროს არ იქონიოს.

ორივე ზემორე მოყვანილი აზრი აშკარად ცალმხრივია. რომ რიგიანად გამოვარკვიოთ ეს საკითხი, უნდა ნათლად გავითვალისწინოთ ის — თუ ცივ ზამთრის ჰაერში რა არის მავნებელი, რითი ავნებს იგი ბავშვს?

მიემართოთ ფაქტებს. მრავალ დაკვირვებიდან და სტატისტიკურ ცნობებიდან აშკარად სჩანს, რომ, მიუხედავად სიცივისა, ის ზამთრის დღეებია უფრო მაზარალებელი და ბავშვების ჯანმრთელობისათვის საშიში, რა დღეებშიაც ჩრდილო ანუ ჩრდილო-აღმოსავლეთის მშრალი ქარი ჰქრის; ასევე მავნებელია უქარო, მაგრამ ნესტიან-ბურუსიანი დღეები. ასეთ დღეებში აშკარად მატულობს სასუნთქ ორგანოთა ავადმყოფობანი: სხვა და სხვა გვარი ყელის ტკივილი, ბრონხების კატარი, ფილტვების ანთება, რევმატიზმი და სხვ. გაცილებით ცივს, მაგრამ წყნარ უღრუბლო მშრალ ზამთრის დღეებში კი ასეთი სნეულებებით უფრო იშვიათად ჰხდებიან ბავშვები ავად. აქედან ნათლად სჩანს, რომ ზამთარში მავნებელი და საშიში ყოფილა მხოლოდ ქარი და ნესტ-ბურუსი და არა თვით სიცივე, როგორც გინდ იგი სუსხიანი იყოს. მაშასადამე კარგად მყოფ ბავშვს ზამთარში კარში სეირნობა უნდა აუკრძალოთ მხოლოდ ქარიან და ნესტიან დღეებში და იმდენად უფრო სასტიკად, რამდენადაც იგი პატარაა. წყნარ და მზიან დღეებში კი, თუ გინდ ყინვა — 8° R-დისაც აღიოდეს, თბილად ჩაცმულ ბავშვს, ძუძუ-მწოვარასაც კი, სრულიად უშიშრად შეუძლიან ისეირნოს. საუკეთესო ავტორნი ზამთარში ბავშვის თავისუფალ ჰაერზე სეირნობის შესახებ შემდეგი აზრისანი არიან: თუ ბავშვი დაიბადა ზამთარში ანუ გაზაფხულზედ და ზაფხულ-შემოდგომის განმავლობაში თავისუფალი ჰაერით სარგებლობდა, მაშასადამე, თუ იგი საკმარისად შეეჩვია ტემპერატურის ცვლილებას, ასეთს ბავშვს ზამთარშიც წყნარ, მზიან დღეებში თუ გინდ ყინვა — 4° R-ამდისაც აღიოდეს, უშიშრად შეუძლიან თბილად ჩაცმულს 10—20 წუთამდის გარედ ისეირნოს.

თუ ბავშვი დაიბადა ზაფხულის დამლევს, ანუ შემოდგომაზედ და, მაშასადამე, ვერ მოასწრო საკმარისად შესჩვეოდა ტემპერატურის ცვლილებებს, მაშინ მხოლოდ გაზაფხულზედ (მარტში) შეიძლება უშიშრად მისი კარზედ გამოყვანა; ზამთარში კი ასეთი ცდა სანდო არ არის. რაკი ბავშვი მეორე წელიწადში გადადგა, მას თავისუფლად შეუძლიან

ზამთარში, გარდა ქარიან და ნამეტან ნესტიან-ბურუსიან დღეებისა, ყოველ დღე ისეირნოს თავისუფალ ჰაერზედ, ოღონდ კი თბილად იყოს ჩაცმული და კარში ყოფნის დროს ხელ-ფეხი ძლიერ არ უცივდებოდეს. მეორე წელში მდგარს ბავშვს ზამთრის დღეში შეუძლიან კარზედ დაჰყოს იმდენად უფრო მეტი, რამდენადაც უფრო თბილა და იმდენად ნაკლები, რამდენადაც უფროც ცივა. სულ ხუთი წუთი რომ გაატაროს ბავშვმა კარში, მაინც ეს მისთვის ძლიერ სასარგებლოა, ასეთი მოკლე ხნით კარში ყოფნაც კი მას აცოცხლებს და ამალხაზებს, ეს ისევე მოქმედებს მის ორგანიზმზე, როგორც გასამაგრებელი დუმი ანუ ვანნა, მხოლოდ იმ განსხვავებით, რომ ეს უკანასკნელი ხელოვნური საშუალებაა, პირველი კი (სეირნობა) ბუნებრივი. დღითი-დღე სუფთა თავისუფალ ჰაერზედ სეირნობა ბავშვის ორგანიზმს ამაგრებს და სჯეკს, ბავშვი თანდათანობით პატარაობაშივე ეჩვევა ჰაერის ტემპერატურის აწევ-დაწევას და შემდეგში სრულიად უვნებლივ იტანს ყოველ გვარ დროს, რითაც თავიდან იცდენს სხვა და სხვა სენს, რომელნიც გაციებისაგან წამოსდგებიან და სათუთად გაზრდილ ბავშვს ადვილად უჩნდება ხოლმე. პრფ. იურგენსენი სრულიად საფუძვლიანად ამბობს: „ადამიანს ბუნებამ დედამიწა მიუჩემა საცხოვრებლად და მან იმ პირობებში უნდა იცხოვროს, რა პირობებსაც დედა მიწის ზურგი ჰქმნის. შეიძლება სამოთხეში უკეთესი ცხოვრების პირობები არსებობდა, მაგრამ დიდი ხანია ადამიანი გამოიღვენა სამოთხიდან და, მგონი, ვეღარასოდეს ვერ ეღიროსება ხელმეორედ სამოთხეში ცხოვრებას. ამისათვის კაცი, როგორც გინდ კარჩაკეტილში სცხოვრობდეს, მაინც ვერ შეჰქმნის სამოთხის ცხოვრების პირობებს და მაშასადამე მუდამ თავიდან ვერ აიცილენს ჰაერის ცვლილების ზედგავლენას. და თუ იგი ამ ცვლილებებს მიჩვეული არ არის, ადვილად შეიქმნება მათ მსხვერპლად, მაშინ როდესაც მიჩვეულთა უმრავლესობა უვნებლად რჩება“.

— თუ ბავშვი ზამთარში და საზოგადოდ ცივს დარში სულ რამდენსამე წუთს რჩება ხოლმე კარში თავისუფალ

ჰაერზე, ზაფხულში ის მთელ დღეს სუფთა ჰაერზე უნდა ატარებდეს და სახლში უნდა ბრუნდებოდეს მხოლოდ საძინებლოდ და საკმლის მისაღებად. ეს მოთხოვნილება იმდენად ნათელი და ყველასათვის გასაგებია, რომ მას, მგონი, ახსნა აღარ სჭირია.

ახლა გავითვალისწინოთ — რა ადგილებია უფრო გამოსადეგი სასაფრინოდ და რა დროს უფრო სასარგებლოა ბავშვმა ისაფრინოს? ქალაქებში ბავშვებს შეუძლიანთ ისაფრინონ ქუჩებში, ეზოებში და ბაღებში. გავშინჯოთ ამ სასაფრინო ადგილების ჰიგიენური პირობები. ზამთარში, მეტადრე იმ ადგილებში, სადაც თოვლი დიდხანობით სძევს ხოლმე, ხსენებული სასაფრინო ადგილების სანიტარული პირობები თუმცა ერთგვარია, მაგრამ უპირატესობა მაინც ეზოს და ბაღს უნდა მიეცეს, რადგან აქ, სეირნობის გარდა, ბავშვს შეუძლიან თავისთვის მეტად სასიამოვნო სამუშაო იშოვოს. მას შეუძლიან თოვლი ერთ ალაგას მოგავოს და მოაგროვოს, თოვლის თოჯა ანუ გორაკი გააკეთოს, სხვებთან ერთად იგუნდაოს და სხ.; ასეთი მუშაობა მას ახურებს, ათბობს, დიდად ასიამოვნებს და მის სეირნობას აზრსა და შინაარს აძლევს. ქუჩა, როგორც სასაფრინო ადგილი, ასეთს ღირსებას მოკლებულია, ამისათვის ბავშვს ჩქარა ჰბეზრდება დღე-მუდამ ქუჩა-ქუჩა უაზრო ყიალი. ქუჩის აურ-ზაური თუ პირველად მის ყურადღებას იქცევს, შემდეგში იგი ბავშვს სწყინდება და მთლად უკარგავს სეირნობის სურვილს, ასეთი სეირნობის შემდეგ ბავშვი ბრუნდება სახლში უკმაყოფილო, მოწყენილი და არა განარებულ და გამაღზახებულ. რაიცა სუფთა ჰერზე სეირნობამ უსათუოდ უნდა გამოიწვიოს. ერთი სიტყვით ქუჩაში სეირნობა სასურველ ეფექტს ვერ აღწევს, ვერც ფიზიკურს და ვერც მორალურს. ქუჩაში ბავშვს შეუძლიან ისაფრინოს მხოლოდ შემოდგომაზე და პირველ გაზაფხულზე, როდესაც ბაღებში და დაჩრდილულ ეზოებში, მომეტებულ შემთხვევაში, სველი ნიადაგი და ნესტიანი ჰაერია, რაც საუკეთესო პირობას წარმოადგენს სხვა და სხვა სნეულებათა გასაჩენად, რომელნიც ვაციებისაგან წარმოსდგებიან. მაგ. აღ-

ვილად შეიძლება აქ ბავშვს შეხედეს ციებცხელებს, რემმატიზმი, სხვა და სხვა გვარი ყელის ტკივილი და სხვა. რაც შეეხება თბილისს და ზოგიერთ სხვა კავკასიის ქალაქებსაც, სადაც ზამთარი ხანმოკლე, მომეტებულ შემთხვევაში უთოვლო და მშრალია, აქ ბავშვებს თითქმის მთელი ზამთარი, შეუძლიანთ ისარგებლონ ფართო ეზოებით და ბაღებით, სადაც თოვლის ნაცვლად მათ სხვა გასართობებით შეუძლიათ შეიქციონ თავი და მასთან, შედარებით, სუფთა, უმტვერო ჰაერით ისუნთქონ. მხოლოდ ზოგიერთ ნესტიან შემოდგომის და პირველ გაზაფხულის თვეებში საჭიროა, ეზოების და ბაღების ნაცვლად, ქუჩას მიემართოთ მოღმე.

ბავშვის კუთების (მუსკულების) სავარჯიშოდ, მისი ორგანიზმის გასამაგრებლად და გასაცოცხლებლად საკმარისი არ არის უბრალო სეირნობა, მარტოდ-მარტო, ტოლ-უამხანაგოდ ქუჩა-ქუჩა სიარული, ამისათვის ბევრი სხვა რამ არის საჭირო, მაგრამ მათ შორის ერთ საუკეთესო საშუალებას წარმოადგენს თავისუფალ ჰაერზედ ერთად თავ-მოყრილ ბავშვების საზოგადო თამაში. ამისათვის, გარდა ფართო ეზოებისა, ბაღებისა და სუფთა ქუჩებისა, ყოველ კეთილ-განწყობილ ქალაქს მრავლად უნდა ჰქონდეს ბავშვების სათამაშოდ მოწყობილი მოედნები, სადაც ერთი და იმავე უბნის ბავშვებს თავისუფლად შეეძლო ხოლმე შეკრება, ერთად მოძრაობა და თამაშ-ნავარდი. სხვა ქვეყნების მაგალითი, მეტადრე ინგლისისა, ნათლად გვიჩვენებს, რამდენად შესაძლებელია ქალაქებისთვის ასეთი მოედნების გამართა, მასთან რამდენად სასარგებლოა იგი ბავშვებისთვის და, მაშასადამე, რამდენად საჭიროა ჩვენი ქალაქებისათვისაც კარგ ალაგს მდებარე, გამომშრალი, შემოღობილი, ბავშვების სათამაშოდ მოწყობილი საზოგადო მოედნები. შიში, გადამდები სენის წინაშე, რომელსაც განიცდიან ზოგიერთი მშიშარა მშობლები ბავშვების შეკრების დროს, გადაჭარბებით ჯილდოვდება დიადი სარგებლობით, რომელიც მოაქვს ნაირ ნაირს, მხიარულს საზოგადო ბავშურ თამაშობას.

ახლა მეორე კითხვას უნდა გავსცეთ პასუხი: დღის განმავლობაში ბავშვების სასეირნოდ რა დრო უფრო ხელ-საყ-

რელი და სასარგებლოა? რამდენადაც ვიცით დილა-სალამოს ნამი და ნესტი ხელს უწყობს და აჩენს სხვა-და-სხვა გვარ სენს, რომელიც გაციებისაგან წარმოსდგება; უფრო ხშირად კი ციებ-ცხელების (მალარიის) მიზეზი ხდება ხოლმე ნესტიანი დილა-სალამო. მეტადრე საშიშოა სამხრეთის ქვეყნებში და მათ შორის ჩვენს მხარეში ზაფხულის სალამოს, მზის ჩასვლის შემდეგ ბავშვების გარედ ყოფნა. ამ დროს მალარიის მიკრობი ადვილად შედის და იბუდებს ხოლმე ბავშვის გვამში და ხშირად წლობით აწვალებს და აწამებს მას. ამ არა სასიამოვნო მოვლენის თავიდან ასაცდენად ბავშვს სასტიკად უნდა აეკრძალოს ზაფხულის დღეში გარეთ ტარება დილით ნამის შეშრობამდის და სალამოთი მზის ჩასვლის შემდეგ, მეტადრე იმ ადგილებში, სადაც ციებ-ცხელებას ეპიდემიური ხასიათი აქვს. ზამთარში, თუ უთოვლო დღეებია და ნიადაგი მშრალია, საუკეთესო სასეირნო დროდ უნდა ჩაითვალოს შუადღე, თოვლიან დღეებში კი უკეთესია ბავშვი სეირნობდეს დილით ვიდრე მოყინულია და თოვლს ჯერ დნობა არ უწყია.

ბოლოს საჭიროა გამოვარკვიოთ ის, თუ სად უნდა გაატაროს ბავშვა ზაფხულის თვეები? საჭიროა თუ არა საზოგადოდ საზაფხულოდ ქალაქიდან წასვლა და რანაირი ადგილი უნდა აურჩიოთ მას საცხოვრებლად? აშკარაა ამ კითხვების გადაწყვეტას რეალური მნიშვნელობა მხოლოდ მაშინ აქვს, როდესაც მათი გარდაწყვეტის დროს მხედველობაში გვაქვს ბავშვის სახლობის ცხოვრების ყოველივე პირობანი, სახლობის წევრთა ჯანმრთელობა, სახლობის მატერიალური მდგომარეობა და სხ. წინააღმდეგ შემთხვევაში ამ კითხვების გადაწყვეტა თავის აზრს ჰკარგავს, რადგან მათი პრაქტიკული განხორციელება, სხვა-და-სხვა შინაურ მიზეზების გამო, შეუძლებელი ხდება. ამისათვის რამდენადაც შესაძლებელია უნდა შევათანხმოთ მრავალგვარი, ხშირად ერთი ერთმანეთის მოწინააღმდეგე სახლობის წევრთა ჯანმრთელობის ინტერესები და სახლობის მატერიალური მდგომარეობის მიხედვით ისეთი საზაფხულო სამყოფი უნდა ამოვურჩიოთ, რომ სახლობის ყოველმა წევრმა შესძლოს ზაფხულის განმავლო-

ბაში საკმარისად დაისვენოს და, რამდენადაც შეიძლება, ჯანმრთელობაც აღადგინოს.

გარდაცვალებულთა და ავადმყოფთა შესახებ შეკრებილი სტატისტიკური ცნობები ნათლად გვიჩვენებს, რამდენად ცუდად მოქმედებს და მაზარალებელია ბავშვის ჯანმრთელობისთვის ზაფხულის ჰავა ჩვენს დიდს ქალაქებში. ბავშვების შორის კუჭის და წელების სნეულებანი თითქმის ერთი ათად შეტულობს. საკვირველიც არ არის, რადგან წრეს გადასული დახშული, სულის შემხუთავი, გავარვარებული და მტვრით გაჟღენთილი ჰაერი, აუარებელი სიცხისგან გაფუჭებული სანოვაგე, მრავალი დაუმწიფებელი ხილეულობა და სხ. საუკეთესო ნიადაგს წარმოადგენენ სხვა და სხვა მძიმე და მომაკვდინებელ კუჭის და წელების სნეულობათა აღმოსაცნებლად. ამის და მიუხედავად, თუ გავიხსენებთ, რომ ბავშვები გრძელ შემოდგომის და ზამთრის განმავლობაში მომეტებულს დროს ოთახებში ატარებენ, დახშული გაფუჭებული ჰაერით სუნთქავენ, ფიზიკურ მოძრაობას მოკლებულნი არიან და მასთან მრავალი მათგანი გონებრივადაც შეშაობს, მაშინ ადვილად წარმოვიდგენთ დასუსტებულს, ღონე მიხდილს, ფერდაკარგულს, სისხლ-ნაკლები ბავშვის სურათს და შევიგნებთ რამდენად საჭიროა მისთვის ქალაქის მოშხამულ ჰაერს ზაფხულში მაინც თავი დაანებოს და სოფლის ტყეების და მინდორ-ველის სუფთა ჰაერით ისუნთქოს. თუ ყოველი ქალაქის მცხოვრებელისთვის სასარგებლოა ზაფხულში აგარაკად წასვლა, მოზარდ ბავშვისთვის ეს აუცილებელს საჭიროებას შეადგენს და ერთი ორად მისთვის მარგებელია. ბავშვის ზაფხულში სოფლად წასვლას გარდა სანიტარულ მნიშვნელობისა მორალური მნიშვნელობაც აქვს: აქ ბავშვი ეჩვევა მარტივს, უბრალოს, უფრო ბუნებრივ ცხოვრებას, აქ იგი ბუნებას უახლოვდება. ბუნებასთან დაახლოვება კი უღვიძებს მას ბუნებისადმი სიყვარულს და უადვილებს ბუნების მოვლენათა შეგნებას და შეთვისებას.

საზაფხულო სამყოფი უნდა წარმოადგენდეს. სუფთა, სავალი ჰაერით და ფართო სასეირნო მოედნებით შემკულს

ადგილს, სადაც ფართოდ გაშლილი საზაფხულო შენობები და საზაფხულო საბანოები უნდა მოიპოვებოდეს და მასთან სრული სიმშვიდე და მყუდროება მეფობდეს. აი ამისთანა უბრალო, მყუდრო, მაგრამ საღ ადგილებში უნდა ვგზავნიდეთ ხოლმე ქალაქიდან წლის განმავლობაში დასუსტებულს და სწავლისაგან მოღლილ-მოქანცულს ბავშვებს; ამისთანა ადგილები ყოველგან მრავლად მოიპოვება, აქ ცხოვრება შედარებით იაფია და, მაშასადამე უმრავლესობისთვის ხელმისაწვდომია. რომ ღირსეულად დავათესოთ უბრალო აგარაკების ზემოხსენებული არსებითი თვისებანი, საკმარისია მოვიგონოთ მხოლოდ შეძლებულთათვის არსებულნი ხალხით გამოაქვდილი „მოდის“ აგარაკები, რომელნიც ძალიან ნაკლებად განირჩევიან ქალაქებისაგან. ისეთივე მტკრით სავსე ქუჩები, პაწია ეზოები, ზედი-ზედ მიკერებული შენობები, ქალაქური გასართობები: ბალები, სპექტაკლები, კონცერტები, სხვა და სხვა გვარი სპორტი, ერთსა და იმავე საზოგადო სასეირნო ადგილზედ დღე-მუდამ ყიალი და სხ. ამისთანა ადგილს დასასვენებლად წასვლა, ჩვენის აზრით, რაღაც გაუგებრობა და თავის მოტყუებაა. საზაფხულო სამყოფის არჩევა დიდის სიფრთხილით უნდა, თორემ ადვილად შეიძლება კაცს იმედი გაუცრუვდეს და ჯანმრთელობის აღდგენის და დასვენების მაგიერ, ბავშვი, შეიძლება, ისეთივე დაბრუნდეს ქალაქში, როგორც ქალაქიდან სოფელში წავიდა. მაინც და მაინც უკეთესია ექიმის აზრი ვიცოდეთ შესახებ იმისა თუ რამდენად გამოსადეგი და სასარგებლოა ამ თუ იმ ბავშვისთვის ეს თუ ის საზაფხულო სამყოფი. ექიმი კი, რასაკვირველია, ადგილობრივ უნდა იყოს გაცნობილი თავის რაიონის მახლობელ აგარაკებთან და სოფლებთან. — აგარაკის არჩევის დროს სასტიკად უნდა ვერიდნეთ ჭაობიან ადგილს, დაგუბებულს წყალს, წვრილ მდინარეებს და რუებს, რომელთა ნაპირებიც მალარიის და ყვანის ბუდეებად ითვლებიან. ამასთანავე უნდა ვერიდნეთ ჩავარდნილს და დაქვაბულს ადგილებს, სადაც ბუნებრივი ვენტილაცია ძალიან შეზღუდულია და საღამოს ჭამებდ ჯანდის გაჩენა ხშირს მოვლენას წარმოადგენს. — ბო-

ლოს, მოსარიდებელი და მაზარალეებელია ისეთი ადგილები, სადაც ოჯახში სახმარებელი წყალი ნაკლებად მოიპოვება და მასთან ცუდი თვისებისაც არის. — ასეთ ადგილებში ზაფხულში ხშირად ჩნდება ყვანა, საბავშო ხოლერა, მუცლის სახადი, ხუნაგი და სხვა გადამდები სნეულებანი.

რასაკვირველია, თავისთავად იგულისხმება ის, რომ თვით საცხოვრებელი ბინა უნდა აკმაყოფილებდეს ძირითადს ჰიგიენურ მოთხოვნილებათ, ესე იგი უნდა წარმოადგენდეს თბილს და მშრალს სახლს ფიცრის ქერით და იატაკით, კარგად გამოწყობილი კარ-ფანჯრით და რიგიანი ფეხისადგილით. სახლი არ უნდა იყოს მეტის მეტად ხეებისაგან დაჩრდილული, მაგრამ არც სრულიად ღია სახლი ვარგა, რადგან მზიან დღეებში მზის სხივები კაცს მოსვენებას არ აძლევენ და ქარიანში — მტვერი აბეზრებს თავს.

თვით საზაფხულო სამყოფი ადგილები შეიძლება საჰნიანი იყოს: მთიან-გორიანი, სწორე მინდორ-ველიანი, ანუ შეიძლება ზღვის ნაპირს წარმოადგენდეს. რომელი ამ ადგილთაგანი უფრო გამოსადეგი და სასარგებლოა ამა თუ იმ ბავშვისთვის — ეს კითხვა მხოლოდ ექიმს შეუძლიან გადაწყვიტოს, ბავშვის ჯანმრთელობის და მისი საზოგადო ორგანიზაციის ინდივიდუალურ პირობათა მიხედვით; მაგრამ, მიუხედავად ამისა, ჩვენ საჭიროდ ვთვლით მოკლედ მაინც აღვნიშნოთ ამ ადგილების განმასხვავებელი თვისებანი, რადგან ამ თვისებების ცოდნა შეძლებას მოგვცემს უეჭიმოდ, დაწვრილებით თუ არა, დაახლოვებით მაინც გამოვარკვიოთ ის, თუ როგორი ადგილი რა ნაირი ჯანმრთელობის ბავშვისთვის არის გამოსადეგი. 1) მთა-გორიანს, მეტადრე ფიქვით და ნაძვით დაფარულს ადგილს ორი განმასხვავებელი ნიშანი აქვს: აღმართიანი სასეირნო ადგილებით არის დაფარული და წმინდა, მსუბუქი, ოზონით გაჟღენთილი ჰაერით მოცული. აღმართ-დაღმართზედ სიარულის დროს მთელი სხეულის, მეტადრე გულმკერდის, კუთები ძრიელად მოძრაობენ, სუნთქვა გარკვეცებულია და ენერგიულად სწარმოებს, ამისთვის ასეთი ადგილები უფრო გამოსადეგია სუსტი, ვიწრო გულმკერდიანი

ბავშვებისთვის, რომელთაც ხშირად უჩნდებათ ხოლმე სასუნთქი აპპარატის კატარრი (მაგ. ბრონხიტი) და სურავანდიან, მსუქან და მჩატე აგებულების პირთათვის, რომელთაც უხვი, წმინდა ოზონიანი ჰაერი დასუსტებულ ნივთიერებათა მიმოცვლის პროცესს შესამჩნევად უძლიერებს 2) გაშლილი, მინდვრიანი ადგილების ჰაერი უფრო ცხელი და მშრალია; ასეთი თვისების ჰაერი ოფლის დენას აძლიერებს და კაცს შესამჩნევად ახდუნებს; ამ ადგილებში ყოფნა უფრო სასარგებლოა მსუქან, მჩატე აგებულების, სისხლნაკლებ ბავშვებისთვის. 3) ზღვის ნაპირების დამახასიათებელს თვისებას შეადგენს სუფთა, სხვა და სხვა მარილწყულობით და ოზონით გაჯღენთილი ჰაერი და საბანაოები.

ჩრდილოეთის და სამხრეთის ზღვის ნაპირები ერთმანეთისგან განსხვავდებიან მხოლოდ ჰაერის და წყლის ტემპერატურით, ამისათვის სამხრეთით მდებარე ზღვები (მაგ. შავი, ხმელთა შუა ზღვა) უფრო გამოსადეგია ნაზი აგებულების, გამხდარ და ნერვებ-დასუსტებულ ბავშვებისთვის; აქ მათ ნერვები უმაგრდებათ. მშვიდდებიან და საკმარისად სუქდებიან. ჩრდილოეთით მდებარე ზღვები კი თავის, შედარებით, ცივი ჰაერით და ცივი საბანაოებით უფრო უხდება მჩატე აგებულობის, მსუქან, სურავანდიან ბავშვებს. ასეთი ბავშვები აქ ადვილად თავისუფლდებიან ნამეტანი, მავნებელ სიმსუქნისა და სურავანდისაგან. აქ შედარებით ჩქარა იჯვეება მათი ორგანიზმი და იმდენად მაგრდება, რომ დარის ჩვეულებრივი ცვლილებანი წლის განმავლობაში მათ სრულიად აღარ ვნებთ.

ექიმი ა. პალარჯიშვილი.



† დამიტრია ივანეს ძე მუნდულოვი (1834 — 1907 წ.)
და მისი სამეცნიერო მოღვაწეობა.

წარსულ წელს, 20 დეკემბერს, მენდელეევის სსსოფრათ პეტერ-ბურგში გაიმართა კრება ქიმიკოსებისა, ფიზიკოსებისა და პედაგოგებისა. კრებას, რომელმაც ათს დღეს გასტანა, ძალიან ბევრი ხალხი დაესწრო. ამ სჯეროთ კრებაზე, სხვათ შორისა, რამოდენიმე საკანგებო კრება მოაწადმა მენდელეევის მოღვაწეობის დასასია-თებას. დასასრულ კრებამ გადასწვიტა, მენდელეევის სსოფნის მა-

ქართული
ენის

ტივ სანდემლად, გაიმართოს დრო გამოშვებით ქიმიკოსების და ფიზიკოსების კრებები, ისე როგორც პირაკოვის სახელობაზედ ექიმების კრებები იმართება. გარდა ამისა კრებამ დაადგინა მენდელეევის ძეგლი აკოს პეტერბურგში უნივერსიტეტის კვირდზედ და ამისათვის საჭირო ფული საუფუკლთაო ხელის მფუქრით შეიკრიბოს. კრებამ შიდად აკრეთვე მსკოვის პროფესორების წინადადება: მოგროვდეს ფული და ამ ფულით მენდელეევის სახელობაზე ფიზიკა-ქიმიური ინსტიტუტი დაარსდეს.

საჭიროდ მიგვაჩნია ჩვენს მკითხველებსაც მივაწოდოთ ზოგიერთი ცნობები ამ ცნობილის მეტრიერის შესახებ, რომელმაც დიდი სახელი მოიხვეჭა მეტრიერებაში.

დ. ი. მენდელეევი დაიბადა ქ. ტობოლსკში 27 იანვარს 1834 წ. 15 წლისამ სწავლა დაასრულა ტობოლსკის გიმნაზიაში და აქედან მოსკოვში ჩამოვიდა სწავლის გასაგრძელებლად. მოსკოვში ერთი წელიწადი დაჯდომ და შემდეგ პეტერბურგში, მაშინდელს უმაღლესს პედაგოგიურს ინსტიტუტში შევიდა. ეს ინსტიტუტი „მენდელეევისავე სიტყვით, განსაკუთრებით პედაგოგებს ამზადებდა, კიდევაც ამ ინსტიტუტმა შესძინა რუსეთს ბევრი კარგი პროფესორები და საზოგადო მოღვაწენი; სხვათა შორის დობროლიუბოვი, სტრახოვი და სხვა“ ..

ასეთს გზას მენდელეევი დედის ხელმძღვანელობით და რჩევით დაადგა. დედა მენდელეევისა შესანიშნავი ტკუის და გულის ადამიანი იყო. ათი წლისა იყო მენდელეევი, როცა მამა მოუკვდა. დარჩა დედისამარ და კიდევაც ნიჭიერმა დედამ დიდი გავლენა იქონია მომავალს მეტრიერზედ. მან ჩაუნერგა მენდელეევის ძლიერი ენერჯია და მტკიცე ხასიათი. ეს ძლიერი ენერჯიის პატრონი დედა თვითონ განაგებს მტკიცე ქანებას, არავითარ საღისარს არ ჭეხავს შვილისათვის, ციმიბრიდან დედას თავისი შვიდი მოსკოვში მიჰყავს და იქ სამეტრიერო მოღვაწეობისათვის ამზადებს. „ასეთი ენერჯია ამ შესანიშნავ ადამიანში აღბათ ტობოლსკში მტნოვრებ დეკაბრისტების გავლენით განვითარდა; დეკაბრისტი ბასარკოვი ნათესავიც კი იყო ჩვენი“ ამბობს თვით მენდელეევი.

აუტანელი შრომა მენდელეევის დედამ ვეღარ შესძლო და მალე კარდაიწვავდა. მენდელეევი ამ დროს ისევ ინსტიტუტში

სწავლობდა. საუვარელ დედის დაკარგვამ მენდელეევი დიდად შეაწუხა და განმრთელობაც კი შეურყია.

თავის სტუდენტურ ყოფა-ცხოვრებას თვით მენდელეევი დიდის სამოყენებით იგონებდა. „ინსტიტუტში პრათესორებად იმ დროის საუკეთესო მეცნიერები იყვნენ: ასტროგოგოსკი მათემატიკაში, ფოსკრესენსკი — ქიმიასში, ლენტი და კუბუერი ფიზიკაში, კუტორკა — მინერალოგიაში, სავიჩი ასტრონომიაში. მეცნიერებისადმი მისწრაფება იქ კი არ ჰქონებოდა, პირიქით, თავისუფლად იშლეობდა და ღვივდებოდა. „იმ დროს პრათესორები ყოველს საშუალებას ჰქმნიდნენ მსმენელები მეცნიერებით დაეინტერესებინათ“ ამბობს მენდელეევი.

ჟერ ისევე სტუდენტობის დროს მენდელეევიც გამოაქვეყნა რამდენიმე ახალიზი და სტატია სხვა და სხვა სხეულთა ერთხანის ფორმით დაკრისტალებისა, ანუ „იზომორფიზმის“ შესახებ. ეს ნაშრომი, კურსის დამთავრების დროს, მენდელეევიც სადისერტაციით წარადგინა. სტუდენტობის დროს მენდელეევი დასწრულდა „ინსტიტუტში შესვლისათვისავე, სწერს მენდელეევი, სისხლს მადებინებდა და ეს, დრო გამშვებით, კურსის დამთავრებამდე ხშირად მომდიოდა“

ამის გამო მენდელეევი, კურსის დამთავრების შემდეგ, სამხრეთისაკენ მიემგზავრება თავის მოსარჩენად. აქვე მასწავლებლობს ჟერ სიმფეროპოლში და მერე ოდესსაში. ხოლო 1856 წ. მენდელეევი ისევ პეტერბურგში დაბრუნდა და სულ 22 წლისა უნივერსიტეტში პრივატ დოცენტად შევიდა. იმავე წელს დაიცვა დისერტაცია ქიმიისა და ფიზიკის მაგისტრის ხარისხის მისაღებად. აი ამ წლიდან იწყება კიდევ მენდელეევის სამეცნიერო მოღვაწეობა.

1859 წლამდე, ცოტა ხნობით, მენდელეევი ერთსა და იმავე დროს კითხულობდა ორგანიულისა და თეორიულ ქიმიას და თან მასწავლებლობდა მეორე კადეტის კორპუსში და გიმნაზიაში. ამავე დროს დასწერს სამეცნიერო წერილები ენტოლო-გოგირდის სიმყავისა და სხვა და სხვა ქიმიურ რეაქციების შესახებ.

1859 წ. მენდელეევი საზღვარ გარეთ გაგზავნეს მეცნიერებაში განსავარჯიშებლად. ამავე დროს რუსულსა და საზღვარგარეთელ ერნალებში მენდელეევიც დაბეჭდა რამდენიმე წერილი სითხე-

ების გაფართოებისა და აბსოლუტურ აღულების ტემპერატურის შესახებ.

1861 წელს მენდელეევი დაბრუნდა რუსეთში და შეუდგა დაულადავ შრომას: კითხულობს უნივერსიტეტში ლექციებს, გამაჟკეუნა თავისი კურსი „ორგანიულ ქიმიისა“ 29 წლის მენდელეევი 1863 წ. ჰეტერობურგის ტექნოლოგიურ ინსტიტუტში მიიღო საკუთარი კათედრა ჰროფესორისა. აქ მენდელეევი რამდენიმე წლის განმავლობაში, შესანიშნავის ენერგიით იკვლევს ტენიკის საკითხებს და ჰუმბლდავს რამდენიმე სახელმძღვანელოს სხვა და სხვა წარმოების შესახებ- 1865 წელს იანვარში მენდელეევი დაიცვა დოქტორის ხარისხის მისაღები დისერტაცია შემდეგის სათაურით „სპირტისა და წყლის შეერთებაზე“. ამ დიდს თხზულებას მეტად დიდი მნიშვნელობა აქვს, როგორც მეცნიერებისათვის, ისე უოველს დღიურს ცხოვრებაში: მეღვინეობისა, არეის გამოხდისა და სააქციზო საქმეებში. ამ ნაშრომის შედეგები ფართოდ გამოიყენეს ჯერ სავაზარ გარეთ და შემდეგ რუსეთშიაც.

მენდელეევის მოღვაწეობა უფრო თვალსაჩინოდ გაფართოვდა მის შემდეგ, რაც იგი ჰეტერობურგის უნივერსიტეტში ჰროფესორად ამოირჩიეს; ლექციების კითხვის გარდა, იგი იკვლევს ლაბორატორიაში სხვა და სხვა საკითხებს, ხელმძღვანელობს უწევს სტუდენტებს მუშაობაში, უოველ წლივ ბეჭდავს სამეცნიერო სტატიებს და ამავე დროს დაულადავად მუშაობს საიმპერატორო კონამურს საზოგადოებაშიაც.

1868 წლიდან 1871 წლამდე მენდელეევი სწერს თავისს შესანიშნავს „ქიმიის საფუძვლებს“. ეს თხზულება 1906 წელს მერვე გამოცემად გამოვიდა. „ქიმიის საფუძვლები“ უველს უმთავრეს ევროპიულს ენებზედ არის გადათარგმნილი, ინგლისში და შეერთებული სტატებში ამ თხზულების მესამე გამოცემა გამოვიდა. როცა ეს გაიგო მენდელეევი სთქვა: „დავრწმუნდი, რომ ინგლისისა და ამერიკის სტუდენტები ქიმიის შესწავლის დროს, ჩემის წიგნით საკებლობენ, რასაც არ მოველოდი და რაც ჩემ რუსის გულს მეტად ახარებს“.

მართლაც რუსეთის სამეცნიერო მწერლობაში მენდელეევის „ქიმიის საფუძვლების“ მსგავსი ნაშრომი მეორე არ მოიხვეება.

„ქიმიის საფუძვლები“ ბიბლიას უკვლას ქიმიკოს — ფიზიკოსთა თვის; ამ იმპერატორს აღიზარდა რაჟღერნივე ახალ თაობა ბუნების მეტეფელებისა, ექიმებისა, ტექნოლოგებისა, აკონსტრუქციებისა და სხვა.

„ქიმიის საფუძვლები“ უფრო იმითა შესანიშნავი, რომ აქ მენდელეევი პირველად გაატარა თავისი შესანიშნავი პრინციპი ქიმიური ელემენტების პერიოდული სისტემისა. კიდევაც ამ პრინციპმა შექმნა მთელი ეპოქა მსოფლიო მეცნიერებაში და სახელი გაუთქვა რუსის მეცნიერს. პერიოდული კანონის შესახებ მენდელეევი 1869 წ. — 1873 წლამდე სწერდა სხვა და სხვა სტატიებს: 1) „ელემენტების თვისებათა დამოკიდებულება მათ ატომიურ სიმძიმესთან“, 2) ატომიური სიზრქე უბრალო სხეულებისა“. 3) ბუნებრივი სისტემა ელემენტებისა და მისი გამოყენება რადიკალითა ელემენტების თვისებათა სანჯუნებლათ და სხვა. პერიოდული კანონების არსებობა შემდეგში გამოიხატება: რომ დავადაგოთ უკვლას ცნობილი ქიმიური ელემენტები მათი ნაწილების (ატომთა) სიმძიმის მიხედვით, რომლითაც ელემენტები შეერთდებიან, შევნიშნავთ, რომ განსაზღვრულ დროს განმავლობაში, ელემენტთა თვისებანი გამოვრდებიან, რაც გამოიხატება პერიოდულ არსებობის შემდეგი კანონით: „მარტოვე სხეულთა თვისება, აგრეთვე ფორმა და თვისება ელემენტთა შეერთებისა, პერიოდულად დამოკიდებულია ელემენტების ატომის სიმძიმის სიდიდესთან“.

1871 წლიდან მენდელეევი შეუდგა ახალს შრომას „ჰაერ-გვარების გაზების მოუდრეკელობისა და გაფართოების შესახებ“ ამას დაუდასტავი ქიმიკოსი ოთხს წელიწადს ანდამებს. ხოლო 1875 წელს მენდელეევი ჰბეჭდავს ახალს თხზულებას გაზების მოუდრეკელობის შესახებ. შემდეგ წელში იკვლევს და ჰბეჭდავს წერილს ჰაერის ზემო ფენების ტემპერატურის შესახებ.

1876 წელს მენდელეევი პენსილვანიაში მიემგზავრება და, მთავრობის მიერ დავალების თანახმად, ამერიკულ ნავთს იკვლევს. რამდენჯერმე ბაქოშიაც ჩამოვიდა აქაური ნავთის გამოსავლელად და შესასწავლად. მენდელეევი მოახდინა შედარებითი ანალიზები სხვა და სხვა ადგილების ნავთისა. გამოიკვლია ნახშიროვანი წყალბადები და ოან შექმნა შესანიშნავი ჰიმნოტეზა ნავთის

გახეინისა. მენდელეევის ასეთმა დაუღალავმა შრომამ, ირისმა წყობილებამა და ნაყოფის წარმოების შესახებ, რომლითაც მენდელეევი მხურვალეთ იწვევდა ყველას ეროვნული სიმდიდრის დამუშავებისაკენ, დიდი გავლენა მოახდინა და განავითარა ნაყოფის მრეწველობა ბაქოში.

ამავე დროს მენდელეევი გამოაქვეყნა კაპიტალური შრომა „წელის ხსნილების“ შესახებ. ეს შრომა მენდელეევი თავის საყვარელი დედის ხსოვნას უძღვნა. როგორც ავტორიტეტული მცოდნე გაზეთისა, ბარმეტრის ნიველიროვიისა და ჭაერის ტექნიკატურისა, მენდელეევი მოიწადინა ჭაერის ზემო ფენების გამოკვლევა და ამ მიზნით, 7 ავგ. 1887 წ. მზის დაბნელების დღეს, მარტო მარტო აფრინდა ჰაეროსტატით ქ. კლინში. იმავე წელს მენდელეევი ჭაერში მოგზაურობის შედეგი გააცნო საზოგადოებას მეტათ ცოცხლად დაწერილს სტატიაში.

1888 წელს მენდელეევი ალაგობრივ იკვლევს დონის ბასეინის ქვანახშირს. ეს გამოკვლევა მენდელეევი ასწერა თავის შესანიშნავ სტატიაში: „მსოფლიო მნიშვნელობა ქვანახშირისა საზოგადოთ და კერძოთ დონის ბასეინისა“. ამ სტატიაში მენდელეევი უთითებს საზოგადოებას რუსეთის სამხრეთის დაუშრეტელ სიმდიდრისკენ და თან უჩჩევს იმის გამოკვლევას და დამუშავებას.

1889 წელი მეტათ სასახელო იყო კერძოთ მენდელეევისათვის და საზოგადოთ რუსეთის ეროვნული სიამაყისათვის. შესამოცუ წლებიდან დაწებულ მენდელეევის სახელის სიდიადე, როგორც მეცნიერისა, თან და თან გამტკიცდა, მომეტებულად ახალი ელემენტების გაღიის (1875 წ.) სკანდიის (1879) და გერმანიის (1886 წ.) აღმოჩენით. ამ გარემოებამ უტუყარად დამტკიცა მენდელეევის ჰერიოდული კანონის სინამდვილე. დიდება მენდელეევისა დაგვირგვინდა მეოთხმოცე წლების ბოლო ხანებში. ამ დროს მენდელეევი უგვი წევრია ევროპის სამეცნიერო აკადემიებისა. ხოლო საკვირველია ის გარემოება, რომ რუსეთის სამეცნიერო აკადემიამ მენდელეევი არ მიიჩნია თავის წევრად. მენდელეევი აგრეთვე ედინბურგის უნივერსიტეტის უფლებათა საპატრო დოკტორია. დასასრულ შესანიშნავი ქიმიკოსი მიიწვიეს 1889 წელს ორი ლექციის წასაკითხავათ: ერთი დონდონის სამეცნიერო ინსტიტუტში; ხოლო მე-

ორე ფარადის სახსოვრად დიდი ბრიტანიის ქიმიურ საზოგადოებაში. ორივე ლექცია ნამდვილი სამეცნიერო ტრიუმფს შეადგენდა მეხდელექვიანთის. მას ინგლისში დიდი ზატივი სცეს. მიართვეს საგანგებო ფარადის მედალი და სახსოვრად ორივე საზოგადოებაში აღიუმინისა და ოქროსაგან გაკეთებული ძვირფასი ვაზები აჩუქეს. „მუდამ თაყვინის მცემელი ვიქნები ინგლისის მეცნიერებისა, ამბობს მენდელეევი. ამასვე უნდურძებ მომავალ თაობას. დეე, მან უფრო უკეთ შეამკოს ისეთი ჭეშმარიტების მდადალებელი რეგორიცი არიან ნიუტონი და ფარადეი“.

„მიზბაძეთ ინგლისელებს სამეცნიერო შრომის მუყაითობას და თავისუფლებასშია“. ასეთი მხურვალე მოწოდებით მენდელეევი ხშირად მიმართავდა ხოლმე ახალ გაზდობას. ახალგაზდობაც აფასებდა მენდელეევის ნიჭს და ამიტომაც ქიმიური აუდიტორია ზეტერბურგის უნივერსიტეტისა მუდამ სავსე იყო ხოლმე მსმენელებით. აქ უსმენდნენ დიდებულ ზროფესორს, რომელიც თავისს აუდიტორიას მუდამ აღფრთოვანებდა და აქეზებდა მსმენელთ სამეცნიერო შრომაში. მენდელეევის მსმენელების სიტყვიით აუდიტორია ნამეტანის აღელვებისაგან მთლად გაინახებოდა ხოლმე. რაზედაც არ უნდა ელაზარანა მენდელეევის თავის ზერიოდულ სისტემასზედ, რუსეთის აუარებელ სიმდიდრეზედ, თუ ამ სიმდიდრის დამუშავების საჭიროებაზედ, იგი ყოველთვის შეეკითხებოდა ხოლმე აუდიტორიას: „მერე ვინ უნდა შეავსოს ზერიოდული სისტემა, ვინ უნდა გამოიკვლიოს ჩვენი სიმდიდრე? და, რამოდენიმე ხნის სინუმის შემდეგ, აღელვებული თვითონვე უნახებდა, ყოველივე ეს ვინ უნდა აღმოაჩინოს და გამოიკვლიოს თუ არა თქვენი, რომელთა ხელშია არის უკეთესი მომავალი მეცნიერებისა და სამშობლოა“. უნდა გენახათ ამ დროს ზროფესორისა და მისი მსმენელების აღფრთოვანებული სახე, რომ დაგვივასებით დიადი შთაბეჭდილება მენდელეევის ლექციებისა. რადა კასაკვირვალის ამის შემდეგ, რომ მენდელეევის ლექციებს რუსეთის ყოველის კუთხიდან აწულებოდა აუარებელი ახალ-გაზდობა. ეს იყო კიდერ შესანიშნავი ხანა ზეტერბურგის უნივერსიტეტისა, ხოლო 1890 წ. რადაც ჭერ გამოურკვეველი მიზეზის გამო მენდელეევი იძულებული იყო მიეტოვებია ზეტერბურგის უნივერსიტეტი....

ამის შემდეგ მენდელიაძე სულ სხვა სფეროში იწეებს მოღვაწეობას. იგი, სამხედრო და საზღვაო მინისტრების მინდობილობით, მიემგზავრება ინგლისში და საფრანკეთში უკომლო თათვის წამლის შესასწავლად მხედრობისა და ფლოტისათვის. 1891 წ. როცა მენდელიაძე საზღვაოსნო სამინისტროს კონსულტანტად დანიშნეს, იგი ჩვეულებრივის ენერჯით მუშაობს საზღვაო სამინისტროს ტექნიკურ ლაბორატორიაში. ერთის წლის შემდეგ მენდელიაძე კიდევ მიუთითა პირველადი თათვის წამალზე, როგორც უკუღმად უფრო ხელსაყრელ საშუალებაზედ ყოველგვარი იარაღისათვის.

ამავე დროს დაუღალავი მეცნიერი რედაქტორობს ქიმიკო-ტექნიკურს და ფაბრიკა-ქარხნების განყოფილებებს ბრეჟკაუზისა და ეფრონის „ენციკლოპედირ ლექსიკონში“, სადაც ბევრი წერილია იმისაგან მოთავსებული: „გახეიანი“, „ნივთიერება“, „ატომების სიმძიმე“, „მედიცინა“, „საწვავი მასალები“ და სხვა.

1893 წ. ფინანსთა სამინისტროსთან დააარსდა „უმთავრესი ზალატა წონა ზომისა“. აი რუსეთისათვის ამ ფრიად სასარგებლო დაწესებულების გაჩეკად დანიშნეს მენდელიაძე და სიკვდილამდე განაგებდა მას.

მენდელიაძე, კარდა სპეციალურ სამეცნიერო საკითხებისა, სხვა და სხვა დროს, საზოგადოებრივ საკითხებსაც ეხებოდა. 70 წლების დასაწყისშივე იგი სწერდა გიმნაზიების გადაკეთების შესახებ. მეოთხმეტე წლებში მას აინტერესებს სამხატვრო საკითხები მენდელიაძე მშენიერი სამხატვრო კოლექტიუმი შეკრავს და 1844 წ. კიდევ ამოარჩიეს სამშენებლო სამხატვრო აკადემიის ხამდვილ წევრად

ბოლოს, სიკვდილის წინ, 70 წლის მოხუცი სწერს სახალხო კნათლების, კრუნულ მრეწველობისა, მეურნეობისა და სხვათა შესახებ. 1901 წ. მან. გამოსცა „შენიშვნები ხალხის განათლებაზედ“, ხოლო 1906 წ. „რუსეთის მესწავლის შესახებ“, ეს თხულები ერთის წლის განმავლობაში სამჯერ გამოვიდა. ამ ნაშრომში აუარებული საინტერესო საფუძვლიანად დამუშავებული სტატისტიკური ცნობებია მრეწრებთა როდენობისა, მოსახლეობისა, მაწის რაოდენობისა, სასკოლო განათლებისა და სხვათა შესახებ.

სასკოლო განათლების შესახებ შენდელეევი სწერდა: „ეს საქმე უკელაზე უფრო სასიუჟაროლო არის ჩემთვის, რადგან მთელი ჩემი სიცოცხლე გამსწავლებლობდა, მასწავლებლად ვიყავი ორს გიმნაზიაში და ორს კონსერვატორიაში, პროფესორად უნივერსიტეტში და სხვა მადლ სპეციალურ სასწავლებლებში“.

რაკი ასეთი გამოცდილება ჰქონდა შენდელეევის, ამიტომ იგი უფრო ფართოდ უყურებდა სკოლის მიზნს და საზოგადო მიმართულებას რუსული განათლებისას, „სკოლა შესანიხავი ძალაა, — ამბობდა იგი, — ეს ძალა ნათლად ჰხატავს მომავალს ხალხების და სახელმწიფოების ყოფა ცხოვრებას, რასაკვირველია, იმის და მიხედვით თუ რა პრინციპები უდევს საფუძვლად სასკოლო განათლებას — შეტადრე სმუალო სკოლასო. რუსული განათლების ძირითადი მიმართულება რეალური უნდა იყოს“. შენდელეევი, როგორც შეურიგებელი მტერი კლასიციზმისა, არკვევს შემდეგ სტატიაში, თუ როგორი სწავლა განათლება არ არის ცხოვრებისათვის გამოსადეგი: „ცხოვრებისათვის გამომუსადეგარია ისეთი სწავლა განათლება, რომელიც დამყარებულია მკვლარ ენებზედ, გრამატიკულ წესებზედ და დიალექტიკაზედ, რადგან ცხოვრება არც ერთს ამას არ თხოულობს“.

შენდელეევის სწამს მჭიდრო კავშირი რეალურ განათლებასა და მრეწველობას შორის და ამიტომ ამბობს: „ჩვენი მრეწველობა არამტუ არ შეეფერება ჩვენი ბუნებრივ სიმდიდრეს და მცხოვრებათა რაოდენობას, არამედ ვერც კი აკმაყოფილებს ხალხის უკვე განვითარებულს მოთხოვნილებას“, ამიტომ აუცილებელი საჭიროებაა ჩვენი მრეწველობა უფროს სფერაში განვითარდეს ისე, როგორც შეეფერება იმ ენობას, რომელშიაც ჩვენ ვცხოვრობთ; ხოლო ამ გაუმჯობესებისათვის საჭიროა მოვამზადოთ, რაც შეიძლება, ბევრი მეცნიერებით აღჭურვილი რეალისტები. კლასიკები მხოლოდ შემამულებად, კუზნეების მჭრელ კაპიტილისტებად და მოხელეებად გამოადგებიან“.

გიმნაზია, შენდელეევის აზრით, ექვს კლასიანი უნდა იყოს, რომ 16—17 წლის ახალგაზრდამ გაათავოს კურსიო. აქვე მოჭუავს თავისი პროგრამა. ამ პროგრამის მიხედვით ბუნების მეტეოლოგია უსათუოდ უნდა ისწავლებოდეს უკელა კლასებში: მეტი კაკეთილი-

ბი უნდა დაეთმოს კოსმოგრაფიას, გეოგრაფიას და ხატვას. ზი-
ოქით ლათინური ენის გაკვეთილები, რაც შეიძლება, უნდა შეეცინ-
დესო. საინტერესოა აგრეთვე მენდელეევის შეხედულება მასწავ-
ლებლების მომზადების შესახებაც: მასწავლებელმა თავისი საკანი
კარგად უნდა იცოდეს და უყვარდესო. ჩვენმა მასწავლებლებმა
თვითონ რომ არ იციან რა, სხვას რას ასწავლიანო. მასწავლებლე-
ბის მოსამზადებლად იგი პედაგოგიური ინსტიტუტის დაარსების
რჩევას იძლევა, რომელიც „ნამდვილი ცოდნით შეარსდებულ მას-
წავლებლებს მოგვცემსო.“ *) შემთავად აღნიშნულ თხზულებაში მენ-
დელეევი აგრეთვე ეხება მასწავლებლების მატერიალურ მხარესაც:
„მასწავლებელს 12 კვირეულ გაკვეთილში 900—1200 მ. უნდა
ქმედდეს და ყოველას სამის წლის განმავლობაში 10—20⁰/ო
უნდა ემატებოდესო.“ დიდი წინააღმდეგობა მენდელეევი ეგზამენე-
ბისა. „ეგზამენები ტყუილად უკარგავს დროს მასწავლებლებსაც
და მოწაფეებსაცო. ეგზამენების დროს საიტყვას სჭარბობს საქმეს
და მრავალ შემთხვევას აქვს ალაგი: ავადგახდომას, მორცხვობას
ენა ბოროტობას და სხვ. მასწავლებელი უნიშნოთაც უნდა იცნობ-
დეს თავის შეგირდს; ნდობა მასწავლებლებისადმი საფუძველია
სწავლა განათლებისაო“. ბოლოს გიმნაზიების მართვა-გამკეობის
შესახებ მენდელეევი იმ აზრისაა, რომ მართვა-გამკეობა და ყო-
ველნაირი სასკოლო საკითხი მასწავლებელთა საბჭოსა და ადგი-
ლობრივი საზოგადოებისაგან არჩეულ ზირთ უნდა მიენდოსო..

ასეთია მოკლეთ დ. ი. მენდელეევის მრავალ-მხრივი და
მეტად ნაყოფიერი მოღვაწეობა. იგი იყო რუსეთის საუკეთესო
შვილთაგანი, და საუკეთესო წარმომადგენელი მათთვის მიეცნიე-
რებისა.

ს. ი-ლი.

*) ეს აზრი დიდებული მეცნიერისა კიდევ ხორციელდება ეხლა.
როგორც გაზუთება გადმოგვცემენ წრეულს ენციკლისთვიდან გაიხსნება
პატერბურგში პედაგოგიური ფაკულტეტი ორ ს წლის კურსით მომავალი
მასწავლებლებისათვის.

ასტრონომია ანუ ვარსკვლავთ მრიცხველობა

კოპერნიკიდან (1473—1543) ნიუტონით (1642—1727) წ. *)

(დასასრული)

გალილეო.—გალილეის დროს ცხოვრობდა მეორე შესანიშნავი ასტრონომი იოჰან კეპლერი (1571—1630), რომელიც ითვლება პირველად ცის სწორი არხიტექტონიკის შემდგენელად. მსგავსად კოპერნიკისა ისიც უბრალო შთამომავლობის იყო: მამა მისი ვირტემბერგის ერთ პატარა დაბა ბეილში მიკიტნათ იყო. დიდი ტანჯვა-წვალების შემდეგ დაბალ სასწავლებლებში (სხვათა შორის კეპლერი სწავლობდა მაულობრონის საეკლესიო სკოლაში) კეპლერი შედის ტიუბინგენის უნივერსიტეტში, სადაც ჩინებულად ასრულებს სწავლას ჰკუა-გონებით მდიდარი ყმაწვილი ტიუბინგენის უნივერსიტეტი ცნობილი იყო მაშინ თავის ფანატიკურ შეხედულებით ყველაფრისადმი და საღვთის-მეტყველო საგნების კარგი დაყენებით.



კეპლერი

*) იხ. „განათლება“ № 2.

უნივერსიტეტში პირველ წელსვე ცნობის-მოყვარე კეპლერი გაეცნო კოპერნიკის სწავლას ქვეყნიერობის შესახებ, მათემატიკის და ასტრონომიის მასწავლებლის მესტლინის შემწეობით, რომლის ასტრონომიულ მოვლენათა ნიჭიერად ახსნამ და განმარტებამ დიდი შთაბეჭდილება და გავლენა იქონია კეპლერზე. ღვთის-მეტყველებას, რომელსაც მაშინ უმთავრეს ყურადღებას აქცევდნენ, კეპლერმა თავიდანვე გული აუგორა. „სამ წელსო, — სწერს კეპლერი, — რომელიც ღვთის-მეტყველების შესასწავლად იყო დანიშნული, არავითარი სარგებლობა არ შემიძენიაო; და ეს წლები სრულიად უელფეროდ წარმომედგინება ხოლმე მესხიერებაშიო“.

კეპლერის მოღვაწეობა სამეცნიერო ასპარეზზე იწყება მის შემდეგ, რაც იგი მასწავლებლად დანიშნეს გარცის ერთ გიმნაზიაში. აქ კეპლერმა, სხვათა შორის, შეადგინა კალენდარი, რომელშიაც ნათლად გამოიხატა ავტორის შეხედულება ვარსკვლავზე, როგორც ადამიანის ბედ-იღბლის გამგებელ ძალაზე.¹⁾ აქვე (გარცში) ჭკუა-მახვილი კეპლერი

1) აქვე უნდა შევნიშნათ, რომ ასტროლოგია, ე. ი. წინასწართქმა ადამიანის ბედ-იღბლისა ვარსკვლავთა შემწეობით იყო უუძველეს დროში. პირველ სახე მან მიიღო ქალ-ღვევლების ხელში, ხოლო შემდეგი განვითარებას მიაღწია საშუალო სლუკუნოებში. ძველთა წარმოდგენით თვითოეულ ზეციურ სხეულს-ვარსკვლავს მცვივანა (падающія), კუდიანი (комета), მოციმიციმე (мерцающія) და პლანეტას აქვს დიადი გავლენა საზოგადოდ, როგორც მთელს ბუნებაზე, ისე ადამიანზედაც. ადამიანის ბედ-იღბალი წინასწარ შეიძლება შეტყობილ იქმნას ვარსკვლავთა დალაგებით ცის სივრცეზე რომელიმე პიროვნების დაბადების დღეს (ამას ეწოდება გაროცკობა). თუ ვარსკვლავი ჩამოვარდა ვისმე ეზოში, ეს ნიშნავს, რომ იქ ვინმე მოკვდება — „ბედის ვარსკვლავი ჩამოვარდა“. კუდიანი ვარსკვლავები საზოგადო უბედურების მომასწავებელნი არიან. ხოლო რაც შეეხება დანარჩენ პლანეტა-ვარიკვლავებს — მათთაც დანათლული აქვთ თავისი ცალკე მნიშვნელობა („ბუნ. და ცხოვ“. აგრეთვე „Астр. вечера“ — „клейна“).

ძველ ადამიანთა მისწრაფება ვარსკვლავების შემწეობით გამოიცნას თავისი მომავალი ბედ-იღბალი მშენიერად დახატული აქვს ბაირონს თავის ცნობილ *ჩაილ-ჰაროლდში*“.



უკვირდება კაპერნიკის სისტემას, ეძებს მიზეზს, თუ რატომ მზეა ცენტრალური სხეული და არა დედა-მიწა, როგორც პითაგორელები ფიქრობდნენ; იკვლევს, თუ რა გზით ან რა მანძილს გადიან მზის გარშემო პლანეტები და არის რამე დამოკიდულება პლანეტთა სიდიდესა და მათი გზის მიმართულებათა შორის, და თუ არის—როგორი?—აკი იოგანმა, როგორც რეალურ ნიადაგზე განვითარებულმა ადამიანმა, კარგად იცოდა, რომ „ქეშმარიტი ცოდნა მიზეზთა ცოდნაა“ (Were scire est per causas scire — აზრი ბეკონისა).

მოკლე ხანს ერგო შეუშფოთებლივ მოღვაწეობა გარც-ში კეპლერს, რადგანაც 1598 და უფრო კი 1600 წლების ერცგერცოგ ფერდინანდის ედიქტების ძალით ლიუტერანებს (ლოთრანგებს) ან უნდა მიეღოთ კათოლიკობა, „მათი ზნე-ჩვეულება და მოძღვრება, ან და უნდა დაეტოვებიათ თავისი სამშობლო, მამულ-დედული და გადასახლებულ იყვნენ სხვაგან, წინააღმდეგ შემთხვევაში თვითოეულ ოჯახს

რომის იმპერატორებს, აგრეთვე იქაურ ცნობილ პირებსაც, თავის კარზედ ჰყავდათ ასტროლოგი. სხვათა შორის ლიუდოვიკ XI-ის ერთმა ასტროლოგმა მისი საყვარელ ქალის სიკვდილი უწინასწარმეტყველა, ნაწინასწარმეტყველვეი შემთხვევით ასრულდა. ამან დიდად გააშმაგა კაროლი და გარდასწყვიტა ასტროლოგის სიკვდილით დასჯა; წინასწარ დარტყმა მისცა კარის კაცებს აღესრულებინათ ყველაფერი, რასაც ის (მეფე) უბრძანებდა, შემდეგ კი მოიხმო ასტროლოგი და ჰკითხა: შენ მაგრე კარგად იცი სხვისი ბედ-იღბალი... ერთი მითხარ—რამდენი ხანი დაგრჩენია შენ თვითონ სიცოცხლე ამა ქვეყანაზე?!.. — „მეფეო, — მოახსენა ასტროლოგმა, — ვარსკვლავების შემწეობით შევიტყვე, რომ მე სამი დღით წინეთ მიწერია სიკვდილი თქვენი უდიდებულესობისა“. მეფე შეკრთა და ვერ გაბედა მისი დასჯა. წინააღმდეგ მან ბრძანა — ფუფუნებაში და განცხრომაში ყოლოდათ, რომ ხანგრძლივი ყოფილიყო ასტროლოგის სიცოცხლე და მასთან ერთად მეფისაც.

რაც შეეხება კეპლერს-უნდა ვთქვათ, რომ მას არ სწამდა ასტროლოგიური წინასწარმეტყველება და თუ ზოგჯერ თვითონაც წინასწარმეტყველებდა ხალხმე ვარსკვლავთა შემწეობით (მაგ. კეპლერის წინასწარმეტყველება ცნობილ მხედარს ოც-და-ათ წლის ომისას ვალენშტეინს)-ის მაშინ მხოლოდ ტრადიციას ემსახურებოდა,

ამოუღეტა მოელოდა. კვლერმა, როგორც პროტესტანტმა, დაუყოვნებლივ დატოვა გარცი, გაჰყიდა თუ რაც რამ ებადა და გაემგზავრა პრაგას, სადაც დაესახლა იქაურ ცნობილ ვარსკვლავთ-მრიცხველ ტიხო დე-ბრაგესთან. უნდა შევნიშნოთ, რომ პრაგას კვლერი გადასახლდა თვით ტიხოდებრაგეს წინადადებით.



ტიხო-დე-ბრაგე.

აი აქ პრაგაში იწყება კვლერის მრავალი სასარგებლო მეცნიერული გამოკვლევანი, თუმცა, უნდა შევნიშნოთ, აქაც ბევრი უკმაყოფილების გადატანა შეხვდა მას, მაგ., თვით ტიხოდებრაგესაგან. უკმაყოფილების მიზეზი იყო სხვა და სხვაობა მეცნიერულ რწმენაში და შეხედულებაში ტიხოდებრაგე, მაგ., უარსყოფდა კოპერნიკის სისტემის ზოგიერთ პუნქტებს და სცდლობდა რამე ნაირად მათს გაუქობებს. ტიხოს აზრით ხუთი პლანეტები მზეს გარს უვლიან, ხოლო მზე თავის თავად ამ ხუთი ამალით გარს უვლის

დედა-მიწას; დედა-მიწა კი წარმოადგენს ქეშმარიტ და უძრავ ცენტრს სამყაროსას. კეპლერი, რასაკვირველია, წინააღმდეგი იყო ამ შეხედულებისა; ის ამტკიცებდა და ადასტურებდა კოპერნიკის ქეშმარიტს აზრებს სამყაროზე. მხოლოდ უეცრივ ტიხოდებრაგეს სიკვდილმა 23 ოკტ. 1601 წ. მოულო ბოლო მათ მუდმივ აყალ-მაყალს და განხეთქილებას. ყოველ შემთხვევაში ტიხოდებრაგე ფრიალ შესანიშნავი გვაში იყო, მან დიდად განმარტა და გაამდიდრა ასტრონომიული შემეცნება პრაქტიკული გამოკვლევებით, რომელთ შემდეგ ძალზე ხელი შეუწყვეს კეპლერს მისი კანონების შედგენის დროს და ცის მნათობთა გზის შესწავლის ჟამს.

კეპლერმა მიიღო, როგორც შეუზღალავი ქეშმარიტება (აქსიომა), რომ მზე პლანეტთა შორის ცენტრალური სხეულია და თვითონ კი დაიწყო გამოკვლევა სხვა და სხვა ასტრონომიულ კითხვებისა, რომელნიც თავის თავად წარმოუდგება ხოლმე მტკიცე ნიადაგზე მკვლევარს: „რა ნაირი გზით გადიან პლანეტები თავის გზას, რა კანონი განაგებს მათს მოძრაობას და, უკანასკნელ, რა ძალა აკავშირებს პლანეტებს სამაგალითო სიმეტრიით ერთ დიად სისტემაში“. — ყველა ეს აღნიშნული კითხვები განმარტა და მდაბიოდ ახსნა კეპლერმა, რისათვის მან ქეშმარიტად დაიმსახურა სახელი „**ცის კანონმდებლისა**“. რაც შეეხება კეპლერის მრავალ წლიურ შრომას სამეცნიერო ასპარეზზე, ის შეგვიძლია დავყოთ სამ ნაწილად, რომელიც მეცნიერებაში ცნობილია „**კეპლერის სამ კანონად**“. ასე რომ ასტრონომიაში, თითქოს იურისპრუდენციაო, სხვა და სხვა კითხვების განმარტების დროს ხშირად შეგხვდებთ ამისთანა ადგილები: „კეპლერის მეორე კანონის ძალით, პირველის... შესამის“. 1)

დიდი შრომა და ენერგია გამოიჩინა კეპლერმა თავის კანონების დასადასტურებელ მოვლენების გამოკვლევის დროს. როგორც საზოგადოდ თვითვეულ გამოჩენილ კაცთა ცხოვრე-

1) „*Біогр. великихъ астрономовъ. физик., геометровъ*“ - Араго.

ბა, კეპლერის ცხოვრებაც გვიხატავს მრავალ წარმოუდგენელ დაჟინებულ შრომას და მეცადინეობას საქმის აღსრულებაში მოსაყვანად. მსგავსად ბერნარ პალისა (1510 — 1589)¹⁾, ინგლისელ ჯონ გენტერისა (1728 — 1793), ვალტერ სკოტისა (1771 — 1832), ბულვერ ლიტონისა, ლინდსეისა და სხვათა, კელერმა მრავალი ტანჯვა-წვალება, შრომა და მეცადინეობა გადიტანა თავისი მიზნის მისაღწევად. აი, მაგ., პირველი კანონის გამოსაკვლევად იოგანი მუშაობდა შეუწყვეტლივ მთელი რვა წელი; 19 სხვა და სხვა ჰიპოტეზებთა შორის მხოლოდ უკანასკნელ ჰიპოტეზამ გასჭრა, დანარჩენნი კი ცრუ და უსარგებლო შეიქმნა. აი კეპლერი იკვლევს პლანეტთა ორბიტის მიმართულებას, გამოჰყავს ჰიპოტეზა-ჰიპოტეზაზე, გულ-დასმით და ბეჯითად შრომობს და ფიქრობს მასზე თვე, ორი თვეც .. ოთხიც, ... ერთი წელიც, ... ხუთიც; აი აგერ იმედი უსრულდება, ყველაფერი რიგზე მიდის; აი კიდევ ერთი დაკვირება და კანონი მზადაა, მაგრამ ამავე დროს ასტრონომიული სხეული სულ სხვა მიმართულებას ღებულობდა. მაშინ კი იმედ-დაკარგული ასტრონომი ჯავრით გადაისროდა ერთ წლის ნაშრომს განზე და მიეცემოდა მწარე ღუმილს, რომელშიაც ვინ იცის, რამდენი სულიერი ტანჯვა-წვალება და შფოთი იმალებოდა. მოიჯერებდა თუ არა გულს კეპლერი, კვლავ ჩვეულებრივის ენერჯით ჰკიდებდა ხელს ახალ შრომას და ახალ ჰიპოტეზებს აკეთებდა. ამ რიგად თვრამეტ-ცხრამეტ მაგალითის შემდეგ გვირგვინდებოდა საქმე. რაც შეეხება კეპლერის მესამე კანონს, მასზე დიდებული ასტრონომი შრომობდა სრული „ჩვიდმეტი—წელი. ამ კანონის კეთილად დამთავრების შემდეგ აღფრთოვანებულმა კეპლერმა შესძახა: „ვერავის ძალ-უძს შემაკავოს. მე აღტაცებული ვარ საღმრთო სიხარულითო!... წიგნი უკვე დაწერილია; წაიკითხავენ მას ეხლავე თუ მომა-

1) ბერნარ პალისი წარმოგვიდგენს ერთ პირველ ხარისხოვან ტიპა გაუტებელ, ენერჯიულ ხასიათის ადამიანისას. ის ითვლება საფრანგეთში სარეწაობის ცალკე დარგის მეჭურჭლეობის მამამთავრად (იხ. „თვით-მოკმედება“ — სმაილისა, გვ. 29).

ვალში — ჩემთვის ეგ სულ ერთია. მთელი საუკუნოები შეუძლია მას მკითხველს უცადოს“.

პირველი ორი კანონი გამოიკვლია კეპლერმა 1609 წლის გასვლამდის, რომელის შესახებ დაწვრილებითი სჯაბაასი მოათავსათავისსვე გამოცემულს წიგნში: „დიდი ასტრონომია“ (Megale astronomia). უკანასკნელი მესამე კანონი კი კეპლერმა გამოაქვეყნა 1618 წელს.

რაში მდგომარეობს კეპლერის კანონების დედა-აზრი?

პირველი კანონი: „ორბიტა¹⁾ თვითოეულ პლანეტისა არის ელიპსისი, ²⁾ რომლის ერთ-ერთ ფოკუსში მოთავსებულია მზე“.

კანონი მეორე: „მზის გარშემო მოძრაობის დროს რადიუსო-ვექტორი³⁾ პლანეტისა ერთ და იმავე დროს გაივლის თანასწორ მანძილს“.

მესამე კანონი: კვადრათი პლანეტთა დროს მიმოქცევისა ისე მიეკუთვნებიან ურთიერთ შორის, როგორც კუბი მათი საშუალო მანძილისა მზიდან“⁴⁾

კეპლერის კანონებს დიადი მნიშვნელობა აქვს. პირველმა კანონმა განმარტა პლანეტთა ორბიტის ფორმა; ამის შემწეობით ახლა ასტრონომს შეეძლო ადვილად აღენიშნა ის გზა ლურჯ ცაზე, სადაც პლანეტა გაივლიდა. მეორე კანონი უჩვენებს, თუ როგორ იცვლება ცენტრთან მიმოსვლის ჟამს პლანეტთა მოძრაობის სიჩქარე: მესამე კანონი კი პლანეტებს, რომლებიც მამოფანტულია ცის უსაზღვრო სივრცეში, აერთებს ერთმანეთთა შორის სამაგალითო სიმეტრიით ერთ დიად მზის სისტემაში.

1) გზა, რომელიც უნდა გაიაროს პლანეტამ მზესთან მიმოსვლის დროს.

2) კვერცხის მაგვარი სხეული.

3) რადიუსი—ვექტორად იწოდება ხაზი, რომელიც აერთებს პლანეტას მზესთან.

4) „Квадраты времени обращения планетъ относятся, какъ кубы ихъ средихъ разстояній отъ солнца“.

გაიარა ორი საუკუნეზე მეტმა დრომ მას შემდეგ. კეპლერმა გამოაქვეყნა თავისი დიადი აღმოჩენი, მეცნიერებამ, მის შემდეგ, საშინელი სისწრაფით წარსდგა წინ ნაბიჯი მრავალი საიდუმლო სამყაროსი გამოაშკარავდა ადამიანის ინტელექტის შემწეობით... ათასი ახალი გამოკვლევანი მოხდა მეცნიერებაში უკვდავი „ცის კანონმდებლის“ შემდეგ, სულ ახალი პლანეტები და სხვა ციური სხეულებიც იქმნა კეპლერის შემდეგ აღმოჩენილი. კეპლერის კანონები კი აეროებენ, აკავშირებენ მათ სამაგალითო სისწორით და ყველა ესენი ემორჩილებიან კეპლერის კანონებს. თანამგზავრი სხეულები თავისი პლანეტით, პლანეტები მზესთან ერთად, მზეები კი თავისი სისტემით—ყველა მწყობრად და ჩუმი სიდიადით აღიდებენ ამ ფილოსოფოს-გმირის აღმოჩენას¹⁾ კეპლერს ეკუთვნის აგრეთვე ლინცას მყოფობის დროს დაწერილი, ეგრედ წოდებული „რუდოლფის ტაბულები“ (Rudolfi tablit), სადაც არის მოთავსებული პლანეტთა მოძრაობის ტაბულა. დიდ ტანჯვა-წვალებად დაუჯდა კეპლერს ამ თხზულების გამოცემა, თუმცა სტამბიდან გამოსვლის შემდეგ კი ეს მისი ნაშრომი დიდის სიხარულით მიღებულ იქმნა მაშინდელ ასტრონომ მეცნიერებისაგან. წარმოიდგინეთ, თითქმის ჩინეთის მიყრუებულ ქალაქ ხანგ-ჩეუდან შეიკვეთა ეს წიგნი იეზუიტ ტერენციმ. თუმცა „რუდოლფის ტაბულები“ ისე დააწყო კეპლერმა, რომ აღრინდელ დროშიაც სანიმუშო-სამაგალითოდ ითვლება, მაგრამ, ყოველ შემთხვევაში, აწინდელ მეცნიერების ყოველ მხრივ განვითარების დროს, ამ ნაწარმოებს აქვს ღირსეულება, როგორც დიდად შესანიშნავს ისტორიულ ნაშთს.

უკანასკნელი წლები თავისი სიცოცხლისა კეპლერმა დიდ შევიწროებაში გაატარა, რამაც დიდად დააუძლურა დიდებული გვამი და სიკვდილს მიუახლოვა. 15 ნოემბერს 1630 წელს იოვანი კეპლერი გარდაიცვალა რეგენბურგში ციებით.

¹⁾ „Небесныя свѣтила“—Митчелдъ.

საბრალო კეპლერის ოჯახობას მის შემდეგ სამეცნიეროდრო დარჩა: შვიდი კაპეიკი ფულად ფული, ერთი წამოსახპი, ორი პეანგი, 16 ცალი ეფემერიდისა¹⁾ და ერთი ცალი ხელთნაწერი ასტრონომიული რომანისა.

იმის საფლავზე შემდეგ დადგეს ძეგლი, რომელზედაც დიდ ძალი ფული დაიხარჯა. „კემმარიტი ძეგლიო—ამბობს ლიტროვი—ცეცხლის ასოებით არის მისთვინ ცაზე გამოხატულიო“. ²⁾

დიდად სამწუხაროა, რომ დიდებულ მეცნიერს შეხვდა მოღვაწეობა ამ საზოგადო არეულობის დროს, საერთო უკმაყოფილების და სიმტერე-განხეთქილების ჟამს, რომლის მსგავსი გერმანიის ისტორიის ფურცლებზე იშვიათად თუ მოიძებნება. კეპლერის სახელი ყოველ შემთხვევაში უკვდავია, რის უმთავრეს მიზეზად უნდა ჩაირიცხოს მისი მზის სისტემის სამი კანონი, რომლებიც ნათლად ჰმოწმობენ ავტორის დიდს ნიქს, ჰენიას. კეპლერმა მეცნიერებას (ასტრონომიას) შესძინა სწორედ იქდენი, რაც მის მოწინავე მეცნიერ-ასტრონომებმა; მან შექმნა მეცნიერებაში მთელი ეპოქა.

კეპლერის შემდეგ დიად შესანიშნავ პირად სამეცნიერო ასპარეზზე უნდა ჩაითვალოს ისაკი ნიუტონი (1642—1727); მისი მსგავსი იშვიათად მოიძებნება არა მარტო თუ განათლებულ ინგლისის ისტორიაში, არამედ მთელი მსოფლიო ისტორიაშიც. ტყუილი კი არ უთქვამთ ძველ ადამიანთ, რომ დრო-გამოშვებით ბუნება წარმოშობს ხოლმე იმისთანა მაღალი ნიჭით დაჯილდოებულ პირებს, რომლებიც თავისი დანიშნულებისამებრ ჰხსნიან ბუნების დიადი კანონების სალაროდან ზოგიერთ მუხლებს, რომელთა ახსნა ვერ ძალუძს ჩვეულებრივ მომაკვდავს, თუ არა იშვიათად ბუნებისაგან წარმოგზავნილ მოციქულსო, რომელსაც ბუნება, ქვეყნად წარმოშობის დროს, თითქოს ასრე ჩასძახებს: წადი, იღვაწე, იკვლიე და აუწყე მომაკვდავთ, თუ როგორ უძღურნი არიან

1) ასტრონომიული კალენდარი.

2) „Астрон. вечера“—Клейна, გვ. 54.

ისინი ბუნების შემეცნებაში და რა ადგილი უკერძაო მათ ბუნების უსაზღვრო სივრცეში; იცნან მათ შენი შემწეობით და ხანგრძლივი გამოკვლევით ბუნების დიადი მოკლენანი, რომლებიც მათთვის „*tertia incognita*“-ს შეადგენენ და ამ ნაირად შეიგნონ ცოც-ცოტად დროთა მსვლელობაში თავისი მდგომარეობა და კავშირი ბუნებასთან და გათვითცნობიერდნენ.




ისააკ ნიუტონი.

აი ამისთანა პირებთა რიცხვს ეკუთვნის ვულსტორპელი (ინგლისშია) მკვიდრი ისააკ ნიუტონი. ნიუტონი იყო არა მარტო მრავალ-მხრივი, არამედ ყოველ-მხრივ განვითარე-

ბული პირი, ის იყო არა მარტო ზეზეური ენციკლოპედისტი მეცნიერებაში, არამედ ქვეშარტი სპეციალისტი სრული მნიშვნელობით ამა სიტყვისა; ის ღიადი ასტრონომია, ღიადი ფიზიკოსია, ღიადი მათემატიკოსია.

კოპერნიკმა და კეპლერმა განმარტეს ზეციურ სხეულთა მოძრაობის ხასიათი და მათი გზების ფორმა—ერთი სიტყვით მათ განმარტეს სისრულით პლანეტთა სისტემის აგებულება. მაგრამ ეს მოვლენანი რისთვის სრულდებიან ამ რიგად და არა სხვა ნაირად, რაა მიზეზი, რომ პლანეტები გარს უვლიან მზეს და ამასთან ელიპსოიდური ორბიტით (გზით); რით აიხსნება, რომ კეპლერის კანონები ასე გასაოცარი სისწორით და სიმეტრიით შეეთანახებოდა კოსმიურ მოვლენათ. — აი კითხვები, რომლებიც ჯერ კიდევ აუხსნელი რჩებოდა. აქ იდგნენ ნამდვილ ფაქტების წინაშე, რომლის დაკანონებულ ახსნა-განმარტებას ვერ ახერხებდნენ. მოქმედება კი ამ სარბიელზე წილად ხვდა ინგლისელს ისააკ ნიუტონს, რომელმაც, მსგავსად კოპერნიკ-კეპლერისა, ორიგინალური სიმეტრიით დადასტურა მრავალი კანონები სხვა და სხვა მეცნიერებათა, უფრო კი ასტრონომიის და ფიზიკისა, რისთვისაც მას ღირსეულად უწოდებენ „ორი სამეფოს-ფიზიკის და მათემატიკის მეფეს“.

იმ ღიადი აღმონაჩენათა რიცხვში, რომლებითაც ნიუტონმა უკვდავ ჰყო თავისი სახელი, უფრო ყურადღების ღირსია კანონი „საზოგადო მიმზიდველობისა“. ამ კანონის ძალით ყოველ საგანთა შორის არსებობს მიმზიდველი ძალა; ერთს იზიდავს მეორე, მეორეს-მესამე და ასე ამ რიგად, ასე რომ არ არის არც ერთი ატომი-მოლეკული, რომელსაც რამე დამოკიდებულება არ ჰქონდეს სხვა სხეულთან ან და სხეულის შემადგენელ ატომებთან. მაგ., ქვის შემადგენელი ნაწილები (ატომები) სძალობენ ურთიერთ შორის შეერთებას მიმზიდველობის ძალით; აგრეთვე სხვა საგნების მიმართაც იჩენს ქვა (უფრო კი მასთან ახლო მდებარე-ყოფ სხეულსაგანთან) თავისი მიმზიდველობის ძალას. ხოლო რაც შეეხება საგნის სხვა და სხვა ფორმას, რომელიც მომეტებულ შემთხვევაში უცვლელი რჩება საგანში (იქნება ეს ფორმა ბუნე-



ბისაგან დამჩნეული თუ ხელოვნურად ადამიანისგან — ეს ორივე ერთია) — ეს წარმოსდგება „ჩამაკავშირებელ კანონი“-ს ძალით (сила сцепления), რომლის მიზებით ატომები სძალობენ ერთმანეთთა შორის შეერთებას, შევლესვას მტკიცედ, მაგრად, რომ ამით დაიცვან პირველ-ყოფილი სახე, ფორმა სამუდამოდ.

აი ტრადიცია როგორ გვიხატავს იმ მდგომარეობას, რომელშიაც ნიუტონმა აღმოაჩინა კანონი საზოგადო მიმზიდველობისა. ერთხელ ნიუტონი ბაღში დასეირნობდა. უცბად მის ფეხთან გაგორდა ვაშლი, რომელიც მახლობელ ხიდან ჩამოვარდა. ამ შემთხვევამ ჩააფიქრა ნიუტონი და, ხანგრძლივის მასზე ფიქრის შემდეგ, მივიდა დასკვნამდის, რომ ყოველ სხეულთა შორის არსებობს მიმზიდველობითი ძალა, რომლის გავლენით, როგორც ზევით მოვიხსენიეთ, ერთი სხეული ისწრაფვის მეორესთან შეერთებას, ერთი ატომი-მეორესთან, თუ კი წინააღმდეგი ძალა მოსპობილია.¹⁾

რა კი ნიუტონმა იპოვა პირველ ხარისხოვანი საფუძველი ბუნების მოვლენათა ასახსნელად, ახლა მან კვლავ მიჰყოხელი სხვა გამოკვლევით, ჩვეულებრივის თავგამოდებით და ენერგიით. როდესაც თვით ნიუტონს ჰკითხავდნენ ხოლმე მიზეზს, თუ როგორ აღმოაჩინა მან საზოგადო მიმზიდველობის კანონი, ის უპასუხებდა: „მასზე მუდმივი ფიქრით და დაკვირვებით“. „მე დაჟინებით და მუდმივ ვამოქმედებ თავში რამე საგანს ანუ კითხვას იმ დრომდე, — ასე აღწერს ნიუტონი თავისი მოქმედების გზას, — ვიდრე დასაბამითნი ნაპერწკალინი სწორი მსჯელობისა ამ საგანზე ნელ-ნელა გარდიკვევიან დასრულებულ და ნათელ აზრად“. „გენიოსობა — ეს წარმოუდგენელი ენერგიაა, რომელიმე საგანისკენ მიმართულია“ — ხშირად ლაპარაკობდა ხოლმე ნიუტონი. ნიუტონისათვის მოსვენება მხოლოდ იმაში მდგომარეობდა, რომ ხან ერთ

1) კლენის აზრით ეს ისტორია ვაშლზე უბრალო ლეგენდაა, მოკლებული ყოველნაირ ისტორიულ სარჩულს. ამისთანა აზრისა იყო აგრეთვე ცნობილი ასტრონომი გაუსი, რომელიც, თავისი ცხოვრებით ნიუტონს ძლიერ მოგვაგონებს.

საქმეს აკეთებდა, ხან მეორეს, ხან მესამეს და ხან მეოთხეს. ერთხელ თვითონვე უთხრა ერთ ექიმს: „მე თუ რამე სამსახური გავუწიე ხალხს ეს არის მხოლოდ გაუტყებელი შრომის და მუდმივი ფიქრის შედეგო“. 1) დიადი კითხვები, რომლებსაც მუდამ იკვლევდა ნიუტონი, ერთობ იმონებდნენ მის ყურადღებას. „ის ცხოვრობდა მიტომ,—სწერს ბიო, რომ ეაზროვნაო“. არავითარი წეს-რიგი მის კაბინეტში არ იყო, არც სახლის მორთულობა, არც ისეთი სიწმინდეც. თვითონ ნიუტონიც საანდაზოთ დაბნეულ ხასიათის ადამიანს წარმოადგენდა. ხშირად მოხდებოდა ხოლმე, რომ დილას ლოგინზე წამომჯდარი, პერანგის ამარა, ნიუტონი შუა ღღემდე დარჩებოდა ღრმა ფიქრებში გართული და თვინიერ თავის აზროვნების საგნისა სხვას არავითარს ყურადღებას არ აქცევდა. 2)

როგორც მოსალოდნელი იყო, სამაგალითო ენერგია გამოიჩინა ნიუტონმა პლანეტთა მოძრაობის მიზეზთა გამოსაკვლევად. მან სისრულით და სწორად განმარტა და დაადასტურა ამ მიზეზთა კანონები. აი პირველი კანონი:

1) იხ. „თვით-მოქმედება“—სმაილსისა, თარგ. ივ. როსტომაშვილისა, გვ. 15.

2) ერთხელ ნიუტონთან მივიდა ერთი მისი მეგობარი, დოქტორი სტიუკცი. ნიუტონი იმდროს ოთახში არ იყო; მაგიდაზე კი სადილი გაშლილი იყო. სტუმარმა ცოტა ხანს იცადა, შემდეგ ასწია სინს და, ტკბილად შეექცა წიწილის ხორცს. ამასობაში ნიუტონიც შემოდის და ჩვეულებრივი მისალმების შემდეგ, მიუჯდება მაგიდას, რომ სადილი სჭამოს; მაგრამ დაინახა თუ არა ძვლები თეფშზე მორცხვად უთხრა სტუმარს: „ახ, რა რიგ დაბნეული ვართ ჩვენ ფილოსოფოსები; მე მეგონა, რომ სადილი ჯერ არ მიჭამია“!..

ერთხელ ნიუტონმა სასაუბროდ დაამზადა კვერცხები, უნდოდა მოეხარშა. ამასთან ამოიღო საათი და დაუწყო წყალს ღუღება, რომ კვერცხები ღრუზე ჩაეგდო მღუღარეში. ერთ წუთსაც არ გაუვლია; რომ ნიუტონი ჩვეულებისამებრ მიეცა ღრმა ფიქრებს. როდესაც გამოირკვა, დაინახა, რომ კვერცხი მის ხელშია, ხოლო ძვირფასი საათი კი გახურებულ ტაფაში დნებოდა.

2) იხ. „Исторія индукт. наукъ“ — Уәвелля, т. II. стр. 206.

„უკეთუ სხეულზე, რომელიც მოძრაობაშია მოყვანილი, არ მოქმედებს არავითარი გარეშე ძალა, ის შეუჩერებელივ განაგრძობს მოძრაობას სწორი (პირდაპირი) ხაზით და მუდმივი სიჩქარით“.

ვითომდა მარტივია და უბრალო, მაგრამ არც ერთ ძველ მოაზროვნეს არ ჰქონია ამ კემპარიტების შესახებ ოდნავი წარმოდგენაც. ამ ნაირად ნიუტონმა დაამტკიცა, რომ სხეული მოძრაობს, თუ მაზე არ მოქმედობს გარეშე ძალა და ამასთან პირდაპირი ხაზით. საჭირო იყო ამასთანავე დამტკიცებია, რის გამო წარმოსდგება პლანეტთა გარშემო ტრიალი, მათი ელიპსოიდური გზა, როგორც კეპლერი ამტკიცებდა. ამის განმარტება ნიუტონმა გამოხატა თავის მეორე კანონში, რომელიც მდგომარეობს შემდეგში:

„უკეთუ მმოდრავ სხეულზე მოქმედებს რომელიმე ძალა, მაშინ ჩვეულებრივი მოძრაობა გადაიცვლება და სხეული წავა იმ მიმართულებით, რა მიმართულებითაც მოქმედებს ძალა; ამასთან მოძრაობა ხდება პროპორციონალურად ძალის სიდიდეზე“.

რალაა ეს ძალა, რომელიც სცვლის პლანეტთა გზას, პლანეტებს ჰყოფს დამოკიდებულად მზისაგან, ხოლო თანამავალ სხეულებს კი პლანეტებისაგან? რაში მდგომარეობს ამისი დედა-აზრი?

ნიუტონმა შეადარა ეს ძალა „სიმძიმეს“ (ТЯЖЕСТЬ). ვარდება თუ მწიფე ხილი ტოტიდან, ასხამს კაკისპირული წვიმა, იფრქვევა თვალებიდან ცრემლები, — ყველა ეს სიმძიმის ძალაა. ეს ძალა მიაჩქარებს ყოველ სხეულს დედა-მიწისაკენ ცენტრში. ეს ძალა ყოველგან და ყველასთან არის და მოქმედებს. მაშასადამე — ამტკიცებს ნიუტონი — ეს ძალა უსათუოდ მოქმედებს ზეციურ სხეულებზედაც, მაგ., მთვარეზე. ეს ძალა მიმზიდველობის ძალასთან ერთად მიაჩქარებს მთვარეს დედა-მიწისაკენ და ამასთან მას (მიწის) გარშემო ატრიალებს. პირველ შეხედვით ეს დასკვნა გვეჩვენება უბრალოდ, ჩვეულებრივ კანონად, მაგრამ, გარდა ნიუტონისა, მისი საზრიანი, რაციონალური დადასტურება ვერაფერ ვერ შესძლო.

„რამდენადაც მე ვიციო, — ამბობს უეველი, — არც ერთს ბუნების-მეტყველს არ ჰქონდა წარმოდგენილი, რომ მთვარის დედა-მიწის გარშემო ტრიალი წარმოსდგებოდა დედა-მიწისავე მიზეზით, მისი სიმძიმის ძალითო“.

მრავალ გამოკვლევათა შორის ნიუტონმა უფრო სისრულით, ვინემ კეპლერმა, განმარტა ფორმა პლანეტთა ორბიტისა. პირდაპირ თეორიულად, მათემატიკური ფორმულებით ახსნა და განმარტა ნიუტონმა, თუ როდის გაივლის ზეციური სხეული ელიპსისის, პარაბოლის ანუ გიპერბოლის მაგვარ გზას. უნდა შევნიშნოთ, რომ კეპლერმა აღმოაჩინა მხოლოდ კანონები, რომლის ახსნა და განმარტება ეკუთვნის ნიუტონს. ნიუტონმა გამოიანგარიშა აგრეთვე სიმძიმე, წონა ზეციურ სხეულთა; გამოიკვლია თუ რამდენ ჯერ მძიმეა მზე დედა-მიწასთან შედარებით და ამასთან გასაოცრად, ყოველ-მხრიულად განმარტა კანონი საზოგადო მიმზიდველობისა. ნიუტონმა გამოიკვლია აგრეთვე, თუ რა მანძილზე არიან ზოგი-ერთი ზეციური სხეულნი ერთმანეთს დაშორებულნი; ¹⁾ გამოიკვლია აგებულება „ნისლოვან სივრცეთა“ (ТУМАННОСТЬ) და „ორიან, სამიან ვარსკვლავთა“ (ДВОЙНЫЕ, ТРОЙНЫЕ... ЗВЬЗДЫ) ვითარება. ყველა ამ ზემოჩამოთვლილის შესახებ ნიუტონმა მსჯელობა მოათავსა თავის ძვირფას ნაშრომში: „ბუნებრივი ფილოსოფიის მათემატიკური დასაბამნი“.

ნიუტონის ღვაწლი და აღმონაჩენნი, უეველის ქეშმარიტი შენიშვნით, შეადგენენ არა მარტო ასტრონომიის გაუმჯობესობას, რამდენად სრულ გარდაქმნას, არა ეპოქას, არამედ მთელს პერიოდს. ასტრონომია მის შემდეგ ანაზღად გადვიდა ბავშვური მდგომარეობიდან, რომელშიაც ის მანამდის იმყოფებოდა, ვაჟკაცურ მოწიფულობაში“ ²⁾

უკანასკნელ უნდა შევნიშნოთ, რომ ნიუტონი დიდად გულ-შემატკივარი და მოსარჩლე იყო ღარიბთა და დავრდო-

¹⁾ მაგ., მზე დაშორებულია ჩვენი პლანეტა—დედა-მიწისაგან 140 მილიონი ვერსით. მზის სხივი ჩვენ დედა-მიწამდე მოხწევას უნდება 8¹/₂ წამი; სინათლე ერთს წუთს გარბის 288,000 ვერსტს.

²⁾ „Астрон. вечера“—Клейна, გვ. 58.

მილთა. თუ კი რამე შეეძლო, ნიუტონი მზად იყო ყველასთვის ხელი მოემართა. ამასთან ნიუტონი, უფრო კი უკანასკნელ წლებში, დიდად ღვთის მოყვარე და მოშიში გახდა.

რო ღირსეულად დავაფასოთ ნიუტონი, საჭიროა მოვიყვანოთ აქვე ზოგიერთ ცნობილ პირთა აზრიც მის შესახებ.

ერთხელ პრუსიის მეფემ ჰკითხა ლეიბნიცს—თუ რას ჰფიქრობს ის ნიუტონზე. ლეიბნიცმა უპასუხა: „რომ ავიღოთ ყველა მათემატიკოსები ქვეყნის გაჩენიდან ნიუტონამდის და მათი შრომა-ღვაწლი შევადაროთ ნიუტონის ღვაწლს, აღმოჩნდება, რომ ნიუტონმა გააკეთა ნახევარი იმისა, რაც იმათ შესძინეს კაცობრიობას და ამასთან უკეთესი ნახევარიცო“.

ლაპლასი ამტკიცებდა, რომ ნიუტონის „დასაბამნი“ დიდად მაღლა სდგას ადამიანის გონების ყველა ნაწარმოებზე.


ვოლტერმა თავისი ენტუზიაზმი შემდეგი სახით გამოხატა: „უკვდავნო არსებანო, მსახურნო ყოველად მაღლისაო, რომელნი ბრწყინავთ მისი უუქით და ჰფარავთ მისს წმ. ტახტს თავისი ფრთებით—მითხარით, არ გეხარბებათ თქვენ ნიუტონი!?“...

ხოლო ინგლისის პოეტმა პოპმა შემდეგი დასწერა იმ ოთახისა მარმარილოს ფიციარზე, სადაც დაიბადა ნიუტონი: „ბუნება და მისი კანონები სიბნელით იყო მოცული. მაშინ ღმერთმა ბრძანა: იყავნ ნიუტონიო და ყველგან მოეფინა სინათლე“.

ნიუტონი გარდაიცვალა 20 მარტს 1727 წელსა და დასაფლავებულ იქმნა ვესტმინსტერის სააბატოში (მონასტერში).

ნიუტონით თავდება მესამე ხანა ასტრონომიის განვითარებისა. ხოლო რაც შეეხება შემდეგი მეოთხე ხანას, მაშინ ასტრონომია, როგორც საზოგადოდ ყველა საბუნებისმეტყველო მეცნიერება, დიდად წინ წაეჭანა მე XVIII და XIX საუკუნოებში, ამ „ორთქლის და ელექტრონის საუკუნოებში“ ასტრონომია განვითარდა ყოველ მხრივ: შესწა-

ვლილ იქმნენ ზეციურნი სხეულნი გეოგრაფიულად, ტონოლოგრაფიულად, ფიზიკურად და უკანასკნელ ქიმიურადაც. არ დარჩენილა ამ ხანაში თითქმის არც ერთი შესანიშნავი ასტრონომიული მოვლენა, რომელიც არ ყოფილ იყოს გამოკვლეული.



ობსერვატორია.

ასტრონომიის დიდად განვითარებას მე-XVIII—XIX საუკუნოებში ხელი შეუწყო ოპტიკური იარაღების გაუმჯობესობამ, კარგი ობსერვატორიების¹⁾ აშენებამ და უკანასკნელ სპექტრალურ ანალიზის აღმოჩენამ.²⁾

¹⁾ შენობა, სადაც ხდება ასტრონომიული, მეტეოროლოგიური, მაგნიტური დაკვირვებანი (ე. ი. ვარსკვლავთ-სამრიცხველ კოშკი). შესანიშნავი ობსერვატორიები არიან ლიკის ობსერვატორია გამბლტონის მთაზე კალიფორნიაში (ჩრდ. ამერიკაში), ნიცაში. აგრეთვე ალპის მთაგრეხილზე მონბლანის წვეროკანზე, აღშენებული მოხუც ჟანსენისგან. რუსეთში შესანიშნავი ობსერვატორია პულკოვისა (Астр. вец.—Кле-йна, გვ. 119).

²⁾ სპექტრალური ანალიზით იკვლევენ ქიმიურად ზეციურ სხეულებს. უშვებენ სხივებს რომელიმე ზეციურ სხეულისა სპექტროსკოპში (ერთგვარი ასტრონომიული იარაღია). პრიზმა სპექტროსკოპისა დაჰყოს სხივებს რამდენიმე ფერად. ამ ფერის მიხედვით გამოჰყავთ თუ

ამ ხანის უფრო შესანიშნავი ვარსკვლავთ-მრიცხველები (ასტრონომები) არიან: გიუგენსი, კასინი, დოლონდი, უილიამ ჰერშელი (განოვერიდან) და მისი შვილი ჯონი, ფრაუნგოფერი, მერცი, მალერი, ბესელი, გაუსი, ენკე, სეკი, ლაპლასი, იუნგი, მედლერი, ვეინეკი, ვირხგოფი, უფრო ახლო ხანებში კი კამილი, ფლამარიონი, სიმონი ნიუკომბი, პიკერინგი, ბრედინი, კრალი (ინგლისელი) და მრავალნი სხვანი.

რა ნივთიერებისგან შესდგებიან ზეციურნი სხეულნი, სპექტრალური ანალიზი მოიგონა მეცნიერმა სეკიმ 1862 წ. და ამ ნივთად მან დაუღო საფუძველი ახალს მეცნიერებას „ასტრო-ფიზიკას“ (იხ. „Сравнительная геология“—А. Менье).

აქვე უნდა შევნიშნოთ, რომ ამ უკანასკნელ ხანებში ფრიად გააუმჯობესდა ასტრონომიული დურბინდები და მიკროსკოპები. 1897 წელს ინგლისში გრინვიჩის ვარსკვლავთ-სამრიცხველო კოშკში შეიტანეს და დადგეს ერთი უშველბეელი დურბინი, რომელიც ოცდათხუთმეტ ვერსტზე გვიანდობებს მთვარეს. ამ იარაღის შემწეობით მთვარეზე ადგილად შეგიძლიანთ შეამჩნიოთ მთები, მინდვრები, ვეებერთელა სანძრები (ვულკანები) და სხ.

ამასთანავე ვაშინგტონის მცხოვრებმა დოქტორმა ელმერგატმა მოიგონა ერთი მიკროსკოპი, რომელიც ას მილიონჯერ აღიღებს პაწაწკინტელა საგნებს. წინანდელი მიკროსკოპები ერთ მილიონჯერაც ვერ აღიღებდნენ. ეს ახალი მიკროსკოპი სულ სხვა ნაირად არის მოწყობილი. აქ ორი მიკროსკოპია ერთად შეერთებული: ერთს გამაღიღებელ შუშებში გაჰყავს სხივები და აღიღებს მხედველობის სივრცეს, მეორე მიკროსკოპი კი ამ სივრცეში დადებულ საგანს უფრო დიდ სინათლეს აყენებს და კვლავ აღიღებს. ეს მეორე მიკროსკოპი იმდენად უმეტესია მხედველობით პირველ მიკროსკოპზე, რამდენადაც ეს პირველი მიკროსკოპი კაცის თვალზე.

ამას აგრეთვე ისიც უნდა დავძინოთ, რომ დოქტორმა გატმა სეთი მიკრო-ფოთოგრაფია მოიგონა, რომელიც სამ მილიონჯერ უფრო ვაადიღებს და ისე გადაიღებს ხოლმე გადიღებული საგნის სურათს. ამან დიდად ხელი შეუწყო „რძის გზის“ (млечный путь;) იწოდება აგრეთვე „ირმის ნახტომად“—იხ. „ბუნ. და ცხ.“—ილ. ალხაზიშვილისა, გვ. 9) რიგიან შესწავლას. (იხ. „კვალი“ 1898 წ. № 16 „სამეცნიერო საუბარი“—მაზაკვალისა; იხ. აგრეთვე „ცა და დედა-მიწა“—თარგმ. დ. გვორგობიანისა).

ამით ჩვენ ვათავებთ ჩვენი „ასტრონომიის მოკლე ისტორიას“, რომლის მთავარ მიზნად გვექონდა სამშობლო ენით ისტორიული თანდათანობით დახასიათება მკითხველ სბზოგადობების წინაშე უუმთავრეს ასტრონომიულ კითხვებისა.

სამ. ცომაია.

ქ. ქ. რუსხე

(Contrat social)

დასავლეთ ევროპის ისტორიაში მე-XVIII საუკუნის მეორე ნახევარი ფრიად საინტერესო ხანა არის. სწორედ ამ დროს მიიტანა გონებამ მძლავრი იერიში ძველებურ, მამა-პაპურ ცრუ მსჯელობასა და ყალბ წარმოდგენაზე. ეს მოვლენა თვალსაჩინოა განსაკუთრებით საფრანგეთში, სადაც ეკლესიის ბატონობაა, ვინაიდან მისი კულტი და დოგმატი გამეფებულია, და სადაც მკაცრი კანონი მოქმედობს და გამტკიცებული, ყველასაგან შეწყნარებული ზნეჩვეულებაა. მიუხედავად ყველა ამისა, ფილოსოფოს-მეცნიერნი ანვითარებენ კულტსა და დოგმატებს სხვა და სხვა ქრისტიან მწვალებელთა, სხვა და სხვა ძველთა ან შორეულ ხალხებისას (ბერძენთა, რომაელთა, ეგვიპტელთა, მაჰმადიანთა და სხვათა), იკვლევენ სხვა, ახალ სახელმწიფო წეს-წყობილებას და ზნეჩვეულებას: დესპოტიზმს, უფლება-შეზღუდულ მონარქიას, რესპუბლიკას; ამასთანავე ფილოსოფოსები აღნიშნავენ, რომ ამა და ამ ქვეყანაში ეკლესია ხელქვეითია სახელმწიფოსი, აქა და აქ კი ეკლესია სრულიად დამოუკიდებელია სახელმწიფოზე, ამა და ამ ქვეყანაში არსებობს წოდებრივი (კასტიური) წეს-წყობილება, მრავალ-ცოლიანობა და სხვა.

ამ გვარად მე-XVIII საუკუნის ფილოსოფოსები ადარებენ ერთმანეთს სხვა და სხვა ქვეყნებს, ერთს საუკუნეს მეორეს, აღნიშნავენ სხვა და სხვაობას და კაცობრივ ძირითად ზნე ჩვეულებათა წინააღმდეგობას, მათს თითქმის პირ-

და-პირ ანტაგონიზმს; ამასთანავე თვითოეული ჩვეულება თავის ქვეყანაში თანაბრად გამტკიცებულია გადმოცემის ძალით და თანაბრად შეადგენენ საზოგადოებრივ უფლების კანონიერ საფუძველს. ამ დროიდან დაწყებული ყოველი ადრინდელი განცვიფრება ჰკარგავს თავის ძალას. წინანდელ წეს-წყობილებას ეკარგება ელფერი თავისი ადრინდელი მიმზიდველობისა, თავის-ღვთიური ხასიათი. ეხლა ეს მხოლოდ ადამიანის გონების ნამოქმედადია, იგი შექმნილია დროსა და ადგილის მიხედვით... სკეპტიციზმი (ე. ი. ურწმუნობა) მედგრად თავს ესხმის ცრუ რწმენა წარმოდგენებსა და ერთ-ბაშად იქურვება ქრისტიანობის წინააღმდეგ უღმობელ, მტრული იარაღით: ამ გალაშქრებას ეძლევა ხანგრძლივი და მძვინვარე ბრძოლის ხასიათი, იმიტომ რომ ქრისტიანობა, სახელმწიფო სარწმუნოებათ აღიარებული, ზღუდავს თავისუფალ აზრს, სწავას და ანადგურებს ახალ ნაწარმოებს (წიგნებს), სდევნის ადამიანს, საპყრობილეში აპატიმრებს და საზოგადოდ ყველაფერში ბუნებრივი და ოფიციალური წინააღმდეგია ახალი მიმართულებისა.

ვოლტერი, აღჭურვილი არა ერთი საბუთით, უღმობელი მტრობითა და მხნეობით, სდევნის ქრისტიანობას, მთელ მის ისტორიას თავით ბოლომდე, ბიბლიურ თქმულებიდან მოყოლებული, ვიდრე რომის პაპების ბულებამდე; როგორც ლახვრით, ვოლტერი ჰგმირავს დაცინვით ყოველივე მხარეს ქრისტიანობისას და ყოველ საეკვო ადგილებს, რომელნიც თვალ-სახვევად შეაკეთ-შეალამაზა შემდეგ ქრისტიანობამ და მით წარყვნა და შესცვალა ხასიათი პირვანდელ შენობისა.

ესეთივე ბედი განიცადა სამოქალაქო და საპოლიტიკო კანონებმა.

საფრანგეთში, სადაც ამდენი დაწესებულებაა, სადაც პრივილეგიები გაცილებით უფრო ფართოა, ვიდრე პრივილეგიანთა სამსახურის ნაყოფიერება, სადაც უფლება გადაიქცა ბოროტ-მოქმებად, — იქ ძველი შენობა საზოგადოებრივი წესწყობილებისა წარმოადგენს მეტად უშნო და უმსგავსს

არქიტექტურას. მართლაც ვერ წარმოიდგენთ, როგორ უნდა როდ არი შეფარდებული ეს შენობა საზოგადოების ახალ კლასთა მოთხოვნებთან! რა საჭიროა, მაგალითად, გაერთიანებულ და ერთგვარ სახელმწიფოში ფეოდალური ზღუდეები, რომლებიც აცალკევებენ ერთი მეორისაგან წოდებებს, კორპორაციებს და პროვინციებს? უზენაესი არქივის-კოპოსი, რომელსაც საბატონოდ ეძლეოდა ნახევარი პროვინცია, კაპიტული, ბატონი 12 ათასი ყმისა, სასახლის აბბატი (ილუმენი), რომელიც იღებს მსუქან შემოსავალს მონასტრიდან, თუმცა თავის სიცოცხლეში მას ერთხელაც არ უნახავს ეს მონასტერი, დიდებული სეფე-მოხელე, რომელსაც ეძლეოდა დიდი პენსია, მხოლოდ იმიტომ რომ სამეფო სასახლის დარბაზში ეყუდა, მოსამართლე, რომელიც ყიდულობს უფლებას სამართლის ასასრულებლად, სკოლიდან ახლად გამოჩეკილი პოლკოვნიკი, რომელიც მაშინვე შეუდგება ხოლმე თავისი სამკვიდრო რაზმის (პოლკის) ბრძანებლობას... სუყველაფერი ეს საოცარი გროვია ხორც შესხმულ უკუღმართობისა! და ამგვარ უკუღმართობას შეხვდებით მთელ ევროპაში. „ამაზე უკეთესს სხვას ვერას ვიტყვით ჩვენი განათლებული ხალხის შესახებ, რომ იმისი კანონები და ადათები აგებული არიან ნახევრად ბოროტმოქმედებაზე, ნახევრად ჯერ კიდევ ასატან ჩვეულებაზე“ ამბობს ვოლტერი.

ამავე დროს ხდება გაბატონება ახალი მეთოდებისა, ჭკუის ახალი კვლევა-ძიებისა, თვით კაცის გონების გაღმერთებისა. განმანათლებელ გონების ძალით ჰქმნიან წმინდა-დასაბამს, წმიდათა წმიდას; იარაღი ცოდნისა თვით ჰხდებამღმერთად, დიდ შემოქმედებით ძალად, საქმის გადაწყვეტ დიდებულ მსაჯულად. „მხოლოდ გონება, ღვთად მიჩნეული, აყვანილი უცოდველ მოკარნახე გულის თქმის მწვერვალზე, სხვა არა არის რა არსებითად; თუ არა ჩვენი გრძნობა“. ერთი სიტყვით, ეს არის სხვა სახით აღორძინებული რწმენა.

მე-XVIII საუკუნის, ნახევრიდან ნათლად ემჩნევა საზოგადოებას მისწრაფება რწმენისა და სარწმუნოებრივ მდგომარეობისადმი. ამ მოვლენამ მე-XVIII საუკ. თანაუსწრო ახალ

საზოგადოებრივ კლასების გამოსვლას და მათ ინტერეს მისწრაფებათა დაცვას.

საზოგადოებრივ ახალ ელემენტების მოძრაობაში, იმათ აპოლოგიაში, ჩასახულია თავისთავად ერთგვარი იდეალისტური მოწოდება. ახალ საზოგადოებრივ დაწესებულების შექმნაში, იმის ჩასახვის დროს უნებლიედ მონაწილეობს სარწმუნოებრივი მიდრეკილება და გატაცება. საზოგადოებრივ ჯგუფს და ახალ კლასს, რომელნიც ცდილობენ წელში გაიმართონ, თან მოაქვთ განსაზღვრული გემოვნება და ჩვეულებანი, აცხადებენ თავიანთ დავა-მოთხოვნას; ამგვარად შედგენილი გეგმა წარმოადგენს დაინტერესებულ მორწმუნეთათვის ახალ ხანას ზოგად კაცობრიულ განვითარებისას, ახალ გამოცხადებას, აპოკალიპსის.

მე-XVIII საუკუნეში ჯერ კიდევ არ არიან ისეთი განსაზღვრული, გაცალკევებული ჯგუფები, როგორც მე-XIX საუკუნის მუშათა კლასები ქალაქად და სოფლად. სოფლად დემოკრატია შესდგებოდა ხოლმე წვრილ მემამულეთა და გლეხთაგან, ქალაქში კი დემოკრატიის შემადგენელი იყვნენ წარმომადგენელი წვრილ ვაჭრებისა და ხელოსნობისა, წარმომადგენელი საოჯახო მრეწველობის, ხელოსნებისა და მსხვილი წარმოების მუშებისა.

ეს სხვა და სხვა შემადგენელი ნაწილები არ უნდა გვაიწყდებოდეს და ყოველთვის უნდა გვახსოვდეს, როცა ლიტერატურა მე-XVIII საუკუნისა წამოაყენებს ხოლმე ცნებას „ხალხი“. მაგრამ ექვს გარეშეა, რომ პირველი ადგილი დემოკრატიის წარმოდგენაში ეკუთვნოდა სოფლის მასსას, ვგეთივე საპატიო ადგილი ეჭირა მას მე-XVIII საუკუნის სოციალურ გეგმებსა და ოცნებებში; დემოკრატიის დამცველები პირველ რიგზე სამიწაწყალო საკითხს აყენებდნენ და ხაგლებო მეურნეობის უზრუნველყოფას დიდს ყურადღებას აქცევდნენ. ეს გარემოება განსაკუთრებულ ელფერს სდებს რევოლუციის დემოკრატიულ ქადაგებას.

უნდა გვახსოვდეს აგრეთვე ის ფაქტიც, რომ მე-XVIII საუკუნის დასაწყისში ხალხს თითქმის არა ჰყავს დამცველები,

საჯარო ვეკილები, ამ დროის განათლებულ საზოგადოებათა შორის არ მოიპოვება ხალხის მისწრაფებათა მომჭირნე კირის-უფალი. საინტერესოა გავიგოთ, სად იმალებოდა ხალხის მცველი, მისი პატრონი? ამისათვის საკმარისი იქნება, მოვიგონოთ სოფლის მღვდლის მელიეს თავ-გადასავალი, მისი ტრაგიკული ცხოვრება. მელიე 40 წლის განმავლობაში ასრულებს თავის მოვალეობას საფრანგეთის ერთ მივარდნილს კუთხეში. მელიე, მკაცრი თავის თავისა, ღარიბთათვის გულ-შემატკივარი, თავგანწირულად მოქმედობს ხალხის ინტერესების დასაცავად. ძველმა საფრანგეთმა არა ერთი ანატონი ხალხის მეგობარი მოგვცა; და თვით დიდმა რევოლუციამ წინ წამოაყენა და ქვეყანამ იხილა ნამდვილი დემოკრატი მღვდლები. მაგრამ მელიე უფრო საინტერესო პიროვნებაა. მისი ბუნება უფრო მდიდარი იყო. ერთ გარემოებას მივაქცევთ ყურადღებას. ადგილობრივ მებატონემ შეაწუხა მელიეს მრევლში მცხოვრები გლეხები. მელიემ მებატონის წინააღმდეგ დავა დაიწყო, გლეხებს გამოესარჩლა, მაგრამ სამართალი ვერპოვა. იმედ გაცრუებულმა და სასოწარკვეთილმა მოხუცმა თავი მოიკლა შიმშილით და მთელი თავის ქონება უანდერძა მრევლს. ეს მოხდა 1730 წელს, მაგრამ გამოაშკარავდა და ქვეყანამ გაიგო ოცდაათი წლის შემდეგ მელიეს სიკვდილისა, როდესაც გამოაქვეყნეს იმისი ანდერძი.

ანდერძი მოხუცი მღვდლისა თავისებური აყო. ანდერძი უშველებელი წიგნია, წიგნი სისხლის ღვრისა, გულმოდგინედ დაწერილი საკუთარის ხელით, რომ შთამომავლობას მისწვდომოდა იმისი ხმა და გვაგო წრფელი სურვილი მოხუცისა, მისი გულის ამოძახილი.

მელიე დიდ ხანსა სდუმდა და ეხლა ამოანთხია მთელი თავისი ნაღველი. მელიეს ანდერძი ხელში ჩაუვარდა ვოლტერს და სხვა ფილოსოფოსებს. მათ დაბეჭდეს ანდერძიდან ნარკვევები. იმათ ისარგებლეს მღვდლის წყევა-კრულვითა, რადგანაც მოხუცი მღვდლის ურწმუნოება და სასოწარკვეთილება ფანტიზმის საწინააღმდეგო საბუთი იყო. დანარჩენი ნაწილი მელიეს წიგნისა ვოლტერმა გამოაცხადა, როგორც

„გაქიანურებული, მოსაწყენი და ამასთანავე საზიზღარიც კი“. ეხლა უკვე ვიცით, რა გამოცდა ვოლტერმა და რა არა; ვიცით აგრეთვე რის გამო ჩავარდა მღვდელი ღრმა, სატანჯველ ურწმუნოებაში. ის განადგურებულია იმ სურათით, რომელმაც დაანახვა ბედისწერა თავისი ძვირფასი მშრომელი ხალხისა. იმ დროინდელი ქრისტიანობა, მელიეს აზრით, შეუძლებელია ნამდვილ სარწმუნოებად გახდეს, რადგანაც ქრისტიანობა მხარს უჭერს სხვა და სხვა აშკარა უსამართლო დაწესებულებას: დესპოტიურ უფლებას, კერძო საკუთრებას და უთანასწორობას.

მთელი ანდერძი მელიესი არის გესლიანი და თავგანწირული პროტესტი ქვეყნად უსამართლოებისა და ღარიბთა შევიწროების წინააღმდეგ.

გავიცნოთ მოკლეთ შინაარსი ანდერძისა. თავდაპირველად უნდა ავღნიშნოთ, რომ ანდერძი მშრომელ ხალხისადმი გულმხურვალე მოწოდებაა.

„თქვენ გაშინებენ ეშმაკების სახელით, მაგრამ იცოდეთ, ძვირფასო მეგობრებო, რომ არ არის თქვენთვის უფრო ნამდვილი და უფრო ბოროტი ეშმაკები, როგორც ის აღამიანები, რომლების შესახებ მე გელაპარაკებით. თქვენი მტერი — მდიდარი ბატონები, მდიდარი ხალხია; უფრო საშიში, უფრო მკაცრი მტერი თქვენ არა გყავთ და იმიტომ რომ მხოლოდ მდიდარი გთელავს ფეხთ ქვეშ, გაწვალებს და სასოწარკვეთილებამდის მიჰყევხარ. მის გვერდით სდგანან მუქთა ხორათა გროვა (პარაზიტები), ყველა ეგრედ წოდებული მოსამართლეები, რომლებსაც თამამად შეგვიძლია უსამართლობის წარმომადგენლები ვუწოდოთ; ამათ მოსდევნენ ბოქაულები, პროკურორები, ადვოკატები (ვექილები), გადასახადის ამკრეფები, ბერ-ხუცესნი და სხვა და სხვა“.

მელიე გულ-ნაღვლიანი იძახის: „ამ ქვეყანაზე ამ გროვასთან გვაქვს ხოლმე საქმე“ და განაგრძობს: „ტყეებში და მინდვრებში ფრინველები გალობენ და ჭიკჭიკობენო; ხალხს კი სხვა საქმე არა აქვს. გარდა იმისა, რომ მთელი თავისი ნაშრომი მისცეს მთელ მუქთა ხორა, ხალხს, რომელიც მხო-

ლოდ იმას ფიქრობს, თუ როგორ მოიკლას თავისი მხეცური სურვილი*.

პატერის აღზნებული სიტყვა, იმ ქვეყნიდან მისი მანიფესტები, ამბობს პროფესორი ვიპპერი, — მოგვაგონებს ნამდვილ რევოლუციონურ ფრაზეოლოგიას: თქვენ გეგონებათ, უსმენტ კონვენტის*) ორატორის სიტყვას, სიტყვა სიტყვა, გესმისთ ცნობილი მოწოდება მარსელიეზისა იარალისადმი. „განდევნეთ მტარვალები და მღვდლები და მათ მაგიერ აირჩიეთ კარგი და პატიოსანი მმართველები; თვით თქვენ ხელშია ხსნა; მოახერხეთ შეთანხმება! თუ მოძრაობა რიგიანად არის დაწყებული, მას წინ ვერაფერ აღუდგება... შეთანხმდით საიდუმლოთ, გაავრცელეთ კარგი წიგნები. შეინახეთ თქვენი ნაშრომ-ნაღვაწი და თქვენი შვილები ნუ შევლიან სამსახურში თქვენ მტრებთან“...

მელიეს სწამს, რომ ამ ქვეყნიერებაზე შესაძლებელია შივალწიოთ სიმართლესა და ბედნიერებას. დედა-მიწა, — მელიეს აზრით, — საკმაოდ იძლევა ყველაფერს, რაც კი ადამიანისთვის საჭიროა და ყველას დაკმაყოფილება მოსახერხებელი და შესაძლებელიცაა; საჭიროა მხოლოდ მიწა საზოგადო საკუთრებად გადაიქცეს; თვითოეული მრევლი უნდა შეადგენდეს თანასწორ ძმათა ერთ ოჯახს და მაშინ, მხოლოდ მაშინ — მელიეს შეხედულებით — ქვეყანაზე დამყარდება ოქროს საუკუნე, ე. ი. საყოველთაო ბედნიერება.

რაც სოფლის მღვდელს მე-XVIII საუკუნის დასაწყისში გულში ჰქონდა ჩამარხული და შეეძლო მხოლოდ სიკვდილის წინ დაეწერა, ის მე-XVIII საუკუნის მეორე ნახევრიდან გადმოსკდა და ხმა გაუვარდა მწერლობაში, თეატრში, სალონებში, ქალაქების ნესტიან ბინებში და გლეხების ქოხებში. დიადი პრინციპები დიდი რევოლუციისა — ძმობა, ერთობა

*) ნაციონალური კონვენტი — კრებაა, 1792 წ. მოწვეული იმ საკითხის გადასაწყვეტად, თუ რა ფორმა მმართველობისა უნდა ყოფილიყო საფრანგეთში მას აქეთ, რაც „სამშობლო საშიშს მღვდმარებაში მყოფად“ იყო გამოცხადებული და შეჩერებულ იყო მოქმედება აღმასრულებელ უფლებათა...

და თანასწორობა — საზოგადო ლოზუნგებად გადაიქცნენ... ამ გრძნობათა ტიპიური მატარებელი რუსსოა.

II

რუსსო მე-XVIII საუკუნის მეორე ნახევრის ცენტრალური ფიგურაა. მან დიდი გავლენა იქონია თანამედროეებზე და შემდეგ შთამომავლობაზე; სტყველა მოღვაწეები რევოლუციისა რუსსოს ზედგავლენის ქვეშ იყვნენ და მიწი სულდგმულობდნენ. გულვნიბიერი კილო იმის სიტყვისა, მისი სულისკვეთება, რომელიც იმორჩილებდა მკითხველს, მოხერხება, რომლითაც იგი ინდივიდუალურ და სოციალურ ცხოვრების დაავადებულ მხარეებს ეხებოდა, მისი დემოკრატიზმი საზოგადოებაში, სადაც პლებიური (სამდაბიო) ცემენტები უკვე თვალსაჩინო როლს ასრულებდა — აი რამ შეამკო დიდების გვირგვინით რუსსოს სახელი და მიუსაჯა მას საპატიო ადგილი მეXVIII საუკუნის მწვერალთა შორის.

რუსსო თავდაპირველად ზნეობის მოძღვარია (მორალისტი). მისი სიდიადე განისაზღვრება მისივე მორალურ და სოციალურ იდეალიზმით, რასაც გავლენა ჰქონდა ხალხზე, რომელიც ეძებს პასუხს არა განყენებულ ცოდნის კითხვისას, არა უმაღლეს პოლიტიკურ საკითხისას, არამედ იმისას თურით გამოიხატება ადამიანის დანიშნულება, როგორ უნდა სცხოვრობდნენ ურთი ერთს შორის ადამიანები და რა განწყობილება უნდა ჰქონდეთ.

რუსსო ხალხის თვალში აყო მეგობარი სიმართლისა, დამცველი ჩაგრულთა და ტანჯულთა. როგორის სინაზით და სიყვარულით დაუთვალთვლებიათ გრავიურა (ნატიფი) ქვევერდოსი, საცა რუსსოა დახატული ახალგაზნდებით და ძუძუმწოვარ ბავშვებით გარს შემოხვეული! რამდენჯერ უმღერიათ ჰიმნი 20 ვანდემიერის, რომელიც რუსსოს აღიარებდა როგორც ბრძენთა მაგალითს და კაცობრიობის კეთილის მყოფელს! რუსსოს უყურებდნენ, როგორც მტარვალების მსხვერპლს...

ამგვარივე გრძობით იყვნენ აღვსილნი რესპუბლიკის ჯარის კაცები რუსსოსადმი. „ოხ, ჟან-ჟაკ“, — სთქვა ერთმა ვოლონტერმა, — რისთვის არა ხარ მოწმე რევოლუციისა; შენ ყყავი მისი წინამორბედი; შენმა ნაწერებმა ჩვენ გაგვანათლეს!“

როგორც მქადაგებელი ახალ სპოლიტიკურ და საზოგადოებრივ იდეებისა, რუსსო იყო თეორეტიული წინამორბედი საფრანგეთის დიდ რევოლუციისა, როგორც ყველა გამოჩენილი მწერლები მე-XVIII საუკუნისა; თავისუფლების და თანასწორობის იდეები, რომლების მქადაგებელი რუსსო იყო, თანაგრძობით მისაღები უნდა ყოფილიყო. ამ ნიადაგზედაც აღმოცენდა დიდი რევოლუცია. მაგრამ მეორეს მხრით რუსსო წინამორბედია რეაქციისა, რომელიც დადგა დასავლეთ ევროპაში რევოლუციის შემდეგ და მთელ მე-XVIII საუკუნეს აემხედრა. როგორც სამართლიანად ამბობს მორლენი, რუსსომ მისცა მიმართალება რევოლუციის პირველ ეპიზოდებს და მისცა აგრეთვე ძალა პირველ ეპიზოდს რესტავრაციისას“.

რუსსოს პირველი ადგილი ეჭირა მე-XVIII საუკუნის მწერალთა შორის თავის ძლიერებისა და მრავალ მხროვანის გავლენით ლიტერატურაზედაც. რევოლუციის დროს რუსსომ შეჰქმნა მჭერ-მეტყველთა ორი სკოლა: ერთი მათგანი სცილობდა მიედწია სურათოვან და ფერადოვან მჭერმეტყველებამდე, მეორე კი ცივ, გამსჭვალავ და ბასრ მჭერმეტყველებამდე; პირველის წარმომადგენელია რობესპიერი მეორესი სენტ-ჟუსტი. რობესპიერი დიდის შრომით ჰქმნის მჭერმეტყველობის კვალუც და ჰრელ პერიოდებს. სენტ-ჟუსტი სიტყვა მოკლეა, მძლავრია, გრძობიერია და ეპიგრამატიული. რობესპიერი წარმოადგენს მაგალითს ელოიზისას, რომელიც მას ყოველთვის სტოლზე ჰქონდა; ხოლო სენტ-ჟუსტი დიალექტიკას საზოგადოებრივ ხელშეკრულობისას.

რუსსოს მოწაფეებად უნდა ჩაითვალებინ ბერნარდენი დესენტ-პიერი, შატობრიანი, ჟორჟ ზანდი და სხვა დიდი მწერლები საფრანგეთისა, თუმცა მათ მასწავლებელს გაუსწრეს.

რუსსო იყო ლირიკი და მასთან საუკეთესო ლირიკი მე-XVIII საუკუნეში. მან გადასცა თავისი მემკვიდრეებს ნიჭი პირადი აღმაფრენისა. მისი მიხედვით შატობრიანი, in-me დესტალი, ლამარტონი, დევინი, ჰიუგო, მიუსსე, მისებრ აღიარებენ და თავიანთ გულის ნადებში ეძებდნენ ამადლევებელ ეფექტებს. რუსსოა მამა რომანტიზმისა...

გავლენა რუსსოსი არ განისაზღვრება საფრანგეთის ტერიტორიით. დიდი მნიშვნელობა აქვს რუსსოს გერმანიის ისტორიაშიაც. გიოტე, კლინგერი, ლენცი, მიულლერი ჰეინცი რუსსოსტები არიან. რა იქნებოდა გიოტეს ვერტერი რუსსოს უელოიზოთ. შეეძლო თუ არა შილლერს დაეწერა თავისი პირველი დრამები, რომ არ ყოფილიყო „ახალ სოკრატის“ ნაწარმოების ზედ გავლენის ქვეშ, როგორც უმრავლესობა მისი თანამედროვენი? დიდი გავლენა ჰქონდა რუსსოს აგრეთვე გერმანელ ფილოსოფოსებზე. მართალია, რუსსოს არ შთაუგონებია გერმანელ ფილოსოფოსებისათვის თავისი აზრი ისტორიისა და კაცობრიობის შესახებ, მაგრამ რუსსომ ისინი გახადა რევოლიუციონერებად და დემოკრატებად; ჰეგელმა და შელინგმა 1789 წელს სთქვეს: „სიცოცხლე ჟან-ჟაკს“, და ფიხტე ბოლომდის დარჩა რუსსოს მიმდევარი, როგორც კანტისა.

არა ნაკლები იყო გავლენა რუსსოსი ინგლისშიაც, სადაც არა ერთი გამოჩენილი მწერალი რუსსოს მიმდევარი გახდა. ერთმა მათგანმა სთქვა—„რუსსომ გააცოცხლა ჩემი სული და აამუშავა ჩემში ახალი ძალებიო“.

III

კარგი იქნება აქ მოკლეთ რუსსოს ბიოგრაფია გავითვალისწინოთ. დაიბადა რუსსო 1712 წ. მამა მისი უბრალო ფენეველი მესაათე იყო. რუსსოს მამას რომანების კითხვა უყვარდა და ეს სიყვარული მამამ შვილს გადასცა. მამა და შვილი გატაცებით კითხულობდნენ აგრეთვე პლუტარხის თხზულებას, მამა უხსნიდა შვილს წაკითხულს, პატეტიურ სიტყვებს ელაპარაკებოდა და მით უნერგავდა სამშობლოს სი-

ყვარულს და უფიქრობდა მოქალაქობრივ სიმამაცეს წლის იქნებოდა ჟან-ჟაკი, როცა მამამ მიატოვა და ბედის ამარა დასტოვა. დედა რუსსოს ადრე მოუყვდა. ბევრი უსამართლოება გადიტანა ახალგაზდა რუსსომ და ეს იყო ერთის მხრით მიზეზი იმისა, რომ რუსსო ყოველთვის, ყოველგვარ უსამართლობის გამო, პროტესტს აცხადებდა. მამისაგან დატრეფებულმა დაიწყო ხეტიალი, ერთი საქმიდამ მეორეზე გადასვლა. კარგა ხანს იყო შეგირდად მექანდაკესთან; ცუდად მოპყრობამ აიძულა თავი მიენებებია ქანდაკობისათვის და ხელი მოეკიდა სხვა საქმისათვის. რუსსო ამბობს, რომ პატრონების უსინდისოთ მოპყრობამ, გააფუჭეს ღვი, ცრუპენტელად გახადეს, მასთან ერთად ქურდი და საკმაო მშობარა შეიქმნა.

რუსსო თექვსმეტის წლის იქნებოდა, როცა იძულებული გახდა პატრონისაგან კიდევ გაქცეულიყო და მას აქეთ ნამდვილი მაწანწალა გახდა. ამ დროსვე რუსსოს კათოლიციზმი შიალეებიეს, მაგრამ არავითარი საქმე არ მოუწახეს; მხოლოდ მოსამსახურის ადგილს ჰპოულობდა, მაგრამ ადგილზე ვერ ძლებდა. ყველაფერზე უფრო ამ ასაკში რუსსოს იზიდავდა უსაქმობა ბუნების წიაღში; ძლიერ უყვარდა მარტივი ცხოვრება და დიდი გავლენაც ჰქონდა მასზე იმ კეთილ დამოკიდულებას, რასაც გლეხები იჩენდნენ რუსსოსთან, როცა იგი სოფლებში მუდმივ დახეტიალობდა. მე-XVIII საუკუნის მეოცდაათე წლებში—რუსსომ სამი წელი დაჰყო ქალბატონ ვარენსთან, რომელმაც გამოჩინილ ფილოსოფოსს თავშესაფარი მისცა. ქალბატონ ვარენსთან ყოფნის დროს რუსსომ ლათინურ ენის და ფილოსოფიის სწავლა დაიწყო. სწორედ ამ დროს ვოლტერმა გამოსცა თავისი თხუზულება „Lettres sur les Anglais“. ვოლტერის თხუზულებამ დიდი შთაბეჭდილება მოახდინა ახალგაზდა რუსსოზე. ქნ ვარენს რომ მოშორდა, რუსსომ არა ერთხელ გამოიცვალა პროფესია; იყო მასწავლებლად, მუზიკის სწავლასაც შეუდგა, ვენეციაშიც თავი ამოჰყო, შემდეგ იქავე საფრანგეთის ელჩის მდივნადაც იყო. მაგრამ დიდხანს არ ყოფილა ელჩად, დაბრუნდა პარიზში,

სადაც კარგა ხანს დაჰყო. აქ რუსსო გაეცნო ლიტერატურულ წრეებს, მაგრამ ამ წრეებმა მისი იმედი არ გაამართლეს. ამავე დროს რუსსო ტერეზა ლევასსერს დაუახლოვდა; ტერეზა ლევასსერი უბრალო მოსამსახურე ქალი იყო იმ სასტუმროში, სადა რუსსო ჩვეულებრივ სადილობდა. ცხოვრების მეგობრად ამორჩევა გაუფითარებელ ქალისა, რომელთანაც მთელი თავისი დღენი სცხოვრობდა, როგორც ზოგი ბიოგრაფები განმარტავენ, აიხსნება რუსსოს ზიზლით მეცნიერულ განათლებისადმი. აქვე უნდა შევნიშნოთ, რომ ტერეზასთან ურთიერთობაში რუსსოს არ შეუტანია ის გუმანი და სიანჩხლე, რომლებიც, საზოგადოთ, სხვა ადამიანთან რუსსოს დამოკიდულებას აფუჭებდნენ.

ამგვარი იყო ცხოვრება რუსსოსი, როცა მან დასწერა პირველი თავისი დისერტაცია შემდეგ თემაზე: „ხელს უწყობს თუ არა მეცნიერების და ხელოვნების აღდგენა ზნეობის დახვეწას?“ რამდენიმე წლის შემდეგ რუსსომ დასწერა თხზულება, საკონკურსო თემა: თუ რამ წარმოშვა უთანასწორობა. ამ ორი თხზულების გამოქვეყნებიდან იწყება ლიტერატურული მოღვაწეობა რუსსოსი. პირველი დისერტაცია გამოვიდა 1750 წ., მეორე 1754 წ.; „ახალი ელოიზა“ დაისტამბა 1761 წ. და 1762 წ.— „ემილი“ და „საზოგადოებრივი ხელშეკრულობა“.

ამ წლებში რუსსო იყო ერთი წარჩინებულთაგანი და კარგი ადგილიც ეჭირა, ასე რომ მატერიალურად უზრუნველ ყოფილი იყო; მაგრამ საერო საზოგადოებას მაინც ვერ შეუღრიგდა. ამას არც ცდილობდა რუსსო; პირიქით ბაიყუშობას და ცინიკობას ეწეოდა, რომ რამე ფერად ეწყენინებინა საზოგადოებისათვის. რასაკვირველია ამგვარი ცხოვრება არ იყო მისთვის ადვილი ასატანი და იმას ფიქრობდა, რომ რამე ფერად ჟენევაში გადასახლებულიყო და ამისათვის ცდილობდა დაებრუნებინა უფლებები ჟენევის რესპუბლიკის მოქალაქისა კათოლიკე სარწმუნოების უარყოფით და პროტესტანტიზმის მიღებით. რუსსო პარიზიდან გავიდა, მაგრამ ჟენევაში კი არ დასახლდა, არამედ მონმორსის ახლო, სოფლად,

ერმიტაჟში, რომელიც მოუწყო ერთმა პატივცემულმა ქალმა. აქ ჰპოვა მარტოობა და ბუნება, რომელიც ძრეულ უყვარდა. მაგრამ რუსსო მალე წაეკიდა ერმიტაჟის პატრონს და იქვე მონმორანსში იქირავა ბინა. როცა „ემილი“ გამოსცა, პარიზის პარლამენტმა ბრძანება გასცა თხზულება დაეწვათ და თვით ავტორი დაეკირათ. რუსსო იძულებული იყო შვეიცარიაში გაქცეულიყო, მაგრამ ვერც შვეიცარიაში ჰპოვა მშვიდობიანობა.

ენევის ქალაქის საბჭომაც გამოსცა ბრძანება „ემილის“ დაწვის შესახებ; გარდა ამისა „საზოგადოებრივი ხელშეკრულება“ მიუმატა „ემილს“ და სასტიკი ბრძანება გასცეს პირველ გამოჩენისთანავე რესპუბლიკის ტერიტორიაზე ავტორი დაეკირათ. ბერნის სენატმაც გამოაძევა რუსსო კანტონიდან და ბოლოს მან თავი შეაფარა ნევშატელის სათავადოში, რომელიც ფრიდრიხ მეორეს ეკუთვნოდა; რუსსო სოფლად დაბინავდა, მაგრამ მალე იძულებული შეიქმნა აქედამაც გასულიყო. მეტი გზა არ იყო, უნდა ინგლისში გამგზავრებულიყო; ინგლისელი გამოჩენილი ფილოსოფოსი დავით იუმი რუსსოს წინადადეგ ეპატიებოდა. 1766 წ. რუსსო უკვე ინგლისშია იუმითან. მალე რუსსო იუმსაც წაეკიდა. ეგონა, ინგლისში მიიტყუეს იგი დასალუპავად; ამის გამო რუსსო ინგლისიდან საფრანგეთში დაბრუნდა. აქ, ბევრი წვალების და ხეტიალის შემდეგ, ნება მიიღო პარიზში ცხოვრებისა. რვა წელიწადი იცხოვრა რუსსომ პარიზში; დიდს გაჭირებაში იყო უკანასკნელ წლებში, არა გააჩნდა რა და ლიტერატურასაც სრულიად ჩამოშორდა; გადაიცვალა უეცრად 1778 წ. უკანასკნელი მისი თხზულება იყო „აღსარება“, რომლის წერაც ინგლისში დაიწყო და სიკვდილის წინ გამოსცა.

აი მოკლე ბიოგრაფია რუსსოსი, ამას ისიც უნდა დავუმატოთ, რომ რუსსო დიდი ეგოისტი იყო; ზედმეტად უყვარდა თავისი პიროვნება; რუსსოს ერთი საუკეთესო ბიოგრაფი სახელდობრ შიუკე ასე ახასიათებს მას: მხდალი და გულჩვილი, თავხედი და ლიზტი, ზოზინა და თანვე თავ-აღებულები, საზოგადოების საბრძოლველად გამომწვევი, მისივე გამკიცხავი, თავისივე ლიტ-

რატურული მოღვაწეობის სახელის და დიდების შემაჩვენებელი, ხოლო მასთანვე მოსურნე გადიდების სახელის შენარჩუნებისა, მარტოობის მაძიებელი, მწყურვალი მსოფლიო სახელის მოხვეჭისა, ყურადღების უარყოფელი და უიმისობით შეწუხებული, განმკიცხველი დიდკაცობისა და მუდმივ მათში მყოფი, მადიდებელი თავისუფალი არსებობისა და ყოველთვის სტუმრად მოსიარულე, ქოხის მონატრე, ციხე დარბაზის მცხოვრები, მოახლე ქალთან შეუღლებელი, „უშაღლესი“ წრის ქალთან მიჯნური, მქადაგებელი ჯალაბ—ოჯახის ბედნიერებისა და მასთან უარ-ყოფელი მამობრივი ვალის ასრულებისა; სხვისი შევილების დამყავებელი, თავის შვილთა კი აღმზრდელ სახლებში გამსტუმრებელი, ციური გრძნობის — მეგობრობისა მუდმივი მოსურნე, თვით ყოველთვის უმეგობრო, ადვილად ამყოლი და იმავე წუთში უკუქცეული, თავდაპირველად ბუნება ზიარი და ერთგული, მერმე ექვიანი და ფიცხი — აი როგორია რუსსო.“ და ამგვარი ადამიანი შეიქმნა მჭვერმეტყველ მქადაგებლად კაცობრიობის სიყვარულისა!

IV

რაციონალიზმის ე. ი. ადამიანის გონების ბატონობის საუკუნეს დასაწყისად ჰქონდა ფორმულა გამოჩენილი ფილოსოფოსის დეკარტისა: *cogito, ergo sum* (ვფიქრობ, მაშასადამე ვარსებობ); აზროვნებაში, ანუ უკეთ რომ ვსთქვათ, თავის თავის შეგნებაში, ფიქრის საშუალებით, დეკარტმა აღმოაჩინა საფუძველი სიცოცხლისა, საბუთი მისი სინამდვილისა, მისი დედა-აზრი. რუსსო უარჰყოფს რაციონალიზმს; იგია — ადამიანი სულიერ ემოციებისა; ამისათვის პირველადგილზე რუსსო გრძნობას აყენებს. ამიტომაც ამბობენ, რომ რუსსოდან იწყება გრძნობის საუკუნე. *Exister pour nous — c'est sentir* (არსებობა ჩვენთვის გრძნობა) — იძახის ხმა მალღა რუსსო.

სიცოცხლის არსება და მისი დედა აზრი გრძნობა, რუს-
 სოს შეხედულებით. „უფრო ადრე ვგრძნობთ, ვიდრე ვიაზრებთ.
 ასეთია საერთო ხვედრი კაცობრიობისა. ეს სხვებზე უფრო
 ძლიერ მე გამომიცდია“. გრძნობა, რუსსოს აზრით, არათუ
 წინაუძღვის გონებას, არამედ კიდევ მძლავრობს მას: „თუ
 გონება ადამიანის ძირითად თვისებას შეადგენს, სამაგიეროდ
 გრძნობა მისი ხელმძღვანელია... თუ პირველი ნაპერწკალი
 ქკუისა თვალთ ვეიბნელებს და ჩვენი თვალის ჩინს საგნებს უმა-
 ხინჯებს, შემდეგ კი გონების შუქი იმ საგნებს გვანახვებს ისე,
 როგორც თავიდანვე ჩვენთვის ბუნებას უჩვენებია. ამიტომ
 დავჯერდეთ პირველ გრძნობას“. — „სიცოცხლის აზრის
 შეცვლის თანავე ამბობს გერიე, წუთი სოფლისა და ადა-
 მიანის დაფასება იცვლება. „რაციონალისტი ქვეყანასა და
 ბუნებაში ჰპოებს მხოლოდ გონივრულ კანონთა მოქმედებას,
 შესწავლის და შეგნების ღირს დიდ მექანიზმსა. გრძნობა კი
 ეჩვევა ბუნების ტრფობას, მის შეტკობას, მის თაყვანის ცე-
 მას. რაციონალიზმი ადამიანში ყველაფერზე უფრო მალლა
 აყენებს გონების ძალასა და უპირატესობას აძლევს მას,
 ვინც ჰპატრონობს ამ ძალასა; რუსსო აღიარებს, „უკეთესი
 ადამიანი იგია, ვინც სხვაზე უკეთ და უფრო ძლიერ გრძნო-
 ბსო“. რაციონალისტი სიქველის წყაროდ გონებას სახავს. რუს-
 სო ამბობს, იგი მიაწვეს ზნეობრივ სრულ ყოფას, ვისაც დაიმორ-
 ჩილებს აღტაცებით განცვიფრება სიქველის წინაშეო. რაცი-
 ონალიზმი ჰხედავს საზოგადოების უმთ-ვრესს მიზანს გონების
 განვითარებაში, მის განათლებაში; გრძნობა ეძებს ბედნი-
 ერებას, მაგრამ გულს მალე დააჯერებს, რომ ბედნიერება ნა-
 კლებადაა და რომ მისი პოვნა ძნელია ამ ქვეყანაში. რაციო-
 ნალისტს, რომელიც მოწინებით შეჰყურებს მის აღმოჩენილ
 გონივრულ კანონებსა, ეს ქვეყანა ჰგონია ქვეყნებს შორის
 საუკეთესო. რუსსო ჰპოულობს ქვეყანაში ტანჯვასა. ტანჯვა
 ძირითად ნოტად გადაქცევიდა ადამიანის სიცოცხლესა; ტანჯვა
 — პირველი გაკვეთილია სიცოცხლისა, რომელიც ქკუას ას-
 წალის ყმაწვილსა; ტანჯვა შინაარსია კაცობრიობის ისტო-
 რიისა. ასეთ ტანჯვის აღლოს, ასეთ დაავადებულ ხმის ყოფას

მისადმი ეწოდება გულ შემატკივრობა. ამ სიტყვებშია გამოტანილი რუსისო და მისი საისტორიო მნიშვნელობისა. როგორც ახალ მოვლენილმა ბუდდამ, მან გადააქცია ტანჯვა და გულ შემატკივრობა მსოფლიო საკითხად და კულტურის მოძრაობას სულ სხვა მიმართულება მისცა. „გულშემატკივრობა — ამბობს რუსსო — არა თუ წინ უძღვის გონებასა და ყოველ აზროვნებას, არამედ გონების განვითარება ასუსტებს გულშემატკივრობას და კიდევ შეუძლია მისი მოსპობა“. „გულშემატკივრობას საფუძველად აქვს ერთნაირი ნიჭი, რომელიც ადამიანს მიაჩნევენებს სხვის ტანჯვას თავის საკუთარ ტანჯვად, მაგრამ ეს ნიჭი, ბუნებრივ მდგომარეობაში ძლიერი, თანდათან ვიწროვდება, რამდენიც ადამიანს გონება ეხსნება, იმდენად აზროვნების ნიჭი უვითარდება... გონება ჰბადებს თავისი თავის სიყვარულს და ამ სიყვარულს აზროვნება ამტკიცებს, ადამიანს გონება აშორებს ყველაფერს, რაც მას აწუხებს და ანაღვლიანებს; ფილოსოფია განამარტოებს ადამიანსა; ფილოსოფიის ზედ გავლენით ადამიანი ჩურჩულით ამბობს, როცა უყურებს ტანჯულსა: „დაილუპე, როგორც გერჩიოს, მე კი არა მიშავს რაო“. — გრძნობა რუსსომ სიცოცხლის უმაღლეს წესად აღიარა და ამგვარი გრძნობა რუსსოსთვის თაყვანსაცემია და დასაწყისია გრძნობიერებისა — სენტემენტალობისა. —

არ შეგვიძლია აქ არ მიუთითოთ ერთ საინტერესო და საგულისხმო მოვლენას. მე-XVIII საუკუნის ფილოსოფიის ერთი დამახასიათებელი თვისებათაგანია კულტურული ოპტიმიზმი, რომლის ნიადაგზე აღმოცენდა იდეა პროგრესისა: ოქროს საუკუნე მომავალშია და კაცობრიობა, რომელსაც ხელმძღვანელობს განათლება, ეწაფება ამ ოქროს საუკუნეს. რუსსო კი ქადაგებდა: ოქროს საუკუნე წარსულშია, პირველ-ყოფილ ბუნებრივ მდგომარეობაში. ძირითადი აზრი მთელი მისი ფილოსოფიისა იყო დაბრუნება ბუნებრივის მდგომარეობისადმი, როცა ადამიანი ყოფილა გულუბრყვილო და უმანკო. ამ დაბრუნების სახელით რუსსომ გამოუცხადა ომი გონებას და ჰეს მაგიერ გრძნობა დაამყარა, რუსსომ

დადებით ფილოსოფიურ აზროვნებას, რომლის წარმომადგენლები იყვნენ უმეტესობა მე-XVIII საუკუნის მწერლებისა, გრძნობიერება ანაცვალა.

ამ გარემოებით აიხსნება, რომ რუსხო პოლიტიკური რევოლუციენერი იყო და იმ დროსვე კულტურული რეაქციონერი. ამ მოკლე სტატიაში შეუძლებელია, რასაკვირველია, რუსხოს ფილოსოფიის და მოძღვრების დახასიათება. აქ მხოლოდ მოკლედ და ნათლად, რამდენადაც ეს შესაძლებელი იქნება ჩვენთვის, გავარკვევთ რუსხოს პოლიტიკურ იდეალს. და თუ გაკვირთ მის ფილოსოფიას შევხვებით, ეს მხოლოდ მისთვის, რომ ჩვენი საგანი უფრო გასაგები ყოფილიყო.

V

რუსხომ არა ერთი პოლიტიკური თხზულება დასწერა; მათ შორის უმთავრესი და უფრო შესანიშნავი ადგილი „საზოგადოებრივ ხელშეკრულებას“ უკავია. საზოგადოებრივი ხელშეკრულება — Contrat social — მომავალი დემოკრატიის კოდექსია, ანუ კანონ-დება. ეს პოლიტიკური ტრაქტატი ზედმეტად საჭიროა მე-XVIII საუკუნის ფილოსოფიის დამახასიათებელ თვისებათა გასაგებად, ვინაიდან იგი ნათლად, გამომხატველია რაციონალურ და აბსტრაქტიულ დამოკიდულებისა საზოგადოებისადმი; მეორეს მხრით საზოგადოებრივ ხელშეკრულებამ დიდი გავლენა მოახდინა საფრანგეთის საზოგადოების აღზრდაზე: იდეები, რომელიც გატარებულია რუსხოს თხზულებაში, საფრანგეთის დიდი რევოლუციის პრინციპებად გადაიქცნენ.

საზოგადოებრივი ხელშეკრულება რუსხოსი იწყება შემდეგი სიტყვებით: „ადამიანი თავისუფალი იბადება და ყველგან კი შებორკილია“. ექვს გარეშეა იბადება საკითხი: როგორ მოხდა ეს? როგორ უნდა აიხსნას ეს წინააღმდეგობა? როგორ წარმოიშვა თანამედროვე ადამიანის დამმონებელი საზოგადოება ბუნებრივ მდგომარეობისაგან? მაგრამ ეს საკი-

თხი რუსსოს არ აინტერესებს: „მე არ ვიციო“— ამბობს იგი „ჩემთვის საჭიროა მხოლოდ გამორკვევა იმისა, თუ როგორ შევქმნა უსამართლობისაგან წარმოშობილი საზოგადოება კანონიერად (légitime).“ „საზოგადოებრივი წესი—განაგრძობს რუსსო—ბუნებისაგან მოცემული არ არის, მაშასადამე, ის დამყარებულია შეთანხმებაზე (conventions); აი ამიტომაც მთელი საკითხი იმის შეგნებასა და გამორკვევაში მდგომარეობას, თუ რა არის ეს ხელშეკრულება“.

საზოგადოებრივი წესი წმინდა უფლებაა, მაგრამ იგი შეიცავს თავისუფალის პიროვნების დამორჩილებას; ორ დასაწყისთან პირველი—თავისუფლება—ბუნებისგან მონიკებულია, მეორე—დამორჩილება—ხელოვნურად შეთანხმების საქმეა. ერთი და მეორეც აუცილებელია და შესაძლებელი, მხოლოდ „საზოგადოებრივის ხელშეკრულებით“, როგორც აღნიშნავს რუსსო.

სახელმწიფო არის კავშირი მისი წევრებისა. საიდან მომდინარეობს ეს კავშირი? იმ მოვალეობისაგან, — ამბობს რუსსო, — რომელიც მათ აერთებს. რაგვარია საფუძველი ამ მოვალეობისა? არის თუ არა ეს უფლება უფრო ძლიერისა? მაგრამ ფიზიკური ძალა, სიდიადე არ ჰქმნის სიმართლეს და, სინიღის ქვეშ რომ ვსთქვა, მე არა ვარ ვალდებული ჩემი ჭისა ავაზაკს მივსცე, რომელიც უეცრივ სადმე ტყილამ თავს დამეხსმება და თავისს დამბაჩას დამიმიზნებს, არის თუ არა ეს ღვთიური უფლება? მაგრამ ნუ თუ ღმერთს სურს რომ ამჯობინონ ერთი რომელიმე მმართველობა მეორეს; და ემორჩილებოდნენ ჟაკს უფრო, ვიდრე გილიოზს? არის თუ არა ეს უფლება მამისა? მაგრამ ბავშვი, როგორც კი წამოიზდება, დავაჟაკდება და გონიერი შეიქმნება, გახდება ერთად ერთი მსაჯული ყველა იმისა, რაც მისს დაცვას ხელს უწყობს.

არის თუ არა ეს უფლება მონობისა? მაგრამ თავისუფლების დაკარგვაზე უარესი სისულელე არა არის რა, იმ შემთხვევაშიაც კი, თუ სიმშვიდე მოგვენიჭება... შეთანხმება არის საფუძველი ყოველ კანონიერ უფლებებისა და ნამდვილი

სადირკველი მოქალაქეებრივ საზოგადოებისა—ეს არის „ხელ-
შეკრულება“. ეს ხელშეკრულება, რუსსოს აზრით, ჰქმნის იმ-
გვარ შეთანხმებულ კავშირს (association), რომელიც თავი-
სი საერთო ძალით დაიცავს და დაიფარავს თვითოეულის
წევრის (associé) პირადობას და ქონებას და რომლის წყა-
ლობითაც თვითოეული, ყველასთან შეერთებული, ემორჩი-
ლება მხოლოდ თავის-თავსა და მასთან წინანდებულად თავი-
სუფალი რჩება“.

სხვანაირად რომ ვსთქვათ, ეს იმას ნიშნავს, რომ სახელ-
მწიფოში თვითოეული შეინარჩუნებს ბუნებრივ მდგომარეობის
მთელ თავისუფლებას. თვითოეული გადასცემს, დაუქვემდებ-
არებს მთელ თავის უფლებას საზოგადოების საერთო
ნებას (la volonté générale) და ამ გვარად შეჰქმ-
ნის მორალურ და კოლექტიურ სხეულს (corps), რომე-
ლიც განისაზღვრება იმოდენ წევრებისაგან, რამოდენიც ხმა
აქვს კრებას. ეს პოლიტიკური სხეული სახელმწიფოა, ანუ
უზენაესი ხელმწიფე მეფე (le souverain) და ამ სხეულის
წევრები საერთოთ ატარებენ ხალხის სახელს; კერძოთ თვითო-
ეული კი მოქალაქეა, როგორც მონაწილე სუვერენულ
უფლებისა და ქვეშევრდომი, როგორც მორჩილი სახელმწიფო-
კანონებისა.

უზენაესობა (la souveraineté), ანუ საზოგადო ნება განუ-
ყოფელი, დაუსაკუთრებელი, (ე. ი. ვერავის ხელში ვერ
გადავა) უცოდველი და ყოველთვის სამართლიანია. ამგვარი
დასაბუთება რუსსომ გამოიყენა იმ მოძღვრების საწინააღმდე-
გოთ, რომელიც გვასწავლიდა, რომ ხალხმა, დაამყარა თუ
არა სახელმწიფო, გადასცა უზენაესი უფლება მმართველობა-
საო. იმ აზრთან, რომ უზენაესობა ვერავის ხელში ვერ გადა-
ვა, დაკავშირებულია აგრეთვე ყოველი წარმომადგენლობის
გაკიცხვაც. ამორჩევა წარმომადგენლობისა, ამბობს რუსსო,
— ისეთივე სამარცხვინო საქმეა, როგორც თავის სამაგიეროდ
ჯარის კაცის დაქირავება სამშობლოს დასაცავად. ამასაც არ
ჰქმარობს რუსსო: მას სასაცილოდ აუგდია ინგლისი, აკვანი
წარმომადგენლობითის მმართველ-გამგეობისა; მისი აზრით ინგლი-

სელები თავისუფალი არიან მხოლოდ იმ შემთხვევაში, როცა დემოკრატიის ამოხარჩევად მოუწოდებენ, ხოლო, ამ უკანასკნელთა არჩევის შემდეგ, ყოველს ეწვეიან... კანონს, თუ კი ის თვით ხალხის მიერ დამტკიცებული არ არის, ძალა არა აქვს; ეს არც კანონია...

„უმაღლესი უფლება, რაც გამოსახვაა (exercice) საზოგადო ნებისა, შეუძლებელია გადაეცეს ვისმე, და ხელმწიფე (ე. ი. მატარებელი ამ უმაღლესის უფლებისა — რუსსოს აზრით — მთელი ხალხი), როგორც შემკრებლობითი არსება (être collectif) შესაძლებელია წარმოდგენილ იქმნეს მხოლოდ თავის თავად: უფლების გადაცემა კიდევ შეუძლებელია, ხოლო ნებისა კი არა“...

უზენაესი უფლება, რუსსოს აზრით, განუყოფელია; რუსსოს ეს დებულება უარყოფს მე-XVIII საუკუნის იმ გავრცელებულ თეორიას, რომელიც უზენაეს უფლებას ჰყოფდა კანონმდებელს, აღმასრულებელ და სამსჯავრო უფლებად; თეორეტიკები, რომელნიც უფლებას ანაწილებდნენ სხვა და სხვა ორგანოთა შორის, რუსსოს აზრით, მოგვაგონებენ, იაპონელ შარლატნებს, რომელნიც სათვალმაქცოდ ყმაწვილს დასჭრიან ნაკუწ-ნაკუწად და ზევით აისრვიან, რის შემდეგ ყმაწვილი ისევ სალი დარჩება... ჩვენი პოლიტიკები, — ამბობს რუსსო, — ჰქმნიან სუვერენიდან ფანტასტიურ არსებას, რომელიც ვითომდა შემდგარია სხვა და სხვა ნაჭრებიდან, ისე როგორც თითქო ადამიანი შესდგებოდეს მრავალის სხეულისაგან, რომელთა შორის ერთს მხოლოდ თვალები აქვს, მეორეს ხელები, მესამეს ფეხები და მეტი არაფერი...

„იმავე მიზეზის გამო, რომლის მიხედვით შეუძლებელია სხვას გადაეცეთ უმაღლესი უფლება, ეს უფლება განუყოფელია, ვინაიდან ან საზოგადო არის, ან არა, ე. ი. არის ნება ან მთელი ხალხისა, ან და მისი ნაწილისა“...

უმაღლესი უფლება, რუსსოს აზრით, უცოდველია, რუსსოს უმაღლესი უფლების სუბიექტად საზოგადო ნება (volonté générale) აქვს აღსარებული. „საზოგადო ნება — ჰფიქრობს რუსსო — ყოველთვის მართალია და მუდამ



ეწათება საზოგადოებრივ სარგებლობას... ხალხს ყოველთვის
 ჰსურს თავისთვის სიკეთე; მაგრამ ყოველთვის როდი ჰხედავს
 მას: არასოდეს არ შეიძლება ხალხის მოყიდვა; მისი გარ-
 ყვნა არავის არ ძალუძს, მაგრამ შესაძლებელია მისი მო-
 ტყუება და მაშინ, გვეგონია, ვითომდა მას სურდეს ის, რაც
 ცუდია.“

რუსსოს შესაძლებლად მიაჩნია გამოვიდეს ამ წინაღმდე-
 გობიდან დიალექტიკის შემწეობით; რუსსოს მიერ განსაზღვრა
 და განმარტება „საზოგადოებისა“ ბუნდოვანია და არა ცხადი;
 იმას გაუჩინებია საზოგადოება (la volonté générale) ყველას
 ნებისაგან (la volonté de tous), რომელიც შეადგენს კერძო
 ნებათა ჯამსა და გულში აქვს კერძო ინტერესები. რუსსო
 გადაჭრით არ გვეუბნება თუ როგორ ჩნდება „საზოგადოება“,
 სადაც სხვა და სხვა კლასები, პარტიები და კერძო ინტერე-
 სები არსებობენ, რომლებიც ერთგვარს ნებას არ შეადგენენ.
 რუსსო ამბობს: თუ მოვაშორეთ ამ სხვა და სხვა ნებას უკი-
 დურესი ნებანი, რომელნიც ბოლოს უღებენ ერთმანეთს —
 ნაშთად მივიღებთ საზოგადო ნებასა. „ღიახ ჩვენ ყველანი
 ვცდებით, ყველანი ვცოდავთ, მაგრამ ჩვენი შეცდომებისაგან
 გაუგებარის სახით, მიუწდომელის გზით, თავის თავად იბადე-
 ბა სიმართლე“. რომ გაიმარჯვოს საზოგადო ნებამ ყველას
 ნებაზე, რუსსო მოითხოვს, რომ სახელმწიფოში არ იყვნენ
 პოლიტიკური პარტიები და სხვა დასები. ხოლო თუ არის,
 საჭიროა გამრავლდეს მათი რაოდენობა და მით ავიცილოთ
 უთანასწორობა, როგორც ეს მოახერხეს სოლონმა ათინაში,
 ნუმამ და სერვიომ რომში...“

რაკი ვგრე მალლა დააყენა ზნეობრივად მეუფე ხალ-
 ხი და ისეთი განუსაზღვრელი ნდობა გამოუცხადა მას, რუსსოს
 აღარ შეეძლო რასაკვირელია სიძუნწე გამოეჩინა მისი უფლების
 საზღვართა დადგენის დროს. მართლა და, იმას გააჩნია მხოლოდ
 ერთი შეზღუდვა: მეფე ვერ გაუყრის ქვეშევრდომთ ვერავითარ
 ბორკილს, საზოგადოებისათვის უსარგებლოს. მაგრამ რად-
 განაც მხოლოდ თვითონ ხალხს მიენიჭება ამ საქმეში მსაჯუ-
 ლად ყოფა, მაშასადამე პირადობა, ქონება და თავისუფლება

თვითოვეულის პირისა უმაღლეს უფლებებისაგან არის დამოკიდებული.

რუსსო კიდევ უფრო შორს მიდის; „დემოკრატიული სახელმწიფო მისი, — ამბობს ერთი ისტორიკოსი, — იმდროსვე ნამდვილი ეკლესიაა. სასულიერო და საერო უფლება შეერთებული უნდა იყოს, როგორც ძველ რესპუბლიკებში. სარწმუნოება საჭიროა მისთვის, რათა მოქალაქეებს უყვარდეთ თავიანთი მოვალეობა. ქრისტიანობა არ შეჰფერის ამ მიზანსა, რადგანაც ქრისტიანის სამშობლო არ არის ამ ქვეყნად. სახელმწიფო როდი ჰფიქრობს იმაზე, თუ მოქალაქე გულით რას აღიარებს; სამაგიეროდ კი ცდილობს, მით არ მოიშალოს სახელმწიფოებრივი სარწმუნოება. ვინც არ აღიარებს ამ სახელმწიფოებრივ სარწმუნოებას, იგი განდევნილ უნდა იქმნეს არა თუ როგორც უღვთო, არამედ როგორც ავი მოქალაქე; ვისაც იგი მიუღია და მაინც მის წინააღმდეგ მიდის, სიკვდილის ღირსია მიტომ, რომ უდიდესი დანაშაული მიუძღვის სჯულის წინაშე“.

რუსსომ განსაზღვრა ომ სარწმუნოების დოგმატიკაც: რწმენა ღვთისა, საიქიოსი, სადაც მართალნი ჯილდოს მიიღებდნენ, ხოლო ბოროტნი დაისჯებიან, რწმენა სახელმწიფოს სიწმინდისა და სახელმწიფოს კანონებისადმი და უარპყოჟა შეუფუებლობისა. უკანასკნელი დოგმატი გასტეხა თვითონ რუსსომ, რომელმაც გაუჩინა სიკვდილი სახელმწიფოებრივის სარწმუნოების მგმობელსა. მისი სახელმწიფო ზნეობასა და რწმენას მახვილით მიაღებინებს ადამიანსა.

VI

საზოგადოება მოქმედობს განსაზღვრული კანონების შემწყობით. კანონი საყოველთაო და საერო დეკლარაციაა საზოგადოებისა, რომელსაც საგნად საზოგადო სარგებლობა აქვს; კანონს მთელი თავისი ძალა დაეკარგება და კანონიც არ იქნება, თუ მისი საგანი ყველას არ ეხება. მაგრამ უზენაეს მეუფეს ესაჭიროება განსაკუთრებული მოსაქმე, რომელმაც უნდა მოიყვანოს სისრულეში საზოგადო ნება; ესაჭიროება

აგრეთვე მეორე უფლებაც, რამაც კანონი კერძო აქტად უნდა აქციოს. ეს მეორე უფლება არის მმართველობა, ანუ აღმასრულებელი ორგანო. აქტი, რომელიც მთავრობამ გამოსცა, როდია ხელშეკრულება, როგორც ამას ჰობესი და ლოკი განმარტავდნენ; მაგრამ ეს აქტი კანონიკია; დამცველები აღმასრულებელ უფლებისა ხალხის მსახურნი არიან და არა მისი ბატონები; ხალხს შეუძლია მათი არჩევა, გადაყენება, თუ კი არ მოსწონს; მათ შეუძლიათ თანამდებობის ასრულების დროს, რაც სახელმწიფომ მათ დააკისრა, მორჩილება და ასრულება მოქალაქობრივ მოვალეობისა. რუსსო ამბობს: მმართველობამ რომ არ ჩაიგდოს ხელში უმაღლესი უფლება და დესპოტიური არ გახდეს, საჭიროა დრო გამოშვებით ხალხი შეიკრიბოს და თავის კრებაზე ორი საკითხი უსათუოთ გადასწყვიტოს: ერთი საკითხია—სურს თუ არა ყოვლად შემძლებელ ხალხს დასტოვოს არსებული ფორმა მმართველობისა, მეორე—სურს თუ არა ხალხს აღმასრულებელი უფლება დაუტოვოს ხელში იმათ, ვისაც ამ მომენტში აქვს.

რუსსოს ამ გვარ აზრს და დებულებას შეაქვს სახელმწიფო ცხოვრებაში ანარქიის დასაწყისი და ამისათვის ამბობენ, რომ რუსსოს თეორია სახელმწიფოს თეორია კი არ არის, არამედ რევოლიუციისა.

მმართველობა სამგვარი სახისაა: მონარქია, არისტოკრატია და დემოკრატია. მისი ძირითადი პრინციპი განისაზღვრება მისივე წევრთა რიცხვით. რამდენადაც ეს რიცხვი ნაკლებია ან მეტი, იმდენადაც მმართველობა ძლიერია, ანუ სუსტი. საინტერესოა ვიცოდეთ, თუ რომელი მმართველობაა უკეთესი? ექვს გარეშეა, ართც ერთს მმართველობას არ აქვს უმეტესი ძალა; ყველა მოსამართი მავთული ერთი და იმავე ხელშია, ყველაფერი ერთი და იმავე მიზნისაკენ მიდის. მაგრამ საკითხი ის არის, ეს მიზანი საზოგადო ბედნიერებისაკენ მიიმართება თუ არა? მეფეებს ჰსურთ ხელშეუვალნი იყვნენ; მათ არ უნდათ, რომ ხალხმა წინაღმდეგობა გაუწიოს; ისინი დიდს თანამდებობის ადგილებს მხოლოდ გაიძვერებს და ცბიერებს აძლევენ.

ამჯობინებენ და ამოირჩევენ თუ არა დემოკრატია? რამდენი რამეა შესაერთებელი ამგვარ მმართველობის დროს: ძრიელ პატარა ტერიტორია, სადაც ხალხს ადვილად თავი მოუყრია და სადაც თვითოეული მოქალაქე სუყველას იცნობს, ზნეთა სიწრფოება, თანასწორობა ხარისხისა და ქონებისა, ცოტა განცხროჭა ან სულ არა! გარდა ამისა საზოგადოებრივი ომები, — შინაგანი არეულება, რომელნიც აუცილებელია. „რომ იქნებოდეს ხალხი ღმერთებისა, დემოკრატია უფრო მოეწყობოდა მმართველობა. ამგვარი სრული მმართველობა არ შეეხამება ადამიანს“.

დარჩა არისტოკრატია. ბუნებრივი არისტოკრატია კუთვნილებაა მდაბიო ხალხებისა. ჩამომავლობითი არისტოკრატია ყველაზე უფრო უარესია. არჩევითი არისტოკრატია იქნება საუკეთესო მმართველობა; ის შესდგება უფრო გონიერებისაგან; ყოველთვის ხომ მდიდრები არ იქნებიან პატივისცემი, მაგრამ მათ შორის კი საერთოდ აირჩევენ ისეთებს, ვისაც შეუძლია თავიანთი დრო და მოცალეობა შესწირონ საზოგადო საქმეთა სამსახურს. ეს „პატივცემული სენატორები“ დაცივენ უფრო კარგად სახელმწიფოს ნდობას (le crédit), ვიდრე „უცნობი და შეურაცხი ხალხის ბრბო“.

რუსსო სწერს საუკეთესო მმართველობის შესახებ, რომ ეს საკითხი გადუწყვეტილია, ან და ისეთია, რომელსაც იმდენი გადაწყვეტილება აქვს, რამდენი კომბინაციაც შეიძლება ექმნეს ხალხთა განუსაზღვრელს და შედარებით მდგომარეობას“. ანგარიში უნდა გავუწიოთ გარემოებათა სიმრავლეს; თვითოეული ფორმა მმართველობისა უწყებულ დროს კარგია, სხვა დროს ცუდია.

ასეთია საფუძველი პოლიტიკური შენობისა, რომელსაც შეიცავს „საზოგადოებრივი ხელშეკრულობის“ პირველი თავები. მაგრამ რუსსოს არ აქვს ნათელი, გადაწყვეტილი სისტემა. მისი იდეები არ წარმოადგენენ ერთ მთელს: ერთი მეორეს ეწინააღმდეგება, ებრძვის. ამტკიცებენ, რომ რუსსომ პირვანდელი რედაქცია ხელშეკრულობისა შესცვალა უხეიროდ; ჰსურდა სოციალურ მეცნიერებაში სპინოზად გამხდა-

რიყო და თავისი თხზულებისათვის მათემატიკური დვილის ხასიათი მიეცა. მკითხველს მხოლოდ უკანასკნელი ტექსტი აქვს და ნახულობს ბნელ ადგილებს და აზრთა წინააღმდეგობას. რუსსომ თვითონა სთქვა გულახდილად: „ისინი, ვინც ტრახახობენ, რომ „ხელშეკრულობა“ სავსებით გაიგეს“ უფრო ნიკიერნი არიან, ვიდრე მეო“. „რუსსოს, — ამბობს გერიე — როცა საზოგადოებაში შეჰყავს ბუნებრივი ადამიანი თავისუფლების შესახად, იმდროსვე თავისუფლებას მთლად მიაცემინებს მსხვერპლად საზოგადოებრივი კავშირისთვის და სახელმწიფოს შექმნის აუცილებელი უფლებით მოქალაქეებზე, რომელნიც მიიღებენ მხოლოდ თანასწორ ხვედრსა საერთო უფლებაში. რუსსო ზრუნავდა დემოკრატიის დესპოტიზმის სასარგებლოდ და სრულიად არ ჰფიქრობს ახსნას საზოგადოებრივი ხელშეკრულობის საშუალებით სახელმწიფოს წარმოდგომა. იმას ჰსწადია მხოლოდ ახსნას წარმოდგომა უფლებრივის სახელმწიფოსი. რუსსო განმარტებს, რომ ჩვეულებრივი ახსნა სახელმწიფოს წარმოდგომისა ოჯახობრივ ყოფის, თუ დაპყრობისაგან, ამ მიზნისათვის გამოუსადეგია, მაგრამ უნდა გვახსოვდეს, რომ საზოგადოებრივ ხელშეკრულობაზე დაფუძნებული უფლებრივი სახელმწიფო რუსსოსი სრულიად არაა სახელმწიფო. მისი მოსაზრებული საზოგადოებრივი ხელშეკრულობა, ხელშეკრულობა კი არა, ფიქცია (სიყალბე) არის. რუსსოს სახელმწიფო ხანდახან გადიქცევა „ბუნებრივ მდგომარეობად“, განდება ანარქიად, მუდმივ შიშში ავდებს თვითონ საზოგადოებრივის ხელშეკრულობის არსებობასა. თავის თხზულების ბოლოს რუსსო ტყვილად ჰსცდილობს იმ ტეზისის გარკვევს, რომ საზოგადო ნება დაურღვეველიაო. თუ ხალხს არ ძალუძს დაამყაროს შეთანხმება მმართველობის ფორმის შესახებ, მაშ რისილა მაქნისია საზოგადოებრივი ხელშეკრულობა?

რუსსოს თეორიის მთელი არსება საზოგადო ნების ცნებას წარმოადგენს. საზოგადო ნება ჯამია თვითოეულის მოქალაქის ნებისა (დედაკაცები, ბავშვები და შეშლილები სათვალავში არ ჩაიგდებიან). პირობა ასეთი საზოგადო ნების

არსებობისა არის ერთსულობა; ნამდვილად კი ეს პირობა არ არის.

ამ სიძნელის თავიდან ასაცლებლად რუსსო მიჰმართავს სოფიზმს: „როცა — იტყვის — საერო ყრილობაში კანონია დასადგენი, იმას კი არ ჰკითხვენ მოქალაქეებს, მოსწონთ წინადადება თუ უარს ჰყოფენ, არამედ იმას, ეთანხმება წინადადება თუ არა საზოგადო ნებას, რომელიც მათი ნებაც არის. თვითოეული, როცა ხმას აძლევს, აზრსაც გამოთქვამს, თუ როგორია და ხმების ჩამოტარება ცხადსა ჰყოფს საზოგადო ნებასა“. ამ თვალთ ყოველივე, რაც ესაზღოვნება შემთხვევით უმეტესობას, ანუ მოქალაქეთა ნაწილსა, რომელიც უმეტესობად გადაქცეულა, გახდება სიმართლედ, კანონად. მაგრამ ეს როდილა იქნება რუსსოს უფლებრივი სახელმწიფო, სადაც ყოველი, ვინც თავის თავს მთლად საზოგადოებას მისცემს, უკანვე მიიღებს სამაგიეროს მისას, რაც მიუცია. ბოლოსაც რუსსოს „საზოგადოებრივი ხელშეკრულობა“ სრულიად არაა ხელშეკრულობა. ხელშეკრულობა იგულისხმებს ნების მოქმედებას ხელშეკრულობა მხრივ. რუსსოს არსად დაუდგენია არსებობა ფაქტიურის ხელშეკრულობისა; იგია მხოლოდ იურიდიული ფიქციაა. მაგრამ ფიქციისაგან ჯერ არავის არაოდეს არ გამოუყვანია ასეთი აუცილებელი უფლება.

რუსსოს საზოგადოებრივი ხელშეკრულობა როდი იზღუდება ჩვენ მიერ განმარტებული პოლიტიკური წყობილობის სტეპით; თუ წავიკითხავთ რუსსოს ნაღვაწის შემდეგ ნაწილებსა, შევიძლება ვიფიქროთ, რომ რუსსო სკეპტიკურად უყურებს არა თუ გამგე დემოკრატიას, არამედ კანონმდებელსაც. ყველაზედ უფრო სასწაულსა და სასწაულისადმი რწმენას თხოულობს რუსსო თხზულების იმ ნაწილში, რომელიც კანონმდებელს ეხება. „კანონმდებელი — არა ჩვეულებრივი კაცია სახელმწიფოში. მას მმართვებს ყველა ინდივიდთა ბუნებრივ ძალების ჯამისაგან შექმნას გაცილებით უფრო მეტი, ვიდრე თვითონ ის ჯამია. მის საქმეში შეერთებულა ორი, თითქოს, მოუთავსებელი მოვლენა, გარემოება: საქმე, რომელიც აღემა-

ტება კაცის ძალებსა და მის შესასრულებლად ავტორიტეტი, რომელიც არსებითად არაფერია: მისი მოქმედება შეიძლება მხოლოდ ზნეობრივი იყვეს, წინამდებ შემთხვევაში იგი შეიქმნება თვითნებობის წყაროდ. რომ ხალხმა იგრძნოს გონიერი წესების პოლიტიკის ძალა და გაჰყვეს სახელმწიფო გონების ძირითად მოთხოვნილებებს, საჭიროა, რომ შედეგი ვადაიქცეს მიზეზად, რომ საერთო სულმა, რომელიც უნდა შეჰქმნას დაწესებულებამ, განაგოს და მიმდინარეობა მისცეს დაწესებულებას, რომ ადამიანი კანონებზე უფრო ადრე გახდეს იმათ, რაც ის უნდა იქმნეს კანონების შემწეობით.

ამგვარად კანონმდებელი, რომელსაც არ შეუძლია არც ძალას მიმართოს, არც მსჯელობას, როგორც საზოგადოდ ხალხის მოთავენი ყოველ დროში, მიმართავს თვით ცის, ე. ი. სარწმუნოების ჩარევის იდეას და უმაღლესი წესის ავტორიტეტს.

ღმერთები საჭიროაო, რუსსო ამბობს, რომ კანონი განუწყვესდეს ხალხსაო“.

VII


დემოკრატიული სულის კვეთება რუსსოს მოძღვრებაში და მისი სარწმუნოებრივი მიმართულება დაკავშირებულია მკვეთრ სოციალ კრიტიკასთან. თანამედროვე საზოგადოებრივი წყობილობა რუსსოს ეგონა თავით ბოლომდე ურიგო და დაავადებული. უდიდესი ბოროტება ამდროის კულტურისა — უთანასწორობაა. ეხლა იგი მისულა უკიდურეს ხარისხამდე მიტომ, რომ ცხადად დაგმობილა კანონი ბუნებისა, როცა ვხედავთ, რომ ბავშვი ბერი-კაცის მბრძანებელია, რეგვენი წინ უძღვის ბრძენსა და ერთი მუჟა ხალხი — დოვლათით გულ სავსეა, მაშინ, როცა მშიერთა მასსა გაჰირვებულია“.

„პირველიო, რუსსო ამბობს — პირველი, ვინც პაწია ადგილი შემოღობა, მოიგონა მისი დაჩემება და ისეთი ბრიყვებიც გამონახა, რომ დაუჯერესო, ნამდვილი დამფუძნებელი იყო მოქალაქობრივ საზოგადოებისა. რამდენ გაჰირვე-

ბას, რამდენ დანაშაულს, რამდენ ომს, რამდენ კაც-კვლას და საშინელებას გადაარჩინდა კაცთა გვარსა ის, ვინც მესერის მოშლით და თხრილის ამოვსებით შესძახებდა ხალხსა: უფრთხილდით ამ მატყუარას ყურის გდებასა! დაიღუპებით, რაკი დაგავიწყდებათ, რომ ნაყოფი ყველას ეკუთვნის დამიწა კი არავისო“.

„ამდროის კულტურა, აგებული ნამეტნაობასა და განცხრომაზე, მთლად გაუკუღმართებულია“ — ამბობს რუსსოფული, რომელიც მდიდრების ხელში ტრიალებს, დაკარგულია გლეხ-კაცობის არსებობისათვის და მას ტანისამოსი არ მოეძებნება სწორედ იმიტომ, რომ სხვებს ოქრომკედი მოსურვებია“.

როგორღა შეიძლება გადაქმნა-გამოკეთება საზოგადოებისა? რუსსო მიჰმართავს ჩვეულებრივ სოციალ-მეცნიერულ ოპერაციას, მიმართავს ბუნებრივის მდგომარეობის ფიქციას. აღამიანის ბუნება ძლიერ გამოცვლილა: მისი საფუძველი რომ განესაზღვროთ, საჭიროა წარმოვიდგინოთ „მდგომარეობა, რომელიც აღარ არის, რომელიც შეიძლება არასოდეს არ ყოფილა და რომელიც, უეჭველია, არასოდეს არ იქმნება“, მაგრამ ეს გვჭირია, რომ წესიერად განხილვა შეგვეძლოს ამ დროის მდგომარეობისა... როდესაც რუსსო შეუდგება ხოლმე ბუნებრივის მდგომარეობის გამოხატვას, ის წარმოგვიდგენს საისტორიო სურათს; გვიხატავს შორეულ წარსულს, პირვანდელ ოქროს საუკუნეს, და უცოდველ ბედნიერ ჩვენ წინაპრებსა. გატაცებული მოვითხრობს მათ ცხოვრებას. უმეცრება იფარავს იმათ ბიწიერებისაგან და მათთვის კანონისა და ძალ-დატანების მაგიერობასა ჰსწევს. მათ შორის ბრძოლა არაა და ეს იმიტომ, რომ არაა გაჭირვება; გაჭირვება კი არაა, მისთვის რომ არა ჰსჭირიათ კავშირი რამე, ხოლო ცხოვრებენ ერთმანერთის გვერდით ისე, როგორც ხეები ტყეში, უჩხუბრად და დაუახლოებლად. ნაზიქმნილებანი არიან, გულ უვნებელნი, ადვილად დასაკმაყოფილებელნი, მარდნი და მარჯვენი, თავისუფალნი, თავისუფლების შეუგნებლად, როგორც თავისუფალია მათ გარემო-



ბუნჯი ბუნება და მხეცები, რომელნიც მათ არ ერჩიან; თონ იგინი ამ ბუნების ნაწილს წარმოადგენენ: რუსსო რამდენი შორს იწევს, იმდენი უფრო და უფრო შორდება „საზოგადოდ ადამიანსა“, უახლოვდება, ვინიცის როდინდელ ადამიანს“ და თავს ეხმის ამ დროის ადამიანს და ამ დროის წესწყობილებას მისთვის, რომ ადამიანს დაჰკარგვია უმანკო სახე და დაჟინებით თხოულობს დაბრუნებას ძველი დროებისადმი, რომელიც გამქალა. „შენ ეძებ ადამიანს,—ამბობს იგი—შენის ისტორიის ჰასაკსა, რომელზედაც გწადია შენი გვარის შეყენებაო. უმადურს ახლანდელ მდგომარეობის იმ მიზეზის გამო, რომელიც უქადის შენს უბედურ შთამომავლობას კიდევ უფრო დიდ სივადლანებს, ეგებ მოგეწადინებია ძალა გქონოდა უკან დაწვევისაო?“

ნუ თუ ეს ნიშნავს, რომ კულტურა მარტო ოდენ ბოროტებაა და მისი უარის თქმა, გამარტივება, შესაძლებელია? რუსსო ვერ ჰბედავს ამგვარ ჰასუხის გებას. რაც იყო, აღარ იქმნება. უკულტურობა სანატრელი ბავშვობაა, ხოლო კულტურა აუცილებელი სიბერე. როგორც ბავშვობაა დაუბრუნებელი, როგორც შეუძლებელია ბერიკაცის გაახალგაზდება, ისე ჩვენ დროინდელი ადამიანისაგან შეუძლებელია შევქმნათ პირველ-ყოფილი ადამიანი ბუნებისა. რადგანაც ძირითადი ნასახი თანამედროვე ხანისა, თუ კი გვინდა გვარჩიოთ იგი პირველ-ყოფილ ცხოვრებაში, არის საზოგადოებრიობა, ამიტომ რუსსო ამბობს: „საზოგადოება ისევე ჩვევია კაცთა გვარს, როგორც სიძაბუნე კერძო პირსაო. ხელოვნება, კანონები, მმართველობა საჭიროა ხალხებისთვის ისევე, როგორც ბერიკაცებისთვის ყავარჯენიო“.

რუსსო შემდეგ გვიჩვენებს, რომ ბუნებას თვითონ დაუბადებია კაცნი ფიზიკურად თანასწორნი, მაგრამ ერთმანერთში გაურჩევია ნიჭითა; იმიტომაც თვითონვე ჩაუნერგია მათთვის ინდივიდუალობა, თვისება მტაცებლობისა და ბატონობისა; აქედან აუცილებლად უნდა განვითარებულიყო გულის თქმა და შეხლა ერთმანეთთან, გემოვნება და გუნება, აღმოჩენა და სრულ ყოფა რისამე; საერთო რყვისაგან და-

იბადა ბოლოსაც აუცილებლობა იძულებულის საზოგადოებრივის კავშირისა. —

ცხადია, განმარტავს ერთი ისტორიკოსი, რაღაც ამ შედარებაში ურიგოა, ან სიტყვა მოუქრელი. ადამიანის სიბერეს მოსდევს სიკვდილი, ხოლო სად არის სიკვდილი საზოგადოებისა?

რუსსო ერთმანერთს ადარებს საზოგადოებათა სხვა და სხვა ფორმებს, ბუმბერაზ სახელმწიფოებს და ჯუჯა-სახელმწიფოებს, დედა ქალაქებს, სადაც ჯოჯოხეთური ღრიანცელია, სერვიული ცვალებადობა გრძნობიერებისა და სიამოვნებისა, გასაოცარი პირდაპირობა სიმდიდრისა და სიღარიბისა, ხოლო მეორის მხრით თითქოს მიძინებულ სოფლის ცხოვრებას და მდაბიო ხალხს. პატარა ქალაქებისას, და იმ აზრს ადგება, რომ საზოგადოება განვითარების არა ერთნაირ ხანშია და არა ყოველ ხანში ერთნაირ განვითარებაზე დგასო. მოსდგომია და აუღია ისეთი ნასახები და ფორმები, რომელიც უახლოვდება იდეალ ბავშობას, და მოუწადინებია მათი დაცვა. არიან საზოგადოებანი, რომელნიც კიდევ ცოტათი კმაყოფილნი არიან, და აი სად უნდა მოიქცეს ფრთხილად ადამიანი; საჭიროა ამას მოვარიდოთ ყოველი საცდური და ნორჩი ცხოვრება, მყუდრო ბედნიერება, გულუბრიყვილო სიქველე დიდხანს გაატანს. სიბერე თავისით მოვა, რაა საშური?

საინტერესოა სიტყვები, რომელსაც რუსსო წარმოათქმევინებს კულტურის დამცველებს და მომხრეებს: ოხ, ბედნიერებაჲ, რომელიც თქვენ, მოხუცთა გარშემო თავს უყრის იმდენ ხელოვან, წამლით აღჭურვილთ მეაფთეეკებს... იმდენ ნასწავლ ექიმთა, რომელთაც კარგად შეუტყვიათ თქვენი მაჯის ცემა, რომელთაც შეუძლიათ ბერძნულად დაასახელონ ყველა თქვენი რევრატიზმები, აგრეთვე იმდენ გულითად მანუგეშებელს და ერთგულ მემკვიდრეებს, რომელნიც წინაგიძღვიან უკანასკნელ ჟამამდე! რამდენი ღონის ძიება შემწვობისა დაიკარგებოდა, რომ თქვენ არ გამოგეცადნათ ის უბედურება, რომელსაც გამოუწვევია წამლობის საჭიროება“.

რუსსო დამცველია პატრიარხალურ წეს-წყობილებისა, სპარტანულ ზნე ჩვეულებისა, წინაღმდეგია თეატრალურ

წარმოდგენებისა, განსაკუთრებით ქალების ემანსიპაციისა. რუსსოჲს სურს ქალები ოჯახში დამალოს. რუსსო აძაგებს დიდ ქალაქებს, კულტურის უკანასკნელ სიტყვას... „დიდი ქალაქი, — გაიძახის რუსსო, — სავსეა ინტრიგანებით და მაწანწალა ხალხით, რომელსაც არ აქვს არც სარწმუნოება, არც პრინციპები, უსაქმურობის გამო, გარყვნილია და მხოლოდ „სიამოვნებას“ ეშურება. დიდ ქალაქში, სადაც ჩვეულება და პატიოსნობა არაფრად არ მიაჩნიათ,.... ადამიანის პიროვნება და მნიშვნელობა მხოლოდ სიმდიდრით განისაზღვრება. ყველაფერი, რაც კი თავისებური, ფაქიზი, წმინდა, მშვენიერი და სასარგებლოა, იმალება დიდ ქალაქების მოშორებით, თემის რომელსაჲმე მყუდრო ადგილს. დიდი ქალაქი მხოლოდ სპობს ადამიანობას. დიდ ქალაქებიდამ მხოლოდ მოაწვევს სუნთქვა შავიჭირისა, რომელიც მუსრს ავლებს ხალხს“.

VIII

რუსსოს სწამს, რომ მან იხილა იდეალური ცხოვრება ხალხისა, რომელიც ეგრედ წოდებულ კულტურის მოშორებითა სდგას. რუსსო გვიხატავს მთიულების წვრილ მესაკუთრეთა ცხოვრების სურათს; არაფერი მათ არ აკლიათ, გარდა მიწის მუშაობისა, რომელიც მათ ასაზრდოებს, ამ წვრილ მესაკუთრეებს შეუძლიათ ყოველისფერი თვითონვე გააკეთონ; არასოდეს ღურგალი, მეჭურტლე, ზეინკალი და სხვა ხელოსნობის წარმომადგენლები მათ სოფლებში არ შესულან; შრომის განაწილება არ არსებობს ამ იდეალურ ხალხის ცხოვრებაში; ისინი ყოველისფერს თვითონვე აკეთებენ უბრალო ხელსაწყოდამ დაწყებული ვიდრე საათამდის, ბარომეტრამდის, სათვალეებამდის და სხვ.

გლეხის უბრალო სადგომი მოგაგონებს მექანიურ სახელოსნოს, ან და ექსპერიმენტალურ ფიზიკურ კაბინეტს; მათ ბევრი წიგნები აქვთ; ისინი მსჯელობენ საღად, გარკვევით და ნათლად. მათ შეუძლიათ ხატვა; მშვენივრად იციან სიმღერა; მუსიკას-საზოგადოდ დიდი მნიშვნელობა აქვს მათ ცხოვრებაში. ხელოვნებას პროფესიონალური მასწავლებლებ-

ბი კი არ ასწავლიან, არამედ ოჯახებში ერთი მეორესთან სწავლობენ. ოჯახურ ცხოვრებაში ხელოვნებას საპატიო ადგილი უჭირავს; დასვენების დროს ისინი ცოლ-შვილთან მღერაიან, კვარტეტებს ასრულებენ და აქ გაიგონებთ ღვთიურ ნაწარმოებს დავიწყებულ კომპოზიტორებისას. ამ იდეალურ ხალხის ადათები სპეტაკი და წმინდაა. არავითარი უთანხმოება იქ არ არსებობს; არც არავითარი დავაა; არ არის გადასახადები, არ არის ადმინისტრაცია, სასამართლოები; არაფერი ზედმეტი იქ არ მოინახება და, რაც ესაჭიროება საზოგადოებას; ის კი საკმაოთ არის. ამ საზოგადოებაში თავისუფლება და თანასწორობა ბატონობს.

იბადება კითხვა, თუ როგორ მოხდა ეს სასწაული, თუ როგორ დამყარდა ეს ბედნიერი წესწყობილება? სიმარტოვე მოთხოვნებიანისა, აღებ-მიცემობის უქონლობა, ახალ რისამე შემოუღებლობა, აი საფუძველი მათი ცხოვრებისა—ამბობს რუსსო. რასაკვირველია ესეც გადამეტებაა, გადაქარბებაა. აქაც რუსსომ დაგვიხატა კეთილი და გონიერი კაცური ადამიანი. საჭიროა ვიცოდეთ ეხლა საითკენ მიჰყავს საზოგადოება რუსსოს? საითკენ უწოდებს მას?

ექვს გარეშეა—ბუნებრივი მეურნეობისაკენ. და ეს გასაკვირველი არ არის, რადგანაც ეს მეურნეობა სავსებით ეთანხმება რუსსოს მიერ ოჯახის იდეალიზაციას. პატრიარქალური ოჯახი, რუსსოს წარმოდგენით,—ცენტრია ამგვარ მეურნეობისა. „ახალი ელოიზა“-ში, თავისუფალი გულის თქმის გმირულად შემკობის შემდეგ, წარმოდგენილია შეთანხმება ელემენტებისა, მყუდრო ნაფთსადგური; მოუსვენარი გმირი ქალი ოჯახის გულკეთილ დედად გახდა და მასთან ეს ოჯახი წარმოგვიდგენს მინიატურად სოციალურ უტოპიას. ვოლმარების ოჯახი მდიდარია, მაგრამ საიდუმლო მისი სიმდიდრისა იმაში მდგომარეობს, რომ ისინი ერთდებიან ჩარჩსა წარმოებასა და მოხმარების შორის.

სახლში ყოველისფერი საკუთარია—პური, ღვინო, რძე, ყველი, ერბო, მარმაში, ტილო და სხვა. უბრალოდ ჩაცმული, მუდმივ საქმეებში გართული, გულკეთილი მდიდარი

ცხოვრობს თავის პატრიარქალურ ოჯახში და გარს ხალხი ახვევია, რომლის შორის ანაწილებს სამუშაოს და ყველგან გულკეთილობასა და ბედნიერებას ამყარებს. ყველანი მუშაობენ, ყველას თავისი საქმე აქვს. სუყველა კმაყოფილია და, რასაკვირველია, არავის არ აქვს სურვილი თავისი მდგომარეობა დასტოვოს. აი ამ გვარად იდეალი რუსსოსი ბუნებრივ მეურნეობაში და ნათესაობრივ ყოფა-ცხოვრებაშია. მკვეთრი კრიტიკა რუსსოს დროის საზოგადოებრივ წესებისა თავდება დრო მოქმული მდგომარეობის იდილიით.

დემოკრატია, რუსსოს ქადაგებაში, სრულიად არა ჰგავს თანამედროვე დემოკრატიას. ჩვენ დღეს დემოკრატის მაჯის ცემას, როგორც სამართლიანად აღიარებენ, ვეძებთ დიდ ქალაქებში, სადაც თავი მოუყრია უმთავრეს ნაწილს მრეწველობის მუშებისას; დემოკრატის ჩვენ ვუკავშირებთ აზრთა და ნივთთა ცხოველ აღებ-მიცემას, საზოგადოებრივ კრიტიციზმს და რთულ აგებულებას პოლიტიკურ და სამრეწველო მანქანისას. ამგვარია თანამედროვე კაპიტალისტური ხანა საზოგადოებრივი განვითარებისა.

რუსსო სულ სხვა სურათს გვიხატავს; ეს სურათი უფრო წარსულს მოგვაგონებს; იგია გამსჭვალული ბუნებრივი მეურნეობის სანტიმენტალიზმით. რუსსო გატაცებით ქადაგებს სოფლის წყნარ ცხოვრების საქირებებს; მისი იდეალია პატრიარქალური ცხოვრება. რუსსოს სწადია, — ამბობს ერთი ისტორიკოსი, — დიდი ქალაქების აღელვებული ცხოვრება მცირედი მოთხოვნილების ძილად გადააქციოს.


სამართლეთა, რომ ევროპის საზოგადოებრივი და პოლიტიკური ცხოვრება მე-XVIII საუკუნისა ასაზრდოებდა რუსსოს ამგვარ წარმოდგენას, — განაგრძობს იგივე ისტორიკოსი; როცა მრეწველობის დიდი ქალაქები გაჩნდა ინგლისში და საფრანგეთში, როდესაც ევროპის მცხოვრებელთა რაოდენობის სიჭარბე გამოიხატა აუარებელ ხალხის გადასახლებით სხვა ქვეყნებში და მთელი ქვეყნის ბაზრების ხელში ჩაგდებით, იმგვარი საზოგადოებრივი ოცნება, როგორიც რუსსომ წარმოგვიდგინა ანახრონიზმით გადაიქცა. მართალია — რუს-

სოს იდეალი კიდევ დიდ-ხანს აღელვებდა გულს, ასულდგმულ-ლებდა საზოგადოებას, აინტერესებდა და ასაზრდოებდა ფანტაზიას, მაგრამ, მიუხედავად ამისა, მისი იდეალი საზოგადოებრივი პროგრამის ნიადაგს მოშორდა და მხოლოდ ისტორიულ სურათად დარჩა...

რომ დავაბოლოვოთ ამ სტატიაში რუსსოს შესახებ ბაასი, ორიოდ სიტყვით აღვნიშნავთ, თუ რა მნიშვნელობა ჰქონდა რუსსოს საფრანგეთის რევოლუციისათვის.

რუსსოს პოლიტიკურ ცხოვრებაში შექმნდა თანასწორობის და ხალხის ბატონობის პრინციპები. ამგვარი პრინციპები ჩააგონა რუსსოს ჟენევის რესპუბლიკის ტრადიციამ. ჟენავამ, რეფორმაციის დროს, სრულ დამოუკიდებლობას მიაღწია და სუვერენ ე. ი. თვითმპყრობელ დემოკრატიათ გადიქმნა. მოქალაქეების სრულ უფლებიანმა კრებამ დაამყარა სახელმწიფო, ამოიჩინა მისთვის მმართველობა და საზოგადოებას სარწმუნოებაც დაუწესა. და ეს დემოკრატიული წესწყობილება და იდეალი რუსსოს წინ უდგა, როცა სწერდა განთქმულ თხზულებას „საზოგადოებრივ ხელშეკრულობის“ შესახებ.

რუსსოს სიკვდილის შემდეგ არ გაუვლია ათს წელსაც, რომ საფრანგეთში დიდი რევოლუცია დაიწყო. მოწვეულ იყვნენ უმთავრესი წოდებანი: თავად-აზნაურობა, სამღვდლოება და ბურჟუაზია. ამ დროს მთელი საფრანგეთი უკეთესი წეს-წყობილების დამყარების ცდაში იყო. მთელ საფრანგეთში მოედო ხმა. „საფრანგეთს არა აქვს სახელმწიფოებრივი წესწყობილება; თითქო დადგა ბუნებითი მდგომარეობა“. ფრანგები ემზადებოდნენ, — ამბობს სორელი, — ერთმანეთში და მეფესთან ახალი ხელშეკრულობა დაედოთ და სწორედ ამ დროს რუსსოს თხზულება „საზოგ. ხელშეკრულობა“ ხელში ჰქონდათ. ქალაქში და სოფელში, გლეხის ქოხში და ქალაქის მუშის ნესტიან ბინაში, ლუდხანებში, დუქნებში, ყავახანებში, სალონებში, თეატრში, ერთის სიტყვით ყველგან რუსსოს „საზოგადოებრივი ხელშეკრულება“ ტრიალებდა და ყველგან ამის შესახებ სჯა და ბაასი იყო გამარ-



თული. რუსსოს საზოგადოებრივი ხელშეკრულობა და
 დან გამომდინარე პრინციპი-განუყოფელი, უცოდველი, ხელ-
 შეუვალი ხალხის თვითმპყრობელობა — საზოგადოების
 აზრის და მოქმედების საფუძვლად გადაიქცა. „გამოსავალი
 გზა — ამბობს ერთი ისტორიკოსი — იმ ბედის ნაწერის
 დილემისაგან, რომელიც საფრანგეთს დაუდგა გაზაფხულს
 1789 წელსა — რეფორმა თუ რევოლუცია დამოკიდებული
 იყო შემდეგ საკითხის გადაწყვეტაზე: შეინარჩუნებდა დამფუ-
 ძნებელ უფლებას მართველობა, თუ ეს უფლება გადავიდო-
 და „ნაციონალურ კრების“ ხელში. ეს საკითხი კი წინათვე
 გადაწყვეტილი იყო რუსსოს ტრაკტატით და საერთო ღრმა
 რწმენით ხალხის თვითმპყრობელობის დოგმატის სიწმინდის
 მიმართ. ეს რწმენა იმდენად უფრო ღრმა იყო, რამდე-
 ნადაც განუშორებელი იყო მეორე განყენებულ თანასწორო-
 ბის პრინციპთან. საზოგადოებრივმა ხელშეკრულებამ იცის
 მხოლოდ უფლებით აღჭურვილი ხალხი, რომელიც ერთგვარ
 მასსას წარმოადგენს და ყოველგვარ სხვა და სხვაობას უარ-
 ჰყოფს. რუსსომ არა თუ გამოიკვია პრინციპები 1789 წ.:
 მან მისცა გადავასავალი ფორმულა ძველ წეს-წყობილებიდან
 ახალზე — უმთავრეს წოდებათა წარმომადგენლობიდან დამფუ-
 ძნებელ კრებაზე“.

1789 წელს წამოყენებულ პრინციპთა შორის იყო პრინ-
 ციპი თავისუფლებისა, რომლის დამყარებას დიდხანს და გულ-
 წრფელად ცდილობდა დამფუძნებელი კრება საფრანგეთში;
 მაგრამ, საუბედუროდ, ეს თავისუფლება მოუთავსებელი შეი-
 ქმნა რევოლუციის შემდეგ მსვლელობასთან. მეორე ფაზა
 დიდ რევოლიუციისა, რომელსაც ეწოდება იაკობინური,
 ხალხის დამმონებელი შეიქმნა. რუსსომ გამოსცა ლოზუნგი ამ
 ფაზაზედაც გადასასვლელად, იცნო რა იძულება, ე. ი. ძალ-
 დატანება თავისუფლების მიზნისათვის. მთელი იაკობინელობა
 და ტერრორი ამაში მდგომარეობს.

მართალია, რუსსო უარჰყოფს ტერორის პრინციპს. რუს-
 სო ამბობს, რომ ერთი უსაძაგლესი პრინციპი მტარვალობისა
 უდანაშაულო ადამიანის დაღუპვათ. იქ არ არის — განაგრ-

ძობს რუსსო—საზოგადო და საერთო ნება, სადაც რომელიმე პარტია იმდენად მძლავრია, რომ ყველას სჭარბობს. უკანასკნელი სიტყვები რუსსოსი იყო მიზეზი იმისა, რომ ტერორის ერთმა განთქმულმა დამცველმა იაკობინელ პარტიის ბატონობის დროს საფრანგეთში უწოდა რუსსოს „არისტოკრატი“ და გილიოტინის (თავის მოკვეთის) ღირსად აღიარა...

მიუხედავად ამისა რუსსო იყო თავი წინამორბედი იმ ცვლილებისა, რომელიც მოხდა საფრანგეთში 1789 წელს. სამართლიანად ამბობენ, რომ რუსსომ შექმნა ისეთი განწყობილება, რომელიც უზრუნველყოფდა საზოგადოებრივი ხელშეკრულების თეორიის წარმატებას.

„რუსსოდამ მომავალი ნაკადული სარევიოლუციო გრძობისა — ამბობს ერთი ისტორიკოსი—გამოჩნდა ორის მიმართულებით: ერთი, როგორც მამხილებელი საზოგადოებისა და მეორე, როგორც ხალხის იდეალიზაცია... და ამგვარი თვალსაზრისი აშფოთებს საზოგადოებას და თავის თავზე ექვს უნერგავს. ამაში გამოიხატება რუსსოს სულიერი ბატონობა მე-XVIII საუკუნეში

ასის წლის წინად კიდევ კაცნი ვყოფილვართ!

(ბ-ნ ალ. ფრანგლის ისტორიული წიგნების გამო)

მათთა საქმეთა მოთხრობით
მოხუცს ცრემლ-მოედინების!
მხნეობით აღტაცებული
ქაბუკი ხმალსა მასწვდების!

გრ. ორბელიანი.

თუმცა ბოელ ქვეყნიერობაზედ განვითქვით სახელი სა-
ხარელის „ხამობითა“ და რუდმივის, განუწყვეტელის ლალა-
ტით სამშობლო ქვეყნის წინაშე, ისე რომ ამ მხრივ ტოლი
და სწორი არა გვყავს კაცობრიობის ისტორიაში, თუმცა
სწორედ ამ ასის წლის წინად იჩინა თავი საქართველოში
ასეთმა შეუღარებელმა ჩვენმა მალაღმა ღირსებამა, — სწორედ
მაშინ, როდესაც საქართველოს ბედ-იღბალი უკუღმართად
სწყდებოდა, — თუმცა, — ვამბობ, — ყოველივე ეს ასე იყო, —
მაგრამ მაინც თურმე მაშინ უფრო გვდებია ადამიანის სახე,
მაშინ უფრო კაცნი ვყოფილვართ და ქუდიც გვხურებია.

ამ ასის წლის წინად კიდევ გვქონია ადამიანობა და შე-
გნება ჩვენის ეროვნების დაცვისა. ახლა ხომ ასეთი დაცვა
მომაკვდინებელ ცოფად ითვლება. ახლა, აბა, წარსული,
რა საკადრისია, მოიხსენოს ვინმემ, — და შენი მტერი, მკითხ-
ველო, მე ამ ახლო წარსულისაც არა მცოდნოდა რა სრუ-
ლიად, რომ ერთს, წარსულის მოტრფიალედ ადამიანს არ გაე-
ცნო ჩემთვის ის საგმირო და თანაც სამარცხვინო საქმენი,
რომელნიც თავს გადახდენიათ ამ ასის წლის წინად ჩვენ
მამა-პაპათა.

ეს ჩინებული ავტორი, რომელმაც მოგვითხრო ჩვენის უკანასკნელის შავის დროის ამბები, არის ბ.-ნ. ა. ფრონელი.

თავის მშვენიერს წიგნებში: „მთიულეთი 1804 წ.“ და „კახეთის ამბობება 1812 წ.“ — მან მშვენიერად დაასურათა მდგომარეობა საქართველოსი რუსეთთან შეერთების დროს, მშვენიერადა და მთლიანად აგვიწერა ის ბრძოლა, რომელიც ასტყდა მაშინ, როდესაც ქართველნი მიხვდნენ თავიანთ შეცდომას, როდესაც ცხადად დაინახეს, რომ დიდის ხნის სასურველი მოყვარე მტერზედ უარესი გამოდგა. გაბოროტებულმა ხალხმა გასწირა თავი და ხმალს მისწვდა...

სწორედ იმიტომ რომ ჩვენ მოგვწონს ბ.-ნ. ა. ფრონელის წიგნები, არ შეგვიძლია გულ-ახდილად არ აღვნიშნოთ მისის ნაწერების ერთი ნაკლიც! განსაკუთრებით „მთიულეთში“ ეტყობა ავტორს ცოტა გადაქარბებული რიდი ცენზურისა, — ისეთი რიდი, რომელიც მკითხველის თვალში ძლიერ ბევრს აკლებს ნაწარმოების ღირსებას. „კახეთის ამბობებაში“ თითქმის გამქრალა ეს რიდი, თუმცა ცოტა, ბუნდოვანი ნაშთები მისი კიდევ ემჩნევა საერთოდ მოთხრობის კილოს. მაგრამ ეს მხოლოდ გაკვირვებულ მოვიხსენიეთ, — ჩვენ უფრო წიგნების შინაარსს ვაქცევთ უმაჯრესს ყურადღებას, ვინაიდან იქ არის მოთხრობილი ჩვენის ხალხისათვის ფრიად საგულისხმიერო ფაქტები. ამ მხრით ავტორი სრულიად არ არის არავითარის საყვედურის ღირსი. ვიტყვი მხოლოდ, რომ ფრიად სასიამოვნო იქნება ყველასათვის, — თუ ავტორი აგვისრულებს დაპირებულსაც და მთლად საქართველოს უკანასკნელ შავნელ დროს აგვიწერს, — დაგვიხატავს „ბედსა ქართლისასა“, მეფე სოლომონის ტრაგიზმით აღსავსე ბრძოლასა და სხვა ამბავთა საარაკოთა, — დაე, მაშინ მისი სიტყვა ისეთისავე ძლიერებით ჰქუხდეს, როგორც ხმა ქართლის მებრძოლთა, დაე მისი კალამი ისეთივე ფხიანი იყოს, როგორც ხმალი იმ მთიულთა და სხვა ქართველთა, რომელთაც თავი დასდევს მამულის თავისუფლებისათვის ბრძოლაში.

ამას წინეთ წავიკითხე გაზეთში, — მხოლოდ „ნაწყვეტები პოლიტიკური ეკონომიიდან“ გაუყიდა „წერა-კითხვის საზოგადოების“ მალაზიას ასიოდე ცალი, სხვა წიგნები კი ბევრად ნაკლები! ფიქრადაც არ მოგვდის ვუსაყვედუროთ იმათ, ვინც ეს წიგნი იყიდა; ჩვენთვის ის უფრო სასიამოვნო იქნებოდა, რომ წიგნი სულ გაყიდულიყო, მაგრამ, როცა ქართველი საზოგადოება, ქართველი მკითხველი, ისე გულ-გრილად ეკიდება ისეთ წიგნებსაც, როგორც ბ.-ნ. ა. ფრონელის წიგნებია, — ისეთს წიგნებს, რომელიც ერთად ერთი ხელმისაწდომი წყაროა საზოგადოებისათვის ჩვენის სულ ახლანდელ და საშინელ წარსულის გასაცნობად, — ეს პირდაპირ დამაფიქრებელი ამბავია! ნუ თუ ისე გამოეცალა თავისი თავ-გადასავლის გაგების ინტერესი ქართველს, რომ თავის საკუთარ ისტორიის უკანასკნელ უკუღმართობის ერთად-ერთ ხეირიანა მოთხრობილ ამბავსაც აღარა კითხულობს? — საკვირველია, — სატირალიც რო არ იყოს, და ამიტომაც არის საჭირო მოვავაგონოთ ჩვენს საზოგადოებას ეს წიგნები და პირდაპირ ვუთხრათ, — აჰა, წაიკითხეთ, და თუ მოგეწონოსთ, მიეცით ავტორს საშუალება განაგრძოს დაწყებული შრომა.

მართალია, „კახეთის ამბობება“ გაზეთში იბეჭდებოდა ფელეტონებად ამ უკანასკნელ დროს, მაგრამ ჩვენში ვინ კითხულობს ფელეტონებს, განსაკუთრებით თუ ბოლოს უწერია საშინელი სიტყვები: „შემდეგი იქნება“. სწორედ ხათაბალაა, — გაზეთში დაჰბეჭდავ რასმე გრძელ ფელეტონებად, — არაფინ კითხულობს, წიგნად დაჰბეჭდავ — მაინც არაფინ ყიდულობს და არაფინ კითხულობს. მაშ რაღად უნდა იშრომოს ადამიანმა? ჩვენში, რასაკვირველია, იმისთვის, რომ ლანძღონ: მაგრამ სულ ლანძღვა-თრევა და ღრეკა-სიცილი ხომ არ იქნება, — ერთხელაც არის უნდა მოელოს ბოლო ამ დამღუპველ „ხამობასა“.

და რადგანაც დარწმუნებული ვართ, რომ მკითხველთა უმრავლესობას არ წაუკითხავს არც ფელეტონები ბ.-ნ. ა. ფრონელისა, არც ცალკე წიგნად დაბეჭდილი „კახეთის ამბო-

ხება“ და არც წინად ცალკე წიგნადვე დასტამბული „მთიულეთი“, — რადგანაც ალბად ავტორს ამ შრომის სასყიდლად საერთოდ სრული გულგრილობა და ზოგთაგან შეიძლება ლანძღვაცა ხედა წილად, — ამიტომ აუცილებელ საჭიროებად მიგვაჩნია ავტორის წიგნების გავრცელება ქართველ მკითხველთა შორის. ნაწილი ჩვენის ახალის ისტორიისა მარტო იქ არის მოთხრობილი. სხვა წიგნები ჩვენ არა გვაქვს. არის მხოლოდ მასალა, რომლის გაცნობას მხოლოდ სპეციალისტი თუ შესძლებს და არა მკითხველი საზოგადოება.

*
* *

ლონე-მიხდილი საქართველო, ვინ არ იცის, რუსეთთან შეერთებაში ეძებდა ხსნას. მაგრამ მოვიდა თუ არა სანატრელი ერომორწმუნე მთავრობა, ქართველ ხალხს ტკბილი ოცნება და იმედები შავ-ბნელ სასოწარკვეთილებად შეეცვალა. გამართლდა სოლომონ მსაჯულის სიტყვა: — „ვით შეითვისოს რუსმა ქართველიო“. მისთანა თქვენს მტერს, როგორც იმათ ჩვენ შეგვითვისეს! ჯერ ის წაგვართვეს, რის წართმევის უფლებაც არა ჰქონდათ თვით ხელ-შეკრულების ძალით, — მოსპვეს მეფობა საქართველოში და დააწესეს მთავარ-მართველთა და ლენგრალთა უფლება; დადგა დრო ქვეყნის და ხალხის გათახსირებისა... განვლო მცირეოდენმა ხანმა და მიჰყვეს ახლა ხელი და დაუწყეს მოსპობა ყოველ გვარ ჩვენებურ დაწესებულებას, ადათსა და ზნე-ჩვეულებას... — ყოველივე ეს მშვენიერად აქვს ნაამბობი ბ.-ნსა ფრონელს.

როდესაც ჩვენის ქვეყნის მაშინდელ მდგომარეობის აღწერას კითხულობს კაცი ბ-ნ ფრონელის წიგნში, შეუძლებელია დიდი გულის ტკივილი არ იგრძნოს და ცრემლი არ მოერიოს თვალებში. თან კითხულობ ამ წიგნებსა და თან ჰფიქრობ, როგორღა უნდა ჰქონდეს გულში ქართველს სიყვარული მტარვალებისა, თუ გინდ მონურიც — ჰფიქრობ რომ მართალს არა სწერს.

ბ-ნი ზურაბ ავალოვი — რომ იყო ორი საქართველო, — ერთი მუდამ მებრძოლი ეროვნებისათვის და რჯულისათვის, მეორე კი მუდამ მოღალატე ქვეყნისა და სპარსთ-ოსმალოთა წინამძღოლი საქართველოს აკლების საქმეში. მაგრამ მართლაც და რაღაც უცნაური ბედი გვექონია! და არა თუ ძველად, ეხლა კიდევ უფრო მძლავრად მორევია ქართველთა ერთს ნაწილს ეს საშინელი სენი, — ღალატი თვისის ერისა. ჩვენში რომ ახლა მაინც იყოს საზოგადოებრივი სინიდისი, განა ასეთი ვაჟბატონები ღირსნი არიან ისუნთქონ წმინდა ჰაერი თავიანთი სამშობლო ქვეყნისა, სთელიონ თავიანთ მურდალის ფეხებით გმირთა სისხლით მორწყული წმინდა ადგილები?

„მთიულეთში“ აწერილია მნიშვნელობა დარიალის ხეობისა, რომელიც კავკასიის კარად ითვლებოდა და ურომლისოდაც რუსის მთავრობა ვერ მოიკილებდა ფეხს, არა თუ კავკასიაში, არამედ თვით საქართველოშიაც კი. ეს ძლიერ კარგად ესმოდა სპარსეთსაც და ოსმალეთსაც და ამიტომ ისინი დიდი მტრები იყვნენ საქართველოში რუსის მხედრობის დამკვიდრებისა. ახალ-ციხის ფაშის ელჩი, ვინმე ჩერქეზი, პირდაპირ ეუბნებოდა მეფე გიორგის, — კავკასიის კარს რომ აღებ, როდის და გინდა ისევ დახშო იგიო. გიორგიმ უპასუხა: კავკასიის კარის დახშობა საქართველოში ქრისტიანობის დახშობა იქნებოდაო, — და ის კი არა იცოდა, რომ სწორედ მისი გაღება იყო საქართველოს მზის დაბნელება.

ამ კავკასიის კარის გაღებიდან იწყება მთიულთა ტანჯვა და წვალება, ისეთი უბედურება, რომლის მსგავსიც არა სწვევიათ არაოდეს. მთელი გლეხობა კატორგის მუშებად გადააქციეს, — ეხლანდელ საქართველოს სამხედრო გზას აკეთებინებდნენ, ვითომ ქირასაცკი აძლევდნენ, მაგრამ ჯერ ერთი რა ქირა იყო ეს ქირა, — მერე კიდევ რუსის ჩინოვნიკი რიღას ჩინოვნიკია, თუ არ იქურდა კანონიერად კუთვნილი და უმცირესიც-კი არ წააძრო ხალხს: იმ მცირე ხელ-ფასსაც არ აძლევდნენ გლეხებს, რაც მათ დანიშნული ჰქონდათ, სამაგიერ-

როდ ართმევდნენ მთელ სამუშაო დროსა და ამით სრულიად უსპობდნენ ცხოვრების საღსარს.

მოხელეთა უზრდელ და მხეცურ საქციელზედ ლაპარაკიც არა ღირს. მოგახსენებთ მხოლოდ ერთს საშინელ ამბავს, რომელიც ნათლად დაგანახვებთ მაშინდელ „მოყვარეთა“ „კულტურასა“ და „ქრისტიანობასა“. „მთიულეთის“ მე-46 გვერდზედა ვკითხულობთ: „1804 წელს, 27 მარტს, ოსებმა მოართვეს საჩივარი თ. სოლომონ ერისთავს, რომ სოფ. ჟამურს ამოვიდა ანანურის მაზრის კაპიტან-ისპრავნიკი, გაბაწრა ოსები და აქამა ძაღლებისაფვის გაჩორკნილ გობში სალაფავიო. სალაფავი ამნაირად მოამზადა კაპიტან-ისპრავნიკმა: შიგ ჩაასხა *) შრატე, მერმე ჩაჰყარა დაკუწული კატები და ყოველივე ეს ადამიანის ფეინით შეაზავაო“. განმარტება აღარ არის საკირო.

ასეთ საზიზლარ ამბებს მიუმატეთ აშკარა ძარცვა-გლეჯა, დაწიოკება ხალხისა ყაზახებისაგან, ნამუსის ახლა დედა-კაცებისა, ძალით სამუშაოდ გაყვანა და სხვ., — და ნათლად წარმოგიდგებათ თვალწინ მიზეზი მთიულეთის აჯანყებისა, რადგანაც, რაც ოსებს დღე დადგათ, უარესი სიმწუხარე კიდევ ქართველებმა იწვნის. ყოველივე ეს ავტორს აგრეთვე საოცრადა აქვს აღწერილი, — დაწვრილებითა და სისტემატიურად...

ველარ შესძლო მთამ ამდენის გაკირვების ატანა და, იგდო თუ არა ხელთ მარჯვე დრო, აჯანყდა; მაშინ საქართველოს მთავარ-მართველად პავლე ციციანოვი იყო, მაგრამ იგი მხოლოდ კავკასიის დაპყრობისა და ყაზილბაშების აღაგმის ცდაში იყო გართული.

მთიულეთის აჯანყება თითქმის მთელ ქართლს მოედო, კახეთში უკმაყოფირობა კაი ხნიდან იყო და მთელი აღმოსავლეთი საქართველო მზად იყო გახვეულიყო აჯანყების ცეცხლში. ვინ იცის, რითი გათავდებოდა ეს აჯანყება, ანუ, უკეთ ვთქვათ, ეს ომი, რომ ჩვეულებრივად მის „ჩაქრო-

*) ხაზს ჩვენ ვუსვავთ.

ბაში“ მონაწილეობა არ მიეღო მრავალ მოღალატე ქართველსა და ერთი უზრდელი, უსულ-გულო მხეცი, რეაქციონერი და პოლონელ რევოლიუციონერთა მოძულე და დამმარცხებელი, თუმცა ფრიად ნიჭიერი სარდალი, ქართველი გვარის მქონე რუსი ციციანოვი არ ყოფილიყო მაშინ საქართველოს მთავარ-მართებლად და ჯარების უფროსად.

ჩვენ აზრად არა გვაქვს ამ წიგნებში მოთხრობილ ამბავთა განმეორება. ჩვენ მხოლოდ მათის წაკითხვის ხალისი გვინდა გავუღვიძოთ მკითხველს. ამიტომ მოკლავდ მოვსჭირთ: დამარცხდა მთიულეთი და მასთან მთელი იმ დროის აჯანყებული ქართველობა. ღენერალმა ციციანოვმა ისეთი უდიერობა და უღმობელოება გამოიჩინა, როგორც მის ხასიათსა და კაცობას შეეფერებოდა. ან კი რას უნდა მოელოდე ადამიანი ისეთის კაცისაგან, რომლისაც შეეძლო შემდეგ ნაირად მსჯელობა და ლაპარაკი მტერთან თუ მოყვარესთან; ლეკთა ბატონს ალისკანტის ციციანოვმა მისწერა: „სხვა გზა არა გაქვს შენდობისათვის იმის მეტი, რომ მოხვიდე ჩემთან და ფახ-ქვეშ ჩამივარდე. არც შენ და არც ძმა შენი საჭირონი არა ხართ. რაში მეპრიანება შენი წერილები იმის შესახებ, რომ ვითომ ერთგული ხარ და ან რა ხელ-წერილით უნდა შევეკრა ჩემის დიდის ხელმწიფის მოღალატესა და მოხარკესა? ნურავითარ შეწყნარებას ნუ ელი, — **შენი საქმენი და შენ თვითონ იმადაც არა ღირხართ, რომ ერთი გადამდძალი ძალლი გამოგ გზავნოს კაცმა საჩუქრად.** მოვა დრო, რომ მიწას ვალოკვინებ, და მაშინ გაჩვენებ, რაც შეჰიძლიან მე აქ და რა ძალი და ხელმწიფება მაქვს მონიჭებული“, და სხვ. — შემდეგი წერილი კიდევ უარესია: „ყველამ იცის, რა ფიქრ-აზრის კაციც ვარ, რბილი ლოგინი მიყვარს, თუ ველი ბრძოლისა, **სადაც სისხლი მდინარესავით მიქეფარებს და თავნი კაცთანი ისე სცვივიან, როგორც ვაშლები**“, და სხვ. ელისფის სულთანთან მიწერილი წერილი კიდევ უარესია: მხეცური მუქარა, ძალლობითა და მამაძაღლობით ხსენება და სხვ. („მთიულეთი“, გვ. 92 — 93).

ასეთის ურიდისა და გულ-ქვა ადამიანისგან რა გამოვიდოდა, თუ არა უზრდელობა, გადაწვა-გადაბუგვა მთელის ქვეყნისა, ამოწყვეტილ კაცთა სისხლის მორევები და წამება უდიერი, შეუბრალებელი!..

და ასეც მოიქცნენ გენერალი ციციანოვი და მისი მხედრობა. მთიულეთისა და ქართლის ნაწილის გაოხრება მისგან თემურ-ლენგის შემოსევაზედ უარესი იყო. მის უსასტიკესად მოპყრობას დაჭერილ მებრძოლთა და ბატონიშვილთა მიმართ მართლაც რომ არც ერთი აზიელი დესპოტი არ იკადრებდა. პატიოსან მტერთა შორის მოციქული ნამუსიაო, — და ციციანოვის მოციქული კი განადგურების და ნამუსის ახდის ქარიშხალი იყო, მტერთადმი მისგან წარგზავნილი!

ყველა ეს ამბები, — რუსების პირველად შემოსვლა ჩვენში, მთიულთა გაჭირვება, მათი ბრძოლა, სხვა ქართველთა აღდგება და შველა მთიულეთისა, ბატონიშვილთა თავგანწირული ბრძოლა და სულისკვეთება, ციციანოვის ბოროტება და უღმობელოება, მოხელეთა სიბრიყვე, ანგარება, გარყვნილება და სისასტიკე, — საერთოდ მთელი მაშინდელი ჩვენი მდგომარეობა აი რა აქვს ავტორს ნაამბობი ნათლად. მკაფიოდ, არც თუ მოკლედ, არამედ საკმაოდ ვრცლად და დალაგებით.

„კახეთის ამბოხება“ კიდევ უფრო საინტერესოა. კიდევ უფრო მეტია გაიძვერობა და ძარცვა-გლეჯა ხალხისა მოხელეებისაგან, კიდევ უფრო აუტანელი ბეგარები, გადასახადები, ეკზეკუციები, რომელთა უნამუსობას საზღვარი არა ჰქონდა, — აი რა დაატყდა კახელობას თავზედ მთიულეთის აჯანყების ცოტა ხნის შემდეგ, და კახეთმაც იშიშვლა ხმალი მთელის თავისის ძველთაგან განთქმულის ვაჟკაცობითა და მამულიშვილობით ეკვეთა მტერს და შეარყია კიდევ მისი ძლიერება საქართველოში.

მართლაც, როგორ უნდა მოეთმინა კახეთს, როდესაც სალდათები იქმდის მივიდნენ, რომ დედა-კაცებს აშიშვლებდნენ, ტიტველ ხორცზედ მათრახსა სცემდნენ! როგორ არ უნდა განეწირა სასიკვდილოთ თავი ყოველ კახელს, როდესაც ისე-

თი მაგალითიც კი მოჰხდა მხეცობისა, რამ ჩემს დღეში სხვაგან არსად მსმენია ამის მსგავსი რამ: დედა-კაცს ნამუსი ახადეს და შემდეგ სასოში ღვინო ჩაასხეს!.. და აკი ამბობენ კახელები თავიანთ საჩივარში, — რაც რუსებმა ტანჯვა-წამება და შეურაცხყოფა მოგვაცუნეს, თავის დღეში არც ლეკისა და არც ყიზილბაშისაგან ამისი მსგავსი არა გვახსოვსრაო...

ეკვეთა მტერს კახეთი, სძლია იგი მრავალჯერ, სათუოდ ვახადა მისი ბატონობა; მაგრამ აქაც ღალატმა, რეგულიარულმა ჯარმა, საქართველოს ერთობის უქონლობამ და მრავალმა სხვა მიზეზმა სძლია იგი და მოახრევეინა ისევ ქედი მტარვალის წანაზე. აქაც უმეტეს ნაწილად ისევ ქართველი სარდლები უძლოდნენ წინ მტრის მხედრობასა და სწვავდნენ, იკლებდნენ ჭვეყანას. აქაც ისევ ქართველი გამოდგა მოღალატედ — დღეს რომ მამულისთვის იბრძოდა ხვალ მტერს უჩვენებდა თავის მოძმეთა ბანაკისაკენ მიმავალს გზას და ჰლუპავდა გამარჯვებული ქართველთა მხედრობას. იღღესასწაულეს ეს დამარცხება საქართველოს მოღალატეებმა, მიიღეს ჩინ-მენდლები სამშობლო ჭვეყნის გადაწვისა და გაოხრებისათვის, მაშინდელი ხამელეონობა დღესასწაულობდა ქართველთა დამარცხებასა და დაღუპვასა და ყველა ოხერი ტკბილ-იმედს ეძლეოდა, — ეგებ მეც მერგოს ძლეულის ლომის კუდის რიკი ან ფეხის ფრჩხილი მაინცაო. ამისათვის ზოგნი იმასაც კი არ დაერიდნენ, რომ ყალბი საბუთებით ქართველთა წინააღმდეგ ომში გმირობის სახელსაც კი იმტკიცებდნენ, მაგრამ მიუხედავად ამისა და ვერ მიადწიეს საწადელს. საუკეთესოდ მხოლოდ საუკეთესო მოღალატეები დააჯილდოვეს, სხვები ხახა-მშრალეები დარჩნენ.

აი ეს გვიამბო ბ-მა. ფრონელმა „კახეთის ამბოხებაში“. დიახ, მაშინ კიდევ თურმე კაცები ვყოფილვართ და ქუდი გვხურებია. ვიბრძოლეთ როგორც შეგვეძლო და ვისაც შეგვეძლო. დამარცხებაში მაინც მოვიპოვეთ საუკუნო სიმშვიდე სინიღისისა შთამომავლობის წინაშე, ხოლო მოღალატენი წყევის ბეჭდითა და ღენერლის ჩინებით გამოვიდნენ ამ ბრძოლიდან. მათი „ვაჟ-კაცობაცა“, თვით სახელი და გვა-

რებიც მოთხრობილია ბ-ნ ა. ფრონეოს წიგნებში. წაიკითხეთ და დასწყევლეთ მათი სახსენებელი, მათი მყარლი სული და ნეშტი, — თუ მონობის სულით არა ხართ სრულიად გაჟღენთილი და ცოტა კიდევ დაგრჩენიათ თავმოყვარეობა, მკირვოდენი სიყვარული მაინც მრავალ-ტანჯულის საქართველოსი.

მაგრამ ეს რა? განა მარტო მთიულეთი, ქართლი და კახეთი განიცდიდნენ ასეთ უბედურებასა? განა მარტო ისინი იბრძოდნენ?—მთელი საქართველო იყო ასეთ წამებაში, მთელი საქართველო იბრძოდა სასოწარკვეთილი და თავ-განწირული. ეს ბრძოლა არასოდეს არ შეწყვეტილა. ერთგან რომ შესწყდებოდა, მეორეგან იჩენდა თავს, აქაც რომ შესწყდებოდა, ახლა სხვაგან გაჩაღდებოდა. მტერს არც ისე ლაჩრულად დავმონებთ, როგორც ეს ბევრსა ჰგონია. და ჩვენც იმიტომ მიგვჩნია საჭიროდ „მთიულეთისა“ და „კახეთის ამბოხების“ კითხვა და გავრცელება, რომ ა. ფრონელზედ უკეთ მგონი ჩვენში არავენ იცის მაშინდელი ამბები. თუ თანაგრძობა არ იქმნება, თუ საღსარი არ იქნება, როგორ განაგრძოს მან თავისი შრომა? თუ მხარი არ დავუჭირეთ, ვინ იცის როდის გვეღირსება ამ ამბავთა სრული და დაწვრილებითი მოთხრობა? მხარის დაჭერა-კი ავტორისათვის სულ ადვილია: იყიდოს ყველამ „მთიულეთი“ და „კახეთის ამბოხება“, რათა ავტორმა შესძლოს ახალის წიგნის დაწერა, რაიცა არ გაუჭირდება, რადგანაც როგორც მსმენია, მასალა უკვე მზადა აქვს, და თუ არა ვსცდები, მგონი, მხოლოდ იმასა აქვს ეს მასალა ზედ-მიწევნით შესწავლილი.

*
* * *

ჩვენი უბედურება ის არის, რომ არ ვიცით ჩვენი თავ-გადასავალი. აქედან წარმოსდგება უმეტესად ერთი ჩვენი საშინელი ნაკლი,—ბატონის სიყვარული. როდესაც კი გვეცოდინება ჩვენის ქვეყნის თავ-გადასავალი ჩვენი წარსული სვებელი „მოყვარეთა“ ხელში, მხოლოდ მაშინ შევიძლებთ გავითვალისწინოთ ჩვენი მომავალი ცხოვრებაც. ჩვენს წერა-კი-

თხვის მკოდნე ხალხსაც მგონი არ გაუკირდეს რაღაც მანეთი ან მანეთ-ნახევარი, რომ ა. ფრონელის წიგნები იყიდოს, წაიკითხოს, გაავრცელოს, დააინტერესოს ყველა და ამით ავტორს შეძლება მისცეს გვიამბოს „ბედი სრულიად საქართველოსი“, რომ ცოტათი მაინც ავმაღლდეთ ზნეობრივად, მონური სული განვისპეტაკოთ.

ნუ დაგვაფიწყდება, რომ ეხლა სურვილიც კი გაჰქრა ეროვნულის თავისუფლებისათვის ბრძოლისა, ვაჟ-კაცობა ხომ სულ აღმოიგავა ქართველის გულიდან. წინად თუ კიდევ ვიყავით ადამიანები, ნამდვილი ქართველი მამულისშვილები, მხოლოდ ღვარძლივით გვერია მოღალატეები, — თუმცა ბევრი, — მაგრამ შეგვეძლო ხოლმე მათი ღირსეულად დასჯა. ეხლა კი სულითა და გულით ყველა მოღალატეობასა სცდილობს და ქართველისათვის საქართველოს ღალატი რაღაცა მოქალაქეობრივ სიმამაცედ გადაქცეულა.

ქართველო! გაითვალისწინე შენი ისტორია მთელის ერთის საუკუნისა, კარგად ჩაუკვირდი მთელს შენს აწმყოს, და მაშინ შეიძლება ქკუაში დაგიჯდეს თუ გსმენია, შახ-აბაზის დროის სპარსეთში გადასახლებულის ერთის ქართველის სიტყვა, რომელიც მან წარმოსთქვა, როცა შუამთის მონასტერში იხილა მაჰმადიანთაგან თოფით დახვრეტილი ხატი და მთელის ტაძრის მხატვრობა კირით შეღესილი მართლმადიდებელ მღვდელთ-მთავრების ბრძანებით: „ჰოი საკვირველებავ, მტერ ერთი ხატი გაუხვრეტია ტყვეითა, ვითომ და მოყვარეს კი მთელი დიდებული მხატვრობა კირით წარუხუცია“-ო.

ამ წარსულის მასალა კი ბ.-ნ. ა. ფრონელს აქვს. „ვითომ და მოყვარეთა“ ამბავი მან მოგვითხრო რამდენიმედ, საჭიროა მთლად მისი ცოდნა. დავებმაროთ, რათა მალე გვაუწყოს დანარჩენი ამბებიც, თუმცა რაც გვიამბო, ჩვენს გარემოებაში, ისიც ძნელი აღსასრული იყო და იმისთვისაც დიდი მადლობელი უნდა ვიყვნეთ პატივციმულის ავტორისა.

Bâton.

არითმეტიკული ამოცანების სწავლების წესი დასაწყისის სკოლებში.

არითმეტიკის სწავლების დროს, უმეტესად დასაწყისის სკოლებში, რიცხვითი მაგალითებისა და ფორმულების გამო-
 ანგარიშებას იმდენი დიდი პრაქტიკული მნიშვნელობა არ
 აქვს, როგორც ამოცანების კეთებას, რადგანაც ამოცანების
 შეგნებით კეთება დიდად უწყობს ხელს მოსწავლის გონების
 განვითარებას, არითმეტიკულ მოქმედებათა შეთვისებას და
 ცოდნის პრაქტიკულად მოხმარება-გამოყენებასაც. ამას გარ-
 და, ამოცანების კეთების დროს, არითმეტიკულ მოქმედებათა
 შესწავლაც უფრო სახალისო და მიმზიდველ სამუშაოდ
 ხდება მოწაფეთათვის, ვიდრე ვარჯიშობა მარტო რიცხვებზე.
 ცნობილი პედაგოგის შოხორტროკის აზრით არითმეტიკის
 სწავლების დროს ამოცანები უნდა შეადგენდეს **საშუალებას**
 და არა **მიზანს**, როგორც ზოგიერთებს ჰგონიათ. ამოცანე-
 ბის კეთებით და მისივე საშუალებით მოწაფემ უნდა შეითვი-
 სოს საღი წარმოდგენილებანი და ნამდვილი ცნებები არით-
 მეტიკულ ოთხ მოქმედებათა შესახებ. საშუალო სასწავლებ-
 ლების უფროსს კლასებში, სადაც სწავლობენ თეორიულ
 კურსს, ამოცანების კეთებას შეუდგებიან საჭირო თეორიულ
 განმარტებათა და ლოლიკურ დასკვნათა შემდეგ; მაგრამ
 არითმეტიკის პრაქტიკული კურსის შესწავლის დროს კი —
 ე. ი. დასაწყისის სკოლებში, ამოცანების კეთება ყოველ
 დასკვნასა და განმარტებას წინ უნდა უსწრობდეს. საზო-
 გადოთ დასაწყისის სკოლებში, როგორც სხვა საგნებში,
 აგრეთვე არითმეტიკის სწავლების დროსაც, განსაკუთრებულ

ყურადღებას არ აქცევენ სხვა და სხვა დასკვნა-განმარტებებს და, როცა ეს საჭიროა, არასოდეს მზა-მზარეული დასკვნა განმარტება არ ეძლევათ მოწაფეებს; პირიქით თვითონ მოწაფეები, საკუთარი გონების ვარჯიშობით და მასწავლებლების ხემძღვანელობით, თავის თავად შეიმუშავენ ამ თუ იმ დასკვნებს, წესებს და განმარტებათა, რომელნიც გამოჰყავთ მათ ამოცანებისა, რიცხვითი მაგალითებისა და სხვა სავარჯიშოების კეთების შემდეგ.

ამოცანა ჰქვიან ყოველ საკითხს, რომელშიაც მოითხოვება ცნობილი რიცხვებიდან გამოსაცნობი რიცხვის შედგენა. ყველა არითმეტიკული ამოცანა უმთავრესად ორი ნაწილისაგან შესდგება: ამოცანის პირობებისა მიცემულის რიცხვებით და საკითხისაგან. პირველ ნაწილში ნაჩვენებია ის რიცხვები, რომლის საშუალებითაც უნდა გამოიცნონ საძიებელი რიცხვები და ურთიერთშორისი დამოკიდებულება ცნობილსა და საძიებელ რიცხვებს შორის. საკითხი მოითხოვს თუ რომელი მთავარი საკითხის გამოცნობაა საჭირო ამოცანაში.

ამოცანა განიყოფება მარტივად ოა რთულად. მარტივი ჰქვიან ისეთს ამოცანას, რომლის გამოსაცნობადაც საჭიროა ერთი რომელიმე არითმეტიკული მოქმედება და ისიც მხოლოდ ერთხელ. თუ ამოცანის გასაკეთებლად საჭიროა რამდენიმე არითმეტიკული მოქმედება, ანუ ერთი რომელიმე მოქმედება იხმარება რამდენჯერმე, ამისთანა ამოცანას **რთული** ეწოდება.


მარტივი ამოცანების კეთება ძნელი არ არის; საჭიროა მხოლოდ ცოტაოდენი მოფიქრება, მოსაზრება იმისი, თუ ოთხ არითმეტიკულ მოქმედებიდან რომელია საჭირო აღნიშნულს შემთხვევაში და შეეძლოს ბავშვს გამოანგარიშება. ამისათვის კი ფრიად საჭიროა, რომ ყოველი მოქმედების შესწავლის დროს, მოწაფემ თვალსაჩინოდ გაიცნოს და შეიგნოს ყველა ტიპის ამოცანები, რომლებიც მოითხოვენ ამა თუ იმ არითმეტიკულს მოქმედებას. მაგალითად ტიპიური ამოცანები გაყოფაზე იქნებიან ასეთი: 1) გამოიცანით რიცხვის რომე-

ლიმე ნაწილი, 2) დაამცირეთ რიცხვი რამდენჯერმე; 3) გამოიცანით, ერთი რიცხვი რამდენჯერ მოიპოვება მეორეში, 4) რამდენჯერ არის ერთი რიცხვი მეორეზე მეტი. თუ მოწაფეებს ცხადად აქვსთ შეგნებული და წარმოდგენილი ტიპიური ამოცანები თითოეულის მოქმედების შესახებ, მაშინ მათ არც გაუჭირდებათ და ადვილადაც მიხვდებიან თუ რომელ შემთხვევაში რა მოქმედება იხმარონ.

თუ კარგად დაფუკვირდებით — ყველა რთული ამოცანების კეთებაც მარტივი ამოცანების კეთებით იწყება, რომლიდანაც შემდგარია რთული ამოცანები. როდესაც რთული ამოცანების კეთების დროს ჩვენ ვანაწილებთ მას მარტივ ამოცანებად, მაშინ ვადგენთ ეგრედ წოდებულს ამოცანის გაკეთების გეგმას, რომლის მიხედვით ვაკეთებთ მარტივს ამოცანებს და თანდათან ვუახლოვდებით ამოცანის უმთავრესი საკითხის გამოცნობას, ე. ი. ვაკეთებთ რთულს ამოცანას.

თანამედროვე პედაგოგიურს მწერლობაში რთული ამოცანების კეთებისა და თავდაპირველად გეგმის შედგენის შესახებ გამორკვეულია ორნაირი ხერხი, რომელიც ღამყარებულია ბავშვის სულიერ ძალთა განვითარებისა და საზოგადო პედაგოგიურს მოსაზრებაზე. ამ ხერხს უწოდებენ **სინტეტიურს** და **ანალიტიურს**. პირველ შემთხვევაში ამოცანაში ცნობილის რიცხვებიდან გადავდივართ გამოსაცნობელ რიცხვებზე; მეორე შემთხვევაში კი ამოცანის მთავარ საკითხიდან — ცნობილს რიცხვებზე. კარგად რომ დაფუკვირდეთ მსჯელობას ამოცანების კეთების დროს შევნიშნავთ, რომ ანაზილიც და სინტეზიც ერთად აუცილებელი ხდება, მხოლოდ საქმე იმაშია თუ რომელი რომელს უნდა უსწრობდეს წინ და რა განსხვავებაა სინტეტიურსა და ანალიტიურს მეთოდებს შორის ამოცანების კეთების დროს. რომ უფრო ცხადად და თვალსაჩინოდ წარმოვიდგინოთ ეს განსხვავება საჭიროდ მიგვაჩნია გავაკეთოთ ერთი და იგივე ამოცანა ორივე წესით.

ამოცანა: ვაჭარმა აურთა ერთმანეთში 6 გირვანქა ოთხ მან. ჩაი, 7 გირ. სამ მან. და 9 გირ. ორ მან. როგორ გაუყიდა ერთი გირვანქა ამნაირად არეული ჩაი,



თუ მთლად ამ სავაჭროში ვაჭარმა აიღო სამი მან. მოგება? (იხ. კრებული ა. ნატროშვილისა № 789).

გავაკეთოთ ეს ამოცანა ჯერ სინტეტიურის წესით:

მასწავლებელი. — ამოცანაში არის ნათქვამი: ვაჭარმა აიღო ასარევად 6 გირვანქა ჩაი; თითო გირვანქა ღირდა 4 მანეთად. რა შეგვიძლიან გამოვიცნოთ ამ რიცხვებიდან?

მოსწავლე — შეგვიძლია გავიგოთ ექვსი გირვანქა ჩაის ფასი. თუ გირვანქა 4 მანეთად ღირდა, ექვსი გირვანქა ეღირება ექვსჯერ უფრო ძვირად, ამიტომ ერთი გირვანქის ფასი უნდა გავაბევირდეთ 6 ჯერ — 4 მ. $\times 6 = 24$ მან. ამნაირად პირველი ხარისხის ჩაი ღირებულა 24 მანეთი.

მასწ. — მეორე ხარისხის ჩაი აუღია ვაჭარს 7 გირვანქა. თითო გირვანქა ღირებულა 3 მან. რა შეგვიძლიან გავიგოთ ამ რიცხვებიდან?

მოსწ. — შეგვიძლიან გავიგოთ 7 გირ. ჩაის ფასი. ამისათვის 3 მან. $\times 7 = 21$ მან.

მასწ. — მესამე ხარისხის ჩაი აუღია ვაჭარს 9 გირ. ღირებული თითო ორ-ორ მანეთად. ამ რიცხვებიდან რა შეგვიძლიან გავიგოთ?

მოსწ. — ადვილად გავიგებთ მესამე ხარისხის ჩაის ფასს. ამისათვის 2 მ. $\times 9 = 18$ მან.

მასწ. — ჩვენ გავიგეთ, რომ პირველი ხარისხის ჩაი ღირებულა სულ 24 მან. მეორე — 21 მან. და მესამე 18 მან. ვინ მიხვდება რა შეგვიძლიან ესლა გავიგოთ ამ რიცხვებიდან?

მოსწ. — ესლა შეგვიძლიან გავიგოთ სამი ხარისხის ახეული ჩაის ფასი, ამისათვის 24 მ. + 21 მ. + 18 მ. = 63 მან.

მასწ. — ესლა ჩვენ გავიგეთ რომ სამივე ხარისხის არეული ჩაი 63 მან. ღირებულა, ვაჭარმა სამი მანეთი მოიგო. რა შეგვიძლიან გავიგოთ ამ რიცხვების შემწეობით?

მოსწ. — ესლა შეგვიძლიან გავიგოთ როგორ გაუყიდა ვაჭარს არეული ჩაი. ამისათვის 93 მ. + 3 მან. = 66 მან.

მასწ. — შეიძლება გავიგოთ რამდენ გირვანქას იწონიდა არეული ჩაი?

მოსწ. — დიად, შეიძლება: პირველი ხარისხისა იყო 6 გირ. მეორესი 7 გირ. და მესამესი 9 გირ.; ამისათვის 6 გ. + 7 გ. + 9 გირ. = 32 გირ.

მასწ. — ჩვენ გავიგეთ, რომ არეული ჩაი ვაჭარს 66 მანეთად გაუყიდა, ხარვევი ყოფილა 22 გირ. შეგვიძლიან ესლა

გავიგოთ თუ როგორ გაუყიდა ვაჭარს ერთი გირვანქა არეული ჩაი?

მოსწ. — ეს ადვილი გასაგებია — თუ 22 გირ. არეული ჩაი გაყიდა ვაჭარმა 66 მანეთად — 1 გირ. გაყიდდა 22 ჯერ იაფად — ამისათვის $66 \text{ მ.} : 22 = 3 \text{ მან.}$ ამნაირად ერთი გირვანქა არეული ჩაი ვაჭარს გაუყიდა 3 მან.

სინტეტიური მეთოდით, ამ ამოცანის კეთების დროს, ჩვენ კვალდაკვალ მივყვებოდით და გადავდიოდით ცნობილიდან გამოსაცნობ რიცხვებზე ისე, რომ ამ რთული ამოცანიდან პირველად ავიღეთ ორი რიცხვი, დაუსვით კითხვა და შესდგა პირველი მარტივი ამოცანა, რომელიც ერთის მოქმედებით გავაკეთეთ; შემდეგ კიდევ ავიღეთ ორი რიცხვი, დაუსვით კითხვა და ისიც ერთი მოქმედებით გავაკეთეთ და ასე ბოლომდის. როცა ამოცანებს სინტეტიურის წესით ვაკეთებთ ყოველთვის უნდა მოვისაზროთ რა არის მოცემული რთულს ამოცანაში და რა რიცხვი ვიპოვეთ მარტივი ამოცანების გაკეთების შემდეგ და რა შეგვიძლია გავიგოთ ამ რიცხვებიდან. სინტეტიური წესით ამოცანების კეთების დროს მოსალოდნელია ორ გვარი შეცდომა: 1. შეფარდება ცნობილ რიცხვებისა და 2. შეცდომა კითხვების დაყენებაში. მაგალ. რომ აგველო პირველი ხარისხის ჩაის 1 გირ. ფასი და მეორე ხარისხის ჩაის 1 გირ. ფასი შეგვეძლო გავგვეო რამდენით ძვირი იყო პირველი ხარისხის ჩაის 1 გირ. მეორე ხარისხის ჩაის 1 გირვანქაზე. მაგრამ ცხადია, რომ ამგვარი შეფარდება ცნობილი რიცხვებისა ვერაოდეს ვერ მიგვაახლოვებდა რთული ამოცანის მთავარი საკითხის გამოცნობასთან.

ეხლა იგივე ამოცანა გავაკეთოთ ანალიტიურის წესით.

მოსწ. — რა იკითხება ამოცანაში?

მოსწ. — როგორ უნდა გაყიდეს ვაჭარმა თითო გირვანქა არეული ჩაი, რამ მიიღეს სამი მანეთი მძგება.

მოსწ. — შეიძლება ამის გამოცნობა ერთბაშად, ერთის მოქმედებით?

მოსწ. — არა. არ შეიძლება.

მოსწ. — რა უნდა ვიცოდეთ იმისთვის, რამ მივუგოთ კითხვაზე თუ რა უღირებოდა თითო გირვანქა არეული ჩაი?

- მოსწ.** — ამისათვის უნდა ვიცოდეთ როგორ გაუყიდა ვაჭარს არეული ჩაი მთლად და რამდენ გირვანქას შეადგენდა ნარევი.
- მასწ.** — შეიძლება ერთბაშად გავიგოთ როგორ გაუყიდა ვაჭარს არეული ჩაი?
- მოსწ.** — არა. ჯერ უნდა გავიგოთ რა უღირდა ვაჭარს არეული ჩაი და შემდეგ შეგვიძლია გავიგოთ როგორ გაყიდა იგი ნარევს, თუ სამი მანეთი მლიგლ.
- მასწ.** — შეგვიძლიან ერთის მოქმედებით გამოვიცნოთ არეული ჩაის ღირებულება?
- მოსწ.** — ვერა, ამას ერთბაშად ე. ი. ერთის მოქმედებით ვერ გამოვიცნობთ, რადგანაც სამი ხარისხის ჩაი იყვ. თითოეულ ხარისხის ჩაის რაოდენობაც და ფასიც სხვა და სხვა არის.
- მასწ.** — მას საიდან უნდა შევუდგეთ ამოცანის კეთებას?
- მოსწ.** — ჯერ გავიგოთ 1 ხარისხის ჩაის ფასი. ამის გაგება ადვილად შეიძლება, იმიტომ რომ ვიცით რამდენი გირვანქა ჩაი იყვ პირველი ხარისხისა და რა ღირდა თითოეულ გირვანქა.
- მასწ.** — შემდეგ რას გავიგებთ?
- მოსწ.** — გავიგებთ მეორე ხარისხის ჩაის ფასს
- მასწ.** — შემდეგ რას გავიგებთ?
- მოსწ.** — მესამე ხარისხის ჩაის ფასს.
- მასწ.** — იმის შემდეგ რაღას გავიგებთ?
- მოსწ.** — როდესაც ვიცით თითოეული ხარისხის ჩაის ფასი ცალ-ცალკე — ადვილად შეგვიძლიან გავიგოთ სამივე ხარისხის ერთად არეული ჩაის ფასიც.
- მასწ.** — ამის შემდეგ რაღას გავიგებთ?
- მოსწ.** — როცა გვეცოდინება რა უღირდა ვაჭარს არეული ჩაი და რამდენი მანეთი მლიგლ ვაჭრობით, შეგვიძლიან გავიგოთ როგორ გაუყიდა ვაჭარს მთლად არეული ჩაი.
- მასწ.** — შეგვიძლიან ერთის მოქმედებით გამოვიანგარიშოთ არეული ჩაის რაოდენობა?
- მოსწ.** — ამის გაგება ადვილია, როცა ვიცით თითოეული ხარისხის ჩაის რაოდენობა ცალ-ცალკე.
- მასწ.** — იმის შემდეგ, როდესაც გვეცოდინებათ რამდენად გაუყიდა ვაჭარს არეული ჩაი და რამდენ გირვანქას შეადგენდა ნარევი შეგვიძლიათ გავიგოთ რა ფასში გაყიდა ვაჭარი თითოეულ გირვანქა არეულ ჩაის?
- მოსწ.** — დიალ, ამის გაგება მნელი არ არის.

ამისთანა ანალიზის შემდეგ შეადგენენ ამოცანის გეგმ-
 თების გეგმას: ა) გავიგოთ ფასი პირველი ხარისხის ჩაისა;
 ბ) გავიგოთ ფასი მეორე ხარისხის ჩაისა; გ) — მესამე ხარის-
 ხის ჩაისა; დ) რა უღირდა არეული ჩაი ვაჭარს; ე) რამდენ-
 ნად გაუყიდნია არეული ჩაი მოგებით; ვ) რამდენ გირვან-
 ქას იწონიდა არეული ჩაი და ზ) როგორ გაუყიდია ვაჭარს
 თითო გირვანქა არეული ჩაი. ამ მარტივი ამოცანების გამო-
 ცნობა ძნელი არ არის, ამიტომ არც ჩვენ მოვიყვანთ აქ იმ
 კითხვა-პასუხებს, რომელსაც მიმართავენ მასწავლებლები და
 მოწაუფეები ამ ამოცანების გამოსაანგარიშებლად და რომელიც
 იგივე სინტეტიური წესია სწავლებისა, რომელიც ზემოთ
 მოვიხსენიეთ

ამისთანა მსჯელობას ამოცანების ასახსნელად ეწოდება
 ანალიტიკური წესი. ამ წესით, ამოცანის გეგმის შესადგენად,
 ჩვენ გადავდიოდით უცნობიდან, ამოცანის უმთავრეს საკით-
 ხიდან ცნობილს რიცხვებზე. თავდაპირველად ვაქცევთ ყურად-
 ლებას ამოცანის უმთავრეს საკითხს, ვიგონებთ თუ რა რიც-
 ხებია საჭირო, როგორ გამოვიცნოთ ეს საკითხი ერთის
 მოკმედებით. შემდეგ ვაქცევთ ყურადღებას თუ რა მისაშველე-
 ბელი რიცხვები უნდა გვქონდეს უმთავრესი საკითხის გამო-
 საცნობლად. ასე მივდივართ იმ დრომდის, ვიდრე არ მივი-
 ლებთ ისეთს მარტივს ამოცანას, რომლის გამოსაანგარიშებ-
 ლად საჭირო რიცხვები უკვე ნაჩვენებია ამოცანის პირო-
 ბაში. ამ გვარი თანდათანობით, მარტივი ამოცანების შედგე-
 ნის დროს, ჩვენ ვადგენთ ამოცანის ახსნის გეგმას. ამასთან
 მარტივი ამოცანის გამოცნობა უნდა იწყებოდეს იმ ამოცა-
 ნიდან, რომელშიაც შედიან რთულ ამოცანაში ნაჩვენები
 რიცხვები; როცა ამ მისაშველებელ რიცხვს ვიპოვიან, შემდეგ
 გადავდივართ მეორე მარტივ ამოცანაზე და სხ. ანალიტიკური
 წესით ამოცანების ახსნის დროს შესაძლებელია შეცდომა
 მოხდეს მხოლოდ რიცხვების ურიგოდ შეფარდებაში; კითხვე-
 ბის დასმაში კი შეცდომა შეუძლებელია, რადგანაც თითოე-
 ული საკითხი, მარტივი ამოცანების შესახებ, განისაზღვრება
 ან რთული ამოცანის უმთავრესი საკითხით, ან წინასწარი



მარტივი ამოცანებით. ერთი საკითხი ლოდიკურად გამოიმდინარეობს მეორიდან.

ესლა შევადაროთ ერთმანეთს ეს ორივე მეთოდი ამოცანების ახსნისა.

სინტეტიური წესით, ამოცანების ახსნის დროს, ჩვენ მივდივართ ალაღბედზე, თითქოს არა ვართ დარწმუნებული ჩვენს მოქმედებაში, ვირჩევთ ამოცანის პირობიდან ორს რიცხვს და იმაზე ვადგენთ მარტივ ამოცანას, რომელსაც მაშინვე გამოვიანგარიშებთ; შემდეგ ავღლებთ კიდევ ორს რიცხვს, ვადგენთ ამოცანას, ვანგარიშობთ და სხ. ამნაირად მოვახდენთ რამდენიმე ცდას, რომელთაც ერთმანეთში არავითარი კავშირი არ აქვს და არც არიან გადაბმულნი ერთის სახელმძღვანელო ძაფით; ანალიტიკური მეთოდის ხმარებით კი ჩვენ შემთხვევით არ ვადგენთ მარტივს ამოცანებს, პირიქით ვადგევართ საღს ლოგიკურ გზას: შევადგენთ თუ არა პირველ მარტივ ამოცანას, რომლის საკითხს ამოცანის უმთავრესი საკითხი შეადგენს, ჩვენ ცხადად დავინახავთ თუ რომელი ახალი რიცხვები უნდა ვიცოდეთ წინდაწინ და რანაირი მარტივი ამოცანის შედგენაა საჭირო ამ რიცხვებზე.

სინტეტიური მეთოდით, როდესაც მოწაფე აღნიშნავს პირველ მარტივ ამოცანას, მაშინვე შეუძლია მისი გამოანგარიშებაც წინასწარ სრული გეგმის შეუღგენელად, შემდეგ შეადგენს თუ არა მეორე მარტივ ამოცანას—იმასაც მაშინვე გამოიცნობს და ასე ბოლომდის. ანალიტიკური მეთოდით კი თავდაპირველად უნდა შეადგინონ ამოცანის ახსნის გეგმა და შემდეგ იწყონ გამოანგარიშება ე. ი. დაადგენ სინტეტიურს გზას.

სინტეტიური წესი ამოცანის კეთებისა უფრო ადვილია როგორც მოწაფეების, ისე მასწავლებლებისთვისაც, რადგანაც ცნობილი რიცხვებიდან უცნობზე გადასვლა უფრო ადვილია, ვიდრე უცნობიდან ცნობილზე, მეორე შემთხვევაში უნდა გააბან მთელი ჯაჭვი დასკვნათა, რომლის რგოლები ლოდიკურის კავშირით არიან ერთმანეთზე გადაბმული.

ეხლა საკითხი იმაშია ამოცანების ახსნის ამ **ორმეტოდში** რომელს უნდა დაეთმოს უპირატესობა განსაკუთრებით დასაწყისის სკოლებში.

არითმეტიკული ხასიათის ამოცანებში, რომლებიც უფრო მეტია ყველა არითმეტიკულ ამოცანათა კრებულებში, რომელნიც დანიშნულია დასაწყისი სკოლებისათვის, დამოკიდებულება ცნობილსა და გამოსაცნობ რიცხვებს შორის იმდენად ცხადი და **გამჭვირვალეა**, როგორც ამბობს გოლდენბერგი, რომ შესაძლებელია ამოცანის ახსნის გეგმის შედგენა უნაალიზოდაც ე. ი. სინტეტიურის გზით.

აღგებრალი ხასიათის ამოცანებში, რომელნიც ხანდისხან შეგვხვდება დასაწყისი სკოლების ამოცანათა კრებულშიაც და აგრეთვე ისეთს ამოცანებში, თუმცა არითმეტიკულის ხასიათისაში, მაგრამ რომლის აზრიც უფრო დახლართულია, სასურველია მიმართონ ანალიტიკურს წესს. მაგალითად დასაწყისის სკოლის დაბალსა და საშუალო განყოფილებებში უმეტესი რიცხვი არითმეტიკული ამოცანებისა შეიძლება სინტეტიურის წესით აიხსნას, უფროსს განყოფილებაში კი საჭიროა ისარგებლონ ანალიზითაც, რადგანაც ეს მეთოდი უფრო ხელს უწყობს მოწაფის გონების განვითარებას, ვიდრე სინტეტიური. თანამედროვე პედაგოგია გვამცნევს, რომ არითმეტიკის სწავლების დროს „უმთავრესი მნიშვნელობა **ანალიტიკურ წესს** აქვს, რადგანაც მხოლოდ ანალიზის შემწეობით კეთდება ამოცანები, რომლის სინტეტიური ახსნა წარმოადგენს მხოლოდ გამეორებას. ამოცანების მნიშვნელობა მარტო გამოანგარიშების წესში კი არ არის, რომელსაც მოწაფეები სწავლობენ რიცხვითი მაგალითებისა და ფორმულების გამოანგარიშებაზედაც, როცა საკითხი, თუ რომელი მოქმედებაა საჭირო, აშკარადა სჩანს, არამედ-ამოცანის სიტყვიერ შინაარსის ლოგიკურად შემუშავებაში. ამიტომაც ამოცანების კეთების დროს საჭიროა თავდაპირველად სიტყვიერი მსჯელობა, ყოველი აზრის ლოგიკურად დამტკიცებით და ბოლოს, თითქოს ამ მსჯელობის შესამოწმებლად, შეძლების დაგვარად, სწრაფად გამოორკვევა, გამოანგა-

რიშება იმ რიცხვისა, რომლის გამოცნობაც შეადგენს ამოცანის მთავარ საკითხს.

ყველა ამოცანები, რომელთაც დასაწყის სკოლებში აკეთებენ, შეიძლება გავყოთ სამ რიგად: 1) ელემენტარული; ანუ მარტივი ამოცანები, რომელსაც აკეთებენ დასაწყისი სკოლის პირველ განყოფილებაში, ზოგჯერ მეორეშიაც და რომელიც შემდეგ იხმარება საშუალებად რთული ამოცანების კეთების დროს, 2) **რთული, ადვილი** ამოცანები და 3) **მოძნელო** ამოცანები, რომელთა უმეტესს რიცხვს წარმოადგენენ ესრედ წოდებული **ტიპიური** ამოცანები. მეორე რიგის ამოცანებს დიდი განმავითარებელი მნიშვნელობა აქვს. „რთულს მაგრამ არა ძნელს ამოცანებზე, ადვილად შესაძლებელია მოწაფეების ვარჯიშობა ამოცანათა კეთების გეგმის შემუშავებაში, დაწვრილებითი განმარტებაში და ლოგიკურ მსჯელობაში საჭირო შემთხვევაში თითოეული მოქმედების საფუძვლიან ხმარების შესახებ.

ხშირად შეინიშნება, რომ მოწაფეს კლასში ბლომად უკეთებია ამოცანები, მაგრამ, რომელიმე ადვილი ამოცანის კეთების დროს, იგი ხშირად სრულიად იბნევა და გზა კვალს ვერ იგნებს თუმცაღა მას მაგვარ ამოცანაზე უფრო ძნელიც გაუკეთებია წინად. ამგვარი მოვლენა ცხადი დამამტკიცებელია იმისი, რომ მოწაფეს წინად ამოცანები შეუგნებლად, უაზროთ და მექანიკურად უკეთებია; ლოგიკურ მსჯელობას და აზროვნებას მოკლებული მოწაფე ყოველთვის ალალ-ბედზე სჯის და პირველი დაბრკოლებისთანავე გონება ებნევა, წვალობს და ვერა მოუხერხებია რა. ამიტომაც, ამ ნაკლის თავიდან ასაცილებლად, საჭიროა ამოცანების ტიპებად დაყოფა და ყოველი ტიპის ამოცანის მტკიცეთ შეთვისება, განმარტება და ლოდიკური მსჯელობის გამართვა მათ შესახებ.

ჩვენს დროში შეხვდებით ისეთს მასწავლებლებსაც, რომელთაც არაფრად მიაჩნიათ არც სინტეტიური და არც ანალიტიური გარკვევული მეთოდები ამოცანების კეთებაში პირველი საკითხი, რომლითაც მიმართვენ მოწაფეებს ამისთანა მასწავლებლები, ასეთია: **როგორ უნდა გავაკეთოთ ეს**

ამოცანა? ამ საკითხის განუსაზღვრელობა და უაზრობა აშკარად სჩანს თვით მოწაფეების პასუხიდანაც, რომელნიც არაფერს გარკვეულს პასუხს არ იძლევიან, რადგანაც თვითონ ეს საკითხი არ ითხოვს ერთს გარკვეულს პასუხს, პირიქით ბავშვის გონება ამ შემთხვევაში ვერ ჩერდება ერთს საგანზე დაიფანტება. ზოგი მასწავლებელიც უარს ჰყოფს ორივე მეთოდს და ამოცანის კეთებას პირდაპირ მოწაფეთ მიანებებს, რომ მათ თავის თავად გამოარკვიონ წესი ამოცანის გაკეთებისა. თუ ეს ამოცანა ანალოგიურია, რომლის ტიპური ამოცანა წინად უკვე განმარტებით გაუკეთებიათ და შეუგნიათ, მაშინ ამისთანა ხერხის წინააღმდეგ არა ითქმის რა; მაგრამ თუ ეს ამოცანა ტიპურია და მოწაფეები მას ეხლა სწავლობენ, აუცილებლად საჭიროა განმარტება, შესაფერისი კითხვების მიცემა, პასუხი და სრული შეგნებით შეთვისება ამოცანისა, რომელიც შემდეგ დაეხმარება მსგავს ამოცანების თავისუფლად და შეგნებულად კეთებაში.

საზოგადოთ მოწაფეები მაშინ უფრო დახელოვნდებიან ამოცანების კეთებაში, როდესაც ერთი გარკვეული გზა აქვთ დასახული, დაჩვეულნი არიან ერთს საზოგადო მსჯელობის წესს ამოცანათა კეთების შესახებ. მაშინ საღი ლოლიკური აზროვნებაც, საკმაო ვარჯიშის შემდეგ, ვითარდება და ამოცანათა კეთებაც სრული შეგნებით წარმოებს.

ლ. ბ—ძე.

პედაგოგიის ისტორია

დ—რ ვაიმერისა

(თარგმანი გერმანულიდან)

(გაგრძელება)

§ 7. როგორ უყურებდნენ რეფორმატორები საერთოდ ჰუმანიზმს და სასკოლო განათლებას.

ჰუმანიზმის მიერ დაწყებული ბრძოლა საშვალდ საუკუნეების ეგლეხიის სულიერათ გაბატონებისა და სამღვდელეების მაძინაფლობის წინააღმდეგ გერმანიაში რეფორმაციამ დაათავა. ახალი თაობის ჰუმანიზმთა უმრავლესობა მალე მიემხნოდ საეგლესიო მოძრაობას; ჰუმანიზტებს წინ და წინ არ ქდნდათ წარშოდგენილი, თუ რა ხიფათში ჩააგდებდაჲეს შეერთება მათ საყვარელ მენიერებს. მას შემდეგ, რაც ლიუტერი პაპის ეგლესიას ჩამოშორდა და ვორმისის რაისხტაგმა იგი განდევნა, თეოლოგიურმა საკამათო კითხვებმა ისეთი საერთო ყურადღება მიიპყრეს, რომ ჰუმანიზმი და ჰუმანიზტთა ხელში მყოფი უნივერსიტეტები და სკოლები დიდ საგრძნობელ გაჭირვებას განიცდიდნენ ხელმე. დიას. რამოდენიმე ხანს განათლების მოწინააღმდეგე მიმართულუებამაც კი იხინა თავი (კარლშტადტი და სხვა). დიდი საქმე მონასტრებიდან გაქცეულს, უვიგ ბერებს ჩაუვარდა ხელში. უკმაყოფილების აცდენა რეფორმატორთა და ჰუმანიზტთა შორის შეუძლებელი შეიქმნა: ერანშულსმა ლიუტერს დააბრალა მენიერების საქმის დაქვეითება, როინლინმა ყოველივე განწყობილება შესწყვიტა მისივე მისწულთან დიდებულ მელანხტონთან, რაკი ვერ გადიბირა თავის მხარეზე, მაგრამ ჰუმანიზმსა და ბრეტესტანტიზმს სამუდამოდ არ შეეძლოთ უკმაყოფილება გაეგრძელებიათ. ამ ორივე მიმართულების შეთანხმებას მარტო ისიც უწყობდა ხელს, რომ თითქმის

მე-XVI საუკუნის ყველა რეფორმატორებს. როგორც მეთაურებს, აგრეთვე მათ თანაშემწეებსაც ჭეშანიხტიური განათლება ჰქონდათ მიღებული. საუკეთესოდ შემპყრთებელი მიზეზი სასულიეროდ წოდებისათვის მეცნიერული განათლების საჭიროება იყო. რომელთაც «დაბადება» ძველი წყაროების სამვალეებით უნდა შეესწავლათ.

ლიუტერის აზრით ჭეშანიხტიური სწავლა უსაჭიროებს მათხზვნილებას შეადგენდა. ის დარწმუნებული იყო, რომ ჭეშანიხტთა განმავითარებელმა მოქმედებამ მოაძწადა ნიადაგი ეკლესიის საუკეთესოდ გარდაქმნისთვის. ჭეშანიხტთა სწავლის წეს-რიგი, სამონასტრო და საკათედრო სკოლების წეს-რიგთან შედარებით, ლიუტერის აზრით, დიდს ნაბიჯს წარმოადგენდა წინმსვლელობაში. ამიტომაც ლიუტერს ჭეშანიხტთა სკოლების სასწავლო მასალა და მეთოდი პრეტესტანთა სკოლებში უნდოდა გადმოეტანა; ლიუტერი თხოვლობს ასეთი სკოლების დაარსებას თავის მღვწედებაში შექმნის სათაურით: «გერმანიის ყველა ნაწილების მეთაურთ საქრისტიანო სკოლების დაარსებისა და შენახვის შესახებ». (1524).

ამ წერილში ბირველათ არის გამოთქმული აზრი, რომ სკოლების დაარსება და შენახვა მთავრობის მოვალეობას შეადგენს. ლიუტერის აზრით არ შეიძლება აღწრდა სწავლის საქმე მარტო მშობლებს მიენდოს, რადგანაც თვით მშობლები არ არიან საკმაოდ მომზადებულნი და არც დრო უწყობს ხელს ბავშვებს ჯეროვანი ყურადღება მიაქციონ. განსაკუთრებული მასწავლებლის დაქირავება კი მხოლოდ მცხოვრებთა ძლიერ მცირე რიცხვს შეუძლია. აი აქ უნდა ჩაეროდს მთავრობა. მთავრობა მოვალეა ისეთივე ყურადღება მიაქციოს ქვეყნდროშთა სწავლა-აღწრდას, როგორც მშვიდობიანობასა და უსრუნველყოფას აქცევს. სახელმწიფოების და ქალაქების მოხელენი, როგორც სასულიეროდ, აგრეთვე საეროდ საქმეებში საჭიროებენ საკმაოდ მეცნიერულ მომზადებას. სასულიეროდ ბირთათვის ძველი ენების ცოდნა საჭიროა, რადგან სახარების შეგნება შეიძლება მხოლოდ მათი სამვალეებით. მხოლოდ ძველ ენებში არის სახარება ბირველ ყოფილ სიწმინდით დარჩენილი და საეროდ მოხელენი კი მხოლოდ ძველი ენების სამვალეებით თუ შეიძენენ საჭირო ცოდნას. რა თქმა უნდა, ყველა ვერ მიიღებს მეცნიერულ განათლებას; მხოლოდ «რჩეულნი» ე. ი. უნდა მიეჩვენს ყურადღება უფრო ბუჯითი ბავშვების მომზადებას, დანარჩენთათვის კი საკმაოდ ერთი ან ორი საათით დღისით შეცადინებო.

ამ გვართ ლიუტერი მდითხვს ანა მარტო მთავრდობს მიერ მოწესრიგებულს სწავლებას, არამედ ორივე სქესისათვის საყოველთაო სწავლებას, ქალაქებში მაინც. თუ საშუალო საუკუნეებში სკოლებს აარსებდნენ «საეკლესიო და სასულიერო» მიზნისთვის, ლიუტერმა განათლების ასპარეზი გაათავისუფლა; სასულიერო განათლებას გვერდში ამოუყენა საერო განათლებაც, სამეცნიერო განათლებაც — სახალხო განათლება. თავის ქადაგებაში: «ბავშვების სკოლაში სიარულის საჭიროებაზე» ლიუტერი კიდევ მეტს ამბობს — ის ამტკიცებს, რომ მთავრობას უფლება აქვს სავალდებულო სწავლა შემოიღოს — როგორც მთავრობას აქვს უფლება ჯანსაღი პირები იარაღით ხელში, გამოიწვიოს საშობოღოს დასაცავათ, ისეთივე უფლება აქვს მას გონებით სადი ადამიანი იძულებული გახადოს იარღს სკოლაში.

ლიუტერმა განსაკუთრებულის ყურადღებით აღნიშნა საღმრთო რჯულის გაკვეთილების მნიშვნელობა. მისი აზრით საღმრთო რჯულის გაკვეთილები უსაჭიროესი და სახალხო განათლების სხვა საგნებზე უფრო მნიშვნელოვანი არის; ლიუტერს საუკეთესო მასწავლებლათ ის მოაჩნია. ვინც მოწაფეებს მართლად გადასცემს ათს მცნებას, მრწამსსა და მამად ჩვენს. საღმრთო რჯულის გაკვეთილების აღდგენა მჭიდროთაა შეკავშირებული ლიუტერის მთელ რეფორმატიულ მოქმედებასთან. რწმენა ცოდვების გამოსყიდვისა, რომელიც სახარების სიტყვით ერთად ერთი საშვალბაა ცოდვათა მოხანანებლად, შეუძლებელი ხდება, თუ ცოტა ოდენი მაინც ცოდნა ანა გვაქვს ჩვენი რჯულისა. საჭიროა მსურველთ სწორეთ ეს შეგნება რჯულისა მივცეთ. შეგნების გასაადვილებლად გადათარგმნა ლიუტერმა დაბადება, დასწენა მკვლე სახალხო კატეხიზმოდ და ამ მიზნითვე თხოულადა საღმრთო-რჯულის სახალხო სწავლებას. გერმანული «დაბადება» და მკვლე კატეხიზმოდ მალე ყველაზე უფრო გავრცებულ სახელმძღვანელო და საკითხავ წიგნებათ გადიქენ სახალხო სკოლებში.

ლიუტერმა სკოლის ცხოვრების პრაქტიკულ მხარეს ბევრად ნაკლები ყურადღება მიაქცია, ვიდრე მისმა ერთგულმა მეგობარმა და მრჩეველმა ფილიპ მელანხტონმა (1493 — 1560). მისმა შრომამ სკოლის მეცნიერულ ნიადაგზე დამყარების შესახებ ნათელ ჭყვ პრეტესტანტიზმისა და ჭუმანიზმის კავშირის აუცილებლობა. ფილიპ მელიანხტონმა მეცნიერული განათლება მიიღო ჰაიდელბერგში და ტიუბინგენში. როგორც მოწაფე და მიმდევარი ბებელის ფილდსდფისა ტიუბინგენში მელანხტონი ნამდვილი ჭუმანიხტი იყო. როისლინის რჩევით 1518 წ. მელან-

ხტონი ვიტტენბერგში ბერძნული ენის მასწავლებელად მიიწვიეს პირველხავე, ეგრედ წოდებულ შესავალ ლექციაში (*De corrigendis adolescentiae litteris*) ადფრთვანებით უჩვენდა მხმენელთ რძმისა და განსაკუთრებით კი საბერძნეთის კლასიკების ღრმად შესწავლას. ამავე ლექციაში მელანხტონმა შეურიგებელი ბრძოლა გამძუნხადა სხელასტიურ მიმართულებას სწავლის საქმეში. როგორც ნამდვილ ჰუმინისტს მელანხტონს განათლების მიზნათ მჰერმეტყველება მიაჩნდა, რომელხაგ, მისის აზრით, გერმანელი ვერას ღრფს ვერ შეითვისებდა, როგორც რომაელი ან ბერძენი, ვერ განდებოდა ციცერონათ ან დემოხსენათ. მოკლე გრამატიკის შესწავლის შემდეგ მელანხტონი ცდილობდა დაეწყო ავტორების კითხვა, რომელნიც არა მარტო გრამატიკული ფორმების ხმარებას ასწავლიდენ მოწაფეებს, არამედ იძლეოდენ ნიძუშეზნაც და შინაარსს მისაბამავათ. მელანხტონი დიდს მნიშვნელობას აძლევდა სტილისტიურ ვარჯიშობას, წერილების შეთხზვას, ბერძნულიდან თარგმნას, კამათს და ზებირად წარმოთქმას («დეკლამაციები»). ციცერონის დახმარებით შეგირდმა უნდა შეისწავლფს არა მარტო შნდიანად, არამედ, უწინარეს ყოვლისა, ლაბარაკი ნათლად და ხაგნის შესაფერისად. მარტო ფღრმა იძას არ აკმაყოფილებს. მოწაფემ საჭირო ხაგნებიც უნდა შეისწავლფს. კლასიური მწერლების შესწავლამ კი უნდა გაადვილფს ამ ხაგანთა შეთვისება, რადგან ყველა დარგები მეცნიერებისა ძველ ავტორებს დამუშავებული აქვთ: მათემატიკა, ფიზიკა, მეტაფიზიკა და ეთიკა.

მელანხტონის პიროვნება, როგორც ღრმად განათლებული კაცისა, ხაუკეთესო მაგალითს წარმოადგენდა, როგორც ეს ესმოდა თვითონ მელანხტონს. მისი ხახელმძღვანელოები დიალექტიკისა და რეტორიკისა, მისი წერილები ფიზიკის, ეთიკის და ხაეკლესიო დოგმატიკის შესახებ, მისი გადაკეთებული კარფს ქრინიკები, მრავალი ლექციები ახალი აღთქმის, მრწამრის, რომაულ და ბერძნული კლასიკთა, ყოველ ქვადრივიუმის ხაგნების შესახებ—ხაკმაო ხაბუთს გვამღვევენ ამ ადამიანის არა ჩვეულებრივი ცღდნის შესახებ, ისეთი ცღდნისა, რომლის მხგავსი, როგორც მელანხტონის წინათ, ისე მის შემდეგ მხოლოდ არჩეულ პირთ რგებიათ ხვედრათ. მისი ბერძნული და განსაკუთრებით კი ლათინური გრამატიკა დიდ ხანს ითვლებოდა ხაუკეთესო და ძლიერ გავრცელებულ ხახელმძღვანელოთ პრეტესტანტთა სკოლებში.

მელანხტონს უწოდეს ხაპატიო ხახელი Praeceptor Germaniae (მასწავლებელი გერმანიისა) და თუ პრეტესტანტთა გერ-

მანია გვექნება მხოლოდ სახეში, მაშინ მელანქტონი მართლაც დირხი იყო ასეთის სახელისა. როგორც მისი სახელმძღვანელობის ფართოდ გავრცელება, აგრეთვე მისა პირადი გავლენაც გერმანიაში დიდი იყო. ღრმა მეცნიერის და უშუალო მასწავლებლის სახელმა ურიცხვს იმ დროინდელს (ამბობენ 2000 მსმენელზე) მოწაფეს მოჟყარა თავი მასთან მსმენელად. რასაც მელანქტონისაგან მოწაფეები სწავლობდნენ, იმას შემდეგ ბეჯითად ავრცელებდნენ მთელს ქვეყანაში. მელანქტონის მოწაფეებს უნივერსიტეტები და უმაღლესი სკოლები, სხვების წინაშე, დიდს უპირატესობას აძლევდნენ. ნიუნიბერგელები კიდევაც ცდილობდნენ თვითონ მელანქტონი გადმოეპირებიათ თავისკენ ახლად დაარსებულ ლათინური სკოლაში, მაგრამ იძულებულნი დარჩნენ მელანქტონის რჩევით დაკმაყოფილებულიყვნენ; ასეთს რჩევას მელანქტონი ბევრ სხვა პროტესტანტთა ქალაქებზეც უგზავნიდა ხელმე. როგორც ვიტენბერგის უნივერსიტეტის რეფორმა მომარტებულად მელანქტონის საქმე იყო, ისე სხვა პროტესტანტთა უნივერსიტეტებიც (მარბურგი, იენა, კიენისბერგი, ტიუბინგენი, ჰაიდელბერგი, ფრანკფურტი და სხვა) მოაწყვეს მელანქტონის რჩევის მიხედვით.

§ 8. პროტესტანტთა სკოლების წესრიგი მეთექვსმეტე საუკუნეში.

(1528) საქსონიის სწავლა-განათლების წესდების დაწერამ საუკეთესოდ დაამტკიცა, რომ მელანქტონს კანონიერად უმახოდენ გერმანიის მასწავლებელს. ეს წესდება მოთავსებულია წესდებაში: «დარიგება რევიზორებისა საკურფიურსტო საქსონიის მღვდლებისადმი». ამ წესდებაში მელანქტონი აღნუსხავს მთელს გვემას ჰუმანისტურ—პროტესტანტულ სწავლისას ლიტერურის დედა აწრების განსახორციელებლად. წესდება არა მარტო საქსონიისთვის, არამედ ყველა სხვა პროტესტანტთა ქვეყნებისათვისაც გამოდგა.

ამ გვემით ლათინურ სკოლების მიზანი იყო მხოლოდ «წერა-კითხვა ლათინურისა და საღმრთო რეჟული». მოწაფენი უნდა ყოფილიყვნენ სამ რიგათ გაყოფილნი. პირველ განყოფილებისათვის მასალათ უნდა აედოთ: კითხვა ლიტერურის ანბანიდან «საბავშვო წიგნაკი» *), წერა, პირველ-დაწყებითი გრამატიკა დენატის სახელმძღვანელოს მიხედვით, კატონის ზნეობრივი დარბებანი და მრავალი ანდაზები. მეორე განყოფილების უმთავრეს საგანათ აღებული იყო ლათინური გრამატიკა და

*) ზოგიერთი მელანქტონის მიწერს ამ წიგნის შედგენას.

მასთან ერთად უწოდის იგავარაკები, ბეტრუს მოხელნანუსის დიდლოცები, ამღრჩეული ადგილები ერაზმუსის საუბრებიდან და პლავტისა და ტერენციის კომედიებიდან. საღმრთო რჯულისთვის ცალკე დღე უნდა ყოფილიყო დანიშნული. რჯულის გაკვეთილი შეიცავდა ახალი აღთქმის ადვილი ადგილების ან და სოლემონის სიბრძნის გარჩევას. კამათი რელიგიური წინააღმდეგობის შესახებ სრულიად აღკრძალულ იყო. მესამე განყოფილებაში გადახვლის უფლება კი ეძლეოდა მხოლოდ უნიჭირებს მოწაფეებს. ვერგილის, ციგერონის და ოვიდიის ნაწერები უნდა დახმარებოდენ შეგირდებს ლათინური ბრძნისა და ლექსის შეთვისებაში. ამიტომაც დასახელებულ მწერალთა შესწავლასთან ერთად გეგმა თხოულობდა ბავშვებს ყოველს კვირაში არა თუ ლათინური ეწერათ ბრძნით, არამედ ლათინურ ლექსთა თხზვამიაც კი ევარჯიშნათ. შემდეგ გრამატიკის ადგილი უნდა დაეკონა დიალექტიკისა და რეტორიკის კურსს. საღმრთო რჯულს ამ განყოფილებაშიაც ეძლეოდა ერთი განსაკუთრებული დღე, სიმღერას კი ყოველ დღე ერთი საათი ნასადილეგს. ლათინურათ ლაბარაკი, როგორც სკოლაში, ისე სკოლის გარეშე, ყველა მოწაფისთვის სავალდებულო იყო.

მელანხტონის გეგმის გავლენა ატყვია პედაგოგიურ საქმეში ისეთსავე ცნობილ პირს, როგორც იყვნენ ლიუტერი, მელანხტონი, და თვით იოღანესს ბუგენ ჰაგენსაც (1485—1558). ამ უკანასკნელმა შეადგენა 1528 წლიდან სკოლის წესდებანი შემდეგი ქალაქებისთვის: ბრაუნშვაიგისთვის, ჰამბურგისთვის, ლიუბეკისთვის, აგრეთვე პომერანიისთვის და ბრაუნშვაიგ — ვოლიფენბიუტელისთვის. მაგრამ ბუგენჰაგენის გეგმა უფრო ფართოა. ის არ იფიქრებს აგრეთვე ბერძნულ ენასაც და ყურადღებას აქცევს ადგილობრივ პირობებს. ამ დროს შედგენილს უძრავლეს წესდებათ უმეტესად მელანხტონის ზედ გავლენა ეტყობა; ზოგიერთმა ქალაქმა პირდაპირ შეუცვლელადაც კი მიიღო მელანხტონის გეგმა.

სრულიად დამოუკიდებლათ შემდგარია ვიურტემბერგის სწავლის გეგმა ჰერნდოგ ქრისტოფორეს მიერ 1559 წ. ის მეXVI საუკუნის ყველა გეგმაზე უფრო დინჯად და უკეთ არის შემდგარი და ამიტომაც განსაზღვრავს დედა-აზრებში ვიურტემბერგის სწავლის საქმეს დღემდის. ამ გეგმაში საუკეთესოდ არის განხორციელებული ლიუტერის საყოველთაო სახალხო განათლება; მეტიც შეგვიძლია ვთქვათ: წესდების შემდგენელთ, როგორც მღრის უხათუოდ იყო ვიურტემბერგის რეფორმატორი იოღანე ბრენცი, გაუსწრეს კიდევაც ლიუტერს, რადგან მათ

შეადგინეს ყოველ მასწავლებლებს შემაერთებული საერთო გეგმა. ეს წესდება ეხებოდა მთელი ვიურტემბერგის ყველა სასწავლებელს—სოფლის სკოლიდან დაწყებული უნივერსიტეტამდის.

ეს წესდება ვალდებულად ჰქნის ყველა დაბა სოფლებს ააგონ გერმანული სკოლები, სადაც უნდა ასწავლიდნენ წერას, კითხვას, საღმრთო რჯულს, ანგარიშს და საეკლესიო გაღობას. ქალაქებს და მდიდრო სოფლებს უნდა მოეწყვათ ლათინური ანუ სამოქალაქო სკოლები, სადაც მოწაფეები პირველიდან მეექვსე კლასამდის რჩებოდნენ. დაბალ კლასებში შემოდებული იყო მხოლოდ ლათინური, მეოთხედან იწყებოდა ბერძნულიც სასწავლო მასალა უფრო მდიდარი და მრავალფეროვანია, ვიდრე მეღანსტონის გეგმაში. სწავლის გაგრძელება შეეძლო მხოლოდ იმ მოწაფეებს, რომელნიც ეგზამენს დაიჭერდნენ **სამონასტრო სკოლებში**. ეს სამონასტრო სკოლები უნდა შეენახათ მონასტრების სამუალებით. სამონასტრო სკოლებში ჯერ იმეორებდნენ ლათინური სკოლის უკანასკნელი ორი წლის საზნებს და მერმე კი განაგრძობდნენ რომაულ-ბერძნულ მწერლების შესწავლას, რეტორიკას, დიალექტიკას და ყოველ დღე კითხულობდნენ *lectio theologica*-ს. სამონასტრო სკოლები სამღვდელთა პირთა უფასოდ გასანათლებლად იყო დაარსებული და შეადგენდა ტიუბინგენის უნივერსიტეტისთვის მოსამზადებელ სასწავლებელს. ტიუბინგენის უნივერსიტეტში იყო ასი ადგილი სტუდენტთათვის, რომელსაც თავშესაფარი (*Stift*) ჰქვიადა; აქ სრულიად უსასყიდლოდ იძლეოდნენ ბინას და საჭმელ-სასმელს. არა სამღვდელთა პირთა შტუტგარტის პედაგოგიუმი ამღვვდა, ლათინური სკოლის გათავების შემდეგ. სწავლის განგრძობის სამუალებას, რომ შეგიძლია რაიმე საერთო სექციისთვის მომზადებულიყო. უფრო დრმად კლასიკთა შესწავლის გარდა, აქ შემოდებული იყო ერთად ერთი რეალური საგანი მათემატიკა.

საუკეთესო მასწავლებელთა ასარჩევად სკოლების წესდება სავალდებულოდ ხდება. მასწავლებლობის ყველა მსურველს ეგზამენი უნდა დაეჭირა და სამაგალითო გაკვეთილი მიეცა — ეკლესიის მწრუნველთა და პედაგოგიუმის თავმჯდომარეთა თანადახწრებით. საერო და სამონასტრო სკოლების კარგ მასწავლებლებს იმედი ჰქონდათ, რომ მათ სასულიერო თანამდებობას მიანდობდნენ. კარგი შემოსავალი, უფასო ბინა და განთავისუფლება სამოქალაქო გადასახადებიდან ხელს უწყობდა მათი მდგომარეობის გაუმჯობესებას. რადგან ერთხელვე ყველა სკო

ლისათვის დაახსენეს სახელმძღვანელოები და სავალდებულოდ განადგეს ზოგიერთი პედაგოგიური წიგნი, მასწავლებელთა თვითნებობას მოეღო ბოლო, ისე კი რომ საჭიროდ თავისუფლება მაინც არ დაუკარგავთ.

ამ სასკოლო წესდების მნიშვნელობა თანამედროვეთაც არ გამოეპარათ.

ათი წლის შემდეგ მასთან შედარებით შეასწორეს ბრაუნშვაიგის სკოლების წესდება, მერე ასევე მოიქცნენ ლიბპეში და ბოლოს 1580 წელს **საკიჟორფიურსტო საქსონიაში**. უკანასკნელს ზოგიერთი ადგილები სიტყვა სიტყვითაც კი გადმოაქვს თავის წესდებაში. ისიც საჭიროდ სთვლის გერმანული სკოლების დაარსებას ყოველ სოფელსა და დაბეებში, ქალაქებში კი ხუთ-კლასიან სამოქალაქე სკოლებს და სწავლის განსაგრძობლად სამს სამეფო სკოლას მაისხენში, გრიმში და შულბურტში. ამ სამეფო სკოლებს, რომელნიც სამი განყოფილებისგან შეხდგებოდა, ექვსის წლის განმავლობაში უნდა მოემზადებიათ მოწაფეები უნივერსიტეტის ყველა სასწავლო საგნების მსმენელად, როგორც ვიურტენბერგის სამონასტრო სკოლებში, ისე სამეფო სკოლებშიაც. შევირდები სკოლაში სესხვრდნენ სრულიად უფასოდ. კლასიკთა ავტორების კითხვა ცოტა უფრო ფართოა აქ, ვიდრე ვიურტენბერგის სკოლებში. ასტრონომია და მათემატიკა შეტანილ იქმნა გეგმაში უფროს კლასებში, როგორც საგანი. მასწავლებელთათვის წესდებას აქვს დამზადებული 150 ადგილი ლეიბციგისა და ვიტტენბერგის უნივერსიტეტებში.

6. ლორთქიფანიძე

(შემდეგი უნება).

ახლო წარსულიდან

ილია ჭავჭავაძე რუსეთში

(1906 — 1907 წ.)

I

ილიას ჩამოსვლა

ილია ჭავჭავაძე პეტერბურგს ეწვია იმ დროს, როდესაც თითქმის მთელი საქართველო აწიოკებული იყო. ჩვენ ვვახსოვს ის საშინელი ხანა და არც მალე დაგვაფიწყდება.

პეტერბურგის მოწინავე საზოგადოება მოუთმენლად ელოდა ქართველ დეპუტატების ჩამოსვლას. ცოტა ხნის შემდეგ პირველი სათათბირო, ეს პირველი ისტორიული დაწესებულება, დაიწყებდა მუშაობას. დეპუტატებზე ადრე ილია ჩამოვიდა და თავად-აზნაურთა კრებაზე არჩეულ იქნა სახელმწიფო საბჭოს წევრად.

ილიას ჩამოსვლამ (აპრილი 1906 წ.) პრესა და საზოგადოება მეტად დაინტერესა. ჭავჭავაძეს თითქმის ყველა უურნალ ვაზეთების წარმომადგენლნი ეწვივნენ. ამათ სურდათ გაეგოთ ილიას მიმართულება და საქართველოს ამბები. განსვენებულ პოეტის პასუხმა დიდი შთაბეჭდილება მოახდინა. თამამი ხმა ყოველთვის არა ჩვეულებრივად მოქმედებს.

აი რა მითხრა უურნალისტმა შაუმანმა.

„სხვათა შორის მეც ვინახულე თქვენი პოეტი. ყოველ კითხვაზე დაუზარებლად იძლევა პასუხს. საქართველოს აწი-

ოკების შესახებ ნაღვლიან კილოთი მითხრა: „რაც რუსულ გაზეთებში დაიბეჭდა, ის სინამდვილის მეთაურია. ჩვენი ხალხის ცხოვრება ჯოჯოხეთად გადაქმნეს. მე დარწმუნებული ვარ — ჩვენი დეპუტატები სათათბიროში ამ საგანზე აღძრავენ შეკითხვას. თუ სახელმწიფო საბჭოში მოხერხდა — იქ ვეცდები დაუფარავად დავხატო სრული და უტყუარი სურათი ჩვენი ქვეყნის ვაებისა“.

„ამის შემდეგ თავადი ქავჭავაძე შეეხო სხვა კითხვებს. „სხვათა შორის საქართველოს ეკლესიის თავისუფლებას, რომელიც კანონიერ მოთხოვნილებად მიაჩნია. ისტორიულ საბუთებიც კი მოიგონა“. ბოლოს დინჯ ღიმილით შენიშნა: „სახელმწიფო საბჭოში მე ამომირჩია თავად აზნაურობამ. ეს იმას არ ნიშნავს, რომ საბჭოში მე მარტო აზნაურ-თავადთა საჭიროებებზე ვილაპარაკებ. თუ ამას ფიქრობდენ ზოგნი ჩემი ამომრჩევლნი აქაური რუსთა აზნაურნი — ეს დიდი შეცდომაა. სახელმწიფო საბჭოში თუ თავად-აზნაურთა სახელით შევდივარ — ეს მხოლოდ ფორმალური, იურიდიული მხარეა. არ დაეფარავ და ვიტყვი: საბჭოში მთელ საქართველოს და ქართველთა ინტერესების დამცველი ვიქნები. საერთო კითხვებსაც შევწირავ ჩემს ღონეს“.

აგრე, ასეთის ენათ ელაპარაკებოდა ჩამოსვლის პირველ დღესვე ილია საზოგადოებას. აგრე დიდად თვლიდა თავის ახალს როლს და ვალდებულებას.

რამდენად გაამართლა პოეტმა თავისი სიტყვები და მოლოდინი ამაზე ქვემოთ გვექნება სჯა ჯერ საკმაოდ ჩვეთვალათ ის, რასაც ეხლა მოგახსენებთ. რუსეთის თავად-აზნაურთა უმრავლესობა (ამათ შორის სახელმწიფო საბჭოს წევრნი და ამომრჩევლნი) დღესაც დიდი საყვედურით იგონებენ ილიას. უკანასკნელ თავად-აზნაურთა არჩევნებზე, რომელშიაც მონაწილეობას იღებდენ თავ ბაგრატიონ დავითაშვილი, ვ. მიქელაძე, სახელმწიფო სათათბიროს „ცნობილმა“ წევრებმა კრუპენსკიმ და მარკოვმა ბრძანეს: „ჩვენ ავირჩიეთ ილია ქავჭავაძე. იმან მთელი თავად-აზნაურობა შეგვარცხინა, ის სახელმწიფო საბჭოს მემარცხენეთ მიეკედლა. ჩვენ

შევედრით და ვნანობთ. ეხლა თუ საიმედო კანდიდატს დაგვისახელებთ, ისეთს, როგორც გენერლები ორბელიანი და მუხრანსკია, თუნდ წერა-კითხვაც არ იცოდნენ, დიდი სიამოვნებით ავირჩევთო“.... ამათ სხვებმაც ბანი მისცეს.

ამიტომაც საქართველოს თავად-აზნაურთა წარმომადგენელი არ შეუშვენ სახელმწიფო საბჭოში. ამის მიზეზი ილია იყო. მაგრამ ღირსებათ უნდა ჩაგთვალოს ეს თუ ნაკლად ყველამ კარგად იცის. ეს ფაქტი ისტორიულია და ილიას სახელს მხოლოდ სხვის ჰმატებს.

ჩვენ არ ვამბობთ, ილია სოციალისტი იყო, არა. ეს არც რუსთა თავად-აზნაურთ აზინებდა. ამათთვის საკმაო იყო ის, რაც ერთ დიდ წიგნშია აღნიშნული თეთრზე შავად*).

.... „По аграрному вопросу готовъ на отчужденіе, если таковое будетъ признано вопросомъ государственной необходимости. Князь является сторонникомъ широкаго мѣстнаго самоуправленія, съ широкой законодательной мѣстной властью“.

მაშინ, როდესაც ილიას პოლიტიკური მიმართულება ასეთი სიტყვებით არის აღნიშნული, სხვა თავად-აზნაურთა წარმომადგენელ წევრების ვინაობის აღწერიდან იგებთ მხოლოდ ერთს: ისინი ეკუთვნიან ან კემმარიტ რუსთა კავშირს, ან რომელსამე მემარჯვენე ჯგუფს. რა თქმა უნდა ასეთი განსხვავება კრუპენსკის და მის ამხანაგებს მეტად აღელვებდა.

„ილიას ესმოდა უკმაყოფილების ხმა (თავიდანვე), მაგრამ ის ასეთ ქცევას ღირსეულად აფასებდა. დამოკიდებულებას არ ამწვავებდა, თავის სიტყვას და გადაწყვეტილებას არ ლატობდა, კვიანურ მხედველობით უცქეროდა სინამდვილეს.

ილია თანდათან მჭიდროდ უახლოვდებოდა საბჭოს მემარცხენეთა გუნდს, რომელსაც შეადგენდნენ რუსეთის მოწინავე საზოგადოების და მეცნიერების წარმომადგენლები. საკმაო

*) „Госуданственный Совѣтъ, 1906 — 1907 г. С.-П.-Б. გვ. 199 Кн. И. Г. Чавчавадзе“

იყო დაგენახათ ილია ამათ შორის სახელმწიფო საბჭოს კრების დროს, რომ ჩვენთან ერთად გეთქვათ:

— ჩვენ გამოჩენილ საზოგადო მოღვაწეს და პოეტს ახალ პოლიტიკურ ასპარეზზე უკვე მიუქცევია უცხო ამხანაგთა ყურადღება. ილია აქაც ილია არის.

აგრე და ასეთ პირობებში დაიწყო დადლილ მოხუცებულმა ი. ჭავჭავაძემ თავისი ახალი მოღვაწეობა შორე ჩრდილოეთში.

II

ილია, როგორც სახელმწიფო საბჭოს წევრი.

ილია ჭავჭავაძე არ ეკუთვნოდა სახელმწიფო საბჭოს წევრთა იმ ჯგუფს, რომელიც მხოლოდ დიდ ჯამიგირით არის დაინტერესებული. როგორც ვსთქვი-ილია მიეკედლა საბჭოს მემარცხნეთა პატარა წრეს. ეს მცირე გუნდი შეადგენდა განცალკევებულ კომისიას, და დიდის ყურადღებით აღევნებდა თვალს პირველ სათათბიროს ენერგიულ და გაბედულ მუშაობას. ეს წრე თავის კრებებზე არჩევდა იმ კითხვებს, რომელნიც სათათბიროში მზადდებოდა.

ასეთი დიადი კითხვები იყო — ამნისტია, **სიკვდილით დასჯის მოსპობა**, აგრარული კითხვა და სხვ. არც ერთ ამ კითხვისთვის არ აუხვევია გვერდი ილიას. ის სიამოვნებით ესწრებოდა ყოველ კრებას და აქტიურ მონაწილეობას იღებდა მსჯელობაში.

უკანასკნელ აზრის დასამტკიცებლად საკმაო შემდეგი ორიოდე სიტყვა: სიკვდილით დასჯის მოსპობის შესახებ ვრცელი მოხსენების შედგენა ილიამ იკისრა. ეს მოხსენება სახელმწიფო საბჭოში უნდა წაეკითხა.

თუ რამდენად გულწრფელად სურდა ილიას სასტიკ სასჯელის წინააღმდეგ გალაშქრება ნათლად და სავსებით გვიხატავს შემდეგი სცენა.

ილია თავის ოთახში იდგა. უმთავრესი მისი ფიქრი — აღნიშნული მოხსენება იყო. ამ დროს ეწვია ერთი პეტერ-

ბურგში მცხოვრები ცნობილი ქართველი, რომელთანაც ჰავ-
ჰავაძე ძალიან დაახლოვებული იყო. ცოტა მასლაათის შემ-
დეგ ილიამ გაიღიმა, შუბლზე ნაოქი გაშალა და კმაყოფილ
კილოთი წარმოსთქვა:

— გუშინ საღამოს დავასრულე ჩემი მოხსენება სიკვდი-
ლით დასჯის შესახებ. ამ დღეებში წავუკითხავ ჩვენს წრეს.
მერმე-კი სახელმწიფო საბჭოს.

სტუმარმა სიჩუმით უბასუხა. ცოტა პაუზის შემდეგ ილიამ
ისევ განავრძო:

— მე ეს მოხსენება მეტად მაინტერესებს და დიდი სია-
მოვნებით დავიცავ. თუ გცალია, წაგიკითხავ.

— მე, სამწუხაროდ, შენი წინააღმდეგი ვარ, შენიშნა
სტუმარმა.

— როგორა?!?...

— სიკვდილით დასჯა უნდა მოისპოს, რა თქმა უნდა,
— მაგრამ, ერთი რამ არ მომწონს. რატომ მაინც და მაინც
შენ ქართველმა, უნდა იკისრო სახელმწიფო საბჭოში ამ მო-
ხსენების წაკითხვა? იქ რუსები განა ცოტაა? პროფესორები,
მეცნიერები... რატომ ისინი არ იკისრებენ?!... დარწმუნე-
ბული ვარ ასეთი დაუფიქრებლობით მთელ საქართველოს
საქმეს ვაფუქებთ... ისევ რუსმა წაიკითხოს.

— ერიჰა... საიდან სადაო... ამით რა საქმე უნდა წახ-
დეს. მაგის ნუ გეშინია. აი, მოხსენებას წაგიკითხავ და
მოისმინე. ჩემს აზრს და გადაწყვეტილებას არ გადავ-
თქვამ.

— მე პრინციპიალურად არ მსურს მოგისმინო...

— როგორცა გსურს...

ასეთი ბაასი ილიას სხვა ქართველებთანაც ჰქონდა, მა-
გრამ იმათ სიტყვებს და შენიშვნებს ის მხოლოდ ისმენდა.
მოხსენება ილიამ შეასწორა და თავის ამხანაგებს წაუკითხა.
არ ვიცი სად არის ამ ჟამად ეს ნაწარმოები. ალბად ხელთ-
ნაწერებში უნდა იყოს. საკიროა ყურადღებით მოიძებნოს,
რადგან მოხსენება მეტად შინაარსიანია.

ასე უცქერდა ილია საერთო-საქვეყნო საკითხს.

ყველამ კარგად იცის, რომ იმ ხანებში პოლონეთის რეპუტაციები სათათბიროს უმრავლესობის დახმარებით თავიანთ ავტონომიის პროექტს ამზადებდნენ. **ჩვენი ქვეყნის ავტონომიის** შესახებაც ითქვა ორიოდ სიტყვა, — კითხვა აღძრა დეპუტატ ლედნიცკიმ: ჩვენი წარმომადგენელი ჯერ არ ჩამოსულიყვნენ.

ასეთი პირობები და ეს დიდი საკითხი ილიას გონებას არ ასვენებდა. გულ დასმით ათვლიერებდა თან ჩამოტანილ მასალას, მაგრამ ეს საკმაოდ არ მიაჩნდა.

— აქ, უმაღლეს დაწესებულებებში ბევრი საჭირო საბუთებია. უთუოდ ასლი უნდა გადმოვიღო. ვინმე საიმედო პირი ვიშოვნო, და მივანდო ეს საქმე, — ამბობდა მხცოვანი მგოსანი.


ასეთ საიმედო ვაჟბატონის ძებნას ორიოდ კვირა დასჭირდა.

ილიას ვრცელი სია ჰქონდა შედგენილი — სად, რომელ დაწესებულებაში რა საბუთები მოიძებნებოდა. სია შეიცავდა არა მარტო იმ საბუთებს, რომელნიც „ავტონომიისთვის“ იყო საჭირო, არამედ ისეთ მასალასაც, ურომლისოდაც საქართველოს ეკლესიის ავტოკეფალიაზე და აგრარულ კითხვაზე (ჩვენ ქვეყანაში) სჯა დიდად ძნელი იქნებოდა.

მარტო **აგრარული კითხვა** ვინ იცის რამოდენა შრომას ითხოვს. განსაკუთრებით ძნელი იყო ილიასათვის. სახელმწიფო საბჭოში მის მეტი ხომ არავინ კრინტს არ დასძრავდა საქართველოს მიწების მოწესრიგების შესახებ. რა თქმა უნდა ილაპარაკებდნენ, მაგრამ იმათი თვალთა ხედვის ისარი ჩვენთვის რა საპრიანოა! აგრარულ კითხვის გარჩევის დროს ილიას ვრცლად და სერიოზულად დასაბუთებული მოხსენება სურდა წარედგინა. ამისთვის უტყუარი ფაქტები, ცნობები და ხანგრძლივი შრომა იყო საჭირო.

— ეს მე არ მაშინებს, — იტყოდა ხოლმე ჭავჭავაძე.

მართალსაც ამბობდა. იგი მუშაობდა ნელა, აუჩქარებლად, მაგრამ გულწრფელად და სიამოვნებით.



საქართველოს ვკლესიის ავტოკეფალია, როგორც

ესტეკით, ილიას კანონიერად მიიჩნდა. ამას არსად არ ფარავდა—არც საბჭოს წევრთა შორის და არც სხვაგან. ამბობდნენ, ავტოკეფალიაზე სათათბიროში იქნება სჯაო.

— მაშასადამე საბჭოშიც გადმოვა, მეც ამიტომ ვაგროვებ მასალას და ვემზადები. არა უშავსრა ღმერთი მოწყალეა,— დინჯად წაილაპარაკებდა ილია

მასალები საქართველოდანაც მოდიოდა.

პეტერბურგში, სინოდში მონაწილეობის მისაღებად გამოწვეულნი იყვნენ ჩვენი ეპისკოპოზები კირიონი და ლეონიდი. მათთან ერთად ვოსტორგოვიც ბრძანდებოდა. ჩვენი ეკლესიის ბედ-იღბალი წყდებოდა. საქმე მეტად გამწვავდა.

პროფესორმა ა. ცაგარელმა*) ილიას ყოველივე უამბო. აუხსნა საქმის მთელი ვითარება. ორთავემ დაუყონებლივ გადაწყვიტეს ენერგიულად ემოქმედათ. თუმცა ილია სახელმწიფო საბჭოს წევრი იყო და ზოგიერთ აზრით უნდა მორიდებოდა კერძო ვიზიტებს სხვა და სხვა საკირო პირებთან, მაგრამ ასეთ ბიუროკრატიულ წესს ქავჭავაძემ გვერდი აუხვია. მეორე დღესვე პროფესორ ცაგარელთან ერთად წავიდა პეტერბურგის მიტროპოლიტ ანტონისთან. ორთავე ქართველმა ხანგრძლივ ებაასეს სინოდის თავმჯდომარეს ქართველთა ეკლესიის თავისუფლებაზე.

ამ ვიზიტის შემდეგ ილია უფრო არკვევდა საკირო მასალებს, რასაკვირველია, მოხსენებისთვის. ზოგნი ეუბნებოდნენ:

— ილია, წადი ამ და ამ ბიუროკრატთან, მოელაპარაკე ავტოკეფალიაზე.

— ვნახოთ. თუ საკიროება მოითხოვს... ისმოდა აუჩქარებელი პასუხი.

„თუ საკიროებას მოითხოვსო“ — ამბობდა ილია და მხოლოდ მოხსენებაზე ჰფიქრობდა. ცალკე ბიუროკრატებთან ვიზიტები შეაჩერა: ილიას სათათბიროს იმედი ჰქონდა, იგი

*) ა. ცაგარელი ესწრებოდა სინოდის კრებებს.

სულ სხვას ამბობდა. ამიტომაც მთელს თავის ყურადღებას მომავალ მოხსენებას აქცევდა.

წინედაც და ეხლაც მესმის ხოლმე-ილია პეტერბურგში არაფერს არ აკეთებდაო. „თქმა ყოვლისა შესაძლოა“. რის აღწერაც მოვასწარ, აქედანაც უკვე ჩანს — რასაც აკეთებდა ილია ჩრდილოეთში. მართალი მოგახსენოთ, პირადად მე — არც ასეთ ენერგიას და შრომას მოველოდი: ილიას ავადმყოფობა ვიცოდით.

III

ილია და სახელმწიფო სათათბირო

ილია სახელმწიფო სათათბიროს კრებებს ძალიან ხშირად ესწრებოდა. ხალხის პირველ წარმომადგენელთა მუშაობა მისთვის წმიდათა წმიდას შეადგენდა. ჭაჭყავაძე ავად იყო ისეთის სენით, როგორც მგოსანს აიძულებდა ხშირად დაეტოვებინა დარბაზი, მაგრამ ეს გარემოება მოხუცს არ აშინებდა.

როდესაც რომელიმე დეპუტატი ტრიბუნიდან წარმოსთქვამდა ძრიელს და თამამს სიტყვას, ილია საამოდ მოლიმარ სახით გამოვიდოდა სათათბიროს კულუარებში და აღტაცებით აღნიშნავდა ორატორის სიტყვის დიდ პოლიტიკურ მნიშვნელობას. არ იფიქროთ, რომ აღტაცება შეუზღებელი იყო. ილია ქება-აღტაცებასთან ერთად კრიტიკულადაც არჩევდა დეპუტატთა ნათქვამს. სათათბიროს ვრცელ და ლამაზ კულუარებში მაშინ სიცოცხლე სდულდა და გადმოდულდა. აქ დაუფარავად სცემდა ძლიერი მაჯა სახალხო წარმომადგენლებისა. კულუარებში ისმოდა გაცხარებული კამათი, პოლიტიკური შეტაკება, აგიტაცია და სხვა და სხვა. ამიტომ არ შეიძლება ითქვას, თითქოს ილია აქ ისვენებდა. ის დარბაზში მიღებულ შთაბეჭდილებას აქ უფრო ამაგრებდა. იქ დაწყებული სურათი აქ მთავრდებოდა.

ილიას მოსწონდა ნაბოკოვის, პეტრუნკევიჩის და ვინავერის სიტყვები. მართლადაც ესენი თავიანთ მოქმედებით

გამოცდილ ევროპის პარლამენტის დეპუტატს მოგაგონებდათ. შეიძლება თქვათ ჩამოთვლილნი პირნი კადეტები იყვნენ. რატომ უფრო მემარცხენენი არ მოსწონდა ილიასო? ეს აჩქარებული საყვედური იქნება. მეგოსანს მემარცხენეთა შორის ჰყავდა „საყვარელნი“: ჟილკინი, ანიკინი, მღვდელი აფანასი-ვეი და გლეხი ნაზარენკო*) („ტრუდოვიკები“). ალადინზე კავკავაძე სულ სხვა აზრის იყო.

— კარგად ლაპარაკობს, კარგი ორატორია, — იტყოდა ხოლმე ილია — მაგრამ ნამეტანი გარდამეტებული კილო აქვს. მე სხვასაც ვფიქრობ: ალადინი უმეტეს ნაწილად გულ-წრტველი არ არის.

ვინც პირველ სათათბიროს ცხოვრებას და კერძოდ ალა-დინის მოღვაწეობას თვალს ადევნებდა ბოლომდის — ილიას სიტყვებს განიმეორებს და ადვილად მიხვდება — თუ რა სერიოზულ ყურადღებას აქცევდა ის სათათბიროს.

სათათბიროში ერთ ისტორიულ კრებაზე ნაბაკოვმა მთავრობის წინააღმდეგ სასტიკი სიტყვა წარმოსთქვა. იმ მთავრობის წინააღმდეგ, რომელსაც მაშინ მოუფერებლად ეუბნებოდნენ: „როდისღა მოგვშორდებით!“ ყველა მინისტრები დარბაზში ბრძანდებოდნენ და ისმენდნენ მსუსხავ მსჯავრს. მე ჟურნალისტების ლოჯიაში ვიჯექი. სახელმწიფოს საბჭოს წევრთა ლოჯია ჩვენ გვერდით იყო. აქ იყო ილიაც. ნაბაკოვის სიტყვის შემდეგ წამოდგა, ჩამოუარა ჩვენს ლოჯას და ნელის ფეხის ნაბიჯით გასწია კულუარებისკენ. მაშინდელი მისი სახის გამომეტყველება არასდროს არ დამავიწყდება. აქ იხატებოდა უსახლვრო კმაყოფილება, სიამოვნება, ნეტარება, მტრის დამარცხებაზე აშენებული. ილიას სული და გული ღელავდა, მთელს სახეს აღმური მოდებოდა, ზღვა—თვალნი ბრწყინავდნენ.

— მშვენიერი სიტყვა წარმოსთქვა... ნეტავ რა გუნე-ბაზე არიან მინისტრები? ძლიერი მათრახია, ურყევ საფუძველ-

*) ნაზარენკო ხარკოვის გუბერნიაში იყო არჩეული, მაგრამ ქართული ენა კარგად იცოდა: რადენიმე წელი იმერეთში გაეტარებინა.

ზე აშენებული. ღირს შესანიშნავი აქ ის არის, რომ ნაბოკოვი მინისტრის შვილია. იცის მინისტრების სუსტი მხარე... ამბობდა ენერგია აღძრული და აღელვებული ილია.

ესეთი სცენის მოწმე ხშირად ვიყავი.

როგორც ხედავთ ილიას ოპოზიციის სიტყვიერი გამარჯვებაც გულს უხარებდა ამას არავის არ უმაღავდა და ხმა მაღლა გაიძახოდა.

სათათბირო ერთ თვეზე მეტი მუშაობდა. დაგვიანებულ არჩევნების წყალობით ჩვენი დეპუტატები არ ჩამოდიოდნენ. ქავჭავაძე თითქმის ყოველ დღე იგონებდა პირველ დეპუტატებს. მას აინტერესებდა იმათი მომავალი საპარლამენტო ტაქტიკა, მომავალი შრომა და პირველი შთაბეჭდილება სათათბიროში.

სანამ ჩვენ დეპუტატების ჩამოსვლას შევეხებოდე, მოვიგონებ ერთს საყურადღებო ფაქტს.

იმ დღეს, როდესაც ილია პირველად ესტუმრა სახელმწიფო სათათბიროს, მე იქ არ ვყოფილვარ. მასთან ერთად სათათბიროში წავიდა ცნობილი ქართველი მწერალი და მოღვაწე ა. ყ.

— როგორ მოეწონა ილიას სათათბირო? — დავეკათხე საღამოს ბ. ყ.

— დღეს საინტერესო კრება იყო, ბევრმა კარგმა ორატორმა ილაპარაკეს, — ჩვენი მგოსანი კმაყოფილი დარჩა.

— თვითონ სასახლე მოეწონა?

ბ. ყ. გაკვირვებით შემომხედა და მხოლოდ ცოტა ხნის შემდეგ მომცა პასუხი, რომელშიაც მთლად გამოიხატებოდა უსაზღვრო სიყვარული და პატივის ცემა ილიასადმი:

— რას ლაპარაკობ!!!... ასეთი კითხვით როგორ შევაწუხებ მოხუცს...

ა. ყ. პასუხმა დამაფიქრა. ქავჭავაძეს საქართველოში ორჯერ თუ სამჯერ შევხვედრივარ საზოგადოებაში. ბ. ყ.-კი თითქმის ყოველ საქმეში ილიასთან იყო. მე ვიფიქრე: ალბად ილიას ჯერ კიდევ ვერ ვიცნობ და მასთან სიტრთხილვა საჭირო. სულ სხვა ტიპი წამომიდგა თვალწინ.

მესამე დღე სათათბიროს კულუარებში გამოჩნდა ილია. იმის ჩვეულებრივი ტანსაცმელი იყო შავი სერტუკი, ნაც-რის ფერი ზოლებიანი შარვალი, შავი ყილექტი და გადმო-კეცილი კრახმალისანი თეთრი საყელო. ეს გარეგანი ნიშნო-ბლივობა ვიცოდი, ასე რომ ილიას სახეც რო არ დამენახე-შორე მანძილიდან ისედაც ვიცნობდი.

— მგონი ადრე მოველი? — მხიარულად დამეკითხა ილია.

— კრება ნახევარ საათის შემდეგ დაიწყება, — ვუპასუხე მე.

— შენობა მინდა დავათვალიერო, თუ დრო გაქვთ დამატარეთ, გეთაყვა. დარბაზი და კულუარები მომწიანს, მაგრამ ეს ხომ მთელი შენობა არ არის.

ილიამ ხელი გამომდო (ეს ჩვეულებად ჰქონდა) და შევუდექით სასახლის დათვალიერებას. არც ერთი კუთხე არ დაგვიტოვებია, ყველაფერი ვნახეთ. მთელი დრო სასახლის არხიტექტურაზე და მოწყობილობაზე მელაპარაკა. ამის შემდეგ დიდად პატივცემულ ა. ყ. სიტყვები „ასეთ კითხვით როგორ შევაწუხებ მოხუცს“ — არ მაშინებდა. ილიასთან ყველაფერზე შეიძლებოდა ბაასი. აგრე გაეცნო საყვარელი მოხუცი სათათბიროს შენობის ყოველ კუთხეს.

— ეხლა, ყველაფერი შევეისწავლე... რას იფიქრებდა პოტიომკინი — თუ მის სასახლეში პარლამენტი მოთავსდებოდა! ცხოვრება მირბის, ცვალებადობს... ასეთი სიტყვებით დაასრულა ილიამ სასახლეში სეირნობა.

ჩვენი წარმომადგენლებიც ჩამოვიდნენ: ნოე ყორდანი, ისიდორე რამიშვილი, ივანე გომართელი, იოსებ ბარათაშვილი, ჯაფარიძე, წერეთელი. ჩამოვიდნენ თუ არა იმ დღესვე სათათბიროს კრებას დაესწრნენ. ილიაც მოვიდა. განა შეეძლო მას ამ დღეს არ მოსვლა! მოსვლისთანავე დამეკითხა — ილაპარაკებენ — თუ არა ჩვენებიო. მაგრამ ამის პასუხს თვით დეპუტატებიც ვერ იძლეოდნენ. დეპუტატებზე აქ გაკვირით ვამბობ, რადგან ამათხე სულ სხვა დროს და სხვა შრომაში შექნება ლაპარაკი. მე ჯერ ვიგონებ იმას, რაც ილიას ეხება.

ქვეყნადემ კრების დაწყებამდის სიტყვა:

— ისიღორე რამიშვილი და ნოე ჟორდანია ნიქიერი-
კაცები არიან. ისიღორეს სიტყვა მომისმენია. კარგად ლაპა-
რაკობს, ქართული ენაც კარგად იცის. დანარჩენებზე რა
მოგახსენოთ ვარდა ი. ბარათაშვილისა, რომელიც კარგ ორა-
ტორად ითვლება.

ორიოდე საათის შემდეგ ისიღორე რამიშვილი უკვე სა-
თათბიროს ტრიბუნაზე იდგა. წარმოსთქვა გრძელი სიტყვა,
მაგრამ ეს ექსპრომტი იყო. იგი ლაპარაკობდა თავის პარ-
ტიის (სოც.-დემოკრ.) სახელით ხშირად იგონებდა „великий
русский народ“-ს. რამიშვილის სიტყვა მეტად მკაცრი იყო.
ილია ის. რამიშვილის მთელს სიტყვას დიდის ყურადღებით
ისმენდა, ხშირად სახის გამომეტყველება ეცვლებოდა.

მე ვჩქარობდი გამეგო ილიას აზრი. გამოვიდა თუ არა
ის დარბაზიდან და დამინახა თვითონვე დაიწყო:

— ქართულად სულ სხვა შთაბეჭდილებას ახდენს რამი-
შვილის სიტყვა. აქეთ გამოთქმას არ არიან მიჩვეულნი რუ-
სები. ჩემმა ამხანაგებმა პირველ ხუთ წუთის განმავლობაში
ვერა გაიგეს რა. ეს კიდევ არაფერია: რამიშვილი შეეჩვევა
საპარლამენტო ორატორობას, მსმენელნი—ისიღორეს თავისე-
ბურ კილო-გამოთქმას. სიტყვა აზრიანი იყო, მაგრამ დალო-
ცვილმა რა დაიჟინა ეს „великий русский народ“?! თითქმის
მთელი სათათბირო რუსების ინტერესებზე ლაპარაკობს, რა-
ლა მაგის თავ-გამოდება ესაქიროება რუსის ხალხს? მე არ მე-
გონა—თუ ერთ სიტყვით არ მოიგონებდა ჩვენს ქვეყანას,
ჩვენს ხალხს. დაიჟინა „великий русский народ“... არა მგო-
ნი ბოლომდის გასტანოს ასეთმა ძახილმა...

რამდენად მართალი იყო უკანასკნელი აზრი სხვა დროს
გავიგებთ.

დიდხანს დასვირნობდა ილია სათათბიროს კულუარებში.
ძალა უნებურად ისმენდა დებუტატთა აზრს რამიშვილზე.
ისმენდა, მაგრამ მისი სული და გული ამ დროს სულ სხვა-
გან იყო. წარბშეკრული, მოღუშლილი სახე საფსებით ხა-
ტავდა მგონის ღრმა ფიქრს...

— შორს წავედი, — ცოტა სიჩუმის შემდეგ დინჯად ჩაილაპარაკა ილიამ, აზრთა ასსოციაცია ასეთია. რამიშვილის სიტყვამ ჩვენში გადამაფრინა... ბარათაშვილიც იტყვის რასმე უეჭველია?

ილია ისევ დარბაზს დაუბრუნდა. მოლოდინი გაუმართლდა: ი. ბარათაშვილი ცქვიტად ავიდა ტრიბუნაზე და ლამაზ გარკვეულ ხმით ქართველ ერის სახელით მიესალმა მთელს სათათბიროს. ილია მთლად გადასხვაფერდა. შუბლი საამოდ გადეშალა, სახე ილიმებოდა და კმაყოფილად უცქერდა ხალხის წარმომადგენელთა კრებულს. ეს იყო ქართველ მგოსნის, ქართველთა დაღლილ მოღვაწის კმაყოფილება. ქართველ დეპუტატთა ჩამოსვლამ ქვეყნაძე სათათბიროს უფრო დაახლოვა. ავადმყოფობა თუ შეუშლიდა ხელს, თორე არც ერთ კრებას არ გამოტოვებდა. არც სიშორე აშინებდა. სათათბიროდან ილია დაშორებით იდგა. მისი ბინა იყო მერვე როჟდესტვენსკის ქუჩაზე. ჩვეულებრივ სათათბიროს კრებები თავდებოდა 6 ან 6¹/₂ საათზე. ხანდისხან დღეც და ღამეც 8—12¹/₂ ს. მოხდებოდა კრება. დასუსტებული ილია დაღლილობას არ უშინდებოდა და ღამის კრებასაც ესწრებოდა. სათათბიროს ასეთი მოყვარული სახელმწიფო საბჭოს წევრთა შორის რამდენიმე კაცი იყო. მახსოვს ისეთი კრებები, როდესაც საბჭოს წევრთა ვრცელ ლოკალში მარტოკა ილია იჯდა.

იენისის შუა რიცხვები იყო, როდესაც მთელს პეტერბურგს მოედო ხმა, — „სათათბიროს მალე დახურავენო“. ილიამ სახელმწიფო საბჭოს წევრთა შორის გაიგო დანამდვილებით მთავრობის აზრი და გადაწყვეტილება. სათათბიროს მომავალი დახურვა მოხუცს მეტად აღონებდა. ის კარგად გრძნობდა-რა მოჰყვებოდა ასეთ სახელმწიფო აქტს. ის ნათლად ითვალისწინებდა საზოგადოდ მთელი სახელმწიფოს შავ დღეს და კერძოდ ჩვენი ქვეყნის ვაებას, იმ ვაებას, რომელსაც დღესაც ვერ ავშორებივართ.

პირველი სათათბიროც დახურეს. რეპრესიებმა, ახალ ასარჩევ კანონის გამოცემამ ბევრ დეპუტატების დატუსაღე-

ბამ, დასჯამ და სხვა საზოგადოებრივ-პოლიტიკურ ახალმა პირობებმა ილიას გული გაუტეხა. რუსეთის აწმყოს გულდაწყვეტილი უტკეზროდა და ახლო სანეტარო მომავალს აღარ ელოდა. ილიას სულის ვითარებას მიემატა ახალი ელემენტი — საზოგადოებრივი პესსიმიზმი.*)

მეორე სათათბიროში ილია უფრო ძვირად დადიოდა. ამას გასამართლებელი მიზეზებიც ჰქონდა. სახელმწიფო საბჭოს წევრებს პირველ სათათბიროში, როგორც ზემოდ შევნიშნე, დათმობილი ქონდათ ვრცელი ლოჟა დარბაზში დეპუტატებთან ერთად. ეს პრივილეგია მეორე სათათბიროში მთავრობამ წაართვა საბჭოს წარმომადგენლებს და გადაასახლა ზვიდ ქანდარაზე. ამ ახალ ცვლილების წყალობით ილიას არ შეეძლო ძველებურად დეპუტატებთან კულუარებში სეირნობა, მათთან ბაასი და სხვ. მთელი კრების განმავლობაში ქანდარაზე, დახუთულ ჰაერში უნდა გაეტერებინა. ასეთი მძიმე იყო ახალი პირობები, მაგრამ ილია საინტერესო კრებებს არ აკლდებოდა. მე მხოლოდ შორიდან შემეძლო ჩვენი მგონის დანახვა: დაბლა იმას არ უშვებდენ და ზვიდ—მე.

მეტად სასტიკად იმოქმედა ილიაზე მეორე სათათბიროს უკანასკნელმა დღეებმა საზოგადოდ ილიას მეორე პარლამენტში არ ემჩნეოდა წინანდელი აღტაცება და აღფრთოვანება. მას გულ გატეხილობა შემოპარვოდა. შექმნილი პოლიტიკური ატმოსფერო თავისას შვრებოდა. ხალხის წარმომადგენელთა დარბაზი ძველს იმედებს აღარ იძლეოდა. ნიადაგს იმზადებდნენ პურიშკევიჩები და „ზუბრები“.

ჩვენი ქვეყნის დეპუტატები ყველანი სოციალდემოკრატები იყვნენ. ისინი თავგამოდებულნი იცავდნენ თავიანთ პარტიულ პროგრამას. პოლონეთის ავტონომიაზე აღძრულმა მოხსენებამ სათათბიროში ვერ გამოიწვია უმრავლესობის თანაგრძნობა. ყველა ამ ახალმა პირობებმა ილიას გული აუტკივა. ამნისტიის, სიკვდილით დასჯის მოსპობის, ავტო-

*) ამ პესსიმიზმს და ილიას უხეჯულობას ქართველ ხალხის მომავალზე ეხლა არ ვეზებით. ეს ცალკე თემას უდაგვენს.

კეფალიის, ავტონომიის, აგრარულ კითხვის ძველი გეგმანი განხორციელების ელფერს კარგავდენ. ეს გულს წვადა და ასეთი სულიერი მწუხარება ილიას ღრმა სიჩუმეში იხატებოდა.

სიმწარის ფილა სათათბიროს დახურვამ და ყველა ქართველ დეპუტატების დატუსაღებამ აავსო. როდესაც ახალი კანონი გამოქვეყნდა და გამოიკვა, რომ მესამე სათათბიროში ქუთაისის და ტფილისის გუბერნიებს მხოლოდ ორი წარმომადგენელი ეყოლებოდა, ილიამა ნაღვლიანად სთქვა:

— ეს ახალი და დიდი უბედურებაა ჩვენებისთვის... ჰორიზონტი შავად იორუბლება და ახლო მომავალი არას მპირდება. ჩემნი დღენი კარგს არას მოესწრება...

ასეთი იყო შხამით ავსილი ილიას უკანასკნელი ფიქრი და წინასწარ მეტყველება.

ქართველი მხცოვანი მგოსანი ვერ შერიგებოდა იმ გარემოებას, რომ ისეთი ნიჭიერი ახალგაზდა ქართველი, როგორც წერეთელი (მეორე სათათბ. წევრი) და მასთან ერთად მისი ამხანაგები საშინელ სასჯელს მოელოდენ და საზოგადოებას შორდებოდენ. ამ ღროს ქართველის გული ლაპარაკობდა, პარტიული განსხვავება შორს იყო გადატყორცნილი.

მესამე სათათბიროს ვერ მოესწრო ილია ჭავჭავაძე, მაგრამ ეს ახალი ხელოვნურად გამომცხვარი პარლამენტი მის დარდს არ აქარწყლებდა. ილია კარგს არას ელოდა...

— მესამე სათათბირო ჩვენ სახელმწიფო საბჭოს არაფრით ჩამოუვარდება. განსხვავება მხოლოდ სახელში იქნებაო, — ამბობდა ილია.

ამ გვარ სულის კვეთებით განშორდა ჭავჭავაძე გაორკეცებულ ცხოვრებას.

IV

ილია და ავტონტმისტ-ფედერალისტთა კავშირი პირველ სათათბიროში

მხოლოდ პირველ სათათბიროში არსებულ თავისუფლებას შეეძლო შეექმნა ისეთი კავშირი, სადაც ყველა უცხო

ხალხთა, ეგრედ წოდებულ „ინოროდცების“ წარმომადგენლებს მოეყარათ თავი და ტავრიდის სასახლეში დაუფარავად ეწყობთ მსჯელობა ავტონომია-ფედერაციაზე. მეორე სათათბიროში ასეთ კავშირს ადგილი არ ჰქონდა. მესამეში... მთლად მოუხერხებელია.

ავტონომისტ-ფედერალისტთა კავშირის წევრად ითვლებოდნენ უკრაინის, პოლონეთის, ლიტვის, პრიბალტიის მხარის, მაჰმადიანთა, ოსმალთა, ებრაელთა, სომეხთა და სხვათა წარმომადგენელი (დეპუტატები). ივნისში მიემატა იოსებ ბარათაშვილიც. კავშირის თავმჯდომარედ ითვლებოდა ცნობილი მოსკოველი ვექილი დეპუტატი ლედნიცკი. თუ რა მიზანი ჰქონდა კავშირს, რა საგანზე ჰქონდა მსჯელობა თვით მისი სახელი გვიჩვენებს.

როდესაც სათათბიროში შეიტანდნენ რაიმე ახალ კანონპროექტს, კავშირი საკუთარ თვალთა ხედვის ისარით გაარჩევდა ამ კანონპროექტს და საერთო დეპუტატთა კრებაზე, ან სპეციალურ კომისიებში წარმომადგენდა თავის მოთხოვნილებათ. აგრარული კითხვა, ავტონომია, ადგილობრივი სასამართლოები, ენა, შკოლა და სხვ. აი კითხვები, რომელნიც დრო-გამოშვებით ირკვეოდა კავშირში.

ავტონომისტ-ფედერალისტთა კავშირმა ერთხმად გადაწყვიტა მოეპატიჟა ილია ჭავჭავაძე, როგორც სრულ უფლებიანი წევრი. ზოგნი ეჭვობდნენ, — ილია ამ კავშირში არ მიიღებს მონაწილეობას, მოერიდება აგრე ფარდა ახდილს პირდაპირს მუშაობასო, მაგრამ ასეთი აზრი არ გამართლდა. ილიამ დიდისიამოვნებით მიიღო კავშირის წინადადება. კავშირის კრებები უფრო ხშირად საღამოებით ხდებოდა. ეს ილიას არ აშინებდა და კრებებს ესწრებოდა.

— აქ ყოველ კითხვის შესახებ მოხსენების წაკითხვაა საჭირო, თორემ ყველა ეს ვაჟბატონები ჩინეთის იმპერიას უფრო იცნობენ, ვინემ ჩვენ ქვეყანას—პირველ კრების შემდეგვე სთქვა ილიამ.

ასეთი იყო ილიას გადაწყვეტილება, მაგრამ ავტონომისტ-ფედერალისტთა კრებებზე მოხსენების წაკითხვას ან სიტყვის

წარმოთქმას დიდი სიფრთხილე სჭიროდა, მიზეზი მეტად რთული იყო: ძალიან ხშირად თითქმის შეტაკება მოხდებოდა ხოლმე, განსაკუთრებით აგრარულ კითხვის დროს. პოლონელის სიტყვა (ლიტვაში მცხოვრებ პოლონელის) ლიტველს არ ეპიტანავენოდა, უკანასკნელის — პირველს. უკრაინაში მცხოვრებ პოლონელს უკრაინელის და სხვ. რასაკვირველია ეს ხდებოდა, მაგრამ მორიგება შესაძლო იყო.

ეს გარემოება ილიასაც აფიქრებდა. განა შესაძლოა აგრარულ კითხვაზე მოხსენების წაკითხვა (საქართველოს შესახებ) ისე რომ სომეხთა როლს ჩვენს ეკონომიურს ცხოვრებაში არ შეეხებოთ? არა. ილიას რომ მოუფერებლად და თავისებურად გამოეთქვა თავისი აზრი, რაღას იტყოდა კავშირის წევრი სომეხი დეპუტატი? ეს კითხვა თვით დროთა მსვლელობამ და ვითარებათა ცვლილებამ შეაჩერა.

ილია დაესწრო რამდენჯერმე კრებებს. მოისმინა უმრავლესობის აზრი თითქმის ყველა კითხვებზე. შეიგნო ყველა სუსტი მხარე კავშირისა. მოუფერებლად და მიუდგომელად დაათვა საინაღმდეგობა წევრთა შორის. ასეთმა ანალიზმა ილია მიიყვანა არ სასიამოვნო დასკვნამდის და გაუქარწყლა დიდი იმედი.

ცოტა ხნის შემდეგ (ამ დროს იოსებ ბარათაშვილიც ესწრებოდა ავტონომისტთა კრებებს) აი რას ამბობდა ილია:

— ავტონომისტ-ფედერალისტთა კავშირს სათათბიროში დიდი მნიშვნელობა ექნება, მაგრამ ჯერ ჯერობით თვით ორგანიზაცია და მუშაობის სისტემა მეტად სუსტობს. არამგონი რომ აგრე გასტანოს. აბა, კარგად დააკვირდით — კავშირის უზურბატორი-მეფე დეპუტატი ლედნიცკია. უმრავლესობა მის სიტყვას და წინადადებას წმიდათა წმიდათ იღებს და ეთანხმება. ეს აიხსნება მხოლოდ შეუფერებლობით. წევრთა უმეტესი ნაწილის აზრი ამა თუ იმ კითხვაზე არ არის საამდროვო. მე საქართველოში სოციალდემოკრატები რეტროგრადს მეძახიან, ესენი-კი-ჩემი მოხსენებანი რომ წაუკითხო-მგონი, რევოლიუციონერს დამიძახებენ.

ილია ზოგიერთ კითხვებში ავტონომისტ-ფედერალისტთა კავშირზე უფრო მარცხნივ იდგა. არც ეს გარემოება აშინებდა მაინც და მაინც ქავჭავაძეს. ის ჯერ აპირებდა ისეთ მოხსენების წაკითხვას, რომელიც კავშირში აურზაურს და პროტესტს არ გამოიწვევდა.

ერთ მშვენიერ დღეს კავშირს ჩვეულებრივი კრება ჰქონდა. ლაპარაკი იყო აგრარულ კითხვაზე. კავშირს სურდა მალე შეეტანა თავისი წინადადება პარლამენტის აგრარულ კომისიაში. ეს კრება ავტონომისტ-ფედერალისტთა ცხოვრებაში სწორედ ისტორიულად უნდა ჩაითვალოს. უკრაინელებმა, პოლონოლებმა, ბელოროსებმა, ლიტველებმა კინალამ ურთ-ერთი შეურაცხვეს... როდესაც კომისიის არჩევაზე მიდგა საქმე და კანდიდატად ილია და ბარათაშვილიც დაასახელეს, წამოხტა დეპუტატი თოფჩიბაშევი და ხმა მალღო დაიძახა:

— ჩვენი წარმომადგენელიც უნდა იქნას არჩეული კომისიის წევრად. ქართველებს თუ ირჩევთ, ჩვენც უნდა აგვირჩიოთ. ქართველებს მიწის სოციალიზაცია სურთ, ისინი სოციალისტები არიან, ჩვენა-კი სულ სხვა პირობებში ვართ და სხვა მოთხოვნილება გვაქვს.

კრებამ თოფჩიბაშევი დააწყნარა. როგორც მახსოვს იმ დღესვე ისიც აირჩიეს კომისიის წევრად. შემდეგ ნეტარხენებულმა ილიამა სთქვა:

— არ გითხარ რევოლიუციონერს დამიძახებენ მეთქი?! ჯერ კრინტიც არ დამიძრავს და თოფჩიბაშევი სოციალისტს შეძახის... ნეტავი რას შეეშინდა?

უკანასკნელ შემთხვევას არავითარი სამწუხარო შედეგი არ მოჰყოლია. ვინ იცის მომავლში, სათათბირო რო არ დაეხურათ, შედეგსაც ამოეყო თავი და პრინციპიალური შეტაკებაც მომხდარიყო.

— ეხლა მე რალა საჭირო ვარ? ღიმილით შენიშნავდა ხოლმე ილია ბარათაშვილის ჩამოსვლის შემდეგ. რა-კი ბარათაშვილი აქ არის, უჩემოდაც დაიცავს ჩვენს ინტერესებს.

ქავჭავაძის ასეთ აზრს ბარათაშვილი ეწინააღმდეგებოდა. გარდა ამისა ილიას ავტონომისტ-ფედერალისტთა კავშირში

ყველანი უკვე კარგად იცნობდენ, პატივს სცემდენ, როგორც მსოფიან და გამოცდილ შექალაქავებულ მოღვაწეს. ეს უკანასკნელი პირობა ილიას სულ სხვა ძალას აძლევდა. ამას თვითონაც ვრძნობდა და მასთან ერთად ჩვენც. ამიტომაც კავშირიდან წასვლაზე ბოლოს არას ამბობდა.

— რასაც შევძლებ — აქაც გავაკეთებ.

ასეთი იყო უკანასკნელი სიტყვები მგოსნისა. ვამბობ უკანასკნელი, რადგან ერთი კვირის შემდეგ ტავრიდის სასახლე დაჰკეტეს — პირველი სათათბირო დაიხურა.

V

ილია და სოციალდემოკრატები (დებუტატები).

ჩამოვიდნენ ჩვენი დებუტატებიც, რომელთა შორის მხოლოდ ბარათაშვილი იყო არა სოციალდემოკრატი. ჩვენ ქვეყნის წარმომადგენელთა ასეთმა ჯგუფმა პეტერბურგის ქართველი ინტელიგენცია და მასთან ერთად ილია დააფიქრა. მიზეზი საყურადღებო იყო. სათათბიროში მოვლოდენ ავტონომიაზე მსჯელობას. ქართველთა მინდობილობით ლენინცკიმ ჩვენების ჩამოსვლამდის პარლამენტის კომისიაში შეიტანა განცხადება საქართველოს ავტონომიის შესახებ, „ჩვენი სოციალდემოკრატები წინააღმდეგნი იქნებიან და ხომ შევრცხვით. განცხადება მაინც არ იყოს კომისიაშიო,“ — აი რა ფიქრი ტრიალებდა ქართველთა შორის.

— „რამე უნდა ვიღონოთო“ — ამბობდენ ილია და სხვანი. რა უნდა ექნათ? ამ დროს და წინედაც ს.-დ. ჟურნალ-გაზეთებში ილიასთან საქმის დაჭერას, პურის მქამელს და მოლაპარაკესაც ჯვარს აცვამდენ. ამიტომ პეტერბურგის ქართველთა შეუძლებლად მიიჩნდათ შეერთებულ საერთო კრების მოხდენა, თუნდ ისეთი პატარა მსჯელობისა, რომელშიაც ქართველ დებუტატ-სოციალდემოკრატებთან ერთად ილიას და სხვებს მიეღოთ მონაწილეობა.

ილია იმედს არ კარგავდა. პროფ. ცაგარელი ყოველ შეხვედრაზე გაიძახოდა: „უთუოდ უნდა შევხდეთ სადმე, მოვილაპარაკოთ. ნუ თუ ასეთი პროტესტანტები არიან“...

მთხოვეს გამეგო დეპუტატების აზრი. ის რამიშვილს, ნ. ჟორდანიას, გომართელს და სხვათ არავეთარი წინააღმდეგობა არ გაუწევიათ და შესაძლოდ ცნობდნენ მოლაპარაკებას. აქვე უნდა შევნიშნო, რომ მაინც და მაინც დიდს სარგებლობას არც ერთი მხარე არ მოელოდა. მიუხედავად ამისა ხშირად ვაისმოდა: „ვინ იცის იქნება შევთანხმდეთ.“ ასეთი ოპტიმისტიური იმედი ილიას ადვილად არ იტაცებდა. ველოდით შესაფერ შემთხვევას, რომ სადმე შეკრებილიყვნენ. ამასაც მოვესწარი.

პეტერბურგში ჩამოვიდა ცნობილი მდიდარი ქართველი დავით სარაჯიშვილი, რომელიც სათათბიროს კრებაზე წავიყვანე. კულოუარებში სეირნობის დროს სარაჯიშვილმა შემდეგი წიანადადებით მომმართა:

— მე მსურს ჩვენს დეპუტატებს და მათთან ერთად ზოგიერთ აქაურ ქართველებს სადილი გაუშარათო. მომინდვია შენთვის, აარჩიეთ დრო, დანიშნეთ საათი, ადგილი და მე მზადა ვარ. ეს მე ძლიერ გამიხარდა. სარაჯიშვილს ავუხსენ, რომ ასეთი შეკრება სწორედ გვინდოდა მეთქი. გადავწყვიტეთ ორ კურდღლის ერთად დაჭრა.

ერთი წუთით—მართალი ვითხრათ—შეფხერდი. „ის რამიშვილი და სხვანი რომ სადილად არ წამოვიდნენ“—გავიფიქრე. მაგრამ დიდად შევცდი. ყველანი დათანხმდნენ. ორივე მხარე კმაყოფილი დარჩა.

— რატომ არ წამოვალ?—გაიკვირვა ის რამიშვილმა. „ვეროპის სასტუმრო“-ს ცალკე დიდ ოთახში შევიკრიბენით. სუფრის თავმჯდომარის ადგილი დაიჭირა ილიამ, და მთლად სმენად გარდაქცეული, ათვალისწინებდა იქ მყოფთ. ისიღორე რამიშვილს მიუჯდა პროფ. ცაგარელი. სადილის გათავებამდის ლაპარაკს ნაწყვეტების ხასიათი ჰქონდა. სანამ კრების მიზანზე ვიტყვოდე რასმე, მსურს მოვიგონო ერთი მხიარული სცენა.

სადილის ბოლოს დავით სარაჯიშვილმა შამპანიურ ღვინით გაგვიმასპინძლდა. ავარდა პრობკა და აივსო ჭიქები შუშხუნა შამპანით.

ისიდორე რამიშვილმა არა ჩვეულებრივად შეათამაშა სახე, უღვაშებში ჩაიცინა და მოსვა შამპანიური ღვინო... დაცალა ჭიქა, და სიცილითა სთქვა:

— ძალიან გემრიელი ყოფილა შამპანიური. პირველად ვსვამ. მშვენიერი ღვინოა. ამიტომ ვერ შორდება და იცავს თავის ცხოვრებას ბიუროკრატია და ბურჟუაზია. რა თქმა უნდა ასეთ ღვინის დაკარგვა ეძნელებათ.

ისიდორეს გულწრფელმა ირონიულმა სიტყვებმა საერთო სიამოვნება გამოიწვია. შამპანიური კიდევ დალიეს. ილია გამხიარულდა და გულ ახდილად შენიშნა:

— სოციალდემოკრატს შამპანიური გაუტკბილდა!

— ჩემს სიცოცხლეში არ დამიღვევია, მაგრამ, უარს ვერ ვიტყვი, — ჩაილაპარაკა ისიდორემ და დაუმატა; მართლა ჩინებული რამ არის!

ხუმრობასაც ბოლო მოეღო. სადილს მორჩენ და შეუდგენ პოლიტიკას. ილიას ყველანი დიდი პატივის ცემით ეპყრობოდნენ.

ნ. ჟორდანიას და სარაჯიშვილი გერმანულად და ფრანგულად ლაპარაკობდნენ. ისიდორე რამიშვილი პროფ. ცაგარელს მთელს ლექციას უკითხავდა. საგანი — კრების მიზანი, ანუ ავტონომიის შესახებ აზრის საბოლოოდ გამოთქმა. პროფ. ცაგარლის ენერგიულმა განმტკიცებულ რწმენაზე აშენებულმა სიტყვებმა ვერ შეაჩუქეს ისიდორე. იგი წყნარად და ტკბილად ამბობდა:

— ჩვენ ეხლა ამ კითხვაზე სათათბიროში ლაპარაკი მეტად მიგვაჩნია, ჯერ სხვა საერთო კითხვებია გასარჩევი...

ამას მოყვა ის, რაც უკვე ვიცით ჩვენ ესდეკების პროგრამიდან. ჩემზე — უნდა გამოვტყდე — ისიდორე რამიშვილის კილო და მეტად ზრდილობიანი მოფიქრებული სიტყვა კარგად მოქმედებდა. ეს არაფრად არ გავდა იმას, რასაც პარტიულ პრესაში ამოიკითხავთ ხოლმე.

ილია ისეთის ყურადღებით ისმენდა რამიშვილის სიტყვას, თითქოს მოლაპარაკის ყოველივე სიტყვას რთულს ანალიზს უკეთებდა. მგოსანს ხშირად სახის გამომეტყველება ეცვლენ:

ბოდა. ხანდისხან დარბაისლურად შეინძრეოდა, მაგრამ მსწრაფლ შესწყვეტდა მოძრაობას. უნდოდა რაღაც ეთქვა, მაგრამ თავს იკერდა და საშუალებას აძლევდა რამიშვილს დემთავრებინა თავისი სიტყვა.

დაასრულა ის. რამიშვილმა ვრცელი ლექცია. ილია კოტახნს იჯდა და ყურს უგდებდა პროფ. ცაგარლის პასუხს. მერმე მრავალ მნიშვნელოვნად გადაჰხედა ყველას, ნელა წამოდგა და ღრმა ჩუმ ფიქრში გართულმა იწყო ოთახში სეირნობა.

ილიას გადმოხედვა, მიმოხვრა, უცაბედი შენიშვნა, შეჩერება ნათლად გვეუბნებოდა: „მე მაგათ ვერას შევაცვლე-ვინებ. რაც ის. რამიშვილმა სთქვა, ის მაგათი მტკიცე გადწყვეტილებაა. ჩვენ სხვა რამ უნდა ვიფიქროთო“.

ამიტომაც ვრცელი მსჯელობა ილიამ ალ. ცაგარელს დაუთმო.

ამ დროს კოტა ხნით (ნახევარ საათით) მობაასეთ თავი დაგანებე. რა მოხდა ამ დროს განმავლობაში დაწვრილებით არ ვიცი. როგორც მერმე გამოირკვა ილიას ვერ მოეთმინა და ლაპარაკში ჩარეოდა.

ლამის მეორე საათზე ერთმანეთს დავშორდით. შთაბეჭდილება საერთო კარგი იყო. ასეთი მშვიდი და წყნარი იყო სოციალ-დემოკრატთა კრება ილიასთან ერთად.

მეორე დღეს ილიას სათათბიროში შევხდი, იმ წამსვე ვკითხე:

— გუშინ ხომ არ დადლილხართ?

— არა. გუშინდელი საღამო საინტერესოდ მიმაჩნდა, თორემ იმდენხანს რა გამაჩერებდაო. რაც უნდა იყოს ჩვენზე შეკრებამ ერთი რამ აგვიხსნა: ეხლა ვიცი მაინც როგორ მოიქცევიან ჩვენი დეპუტატები, როცა ავტონომიაზე იქნება მსჯელობა.

— განა წინად არ იცოდით?

— ჩვენ ვიცოდით, რომ ისინი საქართველოს ავტონომიის წინააღმდეგნი არიან. ეს ყველამ ვიცოდით, მაგრამ ის რაც გუშინ გამოირკვა — ახალია. ამათთან, ბელადებთან,

ისიდორესთან და ნოესთან შესაძლოა მოლაპარაკება სხვებთან კი ჩვენში... ფანატიკოსები არიან დალოცვილი. შეიძლება ორს სხვა და სხვა უკიდურესს პარტიას ვეკუთვნოდეთ, მაგრამ ჩვენ ერთად ლაპარაკი უნდა შეგვეძლოს. მრწამს ცოტაოდენ სარგებლობას უთუოდ მოიტანს. ნაციონალური გრძნობა ძლიერ ღრმად არის ჩანერგული, შესისხლხორცებული და თუ გაიძახიან „არაო“ — ეს თავის მოტყუილებაა. კარგად ჩაიხედონ გულში*)... ეჰ, შორს წავედი. ისევ გუშინდელ დღეს დაეუბრუნდეთ. „ჩვენ საქართველოს ავტონომიას არც დავიცავთ და არც წინააღმდეგ ვიტყვი არაფერს“. ეს დაპირებაც კარგია, მაღლი ღმერთს: მე არც ამას მოველოდი.

შემდეგ გამოკითხვამ დამარწმუნა, რომ ეს საყურადღებო აზრი ეთქვათ მაშინ, როდესაც მე არ ვიყავ ოთახში. ზოგიერთ შემინებული გული ამ ამბავმა დაამშვიდა პირადად ილია — როგორც იმის სიტყვებიდანაც ჩანს — კმაყოფილი იყო.

პროფ. ცაგარელი არც მაშინ იყო დამშვიდებული ასეთ პაწია დათმობით და არც მგზმე. მას სურდა ავტონომიის კითხვაში სოციალ-დემოკრატებს ავტონომისტთა მხარე დაეჭირათ, მაგრამ ეს შეუძლებელი იყო მაშინ და შეუძლებელია დღესაც.

ერთხელ ავტოკეთალიაზეც გამოელაპარაკა ილია ზოგიერთებს. გავიგეთ, რომ სიმ. წერეთელი (თვითონ სთქვა) საქართველოს ეკლესიის შესახებ და ავტოკეთალიაზე საკუთარ მოხსენების წარდგენას აპირებდა სათათბიროში. რასაკვირველია ამხანაგების ნება დართვით.

— ამას არ მოველოდი, — ამბობდა ილია. ჯერ ესეც ვიკმაროთ. ეს დაპირებანი შეასრულონ. დამოკიდებულებას ნუ გავამწვავებთ. არა უშავს რა...

აგრე მორბილდა მგოსნის გული დეპუტატ. სოც. დემოკრატთა სიტყვებით. ყველანი ელოდა უმჯობესს მომავალს

*) ილიას აზრის დამამტკიცებელ საბუთს მოვიყვან სხვა ღროს, როცა შევეუდგები პაწია შრომას შემდეგის სათაურით «ჩვენი დეპუტატები».

მთელ რუსეთში. საამო ახლო მომავალი ეხატებოდა ილიასა და მადამ... ველარ განხორციელდა სოციალ-დემოკრატთა დაპირებანი, ვერა დასტება სურვილის ასრულებით ქვეყნადე და მასთან ერთად მთელი ქვეყანა: პირველი სათათბირო დახურეს.

მეორე სათათბიროში სულ სხვა ახალი პირობები იყო. ხელოვნურმა განსაზღვრამ, აღნიშნულ კითხვების გაქარწყლებამ, ახალმა სუსხიანმა ჩრდილოეთის პოლიტიკურმა ქარმა ილიას და ქართველ დეპუტატთა შორის დასახლოვებული ნიადაგი მოსპო.

VI

ილია და პეტერბურგის ქართველები.

ებლა დაფანებოთ თავი ილია ქვეყნადეს—როგორც პოლიტიკურ მოღვაწეს. აწ სხვა კითხვებს შევეხოთ.

ილია ჩამოვიდა თუ არა პეტერბურგში მოწადინებული იყო ყველა ადგილობრივი მოღვაწე ქართველი ენახა, გაეგო ქართველთა ცხოვრება და რამდენადაც შესაძლო იქნებოდა დაახლოვებოდა.

იმ დროს პეტერბურგში ცხოვრობდა დიდად პატივცემული ალექსანდრე ყიფშიძე, რომელთანაც ერთად ილია ხშირად რავედენიმე საათს ერთობოდა ამა თუ იმ საგანზე სერიოზულ ბაასში. არა ერთხელ შეხვედებოდათ ერთადვეს სათათბიროს კულუარებში. ა. ყიფშიძე დიდ დახმარებას უწევდა საყვარელს მგოსანს. მაგრამ ა. ყიფშიძე მალე წავიდა საქართველოში.

იტყვიან-თუ რისამე გაგება გულწრფელია და გსურს-მიზანსაც მალე მიაღწევ. ეს უტყუარი სიტყვები არა ერთხელ გამართლებულა:

ილიამ ცოტა ხნის შემდეგ პეტერბურგის ქართველთა მთელი ყოფა-ცხოვრება იცოდა-უმთავრესად ქვეყნადეს ყურადღებას იქცევდა ქართველნი მოსწავლენი.

იენისის უკანასკნელი რიცხვები იყო (1906 წ.) ილიას სათათბიროში შეეხვდი. მგოსანს სახე მოღუშული ჰქონდა,

რალაც ნაღვლიანობა გამოიხატებოდა. მე შემეშინდა, — ავად ხომ არ არის მეტეი.

— გუშინ ჩემთან ერთი ახალგაზდა იყო, — გულ დაწყვეტილი დაიწყო ილიამ — ბევრი ცუდი რამ მიაბზო. ნეტავ რამდენად მართალია ჩემი გუშინდელი სტუმარი?

— ძალიან დაუნაღვლიანებიხართ, როგორც ვატყობ.

— ძალიან მეწყინა... მაგრამ ყმაწვილის ნათქვამი გარდამეტებული უნდა იყოს. ქართველნი მოსწავლენი არას აკეთებენო, ქართული ენა სრულიად არიციანო. თავისუფალ დროს მხოლოდ ბანქოს ანდომებენ, კლუბებში თამაშობენ. ამ ნიადაგზე ბევრს მეტად საზარელს და საძაგელ შემთხვევათ ჰქონდათ ადგილიო. ის სტუდენტები, რომელთაც ყველა მოსწავლეთა წრე საუკეთესოდ სთვლიან, კლუბებში ათენებენ და აღამებენ. ახლებს თითქმის ძალით აჩვენებენ ბანქოს თამაშსაო. ეს რა უბედურება დატრიალებულა? ნუ თუ მართალია?

— საზოგადოდ რა მოგახსენოთ, მაგრამ ეგ სენი მართლა რომ გავრცელებულია. ბანქო ბევრს ნიჭიერს და ენერგიით სავსე ახალგაზდა მოსწავლეს უბნევს გზას და აკარგვინებს ძვირფასს დროს.

რავდენიმე წუთის განმავლობაში ილიას ხმა არ ამოუღია, მხოლოდ წარბები მოწყენით შეათამაშა.

— ეს უბედურობაა, — გაიმეორა ჭავჭავაძემ. მითხრა — ერთი ახალგაზდა ჩამოვიდა საქართველოდან, თან ჩამოიტანა ორასი თუმანი, სურდა სწავლის შეძენაო. დღეს-კი არც ფული, არც ცოდნა, მხოლოდ ბანქოს თამაში და კლუბის ბინა ასწავლეს მეგობრებმაო. ეს სასტიკი დანაშაულია, — ამაღლა ხმა ილიამ.

— მეც მიაბზეს. ეს ფაქტი — სინამდვილეა.

— მეტს ვერას ვიტყვი... ნამეტნავად გულს მიკლავს ასეთი ქცევა სტუდენტთა შორის. ქართველ სტუდენტთა შორის ასეთ საზიზღრობას ადგილი არ უნდა ჰქონდეს...

ამ დროს ილიას თარხნიშვილის ქალები მიესალმნენ და სიტყვა გააწყვეტინეს.

ხშირად უბრუნდებოდა ილია ამ საგანს. საშინელს მსჯავრს დებდა აქ მყოფ ახალ გაზდობას, ხმა მალდა, გასაგონად. საუბედუროდ მგოსანი მოგვმორდა, ეს სენი კი ისევ ძველებურად იზრდება ჩვენ ახალ გაზრდათა შორის — როგორც თვითონ ახალ გაზდანი ამტკიცებენ.

არც პეტერბურგში დარჩენილნი ქართველების ცხოვრება აკმაყოფილებდა ქავჭავაძეს. იმის აზრით, ვინც რუსეთში რჩება, აქ ეკიდება ოჯახს და აქაურ საზოგადოებაში (რუსის) მოღვაწეობს — ის ჩვენი ქვეყნისთვის მაინც და მაინც დიდი საიმედო და გამოსადეგი არ არის. ამათ შორის სულ სხვა ფრივ უცქეროდა ქართველ პროფესორებს. დროებით დარჩენილ ქართველები, ილიას აზრით, ძალას იკრეფენ და რაც მალე წავლენ ჩვენში — მით უმჯობესია

ქავჭავაძეს გულს უკლავდა პეტერბურგის ქართველების დაქსაქსვა.

— ვერავითარ ერთობას ვერ ვხედავ აქ ქართველთა შორის. უმრავლესობა ერთმანეთს სრულებით ვერ იცნობს. რაღაც განცალკევებულ ცხოვრებას მისცემიან მე არას ვამბობ იმათზე, რომელნიც მუნდირებში გახვეულან, აქაურ კუპჩიხები და მდიდარი ქალები შაურთავეთ. არა, ამათ გარდა სხვანი, უფრო წმინდა ელემენტები რაღას შვრებიან? პროფ. ცაგარელსა ვკითხე — როგორ არის პეტერბურგელ ქართველთა საქველმოქმედო საზოგადოების საქმე მეთქი. წევრებს თითქმის არ აინტერესებს ეს დაწესებულება, ფული არ შეუტანიათ და საზოგადოება არაფერს აკეთებს. ეხლა გადახედეთ პოლონელებს. გუშინ სახელმწიფო საბჭოს წევრი, პოლონელი, მიაშობდა იმათ საზოგადოების მოღვაწეობის ისტორიას... მართალი გითხრათ შემერცხვა.

აგრე ლაპარაკობდა მოხუცი.

ზოგნი ამბობენ: — „ილიას არ სურდა პეტერბურგელ ქართველებთან დაახლოვება, იმათი ვინაობის გაგება, გულ გრილად უყურებდა იმათ ცხოვრებასაო“. ეს სიტყვები გამიგონია ხშირად, უმრავლესობისთვის საკადრისი პასუხი გამიცია.

დღეს კი საჯაროდ ვაცხადებ, რომ ასეთი სიტყვები ილიას ხსოვნის შეუფერებელი შეურაცყოფაა და სხვა არაფერი. ჩემ ნაამბობიდან მიხვდებით — რამდენად მართალნი არიან „ავ ენათა“ პატრონნი.

ილიამ პირველ ორ-სამ თვეში შესძლო პეტერბურგის შესწავლა იმდენად კარგად, რომ უტყუარ აზრის წარმოთქმა თავისუფლად შეეძლო. ის არ იჯერებდა გაგონილ კორს, ის ითხოვდა საბუთს და გაგებულს სხვა საშუალებითაც იკვლევდა. ბევრი, თამამად შამიძლია ვსთქვა, უმეტესი ნაწილი პეტერბურგელ ქართველთა არ იცნობს თავიანთ აქ მყოფ-მემამულეთა დაქსაქსულ კოლონიას ისე, როგორც ილია იცნობდა მათ; ჭკვა, ნიჭი, სწორი გათვალისწინება, უღმობელი კრიტიკა — ანალიზი ყოველთვის ასეთ ნაყოფს მოიტანს.

ილიას ქართველი საქართველოში უყვარდა, უყვარდა საქართველოს ტურფად მოხავერდებულ მდგლო — მთებში, სადაც მუდამ ისმის ჩუმი და მძლავრი ხმა: „აქ უნდა შრომა, შრომას კი ძალთა შეკრება“.

ეს კანონიერი ხმაა.

VII

შიო ჩიტაძის პანაშვიდი.

პირველ სათათბიროს უკანასკნელი დღენი იყო, როდესაც ტფილისიდან საშინელი ამბავი მოვიდა „შიო ჩიტაძე მოკლეს სათავად-აზნაურო გიმნაზიაში“. ვინ აღწერს იმ წუხილის ძლიერებას, რომელიც ასეთმა ახალმა სასტიკმა ცნობამ შეჰქმნა.

ილიას სიბრძნით სავსე თვალეები ცრემლთა ზღვაში დასცურავდა, სახე სულის ტანჯვას და უსაზღვრო ნაღველს მოეცვა. ჩიტაძის ვერაგულად მკვლელობას მოხუც ქართველებზე მეტად ემოქმედა.

— რა უბედურება გვატყდება თავს?!... რას ვესწრებით? რას გვიშვრებიან?!... უთუოდ შეკითხვა უნდა შეიტანონ ჩვენმა დეპუტატებმა. რა ხდება?... გულმოკლული გაიძახოდა ილია.

როდესაც ქავჭავაძემ გაიგო ქართველი დეპუტატები დღესვე აპირებენ შეკითხვის აღძვრასო — ცოტათი ვითომ დამშვიდდა,

მაგრამ გულში ღრმად ჩასერილი ახალი არა ჩვეულებრივი შხამი თავისას შვრებოდა. შიო ჩიტაძის მკვლელობის გამო აღძრულ შეკითხვის გარჩევას სათათბიროში ილია დაესწრო, მოისმინა ჟორდანიას, ჯაფარიძის და ბარათაშვილის სიტყვები. განსაკუთრებით გული აუჩვილა უკანასკნელის სიტყვამ.

იმ დროს პეტერბურგში იყვნენ ჩვენი ეპისკოპოზები კირიონი და ლეონიდი. ადვილი მისახვედრია როგორ მიეგებნენ ესენი გულ შემზარველ ამბავს. გადაწყვიტეს ალექსანდრე ნევის ლავრაში პანაშვიდის გადახდა.

პანაშვიდი დანიშნული იყო დილის 11 საათზე. სამწუხაროდ პეტერბურგელ ქართველთაგან ორიოდ კაცი დაესწრო. ამათ შორის პროფ. ცაგარელიც.

ილიას არ მოველოდი. მიზეზი: ავადმყოფობა და პანაშვიდის აღრე დანიშვნა. შევცდი. ილია ცუდად გრძნობდა თავს, მაგრამ მაინც მოვიდა—როგორც მახსოვს—ყველაზე უფრო აღრე.

— რად დაიხარეს პანაშვიდზე დასწრება, —საყვედურის კილოთი ჩაილაპარაკა გაჯავრებულმა ილიამ. რა სუსტნი ვართ!...

აგრე გული დაწყვიტა მგოსანს პეტერბურგელ ქართველთა გულგრილობამ, ანუ უკეთ რომ ვთქვა სიზარმაცემ. მაშ რით უნდა აიხსნას პანაშვიდზე არ მოსვლა?

ასეთნი ბრძანდებიან ჩრდილოეთში დაბინავებულნი შვილნი საქართველოსი, რომელთ გონებას და გულს დღითი დღე უფრო ყინავს თეთრ ზღვიდგან გადმოვარდნილი ატმოსფერა.

დიდხანს, დიდხანს შერჩა ილიას უეცრივ აღმოცენებული შხამით ავსილი ფიქრები. ყოველ შეხვედრაზე ჩიტაძის მხეცურ მკვლელობას იგონებდა. ისეთი აზრთა გამტაცო იყო ილიას დარდიანი შენიშვნები, რომ ძალაუნებურად თვალთ წინ მეხატებოდა ჩვენი ქვეყნის წითლად შეღებილი სურათი, რომელზედაც შავად ჩნდა მტარვალობის ნაბიჯი. მგოსნის მოკლე სიტყვები აგრე შორს გიტაცებდათ.

განა შეეძლო წარმოედგინა მსკოვან დაუღალავ მოღვაწეს—რა მოხდებოდა ერთი წლის შემდეგ? განა შეეძლო წარმოედგინა, რომ 12 თვის შემდეგ თვითონ დავარდებოდა უმწეო მსხვერპლად?

რასაკვირველია — არა... მაგრამ ეს უბედურობაც და მეორე სამგლოვიარო პანაშვიდი გადაიხადეს...
რა სასტიკია ცხოვრება?!..

VIII

საქართველოში გამგზავრება.

მეორე სათათბიროც დახურეს... საუკეთესო იმედებ გაცრუებული ილია ჭავჭავაძე ეძებდა ახალს პირობებს. ახალს შედარებით ჩრდილოეთის არე-მარესთან, ისე-კი ძველს... საქართველოს ჰაერს, თუმცა ეს ჰაერი კვამლ-სისხლით გაჟღენთილი იყო. ქართველ მგონის გული საყვარელ ქვეყნისკენ ილტვოდა, სადაც მთელი წელიწადი არ ყოფილიყო.

ნაცნობ-მეგობრები ილიას არ ურჩევდნ საქართველოში წასვლას. დარჩი აქ, ცარსკი სელოში ან სხვაგან ქალაქის გარე დაბინადიო, — ეუბნებოდნ. ჩვენში გამწვავებულ ცხოვრებით აშინებდნ. ილიას მეუღლესაც არ სურდა კავკასიაში გამგზავრება, ისიც წინააღმდეგი იყო.

— როგორ შეიძლება?! ამდენი ხანი არ ვყოფილვარ საქართველოში!.. ზაფხული თუ იქ არ გავატარე, ჩვენ ქვეყანას არ გადავხედე — ზამთარში აქ რა გამაძლებინებს? განა დიდი ხანი დამრჩენია? უთუოდ წავალ, — გადაწყვეტით ამბობდა ილია.

ტყვილა აშინებდნ ჭავჭავაძეს.

— რას ან ვის უნდა შევუშინდე?!... გაკვირვებით დაეკითხებოდა ხოლმე ილია მოლაპარაკეს. მე იქ რა უნდა მაშინებდეს? მე არაფერ არას მიზამს საქართველოში. შიშით განა აქ უფრო არ უნდა მეშინოდეს?

— დაცინვით ჩაიღიმებდა პოეტი:

— თქვენ თვითონ ნუ გეშინიათ, — შემოდგომაზე ისევ ერთად ვიქნებით. უფრო გაყოჩაღებული ჩამოვალ ..

აი რამდენად უყვარდა თავის ქვეყანა, რამდენად ენდობოდა ქართველებს და მათ მიდამოს განა. ამის უფლება არა ჰქონდა ილიას?!

ასეთის რწმენით და ნდობით სავსე გაემართა ილია ჭავჭავაძე ჩვენი ქვეყნისკენ. მისი გული წყნარად სცემდა რეცეპტს არას მოელოდა, წინასწარ გრძნობა ახლო მომავალში ავს არას უქაღდა.

წავიდა რუსეთიდან ილია...

წავიდა და თან პეტერბურგში დარჩენილ ნაცნობ-მეგობართა საბედისწერო გაფრთხილება უკან მისდევდა. ამათ შიშის საფუძვლიანობას ილია ალბად მაშინ მიხვდა, როცა თავის მკვლელთ შესძახა :

— რას შვრებით, თქვე უბედურნო!...

მე მრწამს,—ამ დროს ელვის სისწრაფით მოიგონა ილიამ შორე მეგობართა რჩევა... მაგრამ ამ ჯოჯოხეთურ წამს თავი დავანებოთ...

აქ იწყება ტრაგედია...

პეტერბურგი, თებერვალი 1908 წ.

მალაქია ბოლქვაძე.



ილია ჭავჭავაძის ძეგლის მოდელი, გაკეთებული ი. ნიკოლაძის მიერ. ეს მოდელი მოიწონეს ადგილობრივმა მკოდნე პირებმა, „წ. კ. გამავრც. საზოგადოების გამგეობა შეუდგა ხარჯთ აღრიცხვის შედგენას, რის შემდეგ გამგეობა შეუდგება ძეგლის დადგმის განხორციელებას მგოსნის საფლავზე მთაწმინდაში.

სურათი პოლონელთა სკოლის ცხოვრებიდან, პრუსიაში*)

ეს ამბავი მოხდა გაზაფხულზე, სკოლების ინსპექტორის რევიზიის წინად. ამ რევიზიის მოახლოვებას უკვე გრძობდნენ ოტკოვის საბრალო სკოლაში.

ბატონი მასწავლებელი ტელესფორ იანისკა გამოქიმული ბრძანდებოდა თავისს დანჯღრეულ კათედრაზე, როგორც ტახტზე. მარჯვნივ თავის ყავარჯენი ეყუდა — ნერვის ჯოხი. ფეხებთან ჩამსხდარიყვნენ მისი ქვეშემრდომნი: მარცხნივ ქალები, მარჯვნივ ვაჟები.

ბატონი იანისკა რამდენიმე დღე ბეჯითობდა, მუყაითობას იჩენდა, რაც მას საზოგადოთ აკლდა. ამის შედეგად იყო, რომ იმისი ჯარი ერთს მისს შეხედვაზე შიშისაგანკრთოდა, კანკალებდა.

დღეს მას საფუძვლიანი გამეორება უნდა მოეხდინა სკოლაში. მან დაიწყო უბრალო, მაგრამ უმნიშვნელო კითხვებიდან:

— რა გქვიან შენ?

ყველა მზად იყო პასუხის მისაცემად:

— მე მქვიან იოსებ სტეფანსკი, ან სტეფანე ნაროტნი, ან სტანისლავ კუბიაკი და სხ.

*) ეს სურათი წარმოადგენს პოლონელ სკოლას პრუსიაში, სადაც სწავლება პოლონელთათვის უცხო ენით წარმოებს. მოთხრობა საყურადღებოა, როგორც ცხადი გამომხატველი ბავშვის პსიხოლოგიისა. მოთხრობა ეკუთვნის ადამ ჰელდერის შტეინიდან: დაბეჭდილი იყო გერმანულად ეურნალ Die Gegenwart («ში, რუსულად გადართარგმნულია მ. უსპენსკის მიერ და დაბეჭდილი 1906 წ. «Русская школа»-ს № 12, საიდანაც ჩვენ ვსთარგმნეთ.

ეს ყველამ იცოდა; ყველას გამოკითხა, უკანასკნელ იგნაცა სტუპკამდის, რომელიც არ განირჩეოდა განსაკუთრებული ნიჭით. ყველაზე უფრო ამ საცოდავ ბავშვს უცხო ენა ეძნელებოდა, იმისი ენა, რომელიც ვერ ძლევდა მისთვის უცხო ენის ზგერებს, ძლიერ ამახინჯებდა გერმანულ სიტყვებს. ამას თვითონაც გრძნობდა.

მასწავლებელმა თავისუფლად ამოიოხრა და გადავიდა შემდეგ კითხვაზე — სად ცხოვრობ? ყველასაგან ჩინებული პასუხია. პირველიდან დაწყებული უკანასკნელამდის სხაპა სხუპით იძლეოდნენ გაზეპირებულ პასუხს.

მასწავლელი გადავიდა შემდეგ კითხვაზე:

— რა ჰქვიან ქვეყნის ოთხ მხარეს?

აქაც მოწაფეებმა ცოდნა გამოიჩინეს, ხან აქ, ხან იქ დაუცხრომძლად მოისმოდა ერთი და იგივე სიტყვები. რიგი მიღვა იგნაცა სტუპკაზე. მასწავლებელმა ჰკითხა;

— რა ჰქვიან ქვეყნის ოთხ მხარეს?

— იგნაც სტუპკა ამაყად წარმოსდგა, თავი განზე გადაიგდო, თვალები ჭყიტა და იმის მაგიერ რამ ეთქვა: Die Vier Himmelsrichtungen heissen: Osten, Süden, Westen, Norden“, მიუგო: Die vier Himmelsrichtungen heißen: Osten, Süden, Westen, Norden“, ბავშვმა „Osten“ (აღმოსავლეთი) მაგიერ სთქვა: Ostern (აღდგომა) „Süden“ (სამხრეთი)-ს მაგიერ სთქვა: Süden (ცოდვები). „Westen“ (დასავლეთის) „მაგიერ — Wespen — კრაზანები“ და Norden — (ჩრდილოეთის) მაგიერ — Morden — მოკლვა“.

ვინ იცის, საიდან ან როგორ მივიდა იგი ამ აღმოჩენამდის. მასწავლებელმა ჯოხს წაავლო ხელი.

— რაო? მობრძანდი აქ?

ზოგ ქალებს სიცილი აუტყდათ. იგნაცმა მიიღო შენაწებული ცოდვილის სახე და ნელის ნაბიჯით გაემართა მასწავლებლისკენ. მივიდა საკლასო დაფასთან. შეჩერდა. მასწავლებელი მკუხალოვდა.

— რა ჰქვიან ქვეყნის ოთხ მხარეს?

იგნაცმა შიშის კანკალით დაიწო დამტვრეული გერმანული ენით: ქვეყნის ოთხ მხარეს ჰქვიან: აღდგომა, ცოდვები, კრაზანები... ჯერ „სიკვდილამდის“ საქმე არ მისულიყო, რომ მასწავლებელმა ტულაშანი მოსდო ყბაში.

მასწავლებელი თავს ვერ იკავებდა, როცა იმის წინ იგნაცი გაჩერდებოდა. იგნაცმა მოისო ხელი გაწითლებულს ლოყაზე და მიეცა ღრმა ფიქრს თუ რის გამო იყო გამოწვეული ეს სასჯელი.

ეხლა მასწავლებელი შეეცადა სიკეთით ემოქმედა და დაფაზე დასწერა სწორი პასუხი.

იგნაცი შიშის კანკალით ადევნებდა თვალებს მასწავლებლის ხელს. კითხვაშიაც არ იყო იგნაცი გაწრთვნილი: ეხლა მას თვალწინ ედგა მზად თეთრი სიტყვები შავს ფიცარზე.

მასწავლებელმა დასდო ცარცი, დაჰკრა ჯოხი დაფას: — წაიკითხე, როგორ უნდა სთქვა!

იგნაცმა მოიკრიფა უკანასკნელი ძალ-ღონე და ენის ბორძიკით ძლივს ძლივობით წაიკითხა ისე, როგორც მას ეგონა დაწერილი.

მასწავლებელი სიბრაზისაგან გაწითლდა, მოიღერა მუშტი;

— ეს სრულიად უნიჭოა! შენ კითხვაც არა გცოდნია!

იგნაცმა მორთო ღრიალი, ამან უფრო გააფთრა მასწავლებელი.

— მე შენ გიჩვენებ! თუ არ მიეჩვევი სწორ ლაპარაკს, წამოგაწვევს სკამზე და მე ვიცი შენი... შე საძაგელო შენა! გაჩერდი აქ, სანამ ფეხებზე არ ჩამოწყდები!

შემდეგ მასწავლებელი ისევ მიუბრუნდა თავისს ცხვრებს, მივიდა შემდეგის კითხვებით იგნაცამდის და ხელ ახლად ჰკითხა:

რა ჰქვიან ქვეყნის ოთხს მხარეს?

იგნაცმა ისეთავე პასუხი მისცა, როგორც წინედ.

ჯერ კიდევ პასუხი არ დაემთავრებია

— გამოსწი ხელები!

იგნაცმა ნელა გაუწოდა მასწავლებელს მწვირიანი თათი. მთელს კლასში სამარისებრივი სიჩუმე ჩამოვარდა.

— ასე!

ტლაშ! მოისმა ჯოხის ხმა. იგნაცმა სწრაფად გასწია უკან ხელი; ტლაშ! გაისმა კიდევ ხმა და ჯოხი მახლობელ სკამის კიდევზე შუაზე გადატყდა.

მასწავლებელი აიძვრა; იგნაცმა მორთო უარესად ღრიალი.

— დაიცა მე შენ გიჩვენებ! შენ, სადოვსკი, თვალყური გეკიროს აქ, სანამ დავბრუნდებოდე, უნდა ახალი ჯოხი მოვიტანო, ვინც ილაპარავოს ჩასწერე.

მასწავლებელი გავიდა კლასიდან.

ერთს წუთს, მასწავლებლის გასვლის შემდეგ, სრული სიმშვიდე იყო.

შემდეგ ზოგმა ქალებმა დაუყვირეს იგნაცს: *gy Ignatz, nie Ostan tylks Osten! Osten, Süden, Westen, Norden!* მაგრამ იგნაცი მათ ყურს არ უგდებდა. ეხლა რომ იმას გააწვენდნენ და ბევრსაც სცემდნენ, ამაში ეკვი არ იყო. იგი მორჩილებით იხედებოდა ფანჯარაში და თავის პერანგის სახელოთი ცხარე ცრემლებს იწმენდა პირისახიდან.

მასწავლებელმა მოსკრა ახალი ჯოხი, გამოიარა ბაღში სახლისაკენ — ბაღში აქეთ იქით ბალახებს დაუწყო თხრა, ბოლოს დაინახა, რომ სალათა სიცხისაგან ხმებოდა. მისდო ჯოხი განზე, აიღო სარწყავი და დაუწყო სალათს რწყვა. ორჯელ სამჯერ მორწყო, მოაგონდა თავისი სამწყსო. აიღო თავისი ყავარჯენი და გაეშართა სახლისკენ დერეფანში ბავშვების ველური ხმაურობა მოისმოდა საკლასო ოთახიდან. გაანჩხლებულმა მაგრად მოჰკიდა ჯოხს ხელი და ჩქარის ნაბიჯით გაეშურა კლასის კარებისკენ.

მაგრამ უცებ, მეორე მხრით, სამზარეულოდან მოისმა ნაზი ხმა: ტელჩუ!

მასწავლებელი მობრუნდა და თავისი ცოლი დაინახა, რომელიც სამზარეულოს კარებთან იდგა. ამ დროს იმისმა ცხვირმა იგრძნო მოხრაკული წიწილის მომხიბლავი სუნნი.

ღმერთო ჩემო! ტელესფორ იანისკაც ხომ ადამიანი იყო!

მცირე ბრძოლის შემდეგ კლასის კერებთან, იგი წავიდა კოლთან და მოხრაკულ წიწილებთან. თავის ენერგიული სამსახურისათვის მასწავლებელმა ნება მისცა თავის თავს სადილის წინ არა ჩვეულებრივ ესაუზმა.

კლასში ბავშვებს ჩხუბი, ყვირილი და ღრიანცელი აეტეხნათ.

მხოლოდ იგნაცი იღვა ისევ მოჯადოვებული საკლასო დაფასთან და დაღვრემილი ფანჯარაში გაიყურებოდა. მხოლოდ ის ხედავდა, როგორ მოდიოდა მასწავლებელი, და იცოდა რომ ის ეხლა სამზარეულოში ზის.

უცებ იგნაცას ამღვრეულმა მტრედის ფერმა თვალებმა მომაკვდავი მშიშარა სახე მიიღო.

სოფლის მტვრიანი გზით სკოლას მოუახლოვდა დახურული ეტლი; რომელშიაც ება სამაზრო სკოლების ინსპექტორის წაბლის ფერი ცხენები.

— ინსპექტორი! წამოიძახა იგნაცმა შიშით, რადგანაც მისი „სიავკაცობის“ ამბავი ამ მალალ ბატონისთვისაც არ შეადგენდა საიდუმლოებას.

საკლასო ოთახში ყველა მიყუჩდნენ, როგორც თავვები.

იგნაცამ გადადგა ორი ნაბიჯი, უნდოდა ადგილზე დამჯადარიყო, მაგრამ კანკალი აუტყდა, რადგანაც ინსპექტორი მოდიოდა და მასწავლებელი სამზარეულოში იყო.

ერთი ფეხის გადადგმით იგნაცა კარებთან იყო, გამოჰყო თავი და დაბალის ხმით დაიძახა:

— ბატონი ინსპექტორი!

და უცებ დაიჭირა თავისი ადგილი. შემოვიდა ინსპექტორი. იმას კვალ და კვალ უკანასკნელი ლუკმის ლექვით მოჰყვებოდა მასწავლებელი.

ბავშვები აღდგნენ.

მასწავლებელმა ბოდიში მოიხადა მცირე ხნით სწავლის შეწყვეტის გამო, რადგანაც ეხლა ხან გავიდა კლასიდან.

მალაღმა ბატონმა აიღო საკლასო დავთარი და გამოკითხა მასწავლებელს როგორ წარმატებას იჩენენ სწავლაში მოწაფეები.

ეპ, — სთქვა მასწავლებელმა — წარმატება კარგია —
მხოლოდ ამ იგნაცი სტუპკას კი არ ვიცი რა ვუყო!

მე მგონია, რომ მაგიდან არა გამოდნება რა.

ამდენად უმაღური გახლა მასწავლებელი. მაგრამ იგნა-
ცის არც მადლობა უნდოდა. ის უკვე ბედნიერი იყო იმით,
რომ ქვეყნის ოთხი მხარის გულისათვის ტყავი არ გააძვრეს.

ლ.

ბავშვის აღზრდა მომავალში *)

დედა.

მწვანე მოლით მოფენილს ბაღში, სადაც ხორკლიანი ხეები ვერცხლსავით ბრწყინავდნენ და სხვა და სხვა ყვავილების თაიგულები საუცხოვოთ ელვარებდნენ მოწმენდილ ცის ქვეშ, ბავშვები თამაშობდნენ.

მათ მიუახლოვდნენ ჩვენი მგზავრები.

ყველაზე წინ მიდიოდა შავთვალა, ამაყი სახის ყმაწვილი. ხელში ხის აყვავებული ტოტი ეჭირა. უკან მოსდევდა წყვილ-წყილად ოც-და-ათამდე ქალი—ვაჟი. ყველანი უქულოთ და ფეხშიშველნი იყვნენ, ტანზე საზაფხულო ბრჭყვიალა ტანისამოსი ეცვათ. ყველა ცდილობდა სერიოზული სახე მიეღო, რაც სრულებით არ შეეფერებოდა მათს მომცინარე თვალებს და სიმკვირცხლეს.

ბავშვები მღეროდნენ ძველებურს მხიარულ საბავშვო სიმღერას.

— ეს მაგონებს იმ დროს, როცა ქუჩკიანი ბლუზა მეცვა და მწყემსის ბავშვებთან ერთათ ვთამაშობდი ბედფორდგრინში, სთქვა გენერალმა.

— ხომ არ მოგაგონებთ ლონდონის ლარიბ უბნების ბავშვებს ისინი, ბ-ნო ჯორჯლ! ჰკითხა მისანმა.

*) ამოღებულია ბლენფორდის რომანიდან, რომელშიაც აწერილია მომავალი წესწყობილება და ცხოვრება. გენერალი სტორმი და ლეპუტატი გორკლი მისანი ფრანს სელმძღვანელობით მოგზაურობენ სოციალისტურ „სახელმწიფოში“. რომანი მოკვითხრობს მათ ნახულს და გავგონილს.

-- სრულიადაც არა, უზასუხა ჯორკლმა. მხოლოდ ის მომაგონა, რომ გკითხვით როგორაა მოწყობილი სწავლა-აღზრდის საქმე ამ... „სახელმწიფოში“.

— ბძანეთ.

— დავიწყოს თავიდან, ყველაზე უწინარეს მითხარით, როგორი პირველ დაწყებითი სკოლებია აქ?

მისანმა გაიღიმა.

— აქ პირველ დაწყებითი სკოლა სრულებით არ არსებობს.

მ. ჯორკლს გაუკვირდა.

— თქვენ გინდათ ბძანოთ, რომ აქ ბავშვებს არავითარ განათლებას არ აძლევენ?

— პირიქით. აქ ბავშვები საუცხოვოთ არიან აღზრდილი.

— „თუმცა აქ სკოლები არ არსებობს?“

— „სწორეთ იმიტომ, რომ სკოლები არ არსებობს“.

— მაშ, როგორ იზრდებიან?

— ჩემო ძვირფასო ბატონო! სანამ მაგის პასუხს მოგცემდეთ უნდა აგიხსნათ, თუ ვის უნდა ვუწოდოთ გაუნათლებელი და უსწავლელი. აქ ბავშვებს ისე არა ზრდიან, როგორც ჩვენს ინგლისში, რადგან იქა და აქ ცხოვრების იდეალი სულ სხვა და სხვაა და, რადგანაც მიზანი სხვა და სხვაა, მიზნის მისაღწევი საშუალებაც ერთნაირი არ არის!

— გამაგებინეთ, რაში გამოიხატება ეს სხვა და სხვაობა.

— ჩვენს ინგლისში საზოგადოება დაყოფილია კლასებათ, რელიგიურ სექტებათ, პოლიტიკურ პარტიებათ და მთელი ჩვენი ინგლისი მუხლს იდრეკს იმპერიალიზმისა და ვაჭრობის წინაშე. აქ კი, არც კლასებია, არც რელიგიური სექტები, არც პოლიტიკური პარტიები, არც იმპერია და არც ვაჭრობა.

— მერე განა ეგ კარგია?

— ჩვენს ინგლისში საჭიროა ისეთი ბავშვები, რომელნიც აღჭურვილნი უნდა იყვნენ სპეციალური, რაიმე განსაკუთრებული მიზნის შესაფერი ცოდნით. თითოეული 72 ერთი მეორეს მოწინააღმდეგე სექტათაგანი ცდილობს გააღწენ-

თოს ბავშვის ნაზი სხეული თავისი ცალმხრივი სარწმუნოებრივი დოგმებით, და იმპერიისა და ვაქრობის გულისათვის ახალგაზდა გონება საოცრად იშხამება და იბორკება. ამის შედეგია ის, რომ ზოგიერთები გამოდიან ბეჯითი და მორჩილი მუშები და ზოგიერთები კი ვერაგი მბძანებლები და ბატონები, იმისდა მიხედვით, თუ ვის რას ანიჭებს ჩვენი კანონმდებლობა.

— ეგ ყველაფერი კარგი! მაგრამ რას მეტყვით აქაური ბავშვების შესახებ?

— გარდა ამისა ჩვენს ინგლისში ბავშვები დაყოფილნი არიან ცალკ-ცალკე რაზმებათ სააღმზრდელო ყაზარმებში, სადაც ასწავლიან ნელი კუს ნაბიჯით, წესების თანახმად, განსაკუთრებული ფელდფებლები, სქოლასტიკური ავჯომატები. და ყველაფერი ეს იმიტომ არის მოწყობილი, რომ ჩვენმა პაწიებმა დაკარგონ ყოველივე ინდივინდუალობა, რამდენათაც შესაძლებელია დაემგავსონ ერთმანეთს და სავსებით დაემორჩილონ ბრძანებას, რომ გავიმაჯვოთ ეროვნულ ბრძოლაში, ავაყვავოთ იმპერია და ვაქრობა.

— დიახ, დიახ! მაგრამ აქ როგორ-ღა არის?

— აქ მხოლოდ ის უნდათ, რომ ბავშვები ბედნიერი და ჯანმრთელი იყვნენ და აღიზარდონ კარგ და ნიჭიერ ქალეზათ და კაცებათ.

— და ამისათვის?

— ამისათვის აქ დასწვეს ყველა წესები, დააკციეს ყაზარმები, დაითხოვეს ფელდფებლების მსგავსი მასწავლებლები და მიმართეს მხოლოდ დედის გავლენასა და ავტორიტეტს.

— დედისა?

— დიახ. აქ მთელი პოლიტიკის, სარწმუნოების, ფელდფებლების პირველ-დაწყებითი სკოლების და სხვათა ამის მსგავსთა მაგიერია მხოლოდ ერთი დედა.

— თქვენ გინდათ სთქვათ, რომ ბავშვების აღზრდა აქ ქალებს აბარია?

— საბედნიეროთ ეგ — აგრეა. რას ასრულებს ჩვენში პირველ დაწყებითი სკოლა, თუ არ დედის მოვალეობას, მაგ-

რამ მეტათ უნიკოთ და უნაყოფოთ. მხოლოდ ისეთ საზოგადოებაში, სადაც კასტების მედიდურობამ, სექტების გაბოროტებამ და ვაქრობის გაუმადლარმა კლანკებმა გარდაქმანა ქალი მოწამეთ, ან სათამაშო ნივთათ, მხოლოდ ასეთ საზოგადოებაშია შესაძლებელი სააღმზრდელო ყაზარმები და სქოლასტიკოსი მასწავლებლები, რომელნიც ფელდბეფელებს მოგვაგონებენ...

— მაგრამ მე ვფიქრობდი, რომ სოციალისტური აზრები.

— თქვენ ლაპარაკობთ გერმანიის სოციალისტურ აზრების შესახებ, ცხარეთ უპასუხა მისანმა იქმეც მგონია, არიან ისეთი დოქტრინერი სოციალისტები, რომელთაც უნდათ გამოგლიჯონ ბავშვები დედებს და დარაზმონ ერთგვარ, უპიროვნო მოქალაქეთა ბატალიონებათ და დივიზიებათ. აქ კი ყველაზე მეტათ დედას ენდობიან.

— მაშ, აქაური დედა საოცრად განვითარებული და კვიანი უნდა იყოს, სთქვა გენერალმა.

— ბატონო, უპასუხა მისანმა, სიყვარულზე უფრო ღრმა სიბრძნე არ არის რა დედამიწაზე.

— ოჰო! წამოიძახა ბ ჯორკლმა. მაგრამ რას ასწალიან ბავშვებს ეს საოცარი დედები?

— ბევრს ისეთს რასმე, რასაც არ შეიტანდა თავის პროგრამაში განათლების არც ერთი მინისტრი. განა შესაძლოა მზის სხივების გალიაში მომწყვდევა?

— ვშიშობ, თქვენ... მეტის — მეტათ გატაცებული ადამიანი ბძანდებით. ნუ თუ თქვენ გინდათ დამიმტკიცოთ, რომ ნათელი და სისტემატიური ელემენტარული განათლების მაგიერობა შესაძლოს ქალის უაზრო ლაყობამ და მოფერებამ?

ბ. ჯორკლი გაცხარდა და დაცინვით გადახედა მოსაუბრეს, მაგრამ მისანმა უპასუხა თავისი ჩვეულებრივი აუღელვებული დინჯი კილოთი.

— საქმეც ეგ არის. სწორეთ მანდ არის ახალი აზრიც მაგრამ თქვენ, თქვენ რა უნდა დამიმტკიცოთ? რამდენადაც ვიცი თქვენ რაღაც ოფიციალური დამოკიდებულობა გქონდათ განათლების სამინისტროსთან.

— დიახ, მე მქონდა ეგ პატივი.

— კეთილი და პატიოსანი. ნუთუ თქვენ გინდათ დამიმტკიცოთ, რომ უნდა გავაძევოთ სიცოცხლით სავსე, ნაზი, ბუნებრივის ნიჭით დაჯილდოვებული დედა, რომლის გული არის აკვანი ყოველივე მამაცობისა და კეთილშობილებისა, რომლის განუსაზღვრელი და არა ჩვეულებრივი გრძნობიერება პატივცემულია ყველასაგან, ნუთუ ასეთი დედა უნდა გავაძევოთ მთელის მისი ძლიერი სინაზითა და სიკეთით და მისი შვილები მოგანდოთ თქვენ?!

— მე ვამტკიცებ, რომ მთავრობის განსაკუთრებული კაცები, რომელთაც მინდობილი აქვსთ სწავლა აღზრდის საქმის შესწავლა, და გამოცდილი სპეციალისტები, ყოველთვის აჯობებენ იმათ მოუწესრიგებელს... ერთი სიტყვით მე ის მინდა ვსთქვა, რომ დედები, რამდენადაც ვიცი, სრულებით არ არიან მომზადებული მასწავლებლობისათვის.

— რამდენადაც თქვენ იცნობთ ჩვენს დედებს? ჩვენს ინგლისში. დიახ“.

— უმაღლესი კლასის ქალები ქარაფშუტები არიან, დაბალი კლასის კი — სრულიად უვიცნი. მე არ ვიცნობ უტოპიურ ქალებს, მაგრამ ჩვენები სრულებით გამოუსადეგნი არიან. საზოგადოთ, არ შემოძლიან დავეთანხმო თქვენს აზრს ქალის შესახებ. თქვენ რას იტყვით ბ. გენერალო?

— ჰმ! უნდა მოგახსენოთ, რომ დედა ჩემი კარგი ადამიანი იყო.

— ვმადლობ ბედს, სთქვა მისანმა, რომ ჩვენს ინგლისშიაც ბევრია ასეთი ქალი.

— კარგი! უთხრა ჯორკლმა, დაწვრილებით გავიცნოთ სავანი. რას ასწავლიან ეს საოცარი დედები, თავიანთ საოცარ ბავშვებს?

— პირველათ დედა ასწავლის თავის შვილებს სიმართლეს, პატიოსნებას და თავაზიანობას. კოცნის, სიმღერის, ტკბილი საუბრების, ალერსის, ძვირფასი მაგალითის, სიყვარულის და სხვა საუცხოვო ძალების შემწეობით ქმნის მათ კარგ და ბედნიერ ადამიანებათ. მათი მხიარული ხმა და

ბრწყინვალე სახე აშკარათ გეუბნება, რომ ისინი კარგი დედის შვილები არიან... დედა ასწავლის ანბანს. ყველაზე უწინ კითხვას, წერასა და თვლას. ყველა ბავშვები კითხულობენ მშვენიერათ. რაც შეეხება არითმეტიკას, ძალიან გამარტივებულია, რადგანაც აქ მოსპობილია ფული. ბავშვები რამდენიმე უბრალო არითმეტიკულ წესს სწავლობენ.

— სხვას არათყვარს?

— როგორ არა. ყველა ბავშვი სწავლობს ხატვას, ხეზე ამოკრას, თიხისა და მის მსგავს ნივთების კეთებას, ამას გარდა ყველა ბავშვებს ასწავლიან სიმღერას, ცეკვას და დაკვრას რომელსამე საკრავზე. ეს შეეფერება პატარა ბავშვებს. მათმა უმრავლესობამ იცის სიმღერა და დაკვრა, ცეკვა, ხატვა და ფიცარზე ხერხით მუშაობა; 13 წლამდის უკვე იციან წერა კითხვა, როგორც საერთო, აგრეთვე ინგლისურ ენაზედაც. ამას გარდა ისინი სწავლობენ სხვა საგნებსაც: ბოტანიკას, ასტრონომიას, გეოგრაფიას, ბალონობას და ბევრს სხვასაც. რასაკვირველია უმთავრესი ყურადღება ფიზიკურ აღზრდაზეა მიქცეული. აქ მამებიც შველიან. ყველა ბავშვებმა ვაჟებმაც და ქალებმაც იციან ცურვა, ნაოსნობა და სხვა თამაშობა.

— „როდის და იწყებენ ისინი მუშაობას?“.

— „სხვა და სხვა დროს. საზოგადოთ იმათ უნდათ მუშაობა იმაზე ადრე, ვიდრე ფიზიკურად გამაგრდებოდნენ და მუშაობის ნებას მისცემდნენ. მაგრამ ზოგიერთებს აძლევენ ცოტ-ცოტა სა-მუშაოს, რაც 13 წლისა გახდებიან, ან ერთი ორი წლით გვიან.“

— „ამნაირად, ნამდვილად ისინი არც ერთს სკოლას არ გაივლიან?“.

— „თქვენ, უეჭველია, იცით, რომ შრომა თავის თავად კარგი სკოლაა. მაგრამ ზოგიერთი მისი დარგი სპეციალურ კოდნას მოითხოვს. მაგალითად ყმაწვილს რომ ხუროთ მოძღვრება ან ინჟინრობა უნდოდეს, ან გემზე სამსახური — მისთვის მეტი კოდნაა საჭირო, ვიდრე ხელოვან მექანიკის ან კალატოზისა და მისს მსგავსებისათვის ამ მოთხოვნილებას სპეციალური კლასები და სკოლები აკმაყოფილებენ. ყველა ისინი ნება ყოფლობითია და არა სავალდებულო. ბავშვს,

როდესაც კალატოზობა მოსწონს, შეიძლება, სრულიადაც არ უნდოდეს ხუროთ მოძღვრება შეიძლება მან უპირატესობა მუსიკას, ხატვას ან მათემატიკას მისცეს. ბავშვი მიდის სკოლაში და სწავლობს იმას, რაც მას იტაცებს. მე მხოლოდ ამ აზრითა ვსთქვი, რომ ბავშვებს მუშაობა 13 წლიდან შეუძლიათ დაიწყონ. ნამდვილად კი ისინი მხოლოდ შრომის რომელიმე დარგის სწავლებას იწყებენ და არც ერთს ბავშვს არ მიცემენ მოწიფული კაცის სამუშაოს. თქვენ ხედავთ რომ სამუშაო აქ ადვილი და სასიამოვნოა. არავინ არ არის მოვალე დღეში 3—4 საათის მეტი იმუშაოს — ეს დამოკიდებულია მის სურვილზედაც.

— თქვენ ამბობთ, რომ მამაკაცები ხანდისხან იმაზე მეტს მუშაობენ, რაც ვალდებულნი არიან?

— „რატომ არა? განა ჩვენს ინგლისში ათასობით ხალხი იმაზე უფრო მეტს არ მუშაობს, ვიდრე უნდა იმუშაონ? მაგალითად თქვენ? აქ უმეტესობა განსაზღვრულ დროზე ორჯელ მეტს მუშაობს და, გაკვეთილების შემდეგ, ერთობიან სხვა და სხვა საქმით. თქვენ სახეში უნდა გქონდესთ, რომ აქურებისათვის შრომა ტვირთი კი არა კმაყოფილებაა. ხშირად მხატვრულ ხელოვნების ან ხელოვნობის შესრულების დროს, ადამიანი იმდენად წახალისდება საქმეში, იმდენად შეუყვარდება საგანი, რომ ვერას გზით ვერ მოაშორებ საქმეს. მაგრამ მე ცოტა განზე გადავუხვიე. ჩვენ ბავშვების აღზრდის შესახებ ვლაპარაკობდით. ამის ნიშნობლივი თვისება იმაში გამოიხატება, რომ ადამიანი ცდილობს ბავშვის — ვაჟის ან ქალის ძალა, არ დახარჯოს მათთვის გამოუყენებელ კოდნაში. სისულელე იქნებოდა მაგალითად რომელიმე ჩვენ მშვენიერ მქარგავ — მომღერალ ქალს მისი სურვილის წინააღმდეგ ასწავლიდე ქიმის, ან მარტივს ნაწევრებს. ის ქსოვს მშვენიერს საუცხოვო ნოხებს, ამის თავდები ვარ, მაგრამ მთელი მისი სული სიმღერაშია გარჯული“.

— „ყველა ეს კარგი და პატიოსანი. მაგრამ ვინ აღმოაჩენს და გადასწყვეტს იმ საკითხს თუ რის მისწრაფება აქვს ბავშვს?“

— „რასაკველია, დედა, ვის შეუძლიან დედის უკეთ ამის გამოცნობა.“

— მაგრამ თქვენ ამბობთ, რომ ყველა ბავშვები სწავლობენ ხატვასა და სიმღერასო“

— მე საზოგადოთ ვამბობდი, მაგრამ, რასაკვირველია, თუ ბავშვები რომელიმე სავანში ნიქს ვერ იჩენენ, მაშინ მათ სხვა რასმე ასწავლიან“.

— „განა ყველა დედებს შეუძლიან ხატვა?“

— უმრავლეს შემთხვევაში. მაგრამ, რასაკვირველია, თუ საჭირო იქნა მასწავლებელი, მისი მოწვევა შეიძლება სკოლიდან. ძლიერ ხშირათ მეზობლები აარსებენ კლუბს. საზოგადო გაკვეთილებისათვის, სადაც ვინმე მშობელთაგანი, ან ერთ — ერთი უფროსი ბავშვაგანი ასწავლის პაწიებს მუსიკას, ან რომელსამე ხელოვნებას. გახსოვდეთ, რომ ესენი მხატვრების, და მემუსიკეთა ხალხია.

— მაშ თქვენ გჯერათ რომ ამგვარი არევ-დარეულ სისტემას, ან უკეთ რომ ვსთქვათ, უსისტემობას კარგი ნაყოფი მოაქვს?

— ეს სწორეთ რომ გონიერი სისტემაა. თქვენ ნახავთ რომ, თუმცა აქ ბავშვები გზადანბნეულები და გაკვეთილებით დაქანცულები არ არიან, მაგრამ, როგორც კაცები, ისე ქალებიც ჩვენზე უფრო განათლებულნი არიან. ჩვენს ინგლისში ადამიანები ჩვეულებრივ ივიწყებენ ყველაფერს მაშინ, როცა აქ იწყებენ სწავლას.

— მერე რითი ხსნის, თქვენ ამას? იკითხა გენერალმა.

— ეს შედეგია ჩვენი ახირებული სისტემისა. ჩვენ გავყლინთავთ ბავშვს მათემატიკის, ისტორიის, ლათინურის და ბერძნულის ენების ნაწყვეტებით და შემდეგ ვგზავნით საბრძოლველათ არსებობისათვის, სადაც გაბატონებულია უაზრო კომერციული ანგარიში. ახალგაზდა ადამიანი იმდენს მუშაობს, ისე გატაცებულია თავის საქმით, რომ რამდენიმე წლის განმავლობაში სრულიად ივიწყებს იმ „ცოდნას“, რომელიც ასეთის ტანჯვით შეიძინა, აქ კი ბავშვი თვითონ ირჩევს თავის-სამუშაოსაც და მეცნიერებასაც თავის გემოვნებაზე, როგორც

მას მოსწონს. თუ მაგალითათ მას სურს სანავოსნო ინჟინერობა, — ის კიდებს სამუშაოს ხელს, სრულიად დამშვიდებით. მას არ ეშინია, არც თავისი ჯამაგირისა არც მომავლისა და გარდა ამისა თავისუფალ დროს ის სწავლობს სხვა რასმე, რაც ეინტერესება და მოსწონს. მაგალითათ ავალთ ჩემი ერთი კარგი ნაცნობი ქალი გილდა პარკერი. იგი — ბიბლიოთეკის გამგეა. ყოველ დღე 4 საათის განმავლობაში ბიბლიოთეკაშია და ამასთანავე ერთათ იგი ცნობილია, როგორც ჩინებული მხატვარი. ის საუცხოვო არტისტია, თავისუფალ დროს ამზადებს სამუსიკო იარაღებს და სწავლობს ბუნების მეტყველებას. საოცრათ ჰყავს შესწავლილი პეველები და ჩრჩილები. თუმც ახალგაზდაა, მაგრამ ავტორიტეტის სახელი აქვს დამსახურებული. ან აი თუნდ კიდევ ლესელი, რომელიც სახურავეებზე მეხის ასა-ცდენ მანქანებს აკეთებს. ის ხომ გამოჩენილი არტურ ველ-ლენტაინ ლესელია, რომელიც აქ ითვლება საუკეთესო ნოვე-ლისტ მწერლათ. ამგვართვე უმთავრესი ასტრონომი ითვლება ავტორიტეტათ მებაღეობაში, და ვარდების გაშენებაში. ამას-თანავე საუცხოვოთ ხატავს სახებს ხალიჩებისა და მოზაიკი-სათვის. ელისაბედ ალისონ გრუმმა, ცნობილმა ლინგვისტმა 19 წლამდის არ იცოდა არც ერთი ენა, გარდა ინგლისუ-რისა და ესპერანტოსი. ამის შემდეგ მან შეისწავლა თითქმის ყველა ენები, მაგრამ ამავე დროს არ მიუტოვებია თითბერ-ზე ამოჭრა.

— იგი ახლაც განაგრძობს ასეთ მუშაობას? — იკითხა გენერალმა.

— არა, ახლა მას აღარ სცალია, ხშირათ დადის კონ-სულტაციებისთვის... თუმცა ხანდისხან მეჭურჭლეობასაც მი-სდევს...

ღარცხვენილი მოძივრები.

(მგელი ამბავი)

სოფლის ორი პატარა ბიჭი მეზობლები—საბუკა და ივან-
ქელა, ღობის ძირას კოჭაობას თამაშობდა.

ჯერ მშვიდად იყვნენ, ტკბილად თამაშობდნენ; ხან ერთი
მოუგებდა, ხან მეორე, არაფერი საწყენი არ მოჰხდენიათ.

მაგრამ, როგორც მოგეხსენებათ, ბელი ცვალებადია, დაუ-
დგარი და არგამტანი.

ბიჭუნებსაც ისე მოუვიდათ.

— შენი კოჭი თაფია, დილილმე!... შეჰყვირა საბუკამ,
როცა ივანქელამ კოჭიაავლო.

— აბა, ახლა შენ აავდე!... მიაძახა წყენით ივანქელამ.
აავლო საბუკამაც. მაგრამ ისეთ ადგილს დაეცა, რომ
არც ჭიკი იყო, არც ალჩუ,

— ჰე, შენი ჭიკია!... შეჰყვირა ახლა გახარებულმა ივან-
ქელამ.

— ჭიკი კი არა, ალჩუა, ვერა ჰხედავ!...
შეუძახა საბუკამ.

— რის ალჩუა, ჭიკია, ვინ გინდა დაიბრიყვო... შენც
გაახილე თვალები...

— მტყუანს რა უთხრა, რომ ეს ალჩუა...

— რაც გინდა თქვი, რომ ჭიკია...

— მაშ ავკრამ და რაც დაჯდება, ყაბული მაქვს... სთქვა
საბუკამ, რაკი ვერ ვერ დაარწმუნა თავის გაჯიუტებული ამხა-
ნავი.

— რათაო, რითვი უნდა აჰკრა, როცა შენი ქიკია, ჩემი თათი და მე უნდა დავკრა... არ მიჯერია... აკვრა არ აქნება... ჯიუტობდა ივანკელა.

— არა, უნდა ავკრაო, ახირდა საბუკა და დასწვდა, უნდა კოკი აეკრა, მაგრამ ივანკელამ არ დააცალა, ჰკრა ხელი და გადაჩეხა.

— შენ არ გეუბნებიან, არ იქნებაო... ჯავრობდა ის. წამოხტა საბუკა, ეცა ივანკელას და ღობის ძეძვებზედ მიაკრა.

— ძეძვმა რომ უჩხვლიტა, ივანკელა გაცხარდა, მორთო ღრიალი და თანაც საბუკას წაუშინა თავბირში მუშტები.

ასტყდა ერსი ცემა-ტყევა, ტირილი და ღრიალი.

ამათ ყვირილზედ გამოიხცდა ივანკელას დედამ. თავის შვილი ღობეზედ მიკრული რომ დაინახა, ეცა საბუკას, გამოათრია აქეთ და ორიოდე მიაყოლა.

მაგრამ ბედზედ გამოუსწრო საბუკას დედამაც და წამოეშველა თვის შვილს; ბავშვი გამოჰკლიჯა ხელიდან და თითონ იმას მიჰვარდა. დაუწყო ლანძღვა-თრევა და კავებშიაც მისწვდა.

არც ივანკელას დედა ჩამოუვარდა. დაუწყეს ერთმანეთს ლანძღვა-გინება და თან წეწვაც. კინალამ ერთმანეთს სისხლი აღინეს.

— შენი შვილი საძაგელია, მოურიგებელია, ჯერ დედ-მამა რა ხალხი ხართ, თქვენ სახელგასაწყვეტო, რომ შვილი რიგიანი გყვანდეთო... ყვიროდა საბუკას დედა; —

— შენზედ ფინთსა და მურდალს მეხი კი დავაყარე თავზედ... შე უნამუსო შენა... ბრაზიანობდა ივანკელას დედა.

ამასობაში მოვიდა მესამე მეზობელი, ცოტა დააშოშმინა ორივე და ურჩია წასულიყვნენ მდივანბეგთან და ის გაასამართლებდა ორსავე, ვინ მტყუანი იყო მათში და ვინ მართალი. იმათაც დაუჯდათ კეკაში ეს რჩევა.

ჩაისვეს ბავშვები გიღლებში*), წამოიკიდეს ზურგზედ და გაუდგნენ გზას, რადგანაც მოსამართლე სხვა სოფელში სცხოვრობდა.

მიდიოდნენ ერთად, მაგრამ მაინც ამრეზით იყვნენ.

გზა რომ გაანახევრეს, ბავშვების ლაპარაკი მოესმათ.

ყური დაუგდეს და რა ესმით?..

— ბიჭო საბუკ, კოქები თან მოგაქ შენა?

— ჰო. შენა?

— მეც.

— რა იყო?

— იქ რო მივალთ, აი ვილაცასთან რომ მივდივართ, იქ დასმა-გადავლა ვითამაშოთ, მანამ დედა საქმეს მორჩება, ჰო?

— ვითამაშოთ. ჩემი ჯილა ისეა ჩატყვიული, რომ სამ კოქს ერთად გაიტანს.

— ჩემი ჯილა! სულ აღჩუსა ჯდება!..

— გინდა გავცვალოთ?

— სართი მომეცი და გავიცვლი. .

დედებს ვაუკვირდათ. ერთმანეთს შეხედეს განცვიფრებულიებმა.

— ჯა, ესენი რა არხეინად ლაპარაკობენ, ჩვენ მაგათ გულისთვის ერთმანეთი ჩავკამეთ, საჩივლელადაც მივდივართ და ესენი კი... ერთი ამათ უყურე!... სთქვა გაკვირვებულმა და თითქმის გაჯავრებულმაც საბუკას დედამ.

— შენ ეგა თქვი და!.. ჩვენ ერთმანეთს გადაგვიკიდეს ამ არ გასაშვებებმა და ეხლა კი ტკბილად ეჭუკჭუკებიან ერთმანეთს. აი თქვე გასაწყვეტნო, თქვენა...

— რო მივიდეთ კიდევ ი მდივანბეგთან. რალა პირით ვიჩივლოთ?... რა უთხრათ?

*) დაწული რგვალი კალასა.

— ჰო და რას გვეტყვის ის კაცი!.. უი დამიღვეს თვალები, ხომ შევრცხვებით, ხალხში თავი მოგვექრება!..

— მაშა ქა... უი, უი... ისევ გავბრუნდეთ შინ, თორემ შევრცხვებით .. ამათ კი შინ რო მივალთ, ყურები ავაგლიჯოთ, რომ მერე აღარ იჩხუბონ....

იბრუნეს პირი მომჩივრებმა და გამობრუნდნენ სახლისკენ დარცხვენილნი, რომ ბავშვების ჭკვას აჰყენენ და ერთმანეთი საშინლად გალანძღეს და გაწეწეს იმათის გულისთვის.

დ. 6— შვილი.

ს ა დ დ ე ი ს ო .

გლოვის ზარად, გულმეშზარად მოგვევლინა განცდის ყამი და ქვითინებს გულსაკლავად ქართველის დედა, ცრემლ-ნანაში,

მთა დანისლა, ველი გაჭვანა, აღარ ჰყვავის ზმება მდეღა, შინ თუ გარედ ვერაგულად, იწიწვება საქართველად...

დავლანდით და დავამბუნდით, დაგწვრილმანდით, დაგქუცმანდით, წაღმართისკენ მივდიოდით, პირ-უკულმა დავბარბაცდით!..

ღრთა შუა განიდულნი არც კარგად და აღარც ავად სხვების კუდში მივჩანჩალებთ, არა რა ვართ თავის თავად!..

აღარა გვყავს კარგი დედა მწვრთხველ-გამწრდეელი და ნუ-გემი რა დედაა, შვილებს რამ წრდის გუბულივით სხვის ბუდეში?!

სიტყვის თქმა და წამოხრდლა ყველახათვის ადვილია, მაგრამ ვინ შვას, ადვილხარდას მძმაველში ჩვენ ილია?..

— ვინც წარსულ დგაწლს აწრი-ანად შეისისხლ-ხარც-შეიტღმებს, აწმცლს განსჯის იმ თვალსაწრით გვერდს აუხვევს რა შეცდომებს;

ხალხის ძაჯის ცემისათვის თვალი მარად მიუბყრია.— თვით მძლეთა-მძლე მხსნელი დრომა მოძავლისა მას უბყრია!..

ჩვენ წინ გვიძებს მამათ დგაწლი, გზა მათგანვე გაკვალული, მხლელად გვმართებს მხნეობა და საქმისადმი სიყვარული!..

რამ აყვავდეს მთა და ველი, აბიბინდეს კვლავა მდეღა და მამული სიყვარული ჭირნახული საქართველ!

მწუხრი ცისკრად შეგვეცვალოს სინამდვილედ თვით ოცნება და ასრულდეს შვილით შვილად ნაანდერძი მკლხნის მცნება!..

დ. თომა შვილი.

საქართველოს მოკლე ისტორიის რეცენზიის ვამო.

უკრაინალ „განათლების“ მეორე ნომერში მოთავსებულია რეცენზია ჩემის წიგნისა „საქართველოს მოკლე ისტორია“. ეს რეცენზია ხელმოწერილია დღევანდლამდე უცნობის ფსევდონიმით „გაკიცხული“; ბ-ნი გაკიცხული თავის რეცენზიას იწყებს შემდეგის შენიშვნით: „ეს ისტორიაც შედგენილია უკვე ცნობილ სახელმძღვანელოების მსგავსად და წარმოადგენს მემპტიანის მოთხრობის კონსპექტიურს აღნუსხვას. ეს თვისება უფრო ვალს ჩინოდ მოსჩანს საქართველოს ისტორიის დასაწყისის გადმოცემაში ჩვეულ ბრავი წარმოდგენით ფარნაოზ მეფეზე, როგორც „ქართულის მწიგნობრობის“ შემომღებზე, ვახტანგ გორგასლანის ძლიერ-მოსილს ლაშქრობაზე, წმ. ნინოს სასწაულებზე და სხვა. სახელმძღვანელოში ადგილი უნდა ჰქონდეს მხოლოდ ისეთს ფაქტებს, რომელიც ჩვენი დროის მეცნიერულად გამოკვლევაზე არიან დამყარებულნი. საეჭვო ცნობები უნდა განიდევნონ. ზღაპრულად არის მოთხრობილი საქართველოს ისტორია უძველესი დროიდან გურამ ბაგრატიანის გამფებამდე“.

ის აზრი, რომ სახელმძღვანელოში ადგილი უნდა ჰქონდეს მხოლოდ ისეთს ფაქტებს, რომელნიც ჩვენი დროის მეცნიერულს გამოკვლევაზე არიან დამყარებულნი, შეიძლება მიღებული იქნას მხოლოდ იმ შემთხვევაში, როდესაც ყველა ფაქტები, რომელთაც ისტორიის შემდგენელი საისტორიო მასალებში ხვდება, ნამდვილად გარჩეულნი და გარკვეულნი არიან მეცნიერულად და მეცნიერებას მათ შესახებ გადაჭრილი დას-

კენა აქვს ლადგენილი. ხოლო როდესაც მეცნიერებას არა აქვს ჯერ კიდევ გარჩეულ-გარკვეული ისტორიის ყველა ფაქტები, მაშინ ძვით სახელმძღვანელოს შემდგენელმა უნდა იკისროს მეცნიერის როლი, თითონ უნდა გაარკვიოს ფაქტები და მოიხსენიოს სახელმძღვანელოში იმისთანები, რომელნიც თავის თავად დასაჯერებელნი არიან და არ ეწინააღმდეგებიან მეცნიერთაგან დამყარებულს ფაქტებს. ეს შენიშვნა მნიშვნელოვანია ჩვენთვის იმიტომ, რომ ჩვენი ისტორია მთლად ჯერ-ჯერობით მეცნიერულის კვლევის საგნად არ გამხდარა და აუარებელი ფაქტებია, რომელთა შესახებ მეცნიერებს ჯერ არ უთქვამს არც ჰო, არც არა.

მეორე აზრი რეცენზენტისა, რომ საეკვო ცნობები უნდა განიდევნოსო წარმოადგენს მეტად სუბიექტივურს წესს. რაც ერთისთვის საეკვოა, ის მეორეს შეიძლება არ ეჩვენოს საეკვოდ. ისეთი საეკვო ცნობა, რომლის მეცნიერულად უარყოფა არ შეუძლიანთ ისტორიის შემდგენელს, უთუოდ მოხსენებულ უნდა იქნას სახელმძღვანელოში, თუ თავის თავად ის ცნობა წარმოადგენს შესანიშნავს ფაქტს.


რეცენზენტის აზრით ჩვენს სახელმძღვანელოში თურმე ზღაპრულად ყოფილა მოთხრობილი ისტორია ბაგრატიონთა გამეფებამდე. ასეთი ხასიათი მიუღია ჩვენს წიგნს იმიტომ, რომ იგი შეგვიდგენია უკვე ცნობილის სახელმძღვანელოების მსგავსად და მხოლოდ კონსპექტიურად აგვინუსხია მემატიანის მოთხრობა ბანის გაკიცხულის ასეთი შენიშვნა ყოვლად უსაფუძვლოა. ჩვენს წიგნს სრულებით არა აქვს ზღაპრული ხასიათი, ძალიან განსხვავდება ცნობილის სახელმძღვანელოებისაგან და არავითარს მემატიანის მოთხრობის კონსპექტიურს აღნუსხევას არ წარმოადგენს.

ჩვენ არ ვიცით, რომელი სახელმძღვანელოები მიაჩნია რეცენზენტს ცნობილ სახელმძღვანელოებად, მაგრამ ეს ჩვენთვის სულ ერთია. ჩავაგდოთ ცნობილ სახელმძღვანელოებად ყველა საისტორიო წიგნები, რომელნიც დაწერილან დღევანდლამდენ არა-მეცნიერთაგან, სამეცნიერო ხარისხის უქონელთაგან. მე ჩემის წიგნის დასაცველად ვიხმარ ასეთს

საშუალებას: შევეუდარებ მას არა იმ ყბად-აღებულს ცნობილს სახელმძღვანელებს, არამედ ერთ-ერთს ანუ, უკეთ ვთქვათ, ერთად ერთს „ჩვენის დროის მეცნიერულათ გამოკვლევაზე დამყარებულს“ საქართველოს ისტორიას, რომელიც მოგვეპოვება ქართველებს. ეს არის შრომა ფრიად ცნობილის პროფესორის ალ. ხახანაშვილისა, დაწერილი ფრანგულად და გამოცემული პარისში 1900 წ. ამ გრძელის სათაურით: Histoire de Géorgie publiée sous la direction de M. Raphaël Isarloff. Aperçu géographique et Abrégé de l'histoire et de la littérature Géorgiennes par M. A. Khakhanoff, professeur. თქმა არ უნდა, რომ ჩვენი რეცენზენტი არც ისე შორს წავა, რომ გაბედოს და პროფესორის ნაშრომი დაიწუნოს და არ ჩათვალოს იგი „ჩვენის დროის მეცნიერულად გამოკვლევაზე დამყარებულად“. უეჭველია, დამეთანხმება, რომ ამ შრომიდგან განდევნილი იქნება ყოველი საექვო ცნობები. თუ ჩვენ მოვახერხებთ და დავამტკიცებთ, რომ ჩვენს ისტორიაში არა გვაქვს შეტანილი არავითარი ისეთი ფაქტი, რომელიც არ ჰქონდეს სარწმუნოდ მიღებული მოხსენებულს ავტორიტეტს, ამით დამტკიცებული იქნება რეცენზენტის უსაბუთობაც. ჩვენი ფარი და ხმალი იქნება მხოლოდ პროფესორის ხახანაშვილის ავტორიტეტი და სხვა არაფერი.

იმის დასამტკიცებლად, რომ ჩვენს წიგნში ისტორია მოთხრობილია ზღაპრულად, რეცენზენტი ამბობს ვითომ წარმოდგენილნი გვყავდნენ ფარნაოზ მეფე მწიგნობრობის შემომღებად, ვახტანგ გორგასალი ძლიერ-მოსილს მალაშქრედ და წმ. ნინო სასწაულების მომქმედად. სამწუხაროდ ამ სამის მაგალითის მეტს არ იხსენიებს რეცენზენტი და არ ვიცით რას იგულისხმებს სიტყვებში „და სხვა“. ვიდრე შევეიტყობდეთ ამას, გავარჩიოთ, რაოდენად მართალია ბ-ნი ავტორი, როდესაც სამს ხსენებულს მაგალითს ასახელებს.

ჩვენი მათიანე თავის მოთხრობაში ფარნაოზ მეფისა, წმინდა ნინოსა და ვახტანგ გორგასალის შესახებ ბევრს რასმე იმისთანას გადმოგვცემს, რასაც ზღაპრული ხასიათი აქვს.




ისტორიკოსი მოვალეა ამ მოთხრობაში ისტორიული ელემენტი გაარჩიოს ზღაპრულის ელემენტისგან და სახელმძღვანელოში შეიტანოს მხოლოდ ის, რაც ან ამ დროის მეცნიერულს გამოკვლევება დაფუძნებული, ან, თუ მეცნიერებისაგან ჯერ კიდევ გაურჩეველია, არ ეწინააღმდეგება სინამდვილეს და ბუნებრივობას. ამ თვალსიზრისით რომ გავარჩიოთ მატიანის თქმულება ფარნაოზის შესახებ, უნდა აღვიაროთ, რომ მეცნიერულად იგი ჯერ არავის გამოუკვლევია, არც უარუყვია ვისმე სრულად ეს თქმულება და არც დამყარებულად უცვნია ვისმე. შესაძლებელია, რომ ფარნაოზ მეფე სრულებითაც არ არსებულებოდა და იყვეს ფანტაზიის ნაყოფი. მაგრამ ვიდრე ეს დამყარდებოდეს მეცნიერულად, ჩვენ არ შეგვიძლიან სრულებით უარვყოთ ფარნაოზი და მის შესახებ ის თქმულებანი, რომელნიც არ შეიცავენ არაფერს წინააღმდეგს ბუნებრივობისას და ცნობილის ფაქტებისას. ამნაირად ჩვენ მთელი მოთხრობა ფარნაოზის შესახებ მივიჩნიეთ საეჭვოდ და მხოლოდ ვთქვით, რომ ჩვენი მატიანე ქართველების მაკედონელთაგან გათავისუფლების მოთავედ და პირველს მეფედ სთვლის ფარნაოზს. აგრეთვე დაფუძნებულად, რომ იგივე მატიანე მიაწერს ფარნაოზს მწიგნობრობის შემოღებას და მეცადინეობას ქართველთა სარწმუნოების და ზნეობის გაწმენდისათვის.

როგორც ხედავთ ამ შემთხვევაში არც კონსპექტიურად ავგინუსხავეს მატიანის მოთხრობა და არც ცნობილის სახელმძღვანელოებისთვის მიგვიბაძნია. ჩვენ უფრო კრიტიკულად მოვეკიდეთ მატიანეს, ვიდრე თვით პროფესორი ხახანაშვილი, რომელიც თავის ზემოდ მოხსენებულს შრომაში სწერს პირდაპირ, როგორც უტყუარს ისტორიულს ფაქტს: **„აზისაგან მოკლულის მცხეთის მამასახლისის შვილის ფარნაოზის წინამძღოლობით ხალხი აჯანყდა უცხოელთა წინააღმდეგ. ფარნაოზმა შეკრა კავშირი იმიერ-საქართველოს მთავრებთან (souverains) დაამარცხა მაკედონელი მმართველი და აღადგინა ძველი წეს-წყობილება (régime). ამ გმირმა, რომელმაც მოახერხა შეეერთებინა ქართველთა გაცალკევებ-**

ბული ძალები და დაეხსნა ხალხი უცხოელთა უღლისაგან, შეიძინა დიდი გავლენა ქვეყანაში და ცნობილ იქნა მეფედ, ე. ი. უფროსად (premier) თავის თანა მოქალაქეთა შორის“.

როგორც ხედავთ, პროფესორს ხახანაშვილს არავითარი ეჭვი არ შეაქვს ფარნაოზის არსებობაში და მის მიერ საქართველოს გათავისუფლებაში. ჩვენ კი არც პროფესორს დავენდეთ, არც მატიანეს და მხოლოდ მოვიხსენიეთ, რომ მატიანე ფარნაოზს სოფლის მაკედონელების განდევნის მოთავედო. ეტყობა, რეცენზენტი ასეთს ჩვენს უნდობლობას ნაკლულევანებად არ გვითვლის, რადგან ჩვენის აზრის პროფესორის აზრისაგან განსხვავებაზე ხმას არ იღებს. სამაგიეროდ დიდად გვიკვირებს იმას, ვითომ ფარნაოზ მეფე წარმოგვედგინოს როგორც მწიგნობრობის შემომღები. ეს კიჟინი მეტად უსაფუძვლოა. თუმცა დაუჯერებლად არ მიგვაჩნია მატიანის ის ცნობა, რომ ქართული მწიგნობრობა გაჩენილიყვეს იმ დროს, როდესაც წარმოუდგენია მატიანეს ფარნაოზის მეფობა, ჩვენ მაინც არ შეგვეძლო გვეთქვა, რომ ფარნაოზმა შემოიღო მწიგნობრობაო, რადგან თვით ფარნაოზის პიროვნება საეკვოდ მიგვაჩნია და ამიტომ მისგან მწიგნობრობის შემოღებაც, ცხადია, საეკვოდ უნდა მოგვეხსენებინა. ასეც მოვიქცეთ და ვთქვით მხოლოდ, რომ მატიანე მწიგნობრობის შემოღებას ფარნაოზ მეფეს მიაწერსო. ამნაირად ჩვენ არამც თუ არ გადმოგვიცია ცნობილის სახელმძღვანელოების მსგავსად მატიანის თქმულება, არამედ გავგიბედდითა და არ მიგვიღია აზრი თვით მეცნიერის პროფესორის ხახანაშვილისა, რომელიც გადაქრით ამტკიცებს, რომ ფარნაოზ მეფემ შემოიღო ქართული მწიგნობრობაო. აი რასა სწერს იგი თავის ვრცელ შრომაში — *Очерки по истории грузинской словесности, вып. II: „გადმოცემა, რომელიც მტკიცედ არის შენახული ხალხს მსხიერებაში და მწერლობაში, მიაწერს იმას (ფარნავაზს) მხედრულის ასოების შემოღებას. ჩვენ შეგვიძლიან მხარი დავუჭიროთ ამ რწმენას და წარმოვადგინოთ ისტორიული საბუთები“* (იხ. გვ. 15). ამის შემდეგ პროფესორს მოჰყავს



თავისი საბუთები და ამტკიცებს, რომ ფარნაოზ მეფემ შემოიღო ზენდურის ასოების მსგავსი მხედრული ასოებიო. ამნაირად ჩვენ ვხედავთ, რომ ჩვეულებრივს წარმოდგენას ფარნაოზ მეფეზე, როგორც ქართულის მწიგნობრობის შემომღებზე, ჰყოლია ისეთი ავტორიტეტული დამკველი, როგორც არის პროფესორი ხახანაშვილი და ჩვენ რომ სახელმძღვანელოში იმავე პროფესორის ნამოძღვრალი გავვემოთებინა, ცოდვად არ უნდა ჩავთვლოდა. მაგრამ ჩვენ არც ეს გვიქნია. არამც თუ მათიანეს არ დავეუჯერეთ, თვით პროფესორის აზრიც არ გავიკარეთ ახლო, როგორც ყოვლად უსაბუთო და შემცდარი, რადგან თუ შემოღება იყო, ფარნაოზს **მხედრული** კი არ უნდა შემოეღო, არამედ **ხუცური**, რომელიც, როგორც პალეოგრაფია ამტკიცებს, ბუნებრივ და თანდათან შეუმჩნეველად შეიცვალა **მხედრულად**.

მეორე მაგალითი, რომელსაც ასახელებს რეცენზენტი, არის მოთხრობა ვახტანგ გორგასალზე. ჩვენის მათიანის მოთხრობა ამ მეფის საქმეთა შესახებ ზღაპრულის ელემენტებით არის შეზავებული, მაგრამ ეს იმას კი არ ნიშნავს, რომ ამ მოთხრობის საფუძველი ტყუილი და მოგონილი იყოს. ზღაპრული ელემენტები რომ მოაშოროთ მოთხრობას, შეგვჩეხება ხელში ისეთი ფაქტები, რომელნიც სულ არ ეწინააღმდეგებიან სინამდვილეს. ჩვენც სწორედ ასე მოვიქცით: მათიანის თქმულება გავწმინდეთ ზღაპრულის ელემენტებისაგან და ის გადავეცით მკითხველს, რაც დასაჯერებელი და ბუნებრივია. ჩვენს მეცნიერს ისტორიკოსებს ჯერ არ გაურჩევიათ კრიტიკულად ვახტანგ გორგასალის ისტორია და არ უარუყვიათ ის ძირეული ფაქტები, რამელნიც ჩვენ აღნიშნეთ. პირიქით, პროფესორი ხახანაშვილი, რომელიც ბ-ნს გაკაცხულს, უეჭველია, ავტორიტეტად მიაჩნია, ისევე მოგვითხრობს ვახტანგის ისტორიას, როგორ ჩვენ და არ ერიდება იმისთანა წვრილმანებსაც კი, რომელნიც უფრო ხალხის ფანტაზიის ნაყოფია, ვიდრე ისტორიული ფაქტები. მეცნიერება პროფესორის პირით მოწმობს ვახტანგ გორგასალის ძღვევამოსილობას და საკვირველია, რეცენზენტი რად გვიკიჟინებს მეცნიერის ხახანაშვი-

ლის მიერ დამყარებულის ფაქტების სახელმძღვანელოში შეტანას!

მესამე მაგალითი ჩვენის ისტორიის ზღაპრულის და მატეანურის ხასიათისა, ბ-ნის გაკიცხულის თქმით, ყოფილა ის, რომ ჩვენ აღნიშნული გვაქვს ასრედ წოდებული **წმ. ნინოს სასწაულები**.

წმინდა ნინოს შესახებ ჩვენი მატეანე ძალიან დაწვრილებით მოგვითხრობს, როგორც მის ვინაობას, ისე მის სასწაულებს. ცნობილი სახელმძღვანელოები მატეანის მიხედვით გადმოგვცემენ ნინოს ბიოგრაფიას და მოღვაწეობას. სახელმძღვანელოები იქით იყოს, თვით მეცნიერი პროფესორი ხახანაშვილი ასე იქცევა. თავის ისტორიაში იგი კონსპექტიურად გადმოგვცემს მემატეანის მოთხრობას წმინდა ნინოს, როგორც ვინაობაზე, ისე სასწაულებზე, ასე რომ არავითარი კრიტიკული ელემენტი არ შეაქვს. ეტყობა, თვით ამ მეცნიერს უტყუარს ქეშმარიტებად მიაჩნია ის ჩვეულებრივი წარმოდგენა წმ. ნინოს ვინაობაზე და სასწაულებზე, რომელიც გვხვდება ცნობილს სახელმძღვანელოებში. ჩვენც რომ პროფესორის ხახანაშვილის ავტორიტეტს ავყოლოდათ და იმიტომ კონსპექტიურად აგვენუსხა მატეანის მოთხრობა წმ. ნინოზე, მაინცა და მაინც დიდს ცოცხად არ უნდა ჩავთვლოდა. მაგრამ ასე არ მოვქცეულვართ. ჯერ ერთი, ჩვენ ავყევით ბ-ნს ივანე ჯავახიშვილს და, ხახანაშვილის ავტორიტეტის წინააღმდეგ, სრულიად უარყავით წმ. ნინოს ჩვეულებრივი ბიოგრაფია, მეორეც, ჩვენგან მოხსენებულს ასრედ წოდებულს სასწაულებში არათფერი სასწაულებრივი არ მოიპოვება. თუ შეადარებთ ჩვენგან მოთხრობილს სასწაულებს პროფ. ხახანაშვილისგან მატეანისტურად მოთხრობილს სასწაულებს, დაინახავთ, რომ ჩვენგან აღნიშნული სასწაულები წარმოადგენენ სრულებით ბუნებრივს ფაქტებს, რომელნიც მაშინდელს ხალხს ადვილად შეეძლო გადაექცია ზესთა ბუნებრივს მოვლენად. ჩვენს მოთხრობაში ეს ზესთა ბუნებრივი ელემენტები ჩამოშორებული აქვთ ამ ფაქტებს და ისე არიან მოთხრობილნი, როგორც უნდა მომხდარიყვნენ. ბ-ნს გაკი-

ცხულს თუ ჰგონია, რომ არავითარი ასეთი ფაქტი არ მოხდებოდა, ჩვენ მას არ დავეთანხმებით. ხალხი არ იწამებდა ნინოს და მის რჯულს, თუ რამე არ დაენახა ისეთი, რომელიც მის გონებასა და გრძნობაზე იმოქმედებდა. ასეთი ფაქტები უნდა ყოფილიყვნენ ბავშვისა და დედოფლის განკურნება და ნადირობის დროს მეფე მირიანის გადარჩენა განსაცდელისაგან. დანარჩენი სასწაულები, რომელთაც ხახანაშვილი უკლებლად მოუთხრობს, ზესთაბუნებრივნი არიან და ამიტომაც ჩვენ არ მოგვიხსენებია.

ამ სამის მაგალითის განხილვითგან მკითხველი მშვენივრად დაინახავს, რაოდენად სამართლიანად გვიკვირებს ბ-ნი ვაკიციხული, ვითომ ჩვენი წიგნი ყოფილიყვეს შედგენილი ცნობილის სახელმძღვანელოების მსგავსად და წარმოადგენდეს მხოლოდ კონსპექტიურს აღნუსხვას მემატიანის მოთხრობისას. სვინიდიისეოდ რომ შეედარებინა რეცენზენტს ჩვენი ისტორია არა თუ ცნობილის სახელმძღვანელოებისთვის, არამედ თვით პროფესორის ხახანაშვილის ისტორიისთვის, დაინახავდა, რომ ჩვენ გაცილებით უფრო კრიტიკულად გვაქვს გადმოცემული მატიანის მოთხრობა, ვიდრე მათ. იმათთან შედარებით სრულებითაც არ აგვინუსხავს კონსპექტიურად მატიანის მოთხრობა. ჩვენის წიგნის შედგენის დროს ისტორიულს ფაქტებს ჩვენის შეხედულობით ვარკვევდით, რაც უარსაყოფელი მიგვაჩნდა, უარყოფდით, რაც დასაჯერებელი და სარწმუნო, შეგვექონდა წიგნში, რაც საეჭვო, საეჭვოდ ვიხსენიებდით. რეცენზენტი რომ არსებითად შეხებოდა ჩვენს შრომას და გაერკვია რა შეცდომა მოგვსვლია, როდესაც რომელიმე ფაქტი ან ნამდვილად ჩავვითვლია, ან უარგვიყვია და ან საეჭვოდ დაგვიდვია, მით დიდს ღვაწლს დასდებდა თვით მეცნიერებას და უფრო რიგიანს საქმეს იქმნოდა. ამის სამაგიეროდ რეცენზენტმა გვიკვირნა ისეთის შეცდომების ჩადენა, რომლებიც არ ჩავვიდენია და ამით ძალაუნებურად გვაფიქრებინა, რომ მას ან მხოლოდ ჩვენი გალანძღვა ჰქონია მიზნად, ან არაფერი სცოდნია-რა საქართველოს ისტორიისა.

ზემოხსენებულის საზოგადო დახასიათების შემდეგ რეცენზენტი აღნიშნავს ჩვენის წიგნის რავდენსამე სხვა ნაკლულეფანებას. ეს ნაკლულეფანებანი ისეთივე ნაყოფია რეცენზენტის ფანტაზიისა, როგორც ზემოდ გარჩეული დახასიათება.

მაგალითად, რეცენზენტი ამბობს: „**სოციალური და კულტურული მდგომარეობა ზღაპრული ხასიათით დასაბუთებულია თამარ მეფის დრომდე**“. ამ გაუგებარის ფრაზის აზრი ჩვენ ისე გვესმის, ვითომ თამარ მეფემდე რაც ჩვენს წიგნშია ნათქვამი სოციალურს და კულტურულს მდგომარეობაზე იყვეს დამყარებული ზღაპრულს ცნობებზე. ამის თქმისთვის რეცენზენტს არავითარი საბუთი არა აქვს. იმ მოსაზრებით, რომ სოციალურის და კულტურულის ცხოვრების აწერის დროს, მასალის ნაკლებობის გამო, არ შეგვპაროდა რამე შეცდომა, ჩვენ მეტად მოკლედ და ნაკლებ გვაქვს ნათქვამი ჩვენის ისტორიის ამ მხარეზე: ჩვენი დახასიათება ძველის სოციალურის წყობილებისა არის დაფუძნებული ჯერ ერთი მატთანის ისეთს ცნობებზე, რომელთა სინამდვილის უარყოფა არავითარს კრიტიკას არ შეუძლიან, მეორეც კლასიკურის მწერლის სტრაბონის ცნობაზე, რომელიც ყველა ავტორიტეტისგან ფრიად სანდოდ არის მიღებული. აგრეთვე კულტურულის მდგომარეობის აწერილობა ძველს საქართველოში დაფუძნებულია კლასიკურის მწერლების ცნობებზე, ხოლო ქრისტიანობის მიღების შემდეგის დროისა თვით ჩვენის მწერლობის ნაშთებზე. კარგი იქნებოდა, რომ რეცენზენტს აენიშნა, რომელი ცნობა ნახა ჩვენს წიგნში ზღაპრულის ხასიათისა, მაშინ იქნება ღირსეული პასუხი გაგვეცა.

შემდეგ ბ-ნი გაკიცხული ბრძანებს: „**ამასთანავე არა ჩანს ისტორიული პერსპექტივა, თანდათანობითი განვითარება ეკონომიური და იურიდიული წეს-წყობილებისა. მკითხველი ისეთს შთაბეჭდალებას (ბოდიშს ვიხდი, რომ დ. კარიჭაშვილის შემოტანილს სიტყვას „ჩაბეჭდილებას“ არ ვხმარობ) გამოიტანს „საქართველოს მოკლე ისტორიიდან“**, რომ ჩვენი წარსული ცხოვრება ქრისტეს დაბადებიდგან თამარ მეფემდე თითქმის ერთს ყალიბზე

იყო ჩამოსხმული და ევოლიუცია არ განუცდია. „ქართველების შინაური წეს-წყობილება“, მამასახლისობაზე დამყარებული, არ შეცვლილა ფარნაოზ მეფის დროს და როდის და რა მიზეზების გამო შეირყა და დაირღვა „გვარობრივ-თემობრივი წეს-წყობილება“, ახალი სახელმძღვანელოს მკითხველი ვერ გაიგებს და ვერც ახსნის“.

ბ-ნის გაკიცხულის ამ შენიშვნაში სამართლიანია მხოლოდ ის, რომ თანდათანობითი განვითარება ეკონომიურის და იურიდიულის წეს-წყობილებისა ჩვენს წიგნში არა ჩანს. მაგრამ ეს ჩვენი ბრალი არ არის. ჩვენ გაფაციცებით ვეძებდით ლიტერატურაში ცნობებს ეკონომიურის და იურიდილის წეს-წყობილების თანდათანობით განვითარების შესახებ, მაგრამ, სამწუხაროდ ვერსად ვიპოვეთ. პროფესორის ხახანაშვილის ისტორია და სხვა ნაწერები რავდენჯერმე წავიკითხეთ, გვეგონა იქ რასმე ვიპოვიდით, მაგრამ ამაო შეიქნა ჩვენი შრომა. ჩვენის ისტორიის ეს მხარე ჯერ-ჯერობით გამოუკვლეველია. მხოლოდ ამ უკანასკნელს დროს მოჰკიდა ხელი ბ-ნმა ივ. ჯავახიშვილმა ამ მხრით ჩვენის ისტორიის გამოკვლევას და კიდევ ბევრი ხანი გაივლის, ვიდრე ერთი კაცი აგვიწერდეს ეკონომიურის და იურიდიულის წესწყობილების თანდათანობით განვითარებას. რაიცა შეეხება იმას, ვითომ მკითხველი ისეთს ჩაბეჭდილებას (მე საბოლოოში არა მაქვსრა, რომ არ ვხმარობ „შთაბეჭდილებას“) გამოიტანდეს „საქართველოს მოკლე ისტორიითგან“, თითქოს ჩვენი წირსული ცხოვრება ქრისტეს დაბადებიდგან თამარ მეფემდე თითქმის ერთს ყალიბზე ყოფილიყვეს ჩამოსხმული და ევოლუცია არ განეცადოს, ეს თვით მკითხველზეა დამოკიდებული. შეგნებული მკითხველი ასეთს ჩაბეჭდილებას არ გამოიტანს, რადგან წიგნში წაიკითხავს, რომ საქართველო ყოფილა ხან თავისუფალი, ხან დამორჩილებული, ხან ძლიერი, ხან სუსტი, ხან წარმართი, ხან ქრისტიანი, ხან შეერთებული, ხან განაწილებული, ხან გაოხრებული, ხან თვითმპყრობელის მეფის ხელში, ხან უუფლებო მეფის ან მთავრის ხელში. რა წარმოსადგენია, რომ მკითხველმა ესეები ყველა გაიგოს და თან იფიქ-

როს, რომ ჩვენი წარსული ცხოვრება ერთს ყალიბზე ყოფილიყოს ჩამოსხმული. რეცენზენტი ცილსა სწამებს მკითხველს.

ბ-ნის გაკიცხულის სიტყვები — მკითხველი ვერ გაიგებს და ვერ ახსნის, თუ როდის და რა მიზეზების გამო შეირყა და დაირღვა გვარობრივ — თემობრივი წეს-წყობილობაო, მართალია, მაგრამ იმიტომ კი არა, რომ ჩვენს წიგნში არ არის ამის შესახებ ცნობები, არამედ იმიტომ რომ ხსენებული წეს-წყობილება მუდამ ირყევოდა და თავის დღეში არ დარღვეულა: ამ წეს-წყობილებამ მოაწია მეთვრამეტე საუკუნემდე.

ბ-ნი გაკიცხული ერთს უცნაურს ბრალსა ვედებს, როდესაც ამბობს: „**საქართველოს ეკლესიის გათავისუფლების ისტორია არეულად აქვს მოთხრობილი**“. ჩვენ ცალკე თავი არ გვიძღვნია საქართველოს ეკლესიის გათავისუფლებისთვის, მხოლოდ თანდათანობით მოვიხსენიეთ ის უმთავრესი ფაქტები, რომელნიც ჩვენის ეკლესიის უცხო ეკლესიის გავლენისაგან გათავისუფლებას აღნიშნავენ. აქ ჩვენ დავემყარეთ მამაკალ. ცინცაძის მშვენიერს შრომაზე ამ საგნის შესახებ. მამაკალ. ცინცაძე უარყოფს იმ ზღაპრებს, რომელიც წინად იწერებოდნენ ჩვენის ეკლესიის გათავისუფლების შესახებ და რომელნიც გამეორებულნი აქვს პროფ. ხახანაშვილს თავის ისტორიაში. მამა ცინცაძის შრომა რავდენიმე წელიწადია დაიბეჭდა და მის წინამდევ ხმა არ ამოუღია არავის. ასე გაშინჯეთ, პროფ. ხა-ანაშვილმაც კი ძალიან მოიწონა, თუმცა მისგან მოწონებული შრომა სრულებით აბათილებს მისგან მოთხრობილს საქართველოს ეკლესიის ისტორიას. რა მოეჩვენა არეულად ბ-ნს გაკიცხულს, ჩვენ ვერ გავვიგია.

რეცენზენტი არ სჯერდებოდა იმას, რომ აღნიშნავს ფაქტის ვათომ შეცდომით გადმოცემას ჩვენის მხრით, იგი ცდილობს ჩვენი „ფილოსოფიაც“ გააბათილოს. ამ განძრახვით იგი სწერს: „**სოციალური მოვლენათა ახსნა აჩქარებული და მოუფიქრებელი**“. ავტორს გულწრფელად სწამს, რომ გიორგი მესამემ შინაური მშვიდობიანობა დაამყარა შემდეგი სასწაულ-მოქმედი განკარგულებით, რომელიც



ბევრს შეეშურდებათ ჩვენს დროშიაც. ამოვწერთ ამ ადგილს. „მეფემ უბრძანა მოეარნათ ყველა კუთხეები, სადაც ავაზაკობა ხდებოდა, დაეჭირათ ყაჩაღები და შემდეგ ჩამოეხრჩოთ იმ ნივთებითურთ, რომელნიც მათ ამოაჩნდებოდათ ნაძარცვი. მეფის ბრძანება სავსებით შესრულებულ იქნა და ამგვარის ღონისძიებით მალე მოიხსოვა ყაჩაღობა“. ამ სიტყვებს, ბ. კარიჭაშვილის ისტორიის ფილოსოფიის დამახასიათებელს, ვერაფერს, დავუმატებთ და განვმარტავთ.

ცხადია, გაკიცხულისთვის სამჯობინარია არ დაუმატოს არაფერი და არ გამარტოს, თუ რამ გამოიწვია ის ყაჩაღობა, რომელიც ხსენებულის საშუალებით გიორგი მეფემ მოსპო. ესეთი დამატება და განმარტება ხომ დაანახვებდა მკითხველს, რომ კარიჭაშვილის „ფილოსოფიაში“ არაფერი სასაცილო არ არის და რომ პირიქით რევენუენტის ფილოსოფია მეტად მხატვრული და ფუქსავატი ყოფილა. საქმე ის არის, რომ რევენუენტისგან მოყვანილს ჩვენს სიტყვებს წინ მიუძღვის შემდეგი: „ორბელიანთ განდგომილებაში მონაწილე აზნაურთ და დიდებულთ დასჯას მამულების წართმევი ერთი სამწყურხარო შედეგი მოჰყვა. უშრომელად ცხოვრებას მიჩვეულს აზნაურებს, უმამულოდ დატოვების გამო, მეტად გაუძნელდათ ცხოვრება და ამიტომ მიმართეს იარაღით საზრდოს მოპოვებას, ე. ი. დაიწყეს მცარცველობა. ქვეყანა მეტად შეწუხდა გაზბედავის ყაჩაღების ცარცვისაგან და დაიწყეს მეფესთან ჩივილი და შემწეობის თხოვნა. ამ ცარცვა-ყაჩაღობის მოსასპობად მეფემ შეადგინა 1180 წ. ჯარის რაზმი და უბრძანა“..... რევენუენტმა, უეჭველია, ეს სიტყვები განგებ გამოტოვა, რომ მკითხველისთვის დაენახვებინა ვითომ ჩვენ გულწრფელად გვწამდეს, რომ იმისთანა სოციალური მოვლენის წინააღმდეგ, როგორც არის ცარცვა-ყაჩაღობა, უებარი საშუალებაა ჩამოხრჩობა. მკითხველი ახლა ხედავს, რომ ჩვენს ნათქვამში არაფერი ახირებული და უცნაური არ მოიპოვება. მეფისაგან უმამულოდ დატოვებულმა რამდენიმემ თავადმა და აზნაურმა მოინდომეს იარაღით ეშოვნათ ის, რაც მეფემ

მოუსპო, ე. ი. გამოუცხადეს ბრძოლა სახელმწიფოს. სახელმწიფომ თავი გამოიღო თავის-თავის დასაცველად: რავდენიმე თავადი და აზნაური სახრჩობელას სხვერპლი შეიქნა. ამით ერთი მეომარი მხარე სრულებით მოისპო. აქ რა შუაშია ან სოციალური მოვლენა, ან რამე ფილოსოფია. ეს არის უბრალო შემთხვევა ორის მეტად უთანასწორო ძალის შეტაკებისა და ერთისაგან მეორის გასრვისა.

გახარებული იმით, რომ ჩვენი „ფილოსოფია“ მასხარად აიგდო, თავის ნათქვამს რეცენზენტი უმატებს: „**მხოლოდ ამას მინდა გვრდით ამოვუყუენო ერთი ადგილიც „მოკლე ისტორიიდან“ რომ წარმოვიდგინოთ უნიადაგო და უშინა-არსო სიტყვების რახა-რუხი. მენუთე თავს (არაბთა მფლობელობის დროს) ავტორი შეეხება რა „ეროვნული გრძობის გამოღვიძებას“, დასძენს: „გონებრივ და ზნეობრივ ქართველებს ახლა თავიანთ თავი სხვებზედ ნაკლებად აღარ მიაჩნდათ და ამიტომ უკუჯის მომავალის იმედით იყვნენ აღსავსენი“.** რა კონკრეტიულს ცნობას იძლევა ეს საუცხოვოდ აგებული ტირადა? რომელს ისტორიულს წიგნში შეგხვედრიათ ამგვარი პუბლიცისტიური აღმაფრენა? პასუხს ნუ მოითხოვთ“.

ოლონდაც რეცენზენტისთვის სჯობია, რომ პასუხი არ მომთხოვონ, ის სამჯობინრად ხედავს წიხლი ეკრას ნიშანში ამოღებულს ადამიანს და არხეინად, უპასუხოთ გაბრუნდეს უკან.

ვთხოვ მკითხველს კარგად ჩაუკვირდეს რეცენზენტისგან სამასხაროდ აღებულს ტირადას და ბრძანოს, რაა იმაში უცნაური; ან რა პუბლიცისტიური აღმაფრენაა იგი. მეცხრემეათე საუკუნეში ქართველობა ეროვნულად განვითარდა, თავისი ღირსება შეიგნო და დაადგა დამოუკიდებელის განვითარების გზას. როდესაც ერი გონებრივ და ზნეობრივ დაცემულია, ის თავისთავს სხვა ერებს ვერ დაადარებს, თავის თავი სხვებზე ნაკლებად მიაჩნია, თავის ეროვნებას უარჰყოფს, ცდილობს სხვა ერის ენა შეითვისოს და გადაგვარდეს, ხოლო როდესაც გონებრივ და ზნეობრივ ამაღლდება, მაშინ თავის

თავის ღირსებასაც იგრძნობს, სხვა ერებზე დაბლა არ აყენებს თავს და დამოუკიდებლობის მოპოვებას ცდილობს. ასე დაემართა ქართველს ერსაც. რავდენისამე საუკუნის განმავლობაში პოლიტიკურად დაცემული, კულტურულად და ზნეობრივად ბერძნების, სირიელების, სომხების, სპარსების და არაბების გავლენის ქვეშ მყოფი, გონებრივ და ზნეობრივ მომწიფდა მეცხრე-მეათე საუკუნეს, რასაც შედეგათ ის მოჰყვა, რომ მეათე საუკუნის ბოლოს მთელი ქართველობა შეერთდა და დაარსა ძლიერი სახელმწიფო. ჩვენ ეს დიდებული მოვლენა აენიშნეთ სამასხაროდ აღებულს ტირადაში, რომელშიაც ბ-ნი გაკიცხული მხოლოდ უნიადაგო და უშინაარსო რახიორუსს ხედავს.

ვიტყვოდ იორიოდე სიტყვას რეცენზენტისგან სტილის დაწუნების და მისგან მოგონილის „ისტორიულის სტილის“ შესახებ, მაგრამ ეს მეტად მიგვაჩნია. აქ მკითხველი თითონაც კარგს მოსამართლეობას გასწევს. სტილის უფარგისობის გამოცნობაში ბ-მა გაკიცხულმა ისეთივე უნარი გამოიჩინა, როგორც ისტორიულის შრომის დაფასებაში.

ვისარგებლებთ შემთხვევით და იორიოდ სიტყვას ვიტყვით იმ რეცენზიის შესახებ, რომელიც დაიბეჭდა გაზეთს „ფარში“. პირველად, უნდა გამოვუცხადოთ დიდი მადლობა, როგორც რეცენზენტს, ბ-ნს ცანს, ისე „ფარის“ რედაქციას. პირველს იმიტომ, რომ რიგიანად მოექცა ჩვენს პიროვნებას და არ გაგვლანძლა. მართალია, მისი მსჯავრი ძალიან მკაცრია ჩვენის წიგნის შესახებ, მაგრამ ექვი არ არის, რომ იგი გულწრფელია. ბ-ნი ცანი ამბობს იმას, რასაც ფიქრობს და რაც ჭეშმარიტებად მიაჩნია. ამის თანა მოკამათეს დიდს პატივს ვცემთ. რედაქციას ვუცხადებთ მადლობას იმიტომ, რომ საჭიროდ დაინახა შენიშვნაში გამოეთქვა, რომ სავსებით არ ეთანხმება ბ-ნს ცანს. მეორედ, უნდა მოვახსენო ბ-ნს ცანს, რომ მე არ ვეთანხმები მას და უსათუქვლოდ მიმაჩნია

კრიტიკა და ბიბლიოკრაფია

1. ფიზიოლოგიური ლექცია

რუსულის ნათარგმნიდამ ქართული ნათარგმნი ვიორკი არუმიძის
მიერ 1891 წ. ფასი ერთი აბაზი.

ამ წიგნაკის შესახებ სულაც არას ვიტყვოდით, რომ საჭირო არ იყავს გაწმენდა ჩვენი სამეცნიერო ლიტერატურისა ისეთი მკვნე წიგნებისაგან, როგორც არის დასახელებული «ფიზიოლოგიური ლექცია». ზოგი გულ უბრყვილად მკითხველი გაიმეტებს აბაზს და შეიძენს ამ წიგნაკს, რათა სამეცნიერო ლექციის წაკითხვით ცდტათი მაინც დაიკმაყოფილდეს ცნობის მძყვარე გღნება. მაგრამ იმედ-გაცრეუებული, სასაება დაკარგული და მძტყუებული დარჩება. მღლემღტის ფიზიოლოგიური ლექცია არემიძის თარგმანით სულით-ავადმყფფის ბღღვად არის გადაქცეული. საბრალდა მკითხველი, რომელიც ბღღმღლის ჩაიკითხავს ამ წიგნს. ვნება ამ გვარი თარგმანებისა ცხადია: რყვნიან ენას, აფთხღრენ მკითხველს, კითხვის ხალის უკარგავენ და ცღდნის სურვილს უსუსტებენ. ამ გვარი სამეცნიერო წიგნები უთუფთ განდევნილი უნდა იქმნენ ლიტერატურიდამ.

გადაშალეთ რომელიც გინდღღეთ გვერდი, თუ დაახლოვებით მაინც მიხვდებით, რა უნდღღა ეტკვა მღღემღტს — იმღენათ მახინჯია თარგმანი.

აკერ ბირველი გვერდი: «გერმანია მღმცა მე განათლებული სწავლა და მერმე სულსწრღღობის საზღვრის დაღებით მღმცა ცღტის ხნის ღღენ გამჭრიახღღობისთვის მხარე, რომელსაც ხათირიანი ჰღღერატნი ანუ მღღვანბეგნი მხა იყვნენ შეკემჭიდრღღობინე ყღველ მარჯვე დრღს. შეეეცარიაში მე მღღვზდი მხღღღად ამისათვის, რომ ესე მინდღღა, მვინად პრღღეს-სღრთა ყღავილისა, ერთი იმათგანი ბირველი სახელმწიფღღღღარბაისეღღთაგანი, კაცი უშეტკს თავისუფალი ღღბრკღღღება-

თაგან». აგერ შეეჭვს გვერდი: «აღწერისათვის ბუნებითი ნიჭთა ბოლიბროცის მცხოვრებლებთა, მე უნდა ვსთქვა რამთონი მე სიტყვა იყლიმისთვისად». მე 14 გვ.: «უდიდესი დიამეტრი ანუ წრის დერძი წითლებისა შეესწორების დაახლოვებით ნახევარ დიამეტრს სწორედ წმინდა ბეწვს გადაბრუნებულ მხარეზე დადაკარის ხელისა ანუ: წითლებისა და თეთრების წვრილ სხეულებთა შუა აღმდინდება იმათ ფორმამი უფრო კიდევაც ცხადათ. ვინემც მათ ტოლისად, რომელიც ქვემდებარეა სხვა და სხვა ორჭოფებთ.

მე-23 გვერდზედ: «ეს კრისტალეზი არიან აგალმები, რომელნიც აუგეს სისხლის სხეულ ღემებს, და მასალებათ ამ სახსოვრების ამენებისათვის იყვნენ თვითვე მიცვალებულების გვამი სისხლის ალყებთა». თარგმნის დასასახიათებლად საკმარისია მოყვანილი ადგილებიც.

რაც შეეხება ცალკე სიტყვებს, აი რას შეხვდებით ამ წიგნში: გარემოებება, მოქმედება, ინოხი, სისხლქაფის წრეები, ბაყაყის ალყები, პერიქლები, ბურცები, ტმოვკები, ტიზი, ძარღვემ ჩინჩილა, ფესვფენუგა, ქანთილას წრე, მობუმტავებელი ბუნება, ართქლის ძაშინის ურემი (პარავიზი), ხარტკერილ ხარეცელი (საწელი), განმფართოებელი და შესაკრუნჩხი ლავიწები ტმოვკებთა ვნებათასა და სხვა და სხვა.

კოტე ელიოზიშვილი.

დაწვინიში

თხულება ფერიერისა. წიგნი პირველი და მეორე ი. ფანცხავას თარგმანი გამოც. ივ. როსტომიშვილისა. ფასი ორთავე წინისა 35 კაპეიკი.

სმირად გვსმენია, რომ ქართული ენა განუვითარებელია. შეუძლებელი, სამეცნიერო ტერმინები არ მოიბოვება და სამეცნიერო წერილების წერა და წიგნების თარგმნა შეუძლებელია. ამით იმართლებს თავს ზოგიერთი ჩვენი სწავლული და საკუთარ სიზარმაცე — უმოქმედობას, ქართული ენის სრულ უცოდინარობას ბოდიშს ხდის. წიგნაკი, რომლის სათაურიც ზევით მოვიყვანეთ, ამ აზრის უსაფუძვლობის საქმით დაძტკიცებაა. დარვინიში ფერიერისა — სამეცნიერო წიგნია, ტერმინებით სავსე, და მისი ქართულად გადმოღება თუმც ფრიად

მნელი საქმეა, მტკიცე სურვილმა და დაკვირვებულმა შრომამ შესაძლებელი გახადეს მისი ქართულად გამოცემა. ფანცხავა არჩევანში არ მოტყუებულა. დარვინის თეორიის ცოდნა ეხლა ყოველ განათლებულ და შეგნებულ კაცს მოეთხოვება, ხოლო ეს თეორია ფერიერზედ უკეთესად და გასაგებად არავის აუხსნია. თვითონ დარვინმა რომ წაიკითხა ფერიერის წიგნი, სთქვა: «ცხადი, განსაცვიფრებელი სიმარტივით და სინამდვილით არის ახსნილი ჩემი თეორია».

ჩვენი მიზანია ამ ქამად ქართული თარგმანის დაფასება. სასიამოვნოდ აღსანიშნავია, რომ ქართულ სამეცნიერო ლიტერატურაში მნელად მოიბოძება იმისთანა ნათარგმნი სამეცნიერო წიგნი, რომელიც თარგმანის მოხერხებულობით ფანცხავას თარგმანს უდრიდეს. ამ თარგმანში კაცს აკვირვებს ის ოსტატობა, ის ცოდნა ქართულის ენისა, რომლის შემწეობითაც ფანცხავას გადმოუქართულება ზოგიერთი ფრიად მნელი წინადადება, გვერდი აუქცევია სიმნელისათვის და იმავე დროს აწრი, შინაარსი სამაგალითოდ დაუცავს. აქ ვხედავთ შეგნებულს თარგმანს და არა გადმოთრევას, რაც სჩვევია ბევრს ჩვენ მთარგმნელს. მაზინჯი, უაწრო თარგმანის მაგალითი ზევით იყვ მოყვანილი. ქართულ ენაზე სამეცნიერო წიგნების თარგმნა ახალი ცდაა, და როგორც ასეთს შეცდომები ყოველთვის თანა ხდევს. ამიტომაც არ ვაპტყუნებთ ბატონ ფანცხავას, თუ ზოგიერთი ტერმინი, ზოგიერთი სამეცნიერო ცნება სისწორით ვერ გამოხსთქვა ქართულის ენით; თუ ზოგი ერთი ადგილი სინამდვილით ვერ არის გადმოცემული, ან თუ ზოგან ქართული ენა ვიჭვლეს.

ბ. ფანცხავა გასამტყუნარი არ არის იმიტომ, რომ ჩვენ ენაზედ სამეცნიერო ტერმინოლოგია ჯერ-ჯერობით შეუძუშავებულია და ზოგიერთა განყენებულ ცნებათა გამოხატვა ქართულად მნელია. ხოლო მნელი და არა შეუძლებელი. სამეცნიერო წიგნის მთარგმნელი, ან სამეცნიერო წერილის დამწერი, ქართული ტერმინოლოგიის ერთსა და იგივე დროს მთარგმნელიც და შემქნელიც უნდა იყვას. ასეთ მუშაობისთვის საჭიროა ქართული ენის საფუძვლიანი ცოდნა, ქართული მწერლობითი სიტყვიერების, როგორც ძველისა ისე ახლის, შესწავლა. ბევრი შრომა, ბევრი ფიქრი, სიფრთხილე და დაკვირვება უნდა ზოგჯერ ერთი ტერმინის ქართულად გადმოცემას, და წარმოდგინეთ ის შრომა, დრო და ფიქრი, რამდენიც უნდა მოანდომოს კაცმა მთელი სამეცნიერო წიგნის გადმოთარგმნას ან შედგენას. შრომა კი ამ მხრივ ჩვენთვის, ქართველებისთვის,

აუცილებელია; ვიტყვი ძეტს, დავიგვიანეთ ვიდრე. მით უმეტეს ხად, საჭიროა ენერგიული მუშაობა; ხდომილი თვითმკურნალობა ადაპიანის განმარტებულ შრომას, წრეებთან და ჯგუფებთან შემიდგარ სპეციალისტთა შრომა ემჯობინება. ამ შრომას გვავალებს მოწარმე თაობა, ქართული კულტურის სვეტები.

ბ-ნი ფანცხავას ღვაწლი ტერმინოლოგიის შემუშავებაში თვალსაჩინოა.

მივუბრუნდეთ თვით თარგმანს, და ჯერ შევეხებით იმ ადგილებს, სადა აზრი დამახინჯებულია, პირველი წიგნის მე-16 გვერდზე, იმ პარაგრაფში, სადა საზრდოზეა ლაპარაკი, ხიმშილის მაგიერ სიცივია თარგმნილი, რაც აზრს გაუგებრათ ხდის. მე-24 გვერდზე სწერია: « ამიტომ არც გასაკვირველია, რომ ადაპიანის ნამოქმედარი. ბუნების ნამოქმედარისთანა სრული არ არის: ბუნება თვის ნამოქმედარისთანა სრული არ არის: ბუნება თვის ნამოქმედარს მთელი გეოლოგიური პერიოდების განმავლობაში აღმჯობესებდა ». აზრი სრულებით გაუგებარია, თუ სიტყვები:

« ბუნება თვის ნამოქმედარისთანა სრული არ არის » არ ამოვსალეთ.

ნამდვილათ აზრი ასეთია. გასაკვირველი არ არის, თუ ადაპიანის ნაწარმები ისეთივე სრული და უნაკლებად არ არის, როგორც ბუნების ნაწარმები; ჯერ ერთი—ადაპიანის სურვილი ცვალებადია, მეორე—მისი სიცოცხლე ხან მოკლეა; ბუნება კი თავის ნაწარმებს მთელი გეოლოგიური პერიოდების განმავლობაში აღმჯობესებს.

მე-27 გვერდზე ნათარგმნია: « გინდ შეიცვალე, გინდ მოკვდი » თითქმის ბუნება არსებობს არჩევის ნებას აძლევს. უნდა იყვას: შეიცვალე ან მოკვდი. ასეთია ბუნების მკაცრი კანონი.

მე-39 გვ. სწერია: « აგებულება დამოკიდებულია ჩვეულებასა და ცხოვრების წეს-რიგზე ». ნამდვილად კი ასე უნდა იყვას: **გვერდის მხოლოდობა სრულიად არ არის** დამოკიდებული ჩვეულებისა და ცხოვრების წეს რიგისაგან.

მე-56 გვ. ნათარგმნია: გვარნი იცვლებიან და თვითმკურნალობა მათგანს ცალკე წინაპარს შეყავს ». ნამდვილათ კი: გვარნი არ იცვლებიან.

მე-71 გვ. სწერია: « უცებ და ერთბაშით რომ წამოდგნენ (გაცოცხლდნენ) ის გვარები, რომელთაც კი ოდესმე დედა-მამის სურვილზე უცხოვრიათ, მაშინ ჩვენი თვალის წინ ჩამწვრილებიან ყველა თან და თანი და გარდამავალი ფორმები და

კიდევ შეგვეძლება სრული სინამდვილით თვითეული გუნდის განვსაზღვროთ, განვმარტოთ ».

ნამდვილი კი სულ სხვას გვეუბნება: ყველა ის გვარები, რომელთაც კი ოდესმე დედამიწის ზურგზედ უცხოვრიათ, რომ ერთბაშით გაცოცხლდნენ, ჩვენ თვალს წარმოუდგება ისეთი თან და თანობა ფორმებისა, რომ ერთი გუნდის შეორისნაგან სრული სინამდვილით გამოჩვენება შეუძლებელი იქნება.

შეიძლება გვარი ნაკლებდვანება თარგმანისა—მნიშვნელოვანი ადგილების გამოტოვება. იმავე პირველი წიგნის მე-16 კვირდზედ თარგმანი არ არის რამდენიმე სტრიქონი, რომლებიც შეიცავენ იმის მაგალითებს, რომ საწრდღს მთაბობელად ბრძოლაში იმარჯვებენ ფიზიკურად უფრო მძლავრნი, ან უფრო მოხერხებულნი.

მე-51 გვ. სწერია: « ადვილათვე ხსნის იმ გარემოებას, რომ ორგანო ხანდახან თავის დანიშნულებას, ფუნქციას გამოცვლის ხელს ». რა ხსნის? გამოტოვებულია: ჩვეულება.

მე-57 გვ. სწერია: ბუნებრივივე მიხეზებით ხსნის ». რა ხსნის! გამოტოვებულია: ბუნებრივ მოვლენათა.

მე-76 გვ. ამტვრევენ, ამხზვრევენ-ს შემდეგ უნდა იყვას: ცხველთა რბილი და ღორწილიანი ნაწილები ისრწნებიან და კვალ წმინდათ ჭქრებიან.

ბევრგან ქართული ენა კოჭლდბს. მოვიყვანთ რამდენიმე მაგალითს. პირველი წიგნის მეოცე კვირდზედ სწერია: « ერთი მუჟა ბუმბული რომ ჰაერზე ზევით ავიხრდოდო, მაშინვე თვითეული მათგანი დედამიწას დაეცემა » ქართულად ასე ითქმის « ჰაერში ავიხრდოდო », და « დედამიწას დაეცემა » მაგიერ: დედამიწაზედ დაეცემა.

მე-27 გვ. იმის მაგიერ, რომ სწორედ, მოკლედ და ქართულის გონსტრიკით ეთქვა: მისი ზე-გავლენა უძლეველია იმიტომ, რომ განუწყვეტლივ მოქმედობს, ბ. ფანცხავას უთარგმნია: « მისი ზედ-გავლენა აუცილებელი და უძლეველია. მას ასეთი მოქმედება განუწყვეტლივ აქვს ».

მე-31 გვ. ხთარგმნის: « ინგლისელები ასეთ ცდას არა მარტო მტრედებზედ, ცხენებზედაც კი ახდენენ: მათ ჩქარა ხიარულისა და მშვენიერი ტანის ცხენები ჰყავთ, ჰყავთ აგრეთვე ტლანქე და ზორციანი, მაგრამ მძიმეთ მაგალიც, თუმცა ძალ-ღონის მექონა და დიდი ტვირთის ზიდვა შეუძლია ». სრულიად ქართულს არა ჰგავს. ჩვენ ამ აზრს ასე გამოვქოთქვაბდით: ინგლისელები ამ კანონის სინამდვილეს მარტო მტრედებზედ კი არა, ცხენებზედაც ჰხდციან; ამათ კოხტა და ფეხ-მარ-

დი ცხენების გარდა, მძიმე, ხორციანი, მაგრამ დონიერი, ცხენებიცაა ჭყავთ.

მე-54 გვ. სწერია : « სის უზარმაზარი ტიტები, რომელთაც უფრო პატარა, მაგრამ აგრეთვე დიდრინი შტოები ბევრი პატარებით ასხიათ, ოდესღაც, როცა თვითონ ხეც მცირე იყო, პატარა დელოს წარმოადგენდნენ ».

ვერც ქართულია კარგი და ვერც აზრია კარგად გამოთქმული.

ჩვენ ასე ვიტყვით : დიდრინი, მრავალ წვრილ შტოებად დაყოფილი ტიტებიც, ოდესღაც, თვით სის ნორჩობისას, ქორთა ყლორტები იყვნენ.

სასაცილოთა ხმარობს ბ. ფანცხავა მქონეს მაგიერ « მექონეს ».

კორეკტურულ შეცდომებს არ გამოუდგებით, თუმცა მათი რიცხვი დიდია, და ხშირად აზრს გაუგებრათა სდიან ; შეგუხებით ჩვენთვის უფრო საყურადღებო საგანს—ტერმინების ავ-კარგიანობას.

ბ. ფანცხავა **ატროფიას** მოკვეთად სთარგმნის ; ატროფია ნიშნავს **გალევას**, რომელსაც შეიძლება გაქრობა მოჰყვას. მოკვეთა არ გამოგვიჩატავს ორგანოს დაბატრავების და გაქრობის თან და თანობას, არამედ ერთდროულ მოხშობას ; ატროფია გალევა და არა მოკვეთა.

მე-28 გვ. იმავე ატროფიას სხვანაირადაც სთარგმნის, და გალექული ორგანოს მაგიერ, ამბობს : « დამჭკნარი ნაშითი ». სიტყვა დამჭკნარი არ ვარგა ატროფიის სათარგმნელად, რადგან დამჭკნობას უთუოდ გალევა არ მოხდევს.

ინდივიდი—ფანცხავას პირადობათ უთარგმნია. პირადობა ქართველებს ვკვსმის, როგორც ადამიანის ხასიათის თვისება, მარტო თავის თავზედ ზრუნვა, ეგოიზმი. ინდივიდი ნიშნავს თვითეულ, განუყოფელ არსებას. საჭირო არ არის, რომ ყველა სამეცნიერო ტერმინი უთუოდ ქართულათ ვსთარგმნოთ ; მრავალი მათგანი საერთაშორისო ტერმინად გამხდარა, და ჩვენც უთარგმნელად უნდა შემოვიტანოთ ქართულ მწერლობაში. ამ გვარ ტერმინებს ეკუთვნის ინდივიდი.

მე-24 გვ. თარგმნილია : « მცენარეთა სამეფოში ჭავას უფრო დიდი ზეგავლენა იმ ორგანოზე აქვს, რომლითაც მცენარე იზრდება, ვიდრე წარმომშობელ ორგანოზე ».

რუსულ ტექსტში სწერია „растительная система“, ხოლო ფანცხავას უთარგმნია : » ის ორგანო, რომლითაც მცენარე იზრდება ». მცენარეს ერთი რომელიმე განსაკუთრებული საზრდე-

ლი ორგანო არა აქვს, არამედ სიცოცხლის ამ პროცესისთვის მთელი სისტემაა მოწყობილი და ამიტომ უფრო სწორე იქნება, რომ „растительная система“ ვსთარგმნოთ « საზრდელი სისტემა ». აგრეთვე გადმოვსთარგმნოთ « წარმოსაშობი სისტემა—воспроизводительная система-ს—და მთელი წინადადება ასე იქნებოდა: მცენარეთა სამეფოში საზრდოდ სისტემას უფრო ეძინება ჰავის შეგავლენა, ვიდრე წარმოსაშობ სისტემას.

მე-25 გვ. ნათარგმნია სიტყვა Umbrosa (тѣнистая)—« ნაჩრდილარი ». უნდა იყვეს—ჩრდილიანი, მაჩრდილობელი.

Устьица (у листьевъ)-ს სთარგმნის « ამოსაფუშინავი ბაგენი ». რა საჭიროა ასეთი საშიში სიტყვა, როცა შეგვიძლიან ვსთქვათ—**სასუნთქი ნაჩვრეტები**, რადგან ამ ნაჩვრეტების დანიშნულება სუნთქვაა და არა ფუშინვა.

ცნება რასხას ბ. ფანცხავა ბევრნაირათა სთარგმნის, მაგრამ არც ერთი მისი თარგმანი არ ვარგა. პირველ წიგნში (27 გვ.) « თემად » სთარგმნის, მეორეში კი—(მე-3 გვ.) « ჯიშად » და « ტომად ». თეში, თემობა უდრის რუსულ სიტყვებს мирь, мирская сходка, община; ამ გვარივე მნიშვნელობით ხმარობს ჩვენი ხალხი და მწერლობა სიტყვა თემს.

« ტომი » უდრის რუსულ племя'ს ხოლო ჯიში—порода'ს და იტყვიან მაშინ, როცა პირუტყვებზედ აქვსთ ლაპარაკი. მაგ. კარგი ჯიშის ცხენი და სხვ. ისტორიკოსი დიმ. ბაქრაძე ცნება რასხას გამოსახატავად ხმარობს სიტყვა « მოდგმა'ს » « რაც უფრო შესაფერია და ჩვენც ეს სიტყვა უნდა განვამტკიცოთ მწერლობაში; დანაშაული არ იქნება, რომ თვით სიტყვა რასხაც შემოვიტანოთ ქართულ ენაში.

„Происхождение და воспроизведение“ ამ ორ სხვა და სხვა ცნებას ფანცხავა სთარგმნის ორი სიტყვით: წარმოება და წარმომობა, მაგრამ არეკ დარევით ხმარობს, და მკითხველი ვერ მიხვდება იგულისხმობს происхождение, თუ воспроизведение. ესეც არ იყვეს, происхождение'ს გამოსახატავათ არც ერთი სიტყვა არ ვარგა, არც « წარმოება »—რაც производство'სა ნიშნავს, არც « წარმომობა », რაც—воспроизведение'ს ხატავს; ხოლო воспроизведение'ს სრულიად არ უდგება სიტყვა « წარმოება ». სიმტკიცე და გარკვეულობა—აი რა მოეთხოვება ტერმინს. სწორედ ამ ორივე მოთხოვნისთვის წინააღმდეგ სცოდავენ ფანცხავას ეს ტერმინები.

Происхождение'ს გამოსახატავათ ჩვენ გვაქვს სიტყვები: **ჩამომავლობა, წარმოდგომა**. მაგ. Происхождение видовъ—ჩვენ გადმოვსთარგმნიდით—გვართა წარმოდგომა ან გვართა ჩამო-

მაგლობა; რაც შეეხება *воспроизведение*-ს იგი შეესაბამება ქართულ « წარმოქმნას ». მაგ. *воспроизводительные органы* — ქართულად ვიტყვით: წარმოქმნის ორგანოები; ან „*единство происхождения*“ს გადმოვსთარგმნიდით: ჩამომავლობის მხედლობა. და არა წარმოების მხედლობა. როგორცა სთარგმნის ბ. ფანცხავა მეორე წიგნის მე-4 გვერდზე.

Ископаемое-ს გამოსახატავად ბ. ფანცხავას შეუთხზავს ახალი ტერმინი « სამთრებლო ». ვრამპატიგულად რომ გავარჩიოთ ეს ტერმინი, აი რა გამოვა: მთრებლი (თხრებლი) ნიშნავს თხრილს, ორმოს; «სა» ნაკვეთი, რომელიც არსებით სახელს აქცევს ზედ-შესრულად მიკუთნილებითათ, ან შესაფერობითათ. მთლად სიტყვა «სამთრებლო» აღნიშნავს საგანს, რომელიც გვეუთვნის თხრილს, ან მთრებლს, დანიშნულია მთრებლისთვის, შესაფერია მთრებლისა. ყველა ეს კი სრულიად არ გამოხატავს მიწაში ნაპოვნს, მიწიდან ამოდებულს ცხოველთა ან მცენარეთა ნაშთს. იგივე ტერმინი *Ископаемое* ივანე ბატონიშვილს კალმასობაში «ადმონაკვეთად» აქვს თარგმნილი. ჩვენის აზრით ვერც «ადმონაკვეთია» შესაფერი ტერმინი უფრო მარტივი და სწორე იქნება ვიხმაროთ სიტყვა **ამონათხარი**.

მე-45 გვ. *Борьба за существование* — ფანცხავას უთარგმნია „არსებითი ბრძოლა“. არსებითი არ ნიშნავს არსებობას. არსებითი უდრის რუსულ სიტყვებს: *существенный, насущный, существительное*; ხოლო *существование* ნიშნავს ქართულად არსებობას. ამიტომ „*борьба за существование*“ უნდა ითარგმნოს — **არსებობისთვის (სიცოცხლისთვის) ბრძოლა**.

მე-51 გვ. *Нисшія животныя* თარგმნილია: „მდარე არსება“. მდარე ცუდ დირსებას, ცუდ თვისებას ნიშნავს; გამოთქმა, ტერმინ *ნისшія животныя* — კი ნიშნავს ცუდ თვისებას კი არა დაბალ საფეხურზე მდგომ ან მარტივ აგებულების ცხოველებს. უნდა ითარგმნოს **დაბალი ცხოველი, დაბალი არსება**. *Органический и организованный* — ფანცხავას მიერ ნათარგმნია ერთი სიტყვით — „ორგანიული“, რაც მარტო პირველ სიტყვას შეეფერება. *организованный* — კი ნიშნავს ორგანოების მქონეს და უნდა ითარგმნოს: ორგანოანი ან ორგანოვანი.

ტყავის აგებულება ესლა უფრო ნამდვილად არის შესწავლილ-გამოკვლეული და მთარგმნელის მოვალეობაა ტყავის აგებულების აღწერილობა თანამედროვე ცოდნის მიხედვით შეესწორებინა; თორემ ესლა აღარავინ ამბობს „უჯრედები თეთრ-კანიან ადამიანებს მოყვითანო სითხით აქვთ აღვსილი,

ზანგებს-კი შავით. ამ სითხეს პიგმენტი ეწოდება.“ პიგმენტი სითხე კი არა, მაგარი ნივთიერებაა; იგი უჯრედებშია მოთავსებული. გასწორება უნდოდა კიდევ შემდეგ ადგილებს: „ჭორფლი პიგმენტის გაშავებით წარმოხდგებაო“, ამ უამად ამბობენ, რომ პიგმენტი მზის შუქის გავლენით კი არ შავდება, არამედ მატულობს. მზის ძლიერება პიგმენტის ღირსებისგან კი არა, მის რაოდენობისაგან არის დამოკიდებული, — პიგმენტი მატულობს და სიმავე. ჭორფლი იქიდაძ წარმოხდგება. აგრეთვე ხალი შეცვლილი პიგმენტი კი არა, არამედ ერთ ადგილს ბლომად მოვროვილი პიგმენტია. არც ალბინიზშია შეცვლილი პიგმენტი—არამედ პიგმენტის ნაკლებობაა. აი როგორია ამ უამად შეცნიერებაში პიგმენტებზე სწავლა. ყველა ამის გასწორება საჭირო იყო შენიშვნაში მაინც.

პიგმენტს ეძახიან საღებავ ნივთიერებას, რომელიც უმეტეს შემთხვევაში ხისხლის საღებავი ნივთიერებისაგან (გემოგლობინისაგან) წარმოხდგება და თვალთ უხილავი მარცვლებისაგან შესდგება. (მათი გაძინჯვა მიკროსკოპით შეიძლება). პიგმენტი ზოგი შავია, ზოგი ყვითელი, სბილენძის ფერი და სხვ. მისი ერთ ადგილს მოვროვება, ან გაფანტვა-შემცირება სხვა და სხვა ძიზეზის გამომ, გამოიწვევს ფერის გამოცვლას.

რუსულ *Кожя*'ს უდრის ქართული სიტყვა ტყავი და არა კანი, როგორც სთარგმნის ფანცხავა. ტყავი ორ კეცად განიყოფება: ერთი, რომელიც კარედან არის და თხელი და გამჭვირვალეა, არის, ეპიდერმისი (ასე ეძახის მცენიერება), მეორე—უფრო სქელი და ეპიდერმისის ქვეშ მოთავსებული—არის თვით ტყავი, საკუთრად ტყავი—დერმა. ეპიდერმისის გამოხატავად ემჯობინება ვიხმაროთ სიტყვა „კანი“, ხოლო *Кожя*'ს (ეპიდერმისიც და დერმაც ერთად) უფრო შეეფერება სიტყვა ტყავი.

საზოგადოთ, ფანცხავას თარგმანში ძლიერ კოჭლობენ ანატომიური ტერმინები.

მე-26 გვ. (მეორე წიგნი) *гортань* თარგმნილია „სასა“დ.; სასა ნიშნავს რუსულ *неби*'ს; ხოლო *гортань* *ყანყრატოს*.

მე-29 გვ. სწერია: „სამივე ძუძუ გულის ფიცარზე ჰქონდა“ო. *На груди*—თარგმნილია: „გულის ფიცარზედ“ უნდა იყავს—მკერდზედ. იმავე გვერდზედ *пахь* უთარგმნია ფერდათ; შეცდომაა, რადგან ქართველები *пахь*-ს საზარდულს უძახიან, მიუტყვებელი შეცდომაა.

მე-39 გვ., წინადადება: „у обоихъ (зародышей) желточная перепонка сферидальная, а послѣдъ дискоидальный“. ფან-

ცხავას უთარგმნია: ორსავე განსახულებას კვერცხის გულის გარსი **ჯერ** სფერის (ბურთია) მსგავსი აქვსთ, **მერმე-კი** დისკოსა“. **Послѣдъ**—გაუგია როგორც **послѣ** და უთარგმნია: **ჯერ... მერმე-კი**.

Послѣдъ—ბავშვის ამხანაგი, მძეყოლი.

იმავე გვერდზედ **грудная полость** ნათარგმნია—**გულ-გვერდი**. **გული**—**сердце**, **გვერდი**—**бокъ**, მამ გულ-გვერდი იქნება **сердце**—**бокъ**, რა უგავს ამას **грудная полость**ისა? როგორც ზეგითაც ვსთქვით **грудь** ქართულად მკერდია.

Позвоночникъ и позвонки—ნათარგმნია ერთი სიტყვით: „**ზურგის ძვალი**“. თუ ტერმინი „**ზურგის ძვალი**“ **позвоночникъ**ს გამოსატავს, **позвонки**ებს ადარ გამოადგება. **Позвоночникъ**ის გამოსახატავად გვაქვს სიტყვა—**ხერხემალი**; **позвонки**—**ხერხემლის ძვლები**. **Крестецъ**ის ნათარგმნია **კუდუსუნად**, ნამდვილად კი **крестецъ**—გავასა ჰქვიათ, ხოლო კუდუსუნი ნიშნავს **Кончикъ**ს. „**Семь шейныхъ позвонковъ**“ თარგმნილია—**„ვისრის შვიდი ხერხემალი“**. ზეგით—**позвонокъ**—**ზურგის ძვალი** იყვ, ეხლა ხერხემლად გადაიქცა.

მე-29 გვ. სწერთა: „**კუდის ნატამალი კუდუსუნს და წარმოადგენს**“. აქ **Кончикъ**. — კუდუსუნად არის თარგმნილი. მე-37 გვ. კი კუდუსუნად **Крестецъ**-ი უთარგმნია, ხოლო **Кончикъ**ის „**კუდის ნატამლად**“ როგორც ეტყობა, ფანცხავას ეს ტერმინები ვერ გამტურკვევია და არეგ დარევით ხმარობს.

უნდა ვსთარგმნოთ: **Крестецъ**—გავა; **Кончикъ**—კუდუსუნი.

მე-12 გვ. სწერთა: „**ხორბლების თესლით მკვებელი**“ და თარგმანია ერთი ტერმინისა: **зерноядная**. ხორბალი მხლოდ პურის მარცვალსა ჰქვიათ; სიმინდის, ქერის, ფეტვის და სხვ. მარცვალს—ხორბალს არ უძახიან. **Зерно**—ქართულად—**მარცვალი**, **зерноядная**—**მარცვლეულის მჭამელი**.

მე-14 და 21 გვ. **Ягодница**ს სათარგმნელად ნახმარია სიტყვა „**დვრილა (ძუძუს თავი)**“. აქ რაღაცა გაუგებობაა; უნდა ვიფიქროთ ეს კვრეკტურული შეცდომაა, თორემ საიღამ **ягодница**, საიღამ ძუძუს თავი; **ягодница** — ქართულად — **დუნდული**.

მე-21 გვ. „**Правая лямка и ягодица**“ თარგმნილია:

„**მარჯვენა იღლია და ძუძუს თავი (დვრილი)**“. **Лямка**ს ქართველები ბარძაყს ეძახიან და არა იღლიას. ესეთი მხვრილი შეცდომები არ ეპატიება ისეთ დაკვირვებულ მთარგმნელს, როგორც ბ. ფანცხავაა.

დასასრულ უნდა ვსთქვათ, რომ მიუხედავად ყველა ზემოთხსენებულ ჩამოთვლილ შეცდომებისა, თარგმანი საზოგადოთ მაინც ჩინებულა.

კოცე ელიოზიშვილი.

„ნაკადული“ — № 3 — 6, მცირე წლოვანთათვის და 2 — 3 — მოზრდილთათვის თებერვალი — მარტი 1908 წ.

ზემო აღნიშნული ნომრები ჩვეულებრივად საინტერესოდ არის შედგენილი. რაკი ცოტად თუ ბევრად დაწვრილებითი განხილვა ამ ნომრებში მოთავსებულ მასალისა შორს წაგვიყვანს, ამიტომ ზოგიერთ, ჩვენის აზრით, უფრო საყურადღებოდ მისალას შევგებოთ.

მესამე ნომერში, მცირე წლოვანთათვის, მოთავსებულია პატარა მოთხრობა ევდოშვილისა: „კურდღლაობა“. ავტორი მოუთხრობს მკითხველებს, პატარა მოსწავლის პირით, როგორ აუსრულა მეზობელმა ბერძემ იმას თხოვნა და წაიყვანა კურდღლებზედ სანადიროდ. ძალე წამოაგდო ძაღლმა კურდღელი, რომელმაც მოჭკურცხლა დასამალად, „მაგრამ იგრიალა თოფმა და კურდღელი გრიგალივით რამდენჯერმე გაატრიალდა თოვლში“. ბავშვი დაჭყურებს კურდღელს, რომელსაც „გვერდიდან სისხლი სდიოდა, თვალებს ხან ჰხუჭავდა, ხან ახელდა, *) თავს თოვლზედ ანარცხებდა, იხლავებოდა. ეძინებოდა საწყალს, რომ საშინელს ტანჯვაში იყო“. ბავშვი უცქერის ამ სურათს, ჰგრძნობს საბრალო უდანაშაულო მსხვერპლის ტანჯვას და თითონაც იტანჯება. „რად მღვუხპეთ სიცოცხლე ამ უბედურს? რას ვერჩოდით? დეე ამასაც ჩვენსავით ეხარნა თავის დედმამახთან, და მამასთან და ტოლ-ამხანაგთან... საწყალო. საწყალო. უმწეო კურდღელო! მე ჩემს სიცოცხლეში არ დამავიწყდება შენი უკანასკნელი შემოხედვაც“... ამბობს გულდასერილი ბავშვი: „გედაგოგიური მნიშვნელობა ესეთი მოთხრობებისა, რომელიც უბრალოდ, მარტივად არის დაწერილი, თავის თავად ცხადია და ნათლად სჩანს ბავშვის გულ-უბრყვი-

*) კურდღელს თვალის დახუჭვა არ შეუძლია, რადგანაც ქუთუთოები პატარა და მოკლე აქვს. ვერ ჰჭარავს თვალის კაკლებს, ამიტომ თვალნილუღი სძინავს. რედ.

ლო სიტყვებიდგან. თუ ეს ნატარა მოთხრობა იმავე გრძობებს აღსრავს პატარა მკითხველებში, რომელიც (რამიაც ჩვენ დარწმუნებული ვართ) მოამბე ბავშვის გულში იბადებოიან, სასიკდილოდ გამზადებულ კურდღლის ყურების დროს, მაშინ ავტორის მიზანი და, მაშასადამე, ქურჩალის დანიშნულება, მიღწეულად უნდა ჩავთვალოთ.

მეოთხე №-ში ყურადღებას იქცევს მშვენიერი მოთხრობა ქ. ცქვიტისა: „მურას ამბავი“. სცნოვრობდა ერთი ქვრივ-ოხერი, მოხუცე ული დედაკაცი, რომლის ავლადიდებას შეადგენდა ორი ძროხა. ამ ძროხებით ცხოვრობდა. იმათით ედგასული; რასაკვირველია, ისე უვლიდა მათ, როგორც შვილებს. ამ ქვეყნად მშველელი და მომხმარე არავინა ჰყავდა, გარდამურასი, რომელიც გონიერ ადამიანივით უვლიდა ძროხებს! მაგრამ ვიღაც თავზედ ხელ აღებულებმა მოინდომეს ქვრივ-ოხრის პირში სულის ამოხდა და ძროხების მოპარვა. რამდენჯერმე ზედი-ზედ დაეცნენ ქვრივის სახლს, მაგრამ ყოველთვის მურამ მთელი უბნის მცხოვრებლები ფეხზედ დააყენა და ძროხები დააყრვეინა. ქურდებმა განიმარხეს ძაღლის თავიდგან მომლორება და ამ მიზნით საჩამლაკი აჭამეს. შემდეგ ავტორი გადმოგვცემს, თუ როგორ იტანჯებოიან ორი ერთმანეთისთვის თავდადებული არსება: ბებერი დიდუდა და მურია. როცა კითხულამ ამ ადგილებს, გავიწყდება, რომ ავტორი ბირუტყვზედ მოგვითხრობს, გავიწყდებათ, რომ „თხულებოა“, ბებერთან ერთად თქვენც იტანჯებით; ნათლად გაქვთ არამც თუ წარმოდგენილი, არამედ თითქოსა ხედავთ ბებერსაც და იმის მურასაც, მათ დედა-შვილურ დამოკიდულებას. „მეც ისე მიყვარდა და ვაფასებდი, რომ, არ დაიჯერებ, ორივე ძროხა რომ ერთ დღეს დამხოცოდა. ისე არ ვინაღვლებდი. როგორც იმ ძაღლს“, ათავებს დიდუდა თავის მურას ამბავს, და მკითხველს ერთ წუთსაც არ ეპარება ამაში ეჭვი.

ნატარა ბავშვები სიამოვნებით წაიკითხავენ ამავე ნომერში მოთავსებულ თ. რაწიკაშვილის ხულხურ ზღაპარს კუჭის გაუმადრობის შესახებ. მესხეთე ნომერში მოთავსებულია თ. რაწიკაშვილისავე „ერთი ციყვის თავგადასავალი“. ძრიელ გასაკები, მარტივი და ცდცხალი ენით მოუთხრობს ბავშვებს ციყვის ცხოვრებას, მეტადრე მის ოინებს, თავგადასავალს. უკანასკნელ, მეექვსე ნომერში, მკითხველი, უეჭველია, ყურადღებას მიაქცევს ვაჟა-ფშაველას ლექსს: „ქორს“, და დ. გომეგელის „ნატარა ცელქებს“. ამ უკანასკნელის შესახებ უნდა შევნიშნოთ, რომ სურათი იმოდენად ცდცხლად არბს დაწერი-

ლი, რომ ბევრი პატარა მკითხველი თავის თავს დაინახავს დემ. გმრველის „პატარა ცელქებში“. რაც შეეხება ვაჟას ლექსს, უნდა შევნიშნოთ შემდეგი: ვისაც ხოფლად უცხოვრია, ის, უეჭველია, აღიარებს, რომ ვაჟას მიერი ქორის დახასიათება საუცხოვრა; ასევე ხელფუნურად არის დახასიათებული მამლაყინწაც, მოძავალი მამალი, იმედი ობლად დარჩენილ ქათმებისა. მხოლოდ ლექსის ბოლო არ შეეფერება დანარჩენ ნაწილს. ქორს ჯავრი სჭირს მამლისა, თვალს ადევნებს შორიდგან და დრღს ელის, ხელთ იგდოს იგი. ერთხელ, როდესაც მამლაყინწა თავმომწინედ იჯდა დობეზედ, ქორმა ჩამოუქროლა. ჩიორა შამბში გადუხტა. ქორმა თავი ვეღარ შეიკავა, მოქნეული ვეღარ მოიხდმა და ხარხედ დაეგღ. ერთი სიტყვით, ხერხმა აჯღბა დრღეს. ამის შემდეგ მამლაყინწა საჭყყნოდ გაჭყვივის: „გავიმარჯვეო“, და მქსობლის ქათმებისაგან ძოლოცვა მოხდის. შეიძლება იკითხოს მკითხველმა, აქ რაა შეუფერებელია. წარმიდგინეთ, ჩვენც ეგრე ვვგღნა, მაგრამ აი რა სთქვა ერთმა პატარა მკითხველმა: „ეგ სადაური გამარჯვებაა, ჩიორამ ხერხი იხმარაო. აბა არ დაძალუღიყოსო“. ჩემის აზრით, ბავშვი მართალია: აქ გამარჯვება არ არის, ის გამარჯვება, რომლის დანახვაც ბავშვს უნდა: დეე, მამალი და ქორი ერთმანეთს **პატიოსნად შეება**, დეე, ქორი, როგორც საზიზღარი არსება, სისხლის მსქელი მტერი, დამარცხებულ იყვას პატიოსან ბრძოლაშიო“, ამ რიგად აწროვებინებს ბავშვის გონებას ბავშვისავე მსიხოლღვია, მამლის ესეთი უნებლიე „ხერხით“ და გამარჯვება ბავშვისთვის სიმპატიური არ არის. ჩვენ შევეხეთ 3—6 ნომრებში მოთავსებულ ორიგინალურ მასალას. ამავე ნომრებში მოთავსებულია საკმაო ნათარგმნი მასალა; მათში, ჩვენის აზრით, ყველაზედ მეტი ინტერესით წაიკითხავენ ბავშვები „მუშა — სპილოღეს“ (№ 6). მცირე მკნიმზნა: კარგს იზამდნენ ჟურნალის ხელმძღვანელები, რომ მცირე წლოვანებს აწოდებდნენ ისეთ მასალას, რომელიც ერთ ნომერში თავდებოდდეს. ჩვენის აზრით, შთაბეჭდილების ძთლიანობისათვის ეს აუცილებელი საჭიროება.

უკვე გამოსულ „ნაკადულის“ თებერვლისა და მარტის ნომრებში მოწრდილთათვის ბლომად მოიპოვება საყურადღებო მასალა: არის ისეთი მოთხრობებიც, რომელნიც დაამშვენებდნენ დიდ სალიტერატურ ჟურნალს, ანუ სხვა გამოცემაზაც. ესეთია მოთხრობები თედღ რაზიკამგილის, ვაჟა-ფშაველასი და ქ. ცქვიტისა. ამ ჟამად ბ. ვაჟა-ფშაველას „სათაგურზედ“ არას ვიტყვით, რაკი ეს საინტერესო მოთხრობა ჯერ დამთავ-

რებული არ არის. მეორე ნომერი იწყება აკაკის იგავ-არაკით: „ყვავი და ბულბული“ აკაკის სახელი თავდება იმისა, რომ როგორც სხვა იმის იგავ-არაკებს „ყვავს და ბულბულსაც“ სიამოვნებით წაიკითხავენ ბავშვები. თ. რაზიკაშვილის პატარა მოთხრობას „რძლებს თინას და ფეფეს დილის ძილი უყვარდათ“ ინტერესით წაიკითხავს, როგორც ყრმა, ისე მოწიფული. ეურნალის ერთ გვერდზედ საუბნოვოდა აქვს დახატული ნიჭიერ მწერალს, თუ რა დიდი უღელი აწევს ოჯახში გლეხის ცოლს; ამასთანავე ნათლად ხჩანს, რამოდენად უმადურად ეკიდება მამაკაცი დედაკაცის გამუდმებულ შრომას; მაგრამ სჯობია, ეს ადგილი თუ სულ არა, შემოკლებით მოვიყვანო, თორემ, ჩემის აზრით მისი მარტო შინაარსის გადმოცემა ცოდვა იქნება: „რძლები ახალგაზდანი იყვნენ. ჯანით და ღონით სავსენი, ილაღებოდნენ კიდეც. ვერც დაიძინებდნენ. ვიდრე ყველა ოჯახში მყოფნი არ დაწვებოდა. მუდამ ჩიკროვით ფეხზედ უნდა ეტრიალნათ. ასეთი იყო ჩვეულება...“

— ძალი! წყალი დამალეინე! ეძახდა პატარა ბიჭი. ცდი-შიაც რომ ჰქონოდათ ხელი, მეტი ღონე არ იყო, უნდა ამდგარიყვნენ...

— ფეფე! — ბატონო! — წყალი შედგი, ჭურჭელია დასარეცხი, უძძანებდა დედამთილი.

— ფეფე! — ბატონო! — ემანდ დღა შესადღვები, ჩვენებიანთ სადღვებელი გამართვი...

ფეფე! ეძახდა მაზლი — ბძანე!... ძოდი გვერზედ დაუდექ...

— დედა! ღრიალებს პატარა ქალი, რომელიც აკვინთვის მოუყენებიათ... გიგლა ტირის, ძუძუ მოაწოვკე!

— ადამიანო, მოდი, კალთა მოსაქცევი, ნაბირი შემოსაგველი, უძძახის ქმარი... უცქერის მამამთილი, რომ იმისი რძლები აქაც არიან, იქაც, თითის ტარვით ფეხზედ ტრიალებენ, ძანინგ ასე იძახის: პატარძლებია, მაგრე უნდა, მამ როგორ იცნოვრენ!“ მკითხველი ჰგონებებს, რა შეუბრალებლად ეკიდებიან ოჯახის უფროსები ახალგაზდა რძლებს, მაგრამ საკვირველი ის არის, რომ ამ უფროსთადმი იმავე მკითხველს წინდო არ ებადება, პირიქით მოწიწებით ეკიდება მათ. რათ ზდება ეს? იმიტომ რომ, როგორც ნიჭიერი ავტორი სამართლიანად შენიშნავს, „მამამთილი მხნე, გამრჯელი, ალალი ლუკმის მჭამელია, როგორც მომეტებული ნაწილი ქართველი გლეხობისა. დამე ერთი პირი წაემინება, მერე წამოდგება; ჯერ ისეც დამეა. პირზედ წყალს შეისხამს, პირჯვარს გადიწერს... არე მარეს დაათვალიერებს: საბძელს, კალცს, მნას, ბაკს, ბოხელს, სა-

თებასა ნახავს, მაგრამ, სამწუხაროდ, ბ. კარიჭაშვილი ყოველივე ამას ძრვიელ ნაკლებ ყურადღებას აქცევს და ვრცლად მღუთხრობს მკითხველს, თუ როგორმა შედეგმა, ან დიდებულმა რომელ წელიწადს მოხატა მეორე შედეგს, ან დიდებულს ცოლი, როდის და რანაირად და ვის შემწევობით დაიბრუნა ქმარმა ცოლი და სხვ. ბევრი ამნაირი. ჩვენის აზრით დროა, მიგატოვოთ ესეთი ისტორიის წერა.

ბოპულიარულად მღოთხრობა და განცობა ბავშვებისათვის იმისა, თუ როგორ წარმოიძობა დედაძინაზედ ცხოვრება აუცილებელ საჭიროებას შეადგენს. ამ მხრივ, ცოტად თუ ბევრად, აკმაყოფილებს მკითხველს ს. ქურდიანის ბატონიკური წერილები და ძრავლად დასურათებული მეცნიერული ცნობები სამყაროს და დედაძინის კაჩინის შესახებ. უკანახკნელი, მესამე ნომერი „ნაკადულისა“ იწყება თ. რაჭიკაშვილის ლექსით: „სანამ ძველს სძინავს, ბატკანო“. ლექსი, როგორც მოხალოდნელია, შინაარსიანია. მხოლოდ პირველი ტაქების შინაარსი გვაკვირვებს. ავტორი ამბობს:

„სანამ ძველს სძინავს, ბატკანო,

„საძილედ არა გცალიან!

„შენც, მწყემსო, ცხვრისა ფარახედ

„ფხიზლად გეკვიროს თვალია“

ჩვენის აზრით, როგორც ბატკანს. ისე მეცხვარეს, მხოლოდ მაშინ შეუძლია დაიძინოს, როცა ძველსა სძინავს. შეიძლება ავტორს უნდოდა ეთქვა, რომ ძველი იმდენად ვერაგია, როცა სძინავს, **მაშინაც კი** არ ჰმართებს ბატკანსა და მწყემსს ძილი, მაგრამ ეს ლექსში არსადა ჩანს. თ. რაჭიკაშვილის ლექსს მოჰყვება ე. გაბაშვილის მღოთხრობა: „მდარვეანგელდნი“. ქალაქში მცხოვრებს ყველაფრით კმაყოფილს, მსუქანს, მამდარს, მაგრამ ნერვებ ამლილს ბატარა ნუსას ექიმმა ურჩია ზაფხული სადმე მივარდნილ მიყრუებულ სოფელში გაეტარებინა ნერვების მოხარჩენ—დასახვეებლად. ამიტომ დედას იგი მიჰყავს სოფ. ასკილიანში, ბავშვი მეტად ცნობის მოყვარება, ყოველისფერს უკვირდება, ყოველისფერს სინჯავს, ნახულბს, ცოტა ხანში მთელი სოფელი შემოიარა, ყველა ოჯახები მოიარა. ბავშვის ნორჩ გონებას აოცებს ის აუტანელი ზღაპრული სიღარიბე, რომელიც ირგვლივ სუფევს. კონტრასტი მათ და სოფელელთა ცხოვრებაში მეტად შესამჩნევია ბატარა ნუსასთვისაც კი. ბავშვი ამის შემდეგ ხდება შუამავლად სოფელელთა ღარიბ ოჯახთა და მდიდარ დედის შუა. ბავშვის თხრობით და ხვეწნით დედა შემწევობას აძლევს ბევრ ღარიბს. ერთ

ოჯახს კი, სადაც ბებერი ქმარი ბრძაა, ცოლი დიდხნის ავად-მყოფი ლოვინად ჩავარდნილა და წყლის მიმწოდებელიც კი არავინა ჰყავთ, პირდაპირ შიმშილით სიკვდილისაგან იხსნიან დედა-შვილი. ესეთი გულგეთილობისათვის სოფლები პატარუნებსა „მთარველ ანგელაზს“ უწოდებენ. თემა, როგორცა ხედავთ, არ ახალია, ძველია, დაწერილიც. ცოტა არ იყოს, შაბლონურადაა, მაგრამ მიუხედავად ამისა, ამ და ამგვარ მღთსობებს საყმაწვილ ეურნალში საკმალ მნიშვნელობა აქვთ, ვინაიდან, როგორც „განათლებლის“ მეორე ნომერში შევნიშნეთ, ბავშვი უნდა იცნობდეს გლეხკაცობის ყოფა ცხოვრებას, მის დარდასა და ვარამს, უნდა იცოდეს, რომ „ბულკები“ პირდაპირ საკანდიტეროებში არა კეთდება და მასალას სწორედ ის დარბი-ლატაკი, მშიერ მწყურვალი გლეხობა იძლევა.

ბიბლიოგრაფიული შენიშვნა, ჩვენდა უნებურად კავკივობდა, ამიტომ მეორე და შესამე ნომერებში მოთავსებულ ისეთ ნაწარმებთან, როგორც არის, მაგალ., ბ. ი. მაჭავარიანის მიერ საუბკეთესო ერთ ნათარგმნი „ჭაბუკი მეფის სიზმარს“ ვედარ შეგვსებით და ჩვენს შენიშვნას ქ. ცქვიტის საუცხოვლო „პირველი ენძელათი“ დავამთავრებთ. „პირველი ენძელა“ პატარა მღთსობაა, ისე პატარა, ვით თვით ახლად ამოხული პირველი ენძელა, იმასავით ნაზი, ხურნელოვანი, მოიმედე, გულის ჭირის გადამყრელი. „პირველ ენძელაში“ ქ. ცქვიტმა ხავსებით დავგანახა თავისი ნორჩი, მაგრამ საკმალ ძრიელი ნიჭი, და, როგორც მისმა პირველმა ენძელამ იმედი დაჰბადა ჩვენში, რომ ქ. ცქვიტი თავის ნიჭს ისეთისავე სიყვარულით, და გრძობით, მოეკიდება, როგორც ის მოეკიდა გაზაფხულის წინამორბედ „პირველ ენძელას“. მაგრამ დავუბრუნდეთ თვით „პირველ ენძელას“. სასტიკ ყინვასთან ერთად სიმშვილისაგან დასუსტებული, ძვალ-ტყავად ქცეული სოფლები გარეთ გამოხულან და მზის სითბოზედ იმუშებიან. პატარა ნატაც ჭალიდან მოდის ორივე ხელით ჩინჩხვარ დაბლუჯული.

— ოხ დმერთო! ჩემო, რა კარგია, რა თბილა!... შენ გენაცვალე, მზეო! ეგრე გვინათე, ნუღარ დავგვემალემა, შენი ხანელის ჭირიმე! დახე რა შეუძლია, რა თბილა! მზის სითბოებით მოხიბლულ ნატას უნდა იქვე, მზის გულზედ დაგორება და დამინება, მაგრამ უნებ მოავინდებო, რომ მამა წახულა ეგებ ორი მუჭა ფქვილი სადმე ემოვნა, თანაც ნატას მუცელს სიმშვილით ყუყუნი გააქვს. მარტო იმის მოფიქრებაც კი რომ მამამ, შეიძლება, ვერსად იმოვინოს ფქვილი, შიმის ყრუანტელსა ჰგვრის ნატას; რამდენიმე ხანი ნატა უძრავად

დგას, ჩინჩვარს გულში ისე მაგრად იკრავს, თითქმის შველასა და ხსნას დამშეული მისგან ელოდეს.

ამ დროს სიომ დაჰბუნა და ნატა გამოარკვია.

— უჰ, შენი ჭირიშე მშობელღ, რა სიოა, რა თბილა, ნამდვილ გაწათხულს არა ჰგავს! ნატას ყურადღებას ნაგნობი კვრინჩნის ბუჩქი მიიქცევს. ამ დროს ნატა უნებლიედ შენიშნავს კვრინჩნის ძირში... ენძელას. ჩინჩვარს დაჰყრის და ენძელი-საკენ გაექანება.

— უი, ჩემო მშვენიერო, კიდევ ამომძვრალხარ; გაწათხული მოდის, განა? მიუაღერსა სრიოკ ალაგზედ გულ გადაშლილ ობოლ ენძელას და მის წინ მუხლ მოხრილმა **ნაზად ტუჩი შეახო**. ენძელას ძირი გემრიელი აქვს; ნატას ხომ ძალანა ჰქვია. მადლობა დმერთსა, ბატარა ბავშვი ცოტათი მაინც მოიკლავს შიმშილს, მით უმეტეს, რომ ვინ იცის, იქნებ მამამ ვერც კი იმოგნოს ფქვილი. საბრალო, ნორჩი ენძელა! ჯერ ვერც კი დამტკბარა მზის სინათლით, მისი მაცოცხლებელი თბილი სხივებით და წუთისოფელს ასალმებენ. განა იმისი ბრალია, რომ ნატას ჰქვია. ამის შემდეგ სასწაული ხდება. მაგრამ ყური დავუგდოთ ისევ ნატას, ის ჩვენზედ უკედ ლაპარაკობს:

— უი და, და, და. რა ლამაზი ხარ! ბარემ ძირიც გემრიელი გაქვს... **მაგრამ განა ხელს გახლებს!** შენ შემდეგ ხომ, ჩემო იმედო, ძალე იაც გამოანათებს, მას მოჰყვება ძაღლ-ნიღრა ფამფარა, შემდეგ ღობეებში ჭინჭარი ამოიშლება, რბილ ალაგზედ ბაღბა და ნაგარ-ქათამა გადიფურჩქნება. **ნამღვილი გაწათხული იქნება და მაშინ ჩვენც არა გვიშავს რა...** დმერთო ძლიერო! მამ ძალე იქნება ის დრო!... მზეღ, შენ გენაცვალე, ეგრე ანათე, რომ ყველა ესე დაათბო და ააყვავო, რომ ჩვენი მსხნელი გაწათხული მოვიდეს და მერე კი არა გვიშავსრა! მიჰმართა ჩასახვლელად გადანრილ მზეს, ენძელას კიდევ აკოცა და უთხრა. — მშვიდობით, გენაცვალე! რა კარგია, რომ დაგინახე; აწლა კი ვიცი, რომ გაწათხული მოდის და თან ღხენასა და შვებას მოეზიდება, მშვიდობით!... მჲ კიდევ გნაზავ, ყოველ დღე ამოვირბენ და დაგათვალიერებ. მშვიდობით! ჩვენ არ ვემშვიდობებით ქ. ცქვიტს. გვრწამს, რომ იგი ცნობილ მოწახავით არ ჩაფლავს მიწაში თავის უტყუარ ნიჭს და შესაფერად განავითარებს მას, რისთვისაც საჭიროა: **კითხვა, შრომა და განვითარება.**

Н. Маррѣ. Основныя таблицы къ грамматикѣ древне-грузинскаго языка съ предварительнымъ сообщеніемъ о родствѣ грузинскаго языка съ семитическими. С.-Петербургъ. 1908. (6. მარტი. ძირველი ტაბულები ძველ ქართლის ენის გრამატიკისათვის წინასწარის უწყებითურთ ქართლის ენის სემიტურს ენებთან ნათესავობის შესახებ. ს.-პეტერბურგი. 1908).

დიდი ხანია ვიცით, რომ ბატონი მარი ამზადებს ქართულს გრამატიკას და არკვევს ქართლის ენის ნათესავობას სემიტურს ენებთან. ეს ამბავი ფრიად სასაიმღვინდ იყო ყველასთვის, ვისაც აინტერესებს ქართული და ყველა მონატრული იყო, რომ მალე გამოქვეყნებულიყო ბატივცემულის ძეგნიერის შრომა. დღეს ცოტადდენად დაკმაყოფილებულია ჩვენი ნატურა ზემოდ აღნიშნულის წიგნის გამოცემით, რომელიც შეიცავს მხოლოდ საგრამატიკო ტაბულებს და წინასწარს უწყებას ქართლის ენის სემიტურს ენებთან ნათესავობის შესახებ.

როგორც ტაბულებითგან ჩანს, ბ-ნს მარს სრულეშ თავისებურად აქვს გარკვეული ქართული გრამატიკა, უმთავრესად იბყრბებს ყურადღებას ზმნების გარკვევა. ქართულს ზმნებში ბ-ნი მარი ჰბოვებს ოთხს მდგმას და ორნაირს აგებულობას: **სუბიექტურს** და **ობიექტურს**. ორისავე აგებულობის ზმნებს აქვთ ორნაირი ფორმა: **აბსოლუტა** და **დამოკიდებული**. ორისავე აგებულობის ზმნები იქნებიან ორის გვარისანი: **მოქმედებითი** და **ვნებითი**. ყოველის აგებულობის და გვარის ზმნა ეკუთვნის რამელსამე კლასს, რამელთა რიცხვია ხუთია, და რამელსამე მიმართას. მიმდრნანი არიან: **პირველი პირითადი (ე)**, **პირველი პარადიკტი (ე)** **მეორე (ა)** და **მესამე (ი)**. ზმნების დრწნი იყოფიან სამს გგუფად. პირველისანი არიან: 1, **აწმყო**, 2 **წარსული შეუსრულებელი პირველი** და 3, **წარსული შეუსრულებული მეორე (ნაცრითი)**. მეორე გგუფისანი არიან; 1, **აორისცა** და 2, **თანკიდებითი**. მესამე გგუფისანი არიან 1, **წარსული შესრულებული (მდაბიური და მწიგნობრული)** 2, **წინად შესრულებული** და, 3, **წარსული თანკიდებით**, დამკვიდებულს ფდრმებს აქვთ სამი მიმართა: 1, **გამორკვეველი**, 2, **ნათესაობითი** და 3, **მიცემითი**.

ბ-ნის მარის აწრით, ქართლის ენის ნათესავობა სემიტურს ენებთან არის მდრეული და არა პირდბირი. ქართული ენა ეკუთვნის **იაშეყურის** ენების **სტოს**. ხდლდ იადრტური ენები და სემიტური ენები **ნოეყურის** ენების **სეს** (ანუ **ოკასს**) შეადგენენ. იადრტურს ენებზე მდლაპარაკე ხალხთ ძველის-ძველად

უცხოვრობათ წინა აზიის ჩრდილოეთს მხარეზე, სემიტების შეზობლად. იაფეტელთაგან დღეს ცოცხალნი არიან მხოლოდ **ქართველები**, დანარჩენი ხალხები კი გამქრალან არიელთა შექმნის შემდეგ. იაფეტური შტო შეიცავს ცოცხალს ენებს: **ქართულს**, **აზერულს** (მეგრულს და ჭანურს) და **სვანურს**, და მკვდარს ენებს, რომელნიც შენახულან უძველესს წარწერებში (მაგალ **ვანურსა** **ელამურსა** და სხვებში). ამას გარდა იაფეტურის ენის გვალი მოჩანს ასლანდელს სომხურს ენაში, რომელშიაც მრავლად მოიბოვება, როგორც იაფეტური სიტყვის-ძირები, ისე გრამატიკული ფორმები.

ბ-ნს მარს შეუკრებია ქართულს ენაში ათასამდე სიტყვის-ძირი, რომელნიც ენათესავებიან სემიტურს სიტყვის-ძირებს, და გამოღურკვევია ფონეტიკური კანონები ხმათა ცვლილებისა იაფეტურს ენებში სემიტურს ენებთან შედარებით. სიტყვის-ძირთა მსგავსების გარდა ქართულის ენის ნათესავობა სემიტურს ენებთან მტკიცდება გრამატიკულის მსგავსებითაც. ასეთი მსგავსება ბ-ნს მარს დაწვრილებით ექნება დასაბუთებული თავის გრამატიკაში, რომელიც, სამწუხაროდ, არ დაუბეჭდია აქამდის.

უეჭველია ბ-ნის მარის ახალს შრომას დიდის ინტერესით შეეკებებიან ევროპაში და იქაური მეცნიერები უფრო მეტის ხალისით შეუდგებიან ქართულის ენის შესწავლას, როდესაც დაინახავენ, რომ იგი ყოფილა მონათესავე სემიტურის ენებისა და ერთად-ერთი ცოცხალი წარმომადგენელი გამქრალის ენათა შტოცხი.

დ. კარიჭაშვილი.

„ჯეჯილი“ 1908 წელი № 1.

ეს ჟურნალი, როგორც მკითხველებს მოეხსენება, ორის განყოფილებისაგან შესდგება. პატარეების განყოფილებაში ორიგინალურ ნაწარმოებთაგან მოთავსებულია ერთი ლექსი თ. რაზიკაშვილისა „მურა და ეფრე“, ერთი ამბავი „პატარა ლირსა“ ფ—სი და ერთიც პატარა წერილი „დადუბული ქალაქები“ ალ. ფაღავასი. დანარჩენი პატარ-პატარა მოთხრობები და ამბები: „თავის გამჭრიახობა“, „მოწითალო ძაღლი“, „ჩემს სიტყვას ვერ გავტყვ“ და „ამბები ზოლოდვიურ ბაღში მცხოვრებლებისა“ ყველა ნათარგმნია, ზოგი რუსულიდან და ზოგიც ფრანგულის ენიდან. თ. რაზიკაშვილს საზოგადოთ საყმაწვილო ლიტერატურაში ერთი თვალსაჩინო ადგილთაგანი უჭირავს. მას, როგორც ლექსების, — ისე მოთხრობების წერაც ძრვიელ ეხერხება და თითქმის ყველა მისი ნაწერები ხელღვნებით შემკულია და თან შინაარსიანიც, სამწუხაროდ, ლექსი: „მურა და ეფრე“ ვერც შინაარსით და ვერც ხელღვნურის ლექსთა წყობით ვერ ჩაითვლება ისეთ ნაწარმოებად, რომელიც კი პატარა მკითხველის სულსა და გულს ხვდებოდეს.

პატარა ეფრე მურას აჯავრებს, ჯღხს სცემს. დედა უშლის „ეფრეს არიგებს, მურას ჯღხს ნუ სცემო, მაგრამ ეფრე თავი-

სას არ იშლის. გაჯავრებული მურა წამოხტება ვბილებს ვაწა კუწით და ედრეს „ქვა ასრდლინა კუდითა“.

ეს სულ უბრალო შინაარსი რომ ხელღვნურად მაინც კარგად გაელექსა ავტორს, კიდევ არა უშავდა, მაგრამ რაღაც ლექსიც ვი თ. რაწიკაშვილისებური არ არის. მაგალითად,

„მურიამა სთქვა: მოთმენას

თავისი სამძღვარი უძეო (?)

მეყო რაც ჯღხები მხხვლიტე

ან მებღაუჭე კუდზეო.“

ეს „უძეო“ რას ნიშნავს ან რატომ არის ასე მოუხემაკად ჩართული ლექსში ძნელი გამოსაგნობია.

„პატარა ლირსა“ ფ—სა ორგინალი ამბავია. ალექსანდრე ჩაუთამის ოჯახობა საზაფხულლოთ თავის ოჯახში სოფლათ ბრუნდებო თავისი სამი შვილით. სოფლის ბავშვები თავს იყრიან საღამოობით ჩაუთამის ეზოში და ამ უკანასკნელის ბავშვებთან ერთობიან. ბავშვები შეიკრიბენ მარიამობის წინა ღამეს, გამართეს ჩვეულებრივად ბაახი და სჯა, და შემდეგ გადაწყვიტეს: მეორე დღეს ერთად ეკვლეხიაში წახულიყვნენ. მართლაც, მეორე დილას, როცა ბავშვები შეიკრიბნენ ეკვლეხიაში წახსხვლეად, ჩაუთამის პატარა ლირსამ შენიშნა, რომ პატარა სოფლის ვოვლხ ჩატიახ დაფლეითლი ჩუსტები ეგვა. პატარა ლირსას მგრძნობიარე გულზედ ისე იმოქმედა ჩატიახ დაფლეითლიმა ჩუსტებმა, რომ იგი დაუყონებლივ გაჭქანდა სახლში, მოხმებნა დედის ახალი ფეხთსაგმელები და ჩატიახშესთავაზა. დედაც თანახმა გაუხდა პატარა ლირსას. ჩატია, ახალს ფეხთსაგმელებში, სხვა ბავშვებთან ერთათ, მხიარულათ გაემართა ეკვლეხისისაკენ. აი მთელი შინაარსი ამ პატარა ამბავისა. თუმცა ამბავი ორგინალურია, თუმცა ავტორი ძეგათ სცდილობს, რომ ხელღვნურათ მოგვითხროდს ეს ამბავი, მაგრამ ამ ამბავს მაინც ნაკლებათ ატყვია ხელღვნური ნიჭის კვალი. ავტორი, ჩვენის აწრით, ნაკლებათ იგნობს ბავშვებს პსინოლოგიას და სწორეთ კიდევაც ამიტომ აიხსნება მის მოთხრობილს პატარა ამბავში, რომ თვითონ ავტორი მსჯელობს პატარა ბავშვების პირით. მთელი შინაარსი ბავშვების სჯა ბაახისა მარიამობის წინა ღამეს გეოგრაფიულსა და ასტრონომიულს საკითხების შესახებ პირდაპირი ავტორის გონების ნაყოფია და არა თვით პატარა ბავშვებისა.

სხვა რომ არ იყოლრა, რეწიკვლ ლექსიკონში: „ეგ თქმულობა სულ ტყულია ვიორგი!“ რაღაც გაუგებარია და არა ბავშურია. ვიორგი მთვარის შესახებ მსჯელობს და მსჯელობს რაღაც განყენებულად, თითქო ფილოზოფიურად და რეწიკვლ, ყველა ამ ფილოზოფიის მოხმენის შემდეგ, ვიორგის უბასუხებს: „ეს თქმულობა სულ ტყულია!“ განა რეწიკვლ განვითარებას, მის ლექსიკონს შეეფერება: „ეს თქმულობა სულ ტყულია!“ ეს დასკვნა და ესეთი ლექსიკონი ავტორის გონების ნაყოფია და მისივე ლექსიკონია. მთელი ამბავის პირველი ნახევარი სრულიად ტენდენციური ამბავია, ავტორის გონების ნაყოფი და ბავშვების პსინოლოგიასთან ძრიელ მგირედ არის დაკავშირებული.

რაიგა შეეხება ამბავის მეორე ნაწილს, სადა პატარა ლირსა და ფუსტულებს ჩატიას დაფლეთილი წადების გამონაცვლელად, ეს კი ბუნებრივია და მართლაც შეესაბამება ბავშვის სწორსა და ნამდვილს პსიხოლოგიას.

ამნაირად ავტორი ძრიელ კარგად შეასრულებდა ამ ამბის დასურათებას, რომ პირველი ნაწილი შეემდგომებია და ნაკლები ადგილი დაეთმო თავის საკუთარის მსჯელობისათვის.

რაიგა შეეხება დანარჩენს პატარ პატარა ძღობებებს, ყველანი შინაარსიანია, მხოლოდ საყმაწვილო ენით არ არის დაწერილი და თანაც მრავალი კორექტურული შეცდომა არის. ესეთი შეცდომები თითქმის ყველა გვერდზედ მრავლად მოიძებნება.

ეურნალის ძღობების განყოფილებაზე მასალის ძრით ხუსტათ უნდა ჩაითვალოს, რადგან თითქმის არც ერთს წერილს არ აქვს დამთავრებული ხასიათი თუ მხედველობაში არ მივიდებთ „ძღობის ნაამბობს“ ან. წერეთლისას და ქ-ნ ეკ. გამაშვილის პატარა ლეგენდას „ელის-ქალი“. ეს პატარა ლეგენდა მართლაც ხელფხურად არის დაწერილი და ღრმა მათაბეჭდილებას სტოვებს მკითხველზედ.

ბ-ნ ივ. გომართელის: „საფრანგეთის სახელმწიფო და საზოგადოებრივი წყობილება“ მხოლოდ ამ ნომერში იწყება და როგორ დაგვიხატავს ავტორი ამ წესწყობილებას, ამას მოძვეალი ნომრები დაგვანახებს, როცა ავტორი მთლათ დაამთავრებს თავის წერილს. ვიტყვი აქ მხოლოდ, რომ ავტორს ძრიელ კარგი საგანი აუღია და ჩვენ მოზარდთაობისათვის ამ საგნის კარგვეთა მეტათ სასარგებლო და საგულისხმიერო იქნება. ელ. წერეთლის „უბულო ბავშვი“ გაგრძელება წარსულ წელში მოთავსებულ თავებისა და ამიტომ «ჯეჯილის» ახლის ხელთმომწერ მკითხველთათვის უმნიშვნელო მასალათ უნდა ჩაითვალოს. ერნესტ ლავისის ისტორია ფრანგულიდან ნათარგმნი ალ. სარაჯიშვილის მიერ მეტათ დიდ სარგებლობას მოუტანდა „ჯეჯილის“ ძღობილ მკითხველებს, რომ რედაქცია ასე ჩაის კვებით არ აწვდიდეს მკითხველებს. ამ განყოფილებაში მოთავსებული არის მხოლოდ ერთი გვერდი მასალისა შეერთებული შტატების დაარსების შესახებ.

ეურნალს ბოლოში ჩართული აქვს ბუნების ლექსიკონი ბრემიდან, შედგენილი ილია ალხაწიშვილის მიერ და სჩანს რედაქციას განზრახვა აქვს ნაწილ-ნაწილად მიაწოდოს მკითხველებს ცნობები „ამ ლექსიკონიდან“. ჩვენ გვგონია, რომ რედაქცია უფრო კარგად მოიქცევოდა, მთელი ეს ლექსიკონი ერთ წიგნათ გამოეცა და წლის ბოლოს მიეწოდებინა თავის მკითხველებისათვის. ამ შემთხვევაში მასალის მთლიანობა დაცულ იქნებოდა და მკითხველებს უფრო სერიოზულად გადაიკითხავდა მთელს მასალას, ვიდრე ეს, როცა მთელი მასალა დასაქსული იქნება მთელი წლის ეურნალის ნომრებში.

საზოგადოთ ეურნალს ნაკლებად ეტყობა წარმატება ტენიკურის ძრითაც და სახურველია, რომ რედაქციამ უფრო მეტი ყურადღება მიაქციოს ამ მხარესაც.

წერილი გურიიდან

განმანთავისუფლებელმა მოძრაობამ წყურვილი სწავლა განათლებისადმი ხალხში ერთი ორათ გაზარდა.

ხალხი თან და თან რწმუნდება, რომ ერთად ერთი სახსარი, ხსნა ეხლანდელი აუტანელ პირობებიდგან—ეს არის შეგნება, განვითარება, სწავლა, ხალხი მიხვდა, რომ „სწავლა არის ძალა, დიდი ძალა.“

ამით აიხსნება ისა, რომ მიუხედავად კრიზისებისა, ათას ნაირ გაკირებისა, რომელნიც მძიმე უღლათ აწვება კისერზე და უკიდერეს მატერიალურ მდგომარეობაში აყენებს ჩვენს ხალხს, მოსწავლეთა რიცხვი ერთი ორათ იზრდება სკოლებში, მშვიერი ხალხი უკანასკნელს ლუკმას იკლებს, რომ თავის შვილებს ანაბანა მაინც ასწავლონ. ეს იმდენათ თვალსაჩინოა ყველასათვის, რომ იმისი მტკიცება სტატისტიკური ცნობით ზედმეტია.

რამდენადაც სასიხარულოა ხალხის ასეთი გამოფხიზლება და მისი მისწრაფება სწავლისადმი, იმდენად სამწუხაროა პირველ დაწყებითი სწავლის დაყენების საქმე ჩვენს სკოლებში.

ყველა დარწმუნებულია, რომ სასწავლებელი უნდა იყოს „ტაძარი სწავლა განათლებისა,“ ის უნდა მიდიოდეს ხელი-ხელ ჩაკიდებული ცხოვრებასთან, უნდა აძლევდეს პასუხს ცხოვრების მიერ წამოყენებულ საკითხებს—ერთი სიტყვით, სკოლა უნდა ასწავლიდეს მოსწავლეს ცხოვრებას, მის კანონებს და მას, რაც საჭიროა ამ ცხოვრებაში, ის უნდა ზრდიდეს ცოდნით აღჭურვილს ნამდვილ მოქალაქეს.

მაგრამ სამწუხაროდ სრულიად სხვა სურათს წარმოადგენს ეხლანდელი სკოლები საერთოთ რუსეთის იმპერიაში და განსაკუთრებით ჩვენში.

ყველა გრძნობს, რომ სკოლა ვერ ასრულებს თავის დანიშნულებას და იმ იმედებს, რომელსაც მასზედ ამყარებს საზოგადოება, ის ვერ აძლევს მოსწავლეთ იმ ცოდნას, იმ იარაღს, რომელითაც უნდა გაიკაფონ მათ მომავალში ცხოვრების ეკლიანი გზა; სკოლაში ტრიალებს არა განმანათლებელ-განმავითარებელი, არამედ დამჩლუნგებელი გონების მომშხამველი ატმოსფერა.

ცხოვრება თავ-ბრუს დამხვევის სისწრაფით მიეჩანება წინ, ყოველი ძველი ადგილს უთმობს ახალს, ამ საერთო კანონზე, ამ ევოლიუციონურ მოძრაობაზედ ყურსაც არ იბერტყს სკოლა, პირიქით ის უკან უკან იხევს.

ვინ უნდა იგრძნოს პირველად ეს სამწუხარო მოვლენა სკოლაში თუ არა მასწავლებელმა, ჩვენ ვგრძნობთ ეხლანდელი სკოლის სიდუხჭირეს, მის უკუღმართობა მანებლობას, ვგრძნობთ რომ სკოლა ჩამორჩა ცხოვრებას, დაჰკარგა მან თავისი ელფერი და სულსა დაფავს ბიუროკრატიულ ბრჭყალებში; საჭიროდ, აუცილებლივ საჭიროდ მიგვაჩნია ეს ანორმალური მოვლენა პირველ დაწყებით სკოლებში მოისპოს, და საქმე მოეწყოს იმ ნაირად, როგორც ამას მოითხოვს ცხოვრება და სკოლის პირდაპირი დანიშნულება. ეს დიდი, გრანდიოზული შრომაა, რომლისთვის საჭიროა ბევრი მუშაობა, დიდი პედაგოგიური ცოდნა და გამოცდილება. პირველ დაწყებითი სკოლის მასწავლებლები, თუ მივიღებთ ყურადღებაში ერთის მხრივ უმრავლესობის გონებრივ ავლა დიდებას, მეორეს მხრივ არსებულ პოლიტიკურ პირობებს, მოკლებულნი არიან ყოველს საშვალებას, რომ მეტად საყურადღებო და ფრიად მნიშვნელოვან საქმე რაციონალურად მოაწყონ.

ამ მდგომარეობიდან გამოსავლელად მასწავლებელთა ერთი ჯგუფი მიჰმართავს ჟურნალ „განათლების“ რედაქციას და საერთოთ ჩვენის ქვეყნის პედაგოგიურ ძალებს შეძლებისა და გვარი დახმარება აღმოუჩინოთ ამ მეტად საყურადღებო და სიმპატიურ საქმეში. დარწმუნებული ვართ, რომ ჩვენი ხალხის გულ შემატკივარნი მხურვალე მონაწილებას მიიღებენ, რათა შეერთებულის ძალით შემუშავებულ იქმნას საერთო

სამოსწავლო პროგრამმა სოფლის სასწავლებლისათვის, დამ-
ყარებული საღს პედაგოგიურს საფუძველზედ.

იმედი გვაქვს ხმა ჩვენი არ დარჩება „ხმად მლაღადებე-
ლისა უდაბნოსა შინა.“ *)

გურიის მასწავლებელთა ერთი ჯგუფი.



ქუთაისი. 4 აპრილს მოხდა ქუთაისში სახალხო მასწავ-
ლებელთა კრება; კრებას თავჯდომარეობდა პირველი საქა-
ლაქო სასწავლებლის ინსპექტორი სტ. გაგუა, დაესწრნენ ორ
კლასიანი სოფლის სკოლის მასწავლებლები, ქვიტირის, საყუ-
ლიის, ოფშქვითის; ქუთაისის დასაწყისის სკოლების მასწავლე-
ბლები გადამწყვეტი ხმით და რამდენიმე მასწავლებელი საქა-
ლაქო სკოლებისა სათათბირო ხმით. კრების გახსნის წინ სა-
ხალხო სკოლების ინსპექტორმა სუდაკოვმა გააცნო კრებას
მოკლე ისტორია საბოქაულო კრებების გამართვისა და წინა-
დადება მისცა კრებას მოესმინათ მზრუნველის ცირკულიარუ-
ლი წინადადება 1907 წლის 13 სექტემბიდან № 16,278 სა-
მინისტრო ორ კლასიანი სკოლებისათვის პროგრამების შედ-
გენის შესახებ, რაც სისრულეში იქმნა მოყვანილი. ამის შე-
მდეგ სუდაკოვმა უსურვა კრებას წარმატებით მუშაობა და თა-
ვი დაანება კრებას. სუდაკოვის კრებიდან წასვლის შემდეგ
თავჯდომარემ წინადადება მისცა კრებას როგორ სურს მას
შეუდგეს მუშაობას. მცირე კამათის შემდეგ კრებამ შეუძლოთ

*) „განათლების“ რედაქციას თავის მოვალეობად მიაჩნია ანგარიში გაუ-
წიოს სწავლების საქმის წესიერად, პედაგოგიურად მოწყობას ჩვენში. ეს ერ-
თი მთავარ მიზანთაგანია ჩვენი ჟურნალისა, რომელსაც, სამწუხაროდ, ჯერ არ
აქვს სასურველი გასავალი თვით მასწავლებელთა შორისაც. თუ გარემოებამ ხე-
ლი შეგვიწყო და ჟურნალის გამოცემა უსახსრობის გამო არ შეჩერდა, „განათლე-
ბის“ ფურცლები ყოფელთთვის მზად იქნება დახმარება გაუწიოს მასწავლებლე-
ბს და საზოგადოებას ჩვენში სწავლა აღზრდის და საზოგადოთ ხალხის გან-
ათლების სასურველ ნიადაგზე დამყარებისა და წარმართვის საქმეში.

რედ.

დაინახა დღევანდელის პირობებში და იმ წესით, რასაც მას ხსნა ხედნენ წინ დაეწყათ მუშაობა, რადგანაც ამ სერიოზულ და საჭირო საგნისათვის, როგორც პროგრამების შედგენაა ორ კლასიან სკოლებისათვის, საჭიროა საფუძვლიანად შესწავლა ორ კლასიანი სკოლების საქმისა რუსეთში და უცხოეთში და აგრეთვე შესწავლა და გაცნობა სხვა და სხვა განმანათლებელ დაწესებულებათა პროექტებისა და სამოსწავლო მთავრობისა სკოლების რეორგანიზაციის საქმეში, რის შესრულებაც კრებას ამ ცოტა ხანში არ შეუძლიან, რადგანაც ამისათვის მას არ აქვს არც საჭირო მასალა, არც სახელმძღვანელოები რუსული ენისა, არც წარმოდგენენ ისეთს ძალას, რომელსაც ითხოვს ეს რთული და სერიოზული საგანი; მოსული მასწავლებლებიც მოკლებულნი არიან საშუალებას თავისი ხარჯით იცხოვრონ ქუთაისში და მიღონ მონაწილეობა კრებებში. ამის გამო კრებამ დაადგინა; აღძრან შუამდგომლობა სამოსწავლო მთავრობის წინაშე გადაიდოს ეს სამუშაო უფრო შესაფერ დროისთვის, როგორცა მაგ. ზაფხულის კანიკულები; მაშინაც დაინიშნოს არა საბოჭაულო, არამედ საგუბერნიო ან სარაიონო, საინჟექციო კრებები მაინც, კრებებს უნდა დაესწონენ, მასწავლებლებს გარდა, სწავლის საქმის მკოდნე და დახელოვნებული პირებიც; მიაწოდონ კრებას საჭირო მასალები; ნება მისცეს კრებას შეეხოს საზოგადოთ სკოლის ტიპს და დედა-ენის სწავლების საკითხს; კრებაში მონაწილეებს მუშაობის დროს მიეცეს დახმარება ფულით. ამისთანა შინაარსის ოქმი შეადგინა ქუთაისში მოწვეულ მასწავლებელთა კრებამ და შესწყვიტა მუშაობა; კრებაში მონაწილეთა უმრავლესობას სასურველად მიაჩნდათ საზოგადოთ აღიარებული კავშირის დაცვა სასწავლესელთა შორის და ამის გამო სკოლის საქმეების რეორგანიზაცია უნდა მომხდარიყო ან ძირიდან ერთ კლასიან სკოლებიდან და მაღლიდან უმაღლეს სასწავლებლიდან და ატა ორ კლასიან სკოლებიდან, როგორც განუძრახავს მთავრობას.

ჯიხაიში. (ქუთაისის მარა) ასეთივე კრება მასწავლებლებისა მოხდა ჯიხაიშშიაც. ვიდრე პროგრამების შედგენის

საქმეს შეუდგებოდა კრებამ გამოსთქვა შემდეგი აზრი: შემოღებული უნდა იქმნას ნორმალური პირობები, რომელშიაც უნდა მოხდეს კრება გუბერნიის და ან მაზრის მასწავლებელთა, რომელთაც წინდაწინვე უნდა ეცნობოს გადასაწყვეტი საკითხები და განსახილველი საგნები; ამისთანა კრებები უნდა მოეწყოს ზაფხულში და გაგრძელდეს ორი კვირა, კრებას მოიწვევენ სამასწავლებლო მთავრობის ხარჯით და კრებაზე მონაწილეობას მიიღებენ ყველა სახალხო მასწავლებლები, სახალხო განათლების ასპარეზზე მოქმედნი პირნი და სოფლის საზოგადოების წარმომადგენელნი. კრების დაწყებამდის კრებაში მონაწილე პირთ-უნდა ლექციების კითხვით გააცნონ სწავლა განათლების საქმის მდგომარეობა მოწინავე ქვეყნებში. სკოლის სხვა და სხვა საფეხურთა ორგანიული კავშირის დასაცველად სასურველი იყო მთავრობის სკოლის პროგრამის შემუშავების საქმე დაეწყო ან მაღალ სასწავლებლიდან და ან დასაწყისს ერთ კლასიან სკოლებიდან და არა შუა ადგილიდან—ორკლასიან სკოლებიდან, რადგანაც კრება ჩაყენებულია ზემო მოყვანილს არა ნორმალურს პირობებში, მას არ შეუძლიან პასუხი აგოს იმ ნამუშევარში, რაც შედეგაც მოჰყვება ამ კრებას, თუმცა-ღა პროგრამის შემუშავებაში მონაწილეობას კრება ღებულობს ამ ჟამადაც. კრებას საჭიროდ მიაჩნია საზოგადოების მხრით მონაწილეობის მიღება სკოლის მმართველ-გეობაში; ერთ-კლასიანი სკოლა, კრების აზრით, ოთხ წლიანი უნდა იყოს, ორი მასწავლებლით, ორ ორი განყოფილება თითოს; ორ-კლასიანი სკოლის კურსი კი რვა წლიანი უნდა იყოს, ოთხი მასწავლებლით, თითოზე ორ-ორი განყოფილება და ამასთან სასურველია რომ თითო მასწავლებელს შორიდეს არა უმეტეს 60 მოწაფისა. ყველა საგნები უნდა ისწავლებოდეს დედა-ენაზე, რუსული ენა კი უნდა ისწავლებოდეს, როგორც სავალდებულო სასწავლო საგანი.

ამის შემდეგ კრება შეუდგა პროგრამის შედგენას თანახმად ქუთაისის გუბერნიის სახალხო სკოლების დირექტორის მოწერილობასა 19 მარტიდან 1908 წ. № 1272. ამასთანავე კრებამ აღნიშნა შემდეგი სასწავლო საგნები: 1 საღმრთო სჯუ-

ლი. 2 რუსული ენა, 3 არითმეტიკა. 4 დედა-ენა. 5 გეოგრაფია. 6 ისტორია. 7 გეომეტრია. 8 ბუნების მეტყველება. 9 ჰიგიენა. 10 ხატვა. 11 კანონთ შესწავლა. 12 გალობა-სიმღერა. 13 გიმნასტიკა. 14 სასოფლო მეურნეობა სკოლაში, საცა მოსახერხებელი იქნება და ქალთა სკოლაში კრა-კერვა; აღნიშნა აგრეთვე რაოდენობა კვირიელ გაკვეთილების ყველა საგნებში.

მასწავლებელთა კრებები ქუთაისის გუბერნიაში

(წერილი ქუთაისიდან)

მდგომარე წლის 3 აპრილიდან ქუთაისის გუბერნიის სხვა და სხვა საპოლიციო უბნებში გაიმართა ორ კლასიანი სკოლების მასწავლებელთა კრებები. ამ კრებებს ოოქის მზრუნველის წინადადების თანახმად უნდა შეემუშავებინა მოხსენებულ ორტიპის სკოლებისთვის პროგრამები და ამასთან ვრცლად უნდა აღენუსხა მასალები ყველა სასკოლო კურსის საგნებიდან ხუთი წლის განმავლობაში; დაესახლებინათ აგრეთვე სახელმძღვანელო წიგნებიც უფრო ცნობილის ავტორებისა...

კრებებში მონაწილეობას სრულიად არ ღებულობდნენ ერთ კლასიანი სკოლის მასწავლებელნი; ასეთი რთული და სერიოზული საქმის შესასრულებლად, როგორც არის ორ კლასიანი სკოლებისათვის პროგრამების შემუშავება, მოწვევულნი იყვნენ არა რჩეულნი, უფრო გამოცდილნი, — მასწავლებელთა მიერ ნდობით აღჭურვილნი პირნი, არამედ განურჩევლად, ყველა ორ კლასიანი სკოლების მასწავლებელნი იმ უბნისა, სადაც წინააღმდეგ დანიშნული იყო კრებები, რომელთა თავმჯდომარე ადრევე ჰყავდა მთავრობას დანიშნული. ამას გარდა ყველა დამსწრენი განსახლებულ პირობებში იყვნენ ჩაყენებულნი მზრუნველის ცირკულიარული წინადადებით (კრებებს არ ჰქონდა უფლება შეხებოდა სკოლის ტიპის შეცვ-

ლას, სამშობლო ენის გაფართოების საკითხს სკოლებში და სხ:)

— აქედან დაინტერესებული მკითხველი ნათლად გაითვალისწინებს, თუ რა მიზანი ჰქონდათ დასახული, როცა ასეთს შეზღუდულ კრებებს იწვევდნენ და ვისი სახელით მოიწადინეს გამოქვეყნებინათ და შემდეგ სკოლებისათვის თავზე მოეხვიათ ცხოვრებასთან შეუფარდებელი პროგრამები!... მაგრამ რუსეთის განმათავისუფლებელი მოძრაობით გამოღვიძებული სახალხო სკოლების მასწავლებლნი, მიუხედავად დღევანდელ სასტიკ პირობებისა, ფხიზლად შეხედნენ მათ წინაშე მოულოდნელად წამოყენებულ საკითხს; მასწავლებლებმა არ იკისრეს სამარცხვინო როლი, განსაზღვრულ პირობებში მიეღოთ მონაწილეობა მუშაობაში და წინდა წინვე დანიშნულ თავჯდომარეთა კარნახით შეედგინათ და თავისი საქციელი პრესისა და საზოგადოების სალაპარაკო თემათ გაეხადათ... მათ თითქმის ყველა კრებებზე პროტესტი განაცხადეს. პროტესტი ორ გვარი ხასიათისა: ზოგან მოითხოვეს კრებების ზაფხულამდე გადადება და ამასთან წერილობით დაასაბუთეს იმ სისტემის უვარგისობა, რომელიც მთავრობამ ამჯობინა თავიანთი სურვილების გასატარებლად ასეთი შეზღუდული და კარ ჩაკეტილი კრებების საშუალებით. — ზოგან უკვე შეუდგნენ პროგრამის შემუშავებას, მაგრამ არა მზრუნველის ცირკულიარის მოთხოვნილებათა ფარგლებში, არამედ სრულიად მასთან დამოუკიდებლად: აღნიშნეს სკოლის ტიპის შეცვლისა საჭიროება, სასწავლო საგნების რიცხვის გაფართოება და ყველა საგნების ქართულს ენაზე სწავლების აუცილებლობა... პირველი ხასიათის პროტესტი გამოსთქვეს მთელი შორაპნის და ოზურგეთის მაზრის მასწავლებელთა კრებებმა და ქუთაისის საუბნო კრებამ; მეორე ხასიათის პროტესტი გამოითქვა დიდი ჯიხაიშის, მარტვილის, სამტრედიის და რაჭის კრებებზე... მაგრამ როგორც მოგეხსენებათ „თითო ოროლა მახინჯი ოჯახშიაც გამოერევაო“ და სამეგრელოში სენაკისა და აბაშის კრებებზე მასწავლებლები შეუდგნენ პროგრამის შემუშავებას უცვლელად ისე, როგორც ითხოვდნენ მათგან. როგორი შედეგი მოჰყვება მათს მუშაობას ჯერ-ჯერობით არ ვიცით... თუ-

მკა და როგორი ხასიათის პროგრამაც არ უნდა შეიმუშაოს ერთმა თუ ორმა უბანმა, მთელ გუბერნიაში იმას საზოგადო საქმისთვის გადაწყვეტი მნიშვნელობა არ ექნება, დარჩება მხოლოდ თითოთ საჩვენებელ სამარცხვინო აქტად ჩვენი სკოლის ისტორიაში...

საზოგადოთ სიამოვნებით უნდა აღვნიშნოთ, რომ მასწავლებელთა უმრავლესობამ პირ-ნათლათ აღასრულა მოვალეობა სკოლის და ხალხის წინაშე, მოქალაქობრივი სითამამე გამოიჩინა და დღევანდელ მომენტში, როცა მოწინავე რუსეთის საზოგადოება სკოლის ძირითად რეორგანიზაციას თხოულობს და თვით სახელმწიფო სათათბიროც კი ადასტურებს სკოლის ზოგიერთ მხარეების რეფორმის საჭიროებას, მაგალითად საგნების სამშობლო ენაზე სწავლების და სხ., გვერდი აუარა ძველ პოზიციას, არ შეეპუა დირექციის მოთხოვნილებებს და თავისი პროტესტით წვლილი შეიტანა ჩვენი მრავალ გვარ ტანჯულ სკოლის განახლების საქმეში...

მაგრამ წარმოვიდგინოთ, რომ მთავრობამ კანონიერად სცნო მასწავლებელთა მოთხოვნილება კრების გადაღების შესახებ და ზაფხულის კანიკულებზე მოიწვია უფრო ფართო ხასიათის საგუბერნო, ან რაიონული საინსპექციო კრებები. მაშინ რა პოზიცია უნდა დაიკავონ მასწავლებლებმა? აი საკითხი, რომელიც გათვალისწინებასა და დაკვირვებით გადაკრას მოითხოვს. უპირველის ყოვლისა, მასწავლებელნი ამ თავიდანვე უნდა შეეცადნენ საჭირო მასალების დამზადებას, გაეცნონ სხვა და სხვა გეგმებს სკოლის რეორგანიზაციისას, როგორც სუსეთში, ისე ზოგიერთ სახელმწიფოებში საზღვარ გარეთ და წინდა წინვე მომზადებულნი გამოცხადდნენ კრებებზე მონაწილეობის მისაღებად პროგრამების შემუშავებაში; ამ საქმეში დიდი დახმარება უნდა გაუწიოს მასწავლებლებს ადგილობრივმა პრესამ; საშუალო სკოლის მკოდნე და გამოცდილმა ქართველმა მასწავლებლებმა თავისი პრაქტიკული რჩევით; ძლიერ კარგი იქნება, თუ ეხლავე გამოცდილი ქალაქის მასწავლებლები შეიმუშავებენ სანიმუშო



პროგრამის გეგმას და დაურიგებენ სოფლის მასწავლებლებს სახელმძღვანელოთ კრებების დროს.

ამ როლის ასრულება, მე მგონია, უნდა იკისროს „ქართველთა შიარის წერა-კითხვის გამავრცელებელმა საზოგადოებამ“ და მასთან საჭირო ფულიც გამოიღოს პროექტების დასაბეჭდათ და უფასოთ დასარიგებლათ. სასარგებლო და ძლიერ საჭირო იქნება საქმისთვის, რომ მოხერხდებოდეს მაისის განმავლობაში რამდენიმე ლექციის, ან რეფერატების წაკითხვა სპეციალურად სკოლების ტიპებისა და მათი რეორგანიზაციის შესახებ. ასეთი ლექციები უნდა გაიმართოს ქუთაისში, ხონში, სენაკში, ყვირილაში, სამტრედიაში, ონში, ზუგდიდში, ოზურგეთში. მხოლოდ ამ გვარათ მომზადებული მასწავლებლები საქმით, ასე თუ ისე, დაინტერესებული, შესძლებენ აქტიური მონაწილეობა მიიღონ საქმეში, და არ ასრულებდნენ კრებებზე ჩვეულებრივს პასიურს როლს.

გ. თბილისი.

ჭყ. ჯანაძე ?

ქართულ მასწავლებელთა შორის.

დღევანდელი პირობები. — სახალხო მასწავლებელთა აზრი დედაენით სწავლე-
ლების შესახებ. — მათივე აზრი რუსული ენის სწავლებისა და რუსული
ენის სახელმძღვანელოების შესახებ. თბილისის დასაწყის საქალაქო სკო-
ლების პროგრამის გამო.

დღევანდელ ჩვენი სახალხო სკოლის ერთს მთავარს სა-
კითხს, სხვათა შორის, სახელმწიფო ენის სწავლება შეადგენს.
სკოლის რეორგანიზაცია, მის სასურველ ნიადაგზე დაყენება
და საქმის გაძღოლა დიდს მოფიქრებას, საგნის სერიოზულად
განხილვას, აწონ-დაწონვას, ასჯერ გაზომვას და ერთხელ გა-
დაქრას მოითხოვს, რომ მომავალშიაც სკოლა ისეთი უნა-
ყოფო და ხალხისთვის მავნე დაწესებულება არ იყოს, როგორც
ეს ნათლად დაგვანახვა წარსულმა უკუღმართმა და გათახი-
რებულმა დრომ.

განა უარესი სიღუბეა, გონებრივი სიბნელე და ათას-
გვარი ბოროტება შესაძლებელია, რაც თავს გადაგვხდა წარ-
სულში? ხალხი ფულს იხდიდა, ტყავს იძრობდა, ცდილობდა
შვილი მაიც აეცლინა იმ სატანჯველს, რასაც თვითონ მუ-
დამ დღე განიცდიდა და ის ნაოფლ-ნაღვაწი და ტანჯვით მოპ-
ოვებული ფულიც ხმარდებოდა არა ნამდვილ და ქეშმარიტ
განათლების საქმეს, რომლითაც ხალხი წელში გამაგრებულ
იყო, ზნეობრივად და ქონებრივადც ამალღებულებოდა, არამედ
— მის გადაგვარების და მოსპობის საგანს. საქმით ისე გამო-
დიოდა, რომ ხალხს თავისს ყელ-გამოსაქრელ დანას თვითონ-
ვე აღესვინებდნენ. და თუ დღევანდელ პირობებშიაც ამგვარ
მოვლენას სადმე აღვილი აქვს, იგი საყოველთაოდ უნდა დაი-



გმოს, მოისპოს და მხოლოდ მაშინ შეგვიძლიან თამამად დავადგეთ განახლების გზას.

სასიამოვნოდ უნდა აღვნიშნოთ, რომ ჩვენებურ სახალხო მასწავლებლებს, უმეტესობას მაინც, როგორც დასავლეთ საქართველოს აპრილში მომხდარმა მასწავლებელთა კრებებმა დაგვანახვა, შეგნებული აქვთ ის კემმარტიტება, რომ **სახალხო სკოლებში, ერთ კლასიანი იქნება თუ ორკლასიანი, ყველა საგნების სწავლება დედაენით უნდა წარმოებდესო**. ეს გაბედული, თამამი და საღი აზრი ჩვენებური სახალხო სკოლების მასწავლებლებისა მით უფრო მოსაწონია, რომ მათ კარგად შეუგნიათ, რომ სკოლა ბუნებრივი შემნახველია ენისა. როცა მეცნიერების, ხელოვნების შესწავლა დედაენით მოსპობილია, მაშინ ეს გარემოება ხელს უწყობს არა მარტო ენის დაცემას, გაზრდილობას, არამედ ხალხის გადამენების საქმესაც, რასაც ცხადად ამტკიცებენ ყველა განათლებული ერის წარჩინებული მეცნიერები, რადგანაც ერის ისტორია ყოველთვის მჭიდროდ დაკავშირებულია ენის ისტორიასთან.

უეჭველია ასეთი დადგენილება სახალხო სკოლების მასწავლებლებისა ჭკუაში არ მოუვა არც ერთ დახავსებული წარსულის მოტრფიალეს, რომლის ისტორიული დუბჭირი დევიზია სჩანთქან სხვა ერები და დააყენონ ისინი გადაგვარების გზას, მაგრამ უნდა ვინუგეშოთ იმით, რომ ამგვარ შეხედულობას სარჩული უკვე გაუცვდა და იგი ვერავითარ გასამართლებელ საბუთს მეცნიერებაში ვერ ჰპოულობს. ცხოვრებაშიაც, სადაც კი ხალხს შეგნებული აქვს თვით არსებობის აზრი, ცხადად სრულდება ერთი მეცნიერის სიტყვები: **„ადამიანი ხელისა და ფეხის შეკვრას უფრო ადვილად ჰნებდება, ვიდრე ენის შეკვრას“**. —

რამდენადაც საღი შეხედულება წარმოსთქვეს ჩვენებურმა სოფლის მასწავლებლებმა დედაენით აუცილებლად სწავლების საკიროების შესახებ, იმდენად ნაადრევად და მოუფიქრებლად მიგვაჩნია ზოგიერთების აზრი უცხო ენის სწავლების შესახებ. ამ საკითხში, როგორც სჩანს სხვა და სხვა ცნობებიდან, რომელიც რედაქციას მოსდის, მასწავლებლები ზოგი ადგას იმ

გზას, რა გზითაც დღემდის უგლიათ—უცხო ენის სწავლებას პირველ წლიდანვე არჩევენ დაიწყონ ე. ი. შეჩვეულან ძველს კირს, რომელსაც მაგრად გაუდგამს ფესვები ძველ რბილში; უმრავლესობა კი იმ აზრისა, რომ რუსული ენის სწავლება სახალხო სკოლებში მეორე წლიდან დაიწყონ. უმცირესობის აზრის სიდუხჭირე ყველასათვის ცხადი უნდა იყოს და მთლად გონებით ბრმა უნდა იყოს ადამიანი, რომ ვერ ამჩნევდეს იმ მათემატიკას, რომელიც მოსდევს უცხო ენის უდროვოდ სწავლებას, მაგრამ ჩვენ ვერ ვეთანხმებით ვერც უმრავლესობის აზრს ამ საკითხში. ცხადია, რომ უცხო ენის შესწავლას კეთილი ნაყოფი მოსდევს მხოლოდ მაშინ, როდესაც მოწაფე საკმარისად განვითარებული და მომზადებულია დედენაზე, გრძნობს უცხო ენის სწავლების საჭიროებას და ხალისიც აქვს ამისთვის. ერთი წელიწადი სოფლის სკოლაში ისეთს მცირე ხანს წარმოადგენს, რომ ბავშვი, რაც უნდა ნიჭიერი იყოს, მაინც იმდენად განვითარებული არ იქნება, რომ ძალა დაუტანებლად, ხალისით მიჰყოს ხელი უცხო ენის შესწავლას, რომელიც ერთ უძნელეს საგანთაგანია და მისი უდროვოდ სწავლება მოწაფეს, განვითარების მაგიერ, უარესად უბზავს გონებას და უჩლუნგებს მეხსიერებას.

სრული პედაგოგიურის მოსაზრებით ხელმძღვანელობდნენ პოლონელები, როცა რუსული ენის სწავლებას ადგილს აძლევდნენ მეოთხე წლის შემდეგ და დღესაც ეს აზრი უცვლელად ტრიალებს მათ შორის. ჩვენთვის გამოუსადეგარია ამ საკითხში ლათინურ მასწავლებელთა მოსაზრებაც, რომელიც გვამცნევს, რომ მათ რუსული ენის სწავლების შემოღება მეორე წლიდან აქვს განსაზღვრული. გამოუსადეგარია მისთვის, რომ ლათინელები, ადგილობრივი პირობათა მიხედვით, იძულებულნი არიან სკოლაში ორი უცხო ენა ასწავლონ — რუსული და გერმანული; ამ უკინასკნელის სწავლებას იწყებენ მეოთხე წლიდან. უეჭველია ეს გარემოება რომ არ აბრკოლებდეს საქმეს—ლათინური მასწავლებლებიც იმ დასკვნამდის მივიდოდნენ, რომ რუსული ენა უფრო გვიან ესწავლებინათ და არა მეორე წლიდან. ან რაღა შორს მივიდვიართ

ოთხმოც წლებში, როცა არც პედაგოგიურად მომზადებული მასწავლებლები გვეყანდა და არც იმდენი სკოლები, რაც დღეს არის შედარებით ცოტად თუ ბევრად მაიც, საგუბერნიო კრებაზე სახალხო სკოლის მასწავლებელმა ისეთი სულის სიმტკიცე და გონების სისაღე გამოიჩინეს, რომ ერთხმად დაადგინეს სახალხო სკოლებში რუსული ენის სწავლების შემოღება მხოლოდ მესამე წლიდან. რასაკვირველია მათ აზრს განხორციელება ვერ ეღივრა, უსამართლო ძალამ თავისი გაიტანა, მაგრამ იმ მასწავლებლებს ჩვენ ერის განათლების ისტორიაში სახელი მაინც შერჩათ იმისი, რომ უსამართლო ბოროტების წინაშე მონურად ქედს არ იხრიდნენ და ამით ზნეობრივად კმაყოფილება მაინც შეინარჩუნეს.

მაშინ, სხვათა შორის, სამოსწავლო მთავრობის მხრით ერთი საწინააღმდეგო მოსაზრებათაგანი ის იყო, რომ სამწლიან ერთ-კლასიან სკოლებში ერთის მასწავლებლით მესამე წელიწადს მოწაფეები იმდენს რუსულს ვერ შეისწავლიდნენ, რომ შემდეგ ნასწავლი მალე არ დავიწყებოდათ. მაგრამ დღეს, როგორც ვიცით, ამ მოსაზრებას ადგილი არ აქვს, იმიტომ რომ ერთ-კლასიანი სკოლა ჩვენში ყოველგან ოთხი წლის კურსით უნდა მოეწყოს, თუ მეტი არა (ამის წინააღმდეგი ვგონებ იშვიათად იქნება ვინმე) ორი მასწავლებლით მაინც, რომელთაც ორ-ორი განყოფილება ექნება წინანდელ სამის მაგიერ. თუ მივიღებთ მხედველობაში ამ გარემოებას და მოწაფეების ცოტად თუ ბევრად უკეთ განვითარებას ორი წლის განმავლობაში, თამამად შეგვიძლია ვსთქვათ, რომ მესამე წლიდან რუსული ენის სწავლების დაწყებას სახალხო სკოლებში უფრო მეტი და უკეთესი ნაყოფი მოჰყვება, ვიდრე ამაზე ადრე დაწყებას. დარწმუნებული ვართ, რომ ორი წლის განმავლობაში, თუ მასწავლებლები არ უღალატებენ, გვერდს არ აუქცევენ საუკეთესო სახელმძღვანელოებს, დაადგებიან ნამდვილს და საღ პედაგოგიურს აზრს და მიმართულებას, რუსულიდანაც იმდენს შეასწავლიან მოწაფეებს, რომ ეს ცოდნა მეტ ბარვად არ დარჩება ცხოვრებაში და არც მიეცემა დავიწყებას ისე, როგორც დღემდის იყო—თავს ულაცებდნენ საწყალ ბავშვებს მარტო რუსუ-

ლით და ვერც ამას სწავლობდნენ საცოდავები და ვერც სხვა რასმე და ნასწავლსაც მალე იფიწყებდნენ. აი უტყუარი სურათი გუშინდელი და დღევანდელი ჩვენი სკოლისა. რუსული ენის მესამე წლიდან სწავლების დაწყებით იქნება ჩვენ მაინც განვახორციელოთ ის აზრი, რომელიც ოცდაათი წლის წინად უტრიალებდათ თავში ჩვენებურ სახალხო სკოლის მასწავლებლებს და თუ ეს წინსვლა არ იქნება ყოველ შემთხვევაში უკან ჩამორჩენასაც მოასწავებს.

ზემოთ მოვიხსენე, რუსული ენის ნაყოფიერად სწავლება შესაძლებელია ერთის მხრით მაშინ, თუ მასწავლებლები ამ ენის შესასწავლად აირჩევენ და შემოიღებენ პედაგოგიურად შემუშავებულს საუკეთესო სახელმძღვანელოს მეთქი. ჩვენმა დაკვირვებამ, ზოგ მასწავლებელთა აზრის მოსმენამ, ზოგი კრებების დადგენილებამ ნათლად დაგვანახვა, რომ ჩვენში ბევრს მასწავლებელს არ შესწევს უნარი გამოიცილოს არსებულს სახელმძღვანელოებში რომელი უფრო შესაფერისი, უკეთესი და სასარგებლოა ჩვენი ბავშვებისათვის რუსული ენის შესასწავლად. შინაურ ხუცესს შენდობა არ აქვსო, უთქვამს ჩვენს ხალხს და მართალიც არის. ჩვენი პედაგოგის რუსული ენის სახელმძღვანელოები რუსეთისავე პედაგოგურს პრესას არა ერთხელ მოუხსენებია ქებით, ამ ბოლო დროს იმავე მეთოდით და გეგმით, რომლითაც შედგენილია ჩვენი პედაგოგის ბანი გოგებაშილის რუსული ენის სახელმძღვანელოები, არა ერთს არა რუსთა სკოლების პედაგოგებს უხელმძღვანელიათ რუსული ენის სახელმძღვანელოს შედგენაში, მაგრამ ჩვენში სულ სხვაა.. ჩვენი კაცის კარგიც ცუდია და სხვისი ცუდიც კარგია ჩვენთვის. სწორედ ამ მოსაზრებით ხელმძღვანელობდნენ დ. აბაშის, სენაკის და სამტრედიის კრებებზე 3 და 4 აპრილს მასწავლებლები, როცა დაადგინეს რუსული ენის სახელმძღვანელო წიგნად შემოიღონ გრიგორიევის წიგნები და პროგრამის შედგენასაც ამის მიხედვით შეუდგნენ. მაგრამ რას ეუბნებიან ეს მასწავლებლები მოზარდ თაობას და საზოგადოებას — ამას მომავალი გვიჩვენებს, თუმცაღა წარსულმაც ბევრი საშალა გვასვა და ისე მოგვშხამა, რომ ცუდს კარ-

გისაგან ვერ ვარჩევთ. ძალა უნებურად მივეჩვიეთ უვარგისი სახელმძღვანელოების ხმარებას და დღესაც გვგონია, რომ ეს არის საუკეთესო.

როდესაც სახელმძღვანელოების შესახებ გვქონია საუბარი ზოგ მასწავლებლებთან ის აზრი გამოგვიტანია, რომ ზოგიერთებს, უვიცობის გარდა, უფროსის სიამოვნებაც, მონური მორჩილებაც ეტყობათ: ასრულებს იმას რაც ბატონს ესიამოვნება, თუ გინდ ეს იყოს ქვეყნის წაბილწვის საქმეც. უვიცობა გამოიხატება იმაში, რომ ხშირად სახელმძღვანელოში აძაგებენ იმას, რაც მისს ნამდვილ ღირსებას შეადგენს; მაგრამ დამახინჯებული ტვინი ამას ვერ არჩევს. რაც შეეხება მეორე ნაკლს ეს ხომ ყველაზე უარესია: განა მონას, ყურმოჭრილ ყმას შეუძლიან აღზარდოს თავისუფლად მოაზროვნე მოქალაქე, თუ არა თავისებრივი ყმა, მონა და მორჩილი?! და აი სწორეთ ამ ჯურის მასწავლებლები ვერავითარ საღ ხელმძღვანელობას ვერ გაუწევენ ვერც სკოლას და ვერც მოზარდ თაობას.

ქალაქის დასაწყისის სკოლებში უკვე კარგა ხანია მასწავლებლები შეუდგნენ ახალი პროგრამების შედგენას. ტფილისის დასაწყისი საქალაქო სკოლების მასწავლებლებსაც შეუდგენიათ რაღაც პროგრამა, რომელიც ჯერ ჯერობით დიდის საიდუმლოებით არის მოცული, თუმცაღა ხაზოგადო საქმეში არავითარი საიდუმლოება არ უნდა იფარებოდეს; პირიქით ტფილისის სკოლების პროგრამის შემდგენელი მასწავლებლები უკეთ მოიქცეოდნენ, რომ ვიდრე მათ მიერ შედგენილს პროგრამას წარუდგენდნენ დასამტკიცებლად სადაც ჯერ არს, თავიანთი პროგრამის გეგმა ადგილობრივს გაზეთებში მაინც დაებეჭდათ და შემდეგ, თუ მოისურვებდნენ იმ ცვლილების შეტანას, რასაც პრესა და საზოგადოება შეიძლება დაუსახავდა, იმის მიხედვით შეასწორებდნენ და შემდეგ წარადგენდნენ დასამტკიცებლად, მაგრამ ასე არ მოიქცნენ.

ჩვენი ჟურნალის „განათლების“ რედაქციას სურდა გამოეთქვა თავისი აზრი ამ პროგრამების შესახებ, მაგრამ იგი სრულიად ხელ მიუწდომელი გახდა მისთვის. ქალაქის გამგეობაში,

სადაც წარდგენილია ხსენებული პროგრამა იმათგან, ვისაც ეს საქმე აბარია, ასეთი პასუხი მივიღეთ: „მასწავლებლებმა გვთხოვეს არაფის გარეშე პირს არ აჩვენოთ წარმოდგენილი პროგრამები, რადგანაც ზოგიერთი ადგილები პროგრამისა ჯერ კიდევ შეესებას და შესწორებას ითხოვს.“

ამნაირად დავრწმუნდით, რომ ჩვენი ქალაქის სკოლის მასწავლებლებს ისეთი პროგრამა წარუდგენიათ ქალაქის გამგეობაში, რომელიც ჯერ ჯერობით დასრულებულად არ შეიძლება ჩაითვალოს და თუ ეს ასეა, უნდა ვიფიქროთ, რომ მასწავლებლები შესდგომიან საღ მოფიქრების, აწონ-დაწონვის და საქმის ყოველ მხრივ გარჩევის და გათვალისწინების გზას, რაც აუცილებლად საჭიროა ამ საქმეში და არა მოუფიქრებელი აჩქარება, რაც საქმეს უეჭველად ავნებს.

ლახ—ბან.

შინაური მიმდხილვა.

სამრევლო სკოლები. — სახალხო უნივერსიტეტები. — ქართველ სტუდენტთა კავშირი. — სოფლად მუშაობა. — მასწავლებელთა კრებები. — ლექციები მასწავლებელთათვის. — ქართული ენა სასულიერო სემინარიაში.

ჩვენ წინ დევს საეკლესიო სკოლების მეთვალ-ყურის ცნობილ ოდოვეის ანგარიში 1906—7 სასწავლო წლისა. მეტის მეტად საყურადღებოა ამ ანგარიშის დაწვრილებით განხილვა, მაგრამ რადგან იქ ბევრი რამ გამოურკვეველია, ამიტომ ვიმედოვნებთ, რომ ამ ანგარიშს საქმესთან უფრო ახლო მდგომნი გაარჩევენ, ჩვენ კი შევეხებით ზოგიერთ პრინციპიალურ მხარეს. ამ ანგარიშში მოქცეულია მხოლოდ ქართლ-კახეთის და საზოგადოთ აღმოსავლეთ კავკასიაში არსებული სკოლები. სულ საანგარიშო წელს 293 სკოლა ყოფილა. აქედან ქრისტიანობის აღმადგენელ საზოგადოებას ეკუთვნოდა 51 სკოლა. ყველა სკოლებში არა ქართული სკოლა ყოფილა 176, ქართული 103, არეული 14. არა ქართულ სკოლათა შორის რუსების 79, ბერძნების-75, ოსების-15, სხვა ეროვნებათა-10.

ყოველ მოწინავე ხალხში ახლა საკმარისათ გამოიკვეყლია, რომ სკოლას საერო ხასიათი უნდა ჰქონდეს. ამიტომ იმის შესახებ, თუ რამდენად სასურველია თავისთავად სამრევლო სკოლების არსებობა აქ არაფერს ვიტყვით. ცხადია, ჩვენი ძალ-ღონე მიმართულია იქითკენ, რომ სარწმუნოება კერძო აღამიანის სინდისის საქმეთ გავხადოთ და ყოველივე, ძალ-დატანებითი ელემენტი, რომელიც მას ბატონობის იარაღად ხდის, ჩამოვაშოროთ. მაგრამ ისიც ცხადია ჩვენთვის, რომ ეს

საზოგადო პოლიტიკური საკითხია და შეცდომა იქნებოდა ჩვენი მხრით, რომ სანამ ჩვენი იდეალი არ განხორციელდება, დღეს არსებულ სკოლებს ყურადღება არ მივაქციოთ და დღევანდელ პირობებშიც მათი შესაფერ ფარგალში ჩაყენება არ ვეცადოთ.

ყოველივე აწინდელ სკოლაში პირველი საკითხი, რომელიც ქართველ კაცს დაებადება, არის: რა მიზანს ემსახურება ის სკოლა? ჩემი არსებობის მოსპობა სურს თუ არაო? ამ მხრივ სამრევლო სკოლები უფრო უნუგეშო მდგომარეობას წარმოადგენენ. ვიდრე სამინისტრო. ამით კი არ გვინდა ვთქვათ, თითქო სამინისტრო სკოლებში საქმე კარგად იყოს დაყენებული. აქაც უნუგეშო მდგომარეობაა, მაგრამ აქ სამრევლო სკოლებში ანაფორიანმა მოხელეებმა კაკარდოსან მოხელეებს გაუსწრეს ეროვნულ შევიწროების საქმეში. აქ გარუსების პოლიტიკა მეტის ძლიერებით, მეტის ძალდატანებით და ტლანქათ მოქმედებს. საკმარისია მოვიყვანოთ თვით ანგარიშიდან ერთი ადგილი. „ეპარქიაში ერთი ორკლასიანი სკოლაა — ბოდბის სკოლა ...თუ მივიღებთ მხედველობაში მოწაფეთა მეტის მეტ სხვა და სხვაობას გვარტომობისა და ენის მხრივ ამ სკოლაში, უნდა ვაღვიაროთ, რომ განათლების მხრივ ის ბევრს იძლევა, ხოლო პრაქტიკულ პედაგოგების მომზადების მხრივ — ცოტას, ისე რომ საქმეში ბოდბის სკოლის მოწაფეები მდარე ღირსების მასწავლებლები გამოდგენ.“

განზრახ მივაქცევთ მკითხველის ყურადღებას ამ ადგილს. ყოველივე საზოგადოებაში დღეს ბევრი სარწმუნოებრივი მიმდინარეობა ტრიალებს, ბევრი ადამიანი სარწმუნოებასაც უარყოფს. მაგრამ ამავე დროს ყოველი შეგნებული ადამიანი თავის მოძმის რწმენას პატივს სცემს, ცდილობს არ შელახოს ის, ცდილობს არ შეურაცხყოს ის, რაც წმინდათ და თაყვანსაცემლათ მიაჩნია მის მეზობელს. ჩვენში კი რას ვხედავთ? იქ, სადაც დასაფლავებულია წმ. ნინო, რომელსაც მორწმუნე ქართველი წმინდანად და თავის განმანათლებლათ სთვლის, დღეს გამართეს სათარეშო ასპარეზი და ამ წმ. ნი-

ნოს საფლავზე, მის გულზე მოუყარეს თავი მთელ გადაგვარების და ყოველ ქართულის მოსპობის საშვალეებს, ალბად იმ აზრით, რომ მონას უფრო მწვავეთ აუწვან გული, როგორც ძველად ქრილობაში მარილს ჩააყრიდენ. ეს თარეში, ეს სწორეთ ბოდბეში თავის მოყრა სხვა და სხვა ეროვნების წარმომადგენელთა იმ მიზნით, რომ ყოველივე ერის შვილს თავისი ენა დაავიწყდეს და უსათუოთ გადაგვარდეს, ერთი უსასტიკესი დაცინვათაგანია ჩვენი და სირცხვილი იმ ქართველს, რომელიც ამ სასწავლებელში შვილებს მიაბარებს. იმავე სამშობლო ენის საფესებით გამოსაძევებლათ გამოგონილია ეგრედ წოდებული **შერეული** სკოლები, რომელთა რიცხვი 14 უდრის. ე. ი. ვთქვათ, სკოლაში შემოდის 40 ქართველი, მათ გვერდში ამოუყენებენ ხუთიოდე არა ქართველს და საქმეც გაიჩარხება — ქართული ენა სრულიად გაიძევება. მაგრამ განა იქ კი ხარობს ეს ენა, საცა მარტო ქართველობაა? ჯერ ერთი საზოგადო სწავლება ამ დაბალ სკოლაშიაც რუსულათ სწარმოებს. ამასთან ცხადია, ქართული ენაც მივიწყებულია იმდენად, რომ ყურადღებასაც არაფერ აქცევს. ამ მდგომარეობას მშვენივრად ახასიათებს ტფილისის მაზრის მეთვალყურე. ის ამბობს: სკოლებში გამეფებულია **ამოსაღებური** ე. ი. ანბანების ჩათვლითი მეთოდი, კითხვა ცუდი, განმარტებითი კითხვა არ არსებობს, ალბათ, — დაცინვით შენიშნავს მეთვალყურე, მასწავლებლები ფიქრობენ, რომ ქართულ ენაზე ქართველ მოწაფეებისთვის ყველა სიტყვები და ფრაზები ცნობილი არისო“. დიად, ჩვენ ვხედავთ, რომ ამ სკოლებშიაც გამეფებულია ძალმომრეობის სისტემა და ყველა სხვა ასეთი სკოლების ბუნებრივ ნაკლთან ერთად, აქ დევნილია ქართული ენა და საზოგადოთ ყველაფერი, რასაც ჩვენი კულტურული სახე აქვს.

მაგრამ აქ მეორე ფაქტია ფრიად საყურადღებო. ყველა თქვენგანს მოეხსენება, რომ ღროთა განმავლობაში საქართველოს საუკეთესო ნაწილი, სადაც ჰყვავოდა ჩვენი ძველი კულტურა, იძულებული იყო სარწმუნოება გამოეცვალა, მაჰმადიანობა მიეღო. ერთი უმთავრესი გამანადგურებელი შედეგი

ჩვენი დამოუკიდებლობის დაკარგვისა იყო მაჰმადიან ქართველების საქართველოდან გადახვეწა. მთელი მესხეთი თითქმის დაიცალა. იმის დასახასიათებლად თუ როგორ რუსის მთავრობა ერეკებოდა მაჰმადიან ქართველებს და მათ ადგილს ასახლებდა სხვებს, საკმარისია ბ. ივანენკოს წიგნიდან, (მოქალაქობრივი გამგეობა იმიერკავკასიისა“ (ეს წიგნი მთავარ-მართველის ბრძანებითაა გამოცემული), ერთი ადგილი მოვიყვანოთ. ახალციხის აღებიდანვე (მოხდა 16 აგვისტოს 1828 წელს) დაიწყო მასიური გადასახლება. ქვეყნიდან გარბოდნენ მაჰმადიანი ქართველები და სხვა მაჰმადიანებიც და მთელ თავის ავლა-დიდებას და მამულს ნაოხრათ სტოვებდნენ. შემოდრიოდნენ იმათ ადგილს ოსმალების სომხები, რომელთაც რუსის მთავრობა განსაკუთრებული ზომებით იზიდავდა. თვითოეულს აძლევდა 25 მანეთს შემწეობას და 6 წლით ყოველივე გადასახადისაგან ანთავისუფლებდა. ამასთანავე უსასყიდლოთ ურიგებდამიწებს, რომელიც სახელმწიფოს საკუთრებათ გამოაცხადეს მაჰმადიანების შემდეგ. ამნაირად ადგილობრივ მცხოვრებს ერეკებოდნენ, ხოლო სხვებს იზიდავდნენ. არზრუმის და ყარსის საფაშოებიდან დაიძრა 90000-ზე მეტი სომხობა. 1832 წ. გადასახლება ცოტათი შეჩერდა და შესაძლო გახდა ხალხის აღწერა. აღმოჩნდა, რომ მცხოვრებთა შედგენილობა სრულიად შეიცვალა. ახლა უმეტესობას შეადგენდნენ სომხები და მხოლოდ მათ მოსდევდნენ მაჰმადიანი ქართველები.—ეს პროცესი დღესაც არ შეჩერებულა. თანდათან ქართველობა თავის მიწა-წყალს ჰკარგავს. ამ ნაირად მაჰმადიანი ქართველობიდან მეოთხედიც არ დარჩენილა თავის სამშობლოში. ცხადია, ჩვენისთანა სუსტი ერისათვის ასეთი მოვლენა მეტად შემადრწუნებელი და დამაფიქრებელია. მით უმეტეს მეტი სიფრთხილით და წინდახედულობით უნდა მოვეპყრათ იმათ, ვინც დარჩენილან. განსაკუთრებული ყურადღება სარწმუნოებრივ მხარეს უნდა მიექცეს. მდაბიო ხალხშიც სარწმუნოება ეროვნებისაგან დღესაც ვერ გაურჩევიათ. რომელიმე მჟავანაძე გინდ ზოიძე, როცა ის ქრისტიანია, — ქართველია, ხოლო თუ მაჰმადიანია — „თათარია“. მდაბიო ხალხში სარწმუნოებრივი

ფანატიზმი დღესაც ძლიერია, ეროვნული ერთობის გომბობა ვერ გამოუმჯღავნებია. და ბევრს აქ შიში აჩერებს. მას ქართველობა ქრისტიანობის სინონიმი ჰგონია. როცა საქმე ასეთ მდგომარეობაშია, ყოველი ქართველის უღრმესი მოვალეობაა სიტყვით და საქმით დაარწმუნოს მაჰმადიანი ქართველი, რომ მის სარწმუნოებას ყველა პატივისცემით ეპყრობა და არც არავის განზრახვა აქვს ამ სარწმუნოების წინააღმდეგ გაილაშქროს. რას ვხედავთ ჩვენ სამრევლო სკოლებში? რა ასულდგმულებს მათ? ანგარიშში ვკითხულობთ: „ახალციხის და ახალქალაქის მაზრებში ქრ. აღმადგენელი საზოგადოების 4 სკოლა არსებობს. ამ სკოლების არსებობის თავი აზრია საღმრთო სჯულის კარგათ სწავლება **გამაჰმადიანებულ ქართველთა** შორის.“ ანგარიშის მეორე ადგილს, რომლის სათაურია „საეკლესიო სკოლების სამისიონერო მნიშვნელობა“ ვკითხულობთ: „თუ გვკითხავენ: სად და რა პირობებში არის, რომ მართმადიდებელთან ერთად ლოცულობდნენ სექტანტები, მაჰმადიანები, ებრაელები და სხვები — ვუპასუხებთ: ამიერ კავკასიის სამრევლო სკოლებშიო“. ცოტა შემდეგ: „მაჰმადიანს მისიის ეშინია, ხოლო არ ეშინია სკოლის და ამავე დროს ეჭვიც არ ებადება, რომ მაჰმადიანობას სწორედ ამ მხრით მოელის უმეტესი დანაკლისი. ამ ანგარიშის შემდგენელმა ცხადათ დაანახვა მასწავლებლებს საღმრთო სჯულის და რუსული ენის გაკვეთილებზე, თუ როგორ შეუმჩნევლად შეიძლება მაჰმადიანის ქრისტიანულ შემეცნებათა წრეში **ჩათრევა**.“ ამ ნაირად ჩვენ ნათლად ვხედავთ, რომ ჩვენი ქრისტიანები ჩათრევის გზას დასდგომიან. არაფერს ვიტყვით იმის შესახებ, თუ რამდენათ შეფერის ქრისტიანობის მქადაგებელთ მოტყუება და თვალთმაქცობა. ჰეტემ მართალი სთქვა, რომ რაც დღეს სიკეთეა დროთა ბრუნვაში ბოროტებათ იქცევაო. აქ მხოლოდ მივაქცევთ მთელი ჩვენი საზოგადოების ყურადღებას, რომ საქირთა დღეიდანვე მოისპოს ყოველგვარი მისიონერობა მაჰმადიანთა შორის. საქირთა შევიგნოთ, რომ ყოველი მისიონერი ჩვენი გაერთიანების მტერია, კულტურულ ერთობის შეგნების მოწინააღმდეგე და ამიტომ დავგმოთ იგი. განსაკუთრებით ვაბრთხილებთ ქართველ

სამღვდელოებას. ნუ გახდება იმ ბრმა იარაღათ იმ საქმისა, რომელიც არც ერთი მხრით გასამართლებელი არ არის. ნუ შეუწყობს ხელს ისეთს საქმეს, რომელიც ჩვენ თვითშეგნებას, ურთიერთ დაახლოვებას და საერთო ეროვნულ ინტერესების გამოძეგლავნებას ძირს უთხრის.

* *
*

დღევანდელ კულტურულ მუშაობაში ერთი პირველ ადგილთაგანი სახალხო უნივერსიტეტს ეკუთვნის. და თუ იმას დღეს შესაფერი ადგილი არ უჭირავს ჩვენ ცხოვრებაში, რამდენათ კულტურულათ ვაძლიერდებით, იმდენად სახალხო უნივერსიტეტის მნიშვნელობა და ფასი ამაღლდება. ჩვენი სუსტი ძალების მიხედვით აქა-იქ ჩვენ ქალაქებში უკვე დაარსდა სახალხო უნივერსიტეტი და საქმეც შედარებით კარგათ მიდის, რადგან ხალხი მას სიყვარულით შეხვდა. მაგრამ, სამწუხაროთ, ამ დიად საქმეს უკვე დაბრკოლება ელოდება გზაზე. როგორც გახეთქება გადმოგვცეს, ბათომში პოლიციას ქართულ ენაზე ლექციების კითხვა აუკრძალავს. ჩვენ იმედი გვაქვს, რომ ეს მოვლენა შემთხვევითია და უნივერსიტეტის მოთავენი არ დაზოგვენ ღონისძიებას, რომ ეს დაფერხება დასძლიონ და თანანთი კულტურული მუშაობა მხნედ განაგრძონ.

* *
*

ყოველივე ხალხისთვის საშიში მდგომარეობა მხოლოდ მაშინ ჩნდება, როცა მისი ძალები დაქსაქსულია. არც ხალხის მცირე რიცხვიანობა, არც მისი შედარებითი კულტურული სისუსტე არ წარმოადგენს ისეთ საშიშროებას, რომლის დაძლევა არ შეიძლებოდეს, თუ მუშაობა საერთო გეგმით, გარკვეული გზით და სისტემატიურათ სწარმოებს. მცირედი ძალაც, სისტემატიურათ და ხანგრძლივათ მოქმედი, თავისას გაიტანს. ჩვენი აწინდელი უძლურება იმარხება სწორედ ამ დაქსაქსვაში. დაკვირვე-

ბით, კერძო ბაასით, მწერლობით რწმუნდებიან, რომ ჩვენში ბევრია მუშებში, გლეხებში, ვაჭრებში, — ყოველ დარგის ადამიანებში ისეთი პირნი, რომელნიც ხედავენ ჩვენს მდგომარეობას, გული შესტკივით საზოგადო საქმისათვის, მზად არიან ემსახურონ თავის სამშობლოს კულტურულ აღორძინებას, მაგრამ ცალ-ცალკე უძლურნი, ხოლო საზოგადო შეკავშირებას მოკლებულნი, ვერაფერს აწყობენ და უიმედობას ეძლევიან. მაგრამ, რადგან დღითი დღე შეგნება მატულობს, ეს განკერძოებაც აუტანელი ხდება და საზოგადოების სხვადასხვა წრეში შეკავშირების, ძალების მოკრების სურვილი იზადება. ასეთ საიმედო სურვილს, ასეთ მისწრაფებას დღეს ვამჩნევთ ჩვენ მოსწავლე ახალთაობაშიც. სახელმწიფოებრივი აღზრდა ჩვენში გადაიქცა უმთავრეს წამლეკავ, გამანადგურებელ საშუალებათ. ახალთაობის აღზრდა ისეთ ქაზრაკში ჩავარდა, რომ ქვეყნის მომავალნი თავის სამშობლოს მოსწყდნენ, მისი ინტერესებით ვერ სულდგმულობენ, მის ჭირ-ვარამს ვერ ითვალისწინებენ, რომ შემდეგ ცხოვრებაში საშუალება მიეცეთ თავისი ძალ-ღონით თავისივე სამშობლოს აღორძინებას და აყვავებას ემსახურონ. უნუგეშოა ჩვენი მდგომარეობა დღევანდელ დღეს. არც ერთ სფეროში ჩვენ არ მოგვეპოვება საკმარისად მომზადებულნი და თავის ქვეყნისთვის შესაფერი ცოდნით და გამოცდილებით აღჭურვილნი მოღვაწენი. და ყველაფერი ეს შედეგია იმ დუბჭირი წვრთნისა, რომელსაც ჩვენი ახალთაობა სახელმწიფო სკოლაში განიცდის. რა საკვირველია, ყველა ამ შედეგების გაქარწყლება, დაძლევა, რომელნიც აღზრდის ასეთ სისტემისაგან მომდინარეობს, დღევანდელ პირობებში შეუძლებელია. ამისათვის ერთადერთი საშუალებაა თვით ამ სისტემის დარღვევა და მოზარდთაობის ისეთ პირობებში ჩაყენება, რომელიც ჩვენ ცხოვრებას, ჩვენ კულტურას და ჩვენ ინტერესებს შეეფერება. მაგრამ აქედან სრულიად არ მომდინარეობს ის დასკვნა, რომ სანამ ეს პირობები ძირიანად არ შეიცვლებიან, გულზე ხელი დავიკრიფოთ და მშვიდად ვუცქიროთ ჩვენი მომავლის განადგურებას. პირიქით დღევანდელ პირობებშიაც შეუჩერებ-

ლივ უნდა ვიბრძოლოთ, რომ შევასუსტოთ განმანადგურებელ ძალების გავლენა და მომავალს ნიადაგი მოვუმზადოთ.

უმადლეს სასწავლებლებში ჩვენი მოსწავლე ახალთაობა ორ გვარად მოწყვეტილია თავის სამშობლოს: ჯერ სწავლების ორგანიზაციით და მერე უცხო ქვეყანაში იძულებით გადახვეწით. ამ ნაირად ამ თაობისათვის სამშობლო ქვეყნის ცხოვრება დაჩრდილული, დამალული, შეუგნებელი და გაუცნობი რჩება. აქედან ის შედარებითი გულგრილობა ჩვენი საზოგადო საქმეებისადმი, რომელსაც ცხოვრებაში გამოსულს ახალგაზრდებს ვამჩნევთ. ცხადია, ასეთ ფრიად სამწუხარო მოვლენას ყოველი ღონისძიებით უნდა შევებრძოლოთ. და პირველნი, ვინც ამ ბრძოლაში მოვალე არიან ჩაერიონ, თვით ახალგაზრდობაა. თვითონ მან უნდა შეეცადოს აწინდელ პირობებთან ბრძოლას, შეეცადოს გაითვალისწინოს თავის სამშობლოს მდგომარეობა და პირობების მიხედვით მოქმედების გეგმაც შეიმუშავოს. კაცს მაშინ ესაჭიროება გულშემატკივარი, დამხმარე, მეგობარი, როცა უჭირს, თვარა, როცა უღებინს, როცა ის ძლიერია, მაშინ მტერიც კი მეგობრობს მას.

და აი სწორეთ მოვესწარით ისეთს წუთს, როცა სტუდენტობამ სერიოზულად დააყენა საკითხი საერთო შეკავშირების შესახებ. ჯერ-ჯერობით ჩვენ ვიცით მხოლოდ ორი ქალაქის ქართველ სტუდენტების აზრი: ტომსკისა და ოდესის. ორივე ქალაქის სტუდენტი ქართველობა მომავალ „სრულიად ქართველ სტუდენტთა პროფესიონალურ კავშირს“ ორ მიზანს უსახავს: ერთია კერძო—სტუდენტების ნივთიერ მდგომარეობის გაუმჯობესება—ურთიერთი დახმარება, საზოგადოების დახმარების გაძლიერება და ან არსებულ დახმარების უფრო წესიერი და სამართლიანი განაწილება; მეორეა—საზოგადო მიზანი—სამშობლოსთვის მუშაობა, საზოგადოებრივი მუშაობა. პირველ მიზანს ჩვენ აქ არ შევცხებით, რადგან ის ყველასთვის აშკარაა. ჩვენთვის უფრო საყურადღებოა, თუ როგორ უცქერის სტუდენტობა ჩვენ ღღევანდელ მდგომარეო-

ბას და რის გაკეთებას გვპირდება. აი რას გვეუბნება თავის მოწოდებაში ტომსკის სტუდენტობა, რომელმაც კავშირის დაარსების საჭიროება პირველად აღძრა:

„ჩვენ, ტომსკის ქართველმა სტუდენტებმა, მივიღეთ რა მხედველობაში დღევანდელი მომენტი—მომენტი საზოგადოებრივ შინაარსის იდეალებისათვის მხნე, გააფთრებულ მუშაობისა; გავითვალისწინეთ რა დღევანდელი ჩვენი და მთელ ქართველ სტუდენტების მდგომარეობა, თუ სადამდე მიგვიყვანა დღევანდლაჲდღე უკუღმართმა სწავლა-აღზრდის წარმოებამ, აუცილებელ საჭიროებად ვცანით ჩვენის ძალთა განვითარების ნორმალურ კალაპოტში ჩასაგდებად და ბუნებრივ კავშირის გასაღვივებლად ჩვენსა და სამშობლო ქვეყნის შორის, შეუდგეთ (სანამ დრო არის) ეროვნულ კულტურულ მუშაობას, შევისწავლოთ ყოველ მხრივ ჩვენი ქვეყნის წარსული და აწმყო, ჩვენი ერის კირ-ვარამი ჩვენის საკუთარ კირ-ვარამად დავისახოთ და საკუთარი ფარხმალი აღმართოთ ყოველ მისკენ მიღებულ მახვილის საწინააღმდეგოდ. მეორედ, გავითვალისწინეთ რა ჩვენი უნუგეშო მდგომარეობა ეკონომიურის მხრით, თუ როგორი უსამართლობა ხდება დღეს მთელ ქართველ საზოგადოების და ჩვენ შორის სტიპენდიების და დახმარების განაწილების დროს, თუ როგორ უუღარიბესნი, ბეჯითნი და ნიჭიერნი ჩვენგანი შიმშილ-სიცივეს განიცდიან მაღალ სასწავლებელში სწავლის მიღების დროს, ხოლო უფრო შეძლებულნი და ფუქსავატნი კი სარგებლობენ საზოგადოების დახმარებით. ამავების მოსაწესრიგებლად გიწოდებთ ყველა ქართველ სტუდენტებს დღეიდანვე შევერთდეთ, შევკავშირდეთ, ხელი-ხელს მივცეთ ქვემო მოყვანილ „სრულიად ქართველ სტუდენტთა პროფესიონალურ კავშირის“ წესდების პროექტის განსახილველად და მის მიერ დასახულ მიზნების ცხოვრებაში განსახორციელებლად“.

ამ მოწოდებიდან ჩანს, რომ სტუდენტობამ გაითვალისწინა ჩვენი მდგომარეობა და სურს შეუდგეს ეროვნულ კულტურულ მუშაობას. მიზანი სწორეთ რომ მოსაწონია, მხოლოდ, სამწუხაროთ, როგორც ტომსკის, ისე ოდესის სტუდენტობას

ეროვნული

ეს ეროვნული კულტურული მუშაობის წრე მეტად ვიწროდ შემოუხაზავს. აი როგორ განმარტვენ ტომსკის სტუდენტები თავის მიზანს:

II. მიზანი კავშირისა. კავშირის მიზანს შეადგენს, პირველად, ყოველგვარი კულტურული მუშაობა სამშობლო ქვეყნის შესასწავლად, მეორედ, ღარიბ ქართველ სტუდენტთა მატერიალური დახმარება.

1) **კულტურული მუშაობა:** ა) ეროვნულ კულტურული მუშაობა კავშირისა გამოიხატება სამშობლოს წარსულის და აწმყოს ყოველ მხრივ გაცნობა შესწავლაში (მაგ. შესწავლა ჩვენის ისტორიისა, ენისა, ლიტერატურისა, ეკონომიურ-პოლიტიკურ მდგომარეობისა, სტატისტიკურ ცნობების შეკრება ჩვენის მხარის შესახებ და სხ.); ბ) ამ მიზნის მისაღწევად კავშირი იძენს სამეცნიერო შინაარსის წიგნებს, სახელმძღვანელოებს და იკავებს მჭიდრო კავშირს, როგორც ჩვენი ქვეყნის, ისე სხვა ქვეყნის კულტურულ დაწესებულებებთან (მაგ. სამეცნიერო აკადემიებსა, ისტორიულ არქივებსა, მუზეუმებთან და სხ.).

ოდესის სტუდენტობა არ კმაყოფილდება მარტო შესწავლით. მას სურს პირდაპირი მოქმედებაც, მაგრამ აქაც ამ მოქმედებას ფრთა ეკვეცება:..

„კრებამ, მიიღო რა მხედველობაში ჩვენი ქვეყნის დღევანდელი მდგომარეობა და ის დიდი წყურვილი ჩვენის მასისა განათლებისადმი, რომლის დასაკმაყოფილებლადაც არ არსებობენ ჩვენში საკმაო ძალები, და აგრეთვე ის, რომ თვით მოკავშირეთა გასავეითარებლად არ კმარა მხოლოდ თეორეტიულად თავისი ერის წარსულის და აწმყოს შესწავლა, არამედ საჭიროა თეორიის და პრაქტიკის ერთად მსვლელობა, რადგან ამგვარ საქმის დაყენება უფრო მეტს საშუალებას მოგვცემს ხალხის ყოფა-ცხოვრების გაცნობისას, საჭიროდ სცნო პროექტის დედა აზრის გაფართოვება, სახელდობრ, კრების აზრით, კავშირის მიზანი უნდა იყოს არა მარტო თვით-განვეითარება და ურთი-ერთის დახმარება ეკონომიურად, არამედ აგრეთვე ამხანაგების მოწოდება საზაფხულოდ ლექციების საკითხავად“.

ჩვენი დღევანდელი მდგომარეობა ყველამ კარგათ იცის. რომელ სფეროში გვაქვს რამე? სად ვართ ძლიერნი? და განა ასეთ მდგომარეობაში მარტო ლექციების კითხვაა საკმარისი? კულტურული მუშაობა ფართო, უსაზღვრო ასპარეზია: ლექციების წაკითხვა, წიგნების დაწერა, თუ გადმოთარგმნა, სამკითხველოების გამართვა, წერა-კითხვის გავრცელება, სამეურნეო ცოდნის გავრცელება. ჩვენი უმთავრესი სისუსტე — სიღარიბეა, რომელიც პოლიტიკურ პირობებთან ერთად შედეგია უმეცრების და უპატრონობის. მატერიალურ კულტურაზე ზრუნვა უპირველესი საკითხია ჩვენთვის. დღეს მთელი ქართველობა მხოლოდ მონაა უფრო კულტურულ ხალხთა. იმას არ აქვს გარკვეული, თუ რა გზას უნდა ადგეს ეკონომიურ ცხოვრებაში. და აი აქ საჭიროა უპირველესი დახმარება. ჩვენი კულტურის შესწავლა, გაკვლევა იმ გზისა, რომელსაც უნდა დაადგეს ამა თუ იმ კუთხის წარმოება, მწარმოებელთა შეკავშირება, როგორც წარმოების გასაუმჯობესებლათ, ისე ნაწარმოების გასასაღებლად. ამასთან დაუმატეთ ხალხის უღონობა სხვა და სხვა სენთან ბრძოლაში. ერთი სიტყვით — კულტურული მუშაობა მეტად დიდი, დაუშრეტელი საქმეა. და სტუდენტობაც თავის შედგენილებით მეტად მრავალფეროვანია. ერთს ისტორიული კვლევის უნარი აქვს; მეორეს ბუნების შესწავლა ენერჯება, მესამეს ეკონომიური ცხოვრების გათვალისწინება აინტერესებს, მეოთხეს პირდაპირ პრაქტიკული მუშაობა სწყურია. შეკავშირებას სწორედ ის მნიშვნელობა აქვს, რომ ყველა შრომის მოწადინეთ ერთობის სახელით მუჯლუგუნი წაჰკრას, ყველა წაახალისოს და ისეთ პირობებში ჩააყენოს, რომ ყოველივე შრომის მსურველს თავისი ნიჭის და მისწრაფების მიხედვით შეეძლოს თავისი წვლილი შეიტანოს საერთო კულტურულ საღაროში. იმედია, ეს ასეც მოხდება, მომავალ სტუდენტთა კავშირის მიზანი გაფართოვდება. ჩვენ მხოლოდ დაგვიჩენია სიხარულით მივეგებოთ ქართველ სტუდენტთა მისწრაფებას და ვუსურვოთ ახლო მომავალში მათ მიზანი სავსებით განეხორციელებიოთ.

*
*

მოგვიახლოვდა ზაფხული, როცა მასწავლებლობა და მოსწავლე-ახალგაზრდობა უმეტესად სოფლად გადის და საზოგადოთ თავისუფლდება თავის პირდაპირ მოვალეობისაგან. ჩვენზე გაცილებით უფრო დაწინაურებულ ქვეყნებშიც, სადაც სახელმწიფო და კომუნები ერთმანეთს ეჯიბრებიან სახალხო განათლების გავრცელებაში, იქაც კი კერძო ინიციატივას, კერძო მუშაობას ყოველივე სახელმწიფოებრივ დაწესებულებების გარეშე დიდი ასპარეზი აქვს. ცხადია, ჩვენში, სადაც არავითარი ადგილობრივი თვითმართველობა არ არსებობს, სახელმწიფოებრივი დაწესებულებანიც მცირედი და ყველა უკუღმართათ მოქმედებენ, კერძო ინიციატივას, კერძო მუშაობას მეტი არსებობის საფუძველი აქვს, მას მეტი მნიშვნელობა აქვს და ამიტომაც მეტ ყურადღებას უნდა იპყრობდეს ჩვენი მხრით. ყოველი სასარგებლო ძალა აქ უნდა გამოვიყენიოთ. სოფლად და საზოგადოთ მდაბიო ხალხში წერაკითხვის გავრცელება, კითხვების გამართვა, წიგნების გავრცელება ეს ისეთი საქმეა, რომელიც ყოველივე ცოტაოდნად განათლებულ ადამიანს შეუძლია და მასთან მეტად დიდ მნიშვნელოვანია. წარმოიდგინეთ, სულ ცოტა რომ ვიანგარიშოთ ხუთი ათასი მასწავლებელი და მოსწავლე გავა სოფლად ზაფხულში. თითო კაცმა დღეში თითო საათი რომ შესწიროს ამ მწიგნობრობის გავრცელების საქმეს ამა თუ იმ სახით, მაშინაც დიდ შედეგს მივიღებთ. და ეს ისეთი შედეგი იქნება, რომელიც შემდეგშიაც ნაყოფს მოიტანს. საზოგადოთ წერაკითხვის და მწიგნობრობის საქმე ჩვენში ყოველგან სუსტია. ბევრ ადგილას ვაჟებიდან თუ რაოდენიმე ნაწილი სწავლობს, ქალები სულ სკოლის გარეშე რჩებიან. მაგრამ განსაკუთრებულ ყურადღების ღირსია ის ადგილები, სადაც სკოლა ან სრულიად არ არსებობს, ან მეტად მცირე რიცხვი არსებობს. ასეთი ადგილებია ფშავ-ხევსურეთი, თუშეთი, სამეგრელო და განსაკუთრებით მაჰმადიანთა კუთხე. ამიტომაც ჩვენ მოვიწოდებთ ყველა იმათ, ვისაც კი ძალა და სურვილი შესწევს ამ საქვეყნო საქმეს ცოტაოდენი დრო მოახმარონ, აუცილებ-

ბლივ შეუდგენ მუშაობას. ამასთან იმედი გვაქვს, რომ ჩვენს საზოგადოებას ყურადღებით მოეპყრობა ამ საქმეს და ჯეროვან დახმარებასაც აღმოუჩენს. იმის იმედიც გვაქვს, რომ „წერაკითხვის გამავრცელებელი საზოგადოება“, რამდენათაც კი შეძლება გაწვდება, დაეხმარება მსურველთ წიგნების მიწოდებით.

* *
*

განმათავისუფლებელმა მოძრაობამ სხვათა შორის პირველადგილზე წამოაყენა განათლების საქმე. დღეს ყველასათვის ცნობილია, რომ სკოლა შეიქნა ძლიერ იარაღათ აღამიანთა გაბატონებულ კლასების სურვილისა დი მიზნისამებრ აღზრდის, გაწვრთვნის იარაღად. ხოლო რადგან ბატონობა სარგებლობს ყოველივე საშუალებით, რომელიც მას ხელს უწყობს, ამიტომაც სკოლაზე გავლენა აქვს და მის ხასიათს არკვევს, როგორც კლასობრივი, ისე ეროვნული და სარწმუნოებრივი ბატონობა. განთავისუფლებისაკენ მიმსწრაფ ხალხის ერთი პირველ მიზანთაგანი იყო გამოეხსნა თავისი ახალ-თაობა ამ ბატონობის კლანჭებიდან და მისი აღზრდა ნორმალურ პირობებში ჩაეყენებია. ამიტომაც პირველი დღიდანვე განმათავისუფლებელი მოძრაობა შეეხო სკოლის დუხკირ პირობებს და მოინდომა მისი შეცვლა, დემოკრატიზაცია. ამ საქმეში განსაკუთრებული უნარი და თავის მოვალეობის შეგნება გამოიჩინა იმერეთის მასწავლებლობამ, რომელმაც კიდევ შეიმუშავა შესაფერი პროგრამა და შეეცადა მისი ცხოვრებაში გატარებას. მაგრამ დრონი იცვალნენ, რეაქციის სუსხმა დაჰბერა. ამ დროს ბევრი მიიმალა, ბევრი ძველ გზას დაუბრუნდა, ბევრმა ხალხის იმედები არ გაამართლა. როგორც ჩვენ საქმე გვიჩვენებს, იმერეთის მასწავლებლობის დიდი უმრავლესობას დღესაც არ უღალატია თავის მოვალეობისათვის და, მიუხედავათ აუტანელ პირობებისა, ცდილობს ერთხელ არჩეულ ღირსეულს გზას არ გადაუხვიოს.

გაზეთებმა უკვე მოგვაწოდეს ცნობები, რომ აპრილის პირველ რიცხვებში, იმერეთში, სხვა და სხვა საბოკაულოებში

გაიმართა მასწავლებელთა კრებები ორკლასიან სკოლებსთვის პროგრამის შესამუშავებლად. კრებები ისეთ პირობებში მოეწყო, რომ, ცხადია, ნორმალური მუშაობა შეუძლებელი იყო. ჯერ ერთი — მასწავლებელთა კრებული დაქსაქსეს და საგუბერნიო, ან მაინც სამაზრო კრებების მაგიერ, გამართეს საბოქაულოს კრებები. ალბათ კარგათ ახსოვთ ანდაზა: „გაჰყავი და იბატონეო“. მეორე — კრებებს წინდაწინვე განუსაზღვრეს პროგრამა და უჩვენეს, თუ რა საკითხებს არ უნდა შეხებოდა; ამასთან თავმჯდომარეც წინდაწინვე დაუნიშნეს. აშკარაა, ამ პირობებში მუშაობა შეუძლებელი იყო. მაგრამ, მიუხედავად ამისა, მასწავლებელთა უმრავლესობა მაინც პირნათლად გამოვიდა ასეთ განსაცდელისაგან და მახეში არ გაება. მხოლოდ უმთავრესი სამუშაო მაინც წინაა. და აი სწორედ აქ ვხედავთ, თუ რამდენათ საჭიროა შეერთებული მუშაობა, საერთოთ ძალის მოკრება და ჩვენც იმედი გვაქვს, რომ მთელი ქართველი მასწავლებლობა, რაც კი პროგრესიულ ელემენტს შეიცავს, შეკავშირდება, ერთს გარკვეულს გეგმას შეიმუშავებს და ეცდება ხალხთან ერთად ეს გეგმა დაიცვას, ერთხელ ამართული საპატიო დროშა არ დააგდოს, ამისათვის კი აუცილებელი საჭიროა ყველა ქართველ მასწავლებელთა შეერთება. დროა წვრილმან კინკლაობას თავი დავანებოთ და მეტი შეგნება გამოვიჩინოთ.

* *
*

არა ნაკლებ საჭიროა მასწავლებელთა საზოგადოება მასწავლებლების თვითგანვითარებისათვის. მხოლოდ იმ ადამიანს აქვს უფლება იმასწავლებლოს, რომელიც თვითონ მუდამ სწავლობს. ერთი შეჩერება გონებრივ ცხოვრებაში, თვით განვითარების საქმის ლალატი მასწავლებელს უკვე აძაბუნებს და ართმევს იმ განსაკუთრებულ მიმზიდველობით ელფერს, რომელიც გონებით მომუშავე ადამიანის თანმყოფი თვისებაა. ხოლო ამ თვისების დაკარგვა მასწავლებელს უბრალო მოხელედ ხდის, რაც სწავლა-აღზრდის საქმეში მეტად მომა-

კვდინებელი მოვლენათ უნდა ჩაითვალოს. გონებრივ ცხოვრებას ერთი აუცილებელი თვისება აქვს. ის შესაძლებელია მხოლოდ საზოგადოებაში. თუ ადამიანი მჭიდრო საზოგადოებაში ცხოვრობს, რამდენათაც ძლიერია აზრთა გაცვლა-გამოცვლა და ჭიდილი, იმდენათ გონებრივ ცხოვრების, გონებრივ არსებობის ინტერესი დიდია და იმდენათ ადამიანი უფრო ააღმასებს თავის გონებას და მუდამ განვითარების გზაზე მიდის, ჩვენში არა ერთს მაგალითს შენიშნავთ, რომ ადამიანი ახალგაზღვრაში მეტად ფხიზელ გონებას იჩენს, ცოდნის წყურვილიც ძლიერი აქვს, მხოლოდ როცა, ცხოვრებაში გამოდის, თნდათან დუნდება და ბოლოს ძველი ნარჩო-მით თუ ცხოვრობს, თვარა სხვა არაფერი მოიპოვება მის გონებრივ საღაროში. და ასეთ მოვლენას მხოლოდ იმიტომ აქვს ადგილი, რომ ჩვენ ცუდ პირობებში ვართ, ფრთა ვერ გაგვიშლია. რომ ჩვენი ცხოვრება რიგიანათ მოვაწყოთ. განსაკუთრებით ეს ითქმის დაბალი სკოლის მასწავლებლებზე. აიღეთ რომელიც გნებავთ განათლებული ქვეყანა. აქ უსათუოდ არსებობს მასწავლებელთა კავშირი, აქ იმართება მასწავლებელთა კრებები, მოწყობილია საერთო სამკითხველოები — და ამასთან აწყობენ განსაკუთრებულ ლექციებს, რომ მასწავლებელთ გაუადვილდეთ გონებრივი წინსვლა და ახალი ცოდნა შეიძინონ. ჩვენ ამ მხრივაც მეტად შევიწროებული ვართ. თავისუფალი სუნთქვა აღარ გველირსა. მაგრამ ამ პირობებშიაც უნდა შევეცადოთ და საზაფხულოთ მოვაწყოთ ლექციები, რომ მსურველ მასწავლებელთ საშუალება მიეცეთ შესაფერი მასალა მოიპოვონ. დაიმედებული ვართ, რომ ის მასწავლებელნი, რომელთაც პირნათლად სურთ თავის მიზანს ემსახურონ, დიდი ხალისით მოეკიდებიან ამ საქმეს.

* *
*

ამას წინეთ გაზეთებმა ერთი საყურადღებო ფაქტი აღნიშნეს. საქართველოს სამღვდლოებამ გადასწყვიტა — სასულიერო სემინარიებში საღვთისმეტყველო საგნების სწავლება

მაინც ქართულ ენაზე მოეწყო. ასეთი მცირედი სურვილი და მასთან იმდენათ სამართლიანი ყოველ მხრივ, იმდენათ ცხადი იყო, რომ არავის ეჭვი არ დაებადებოდა, რომ მას სინოდი არ შეიწყნარებდა. მაგრამ ჩვენ ცხოვრებაში რა არ ხდება? სამღვდლოებას უარი უთხრეს. დასაბუთებაც საყურადღებოა. რადგან პირდაპირი უარი, ნამდვილი მიზეზის გამომჟღავნება მეტად სასირცხო და აღმაშფოთებელი იქნებოდა, ამიტომ განაცხადეს: შესაფერი სახელმძღვანელოები არ გაქვთო. რასაკვირველია, ეს ყველამ იცის, რომ საბუთი არაა. ჯერ ერთი, რომ ჩვენში თუ ლიტერატურის რომელიმე დარგი მდიდარია, სწორეთ სასულიერო, რომელიც ბევრს გამოჩენილ თხზულებებს შეიცავს. მეორე სახელმძღვანელოც, რომ არ იყოს მიეცით შეძლება ცხოვრებაში გამოიყენონ და დღესვე გამოჩნდება შესაფერი ნაწარმოებნი. მაგრამ ასეა: გამარჯვებული ყოველთვის მართალია... ყოველ შემთხვევაში სამღვდლოება ვალდებულია ამ საქმეს თავი არ მიანებოს, თავისი დადგენილება განაახლოს და მასთან შინაურულადაც შესაფერი ზომები მიიღოს, რომ ისეთივე უარი შეუძლებელი გახდეს.

რუსეთის ცხოვრებიდან.

ამურის რკინის გზის პროექტი სათათბიროში. კმათი საერთო განათლების შესახებ. — სათათბიროს მოქმედების ხასიათი და ოქტომბრის ტებს შორის უთანხმოება. თანამედროვე მდგომარეობა.

პირველ აპრილს მესამე ივნისის საარჩევნო კანონით შეკრებილ სათათბიროს უმრავლესობამ გადასწყვიტა ამურის რკინის გზის გაყვანა. ძნელია აღნიშვნა იმისი თუ რით ხელმძღვანელობდა სათათბიროს უმრავლესობა, როცა ასე საჩქაროთ სწყვეტდა ამ საკითხს, დღევანდელ რუსეთის ცხოვრების პირობებში, როცა ეკონომიური ცხოვრება შეფერხებულია, როცა ხალხს თითქმის არაფერი არ გააჩნია, როცა საჭიროა ძალების მოკრება და აღორძინება, მმართველობამ და ოქტიაბრის ტების უმრავლესობამ დააკისრა დამშეულის ხალხს 300 მილ. მან. ვალება ამურის რკინის გზის გაყვანისათვის სტრატეგიული მიზნით. მაგრამ, როგორც შემდეგ აღმოჩნდა, ამურის რკინის გზის გაყვანით, მეორე ციმბირის გზის ლიანდაგის გაკეთებით, საქმე არ თავდება, მსხვერპლი რუსეთის ხალხებისა არ ბოლოვდება; სტრატეგიულ მიზნისთვის საკმარისი არ არისო, როგორც ვადმოგვცა ოფიციალურმა „როსსიამ“ ამურის გზის გაკეთება და ციმბირის გზის მეორე ლიანდაგის გაყვანა, რადგანაც ბაიკალის რკინის გზა ვერ აკმაყოფილებს მოთხოვნილებას, ამ გზის მეორე ლიანდაგის გაყვანა მოუხერხებელი და შეუძლებელიცაა, ამისათვის მმართველობის ორგანო აცხადებს, რომ საჭიროა ბაიკალის ტების იმრველივ ჩრდილოეთით გზის გაყვანა, ე. ი. კიდევ 300 მილ. მან. ხარჯი. ოპოზიციამ არა ერთი საბუთი წარუდგინა

სათათბიროს იმის შესახებ, რომ ამურის რკინის გზის პრინციპის მიღება პრინციპიალურ მოსაზრების გარდა, ტენიკურ შეუქმუნაობლობის გამო, მოუხერხებელია. ამ შემთხვევაში უადგილო არ იქნება ოპოზიციის წარმომადგენლის სიტყვებზე შევჩერდეთ. მმართველობამ, როგორც სამართლიანად გამოარკვია დებ. შინგარიოვმა, თავის უფლებათ და ნებით გადაწყვიტა ეს საკითხი, არ მოისურვა ხალხის წარმომადგენლების აზრის გაგება. ხმა ხალხისა ვითომდა მისთვის საჭირო არ იყო; პირველ სათათბიროს სიცოცხლის დროს მოხდა ეურნალური დადგენილება მინისტრთა საბჭოსი (ეს დადგენილება უმაღლესად დამტკიცებულ იქმნა) იმის შესახებ, რომ გამოკვლევა მოეხდინათ და ეს გადაწყვეტილება არც უცნობები-ათ სათათბიროსათვის. მეორე სათათბიროში წინადადება ამურის რკინის გზის გაყვანის შესახებ შეტანილ იყო ათის დღის წინად მის დათხოვამდის, და თვით გზის გაყვანა დაწყებული იყო მესამე სათათბიროს მოწვევამდის ძირითად კანონების 87 სტატიის წესით.

ამგვარად საქმის წარმოება, სთქვა შინგარიოვმა, შესაძლებელი იქნებოდა კიდევ იმ შემთხვევაში, რომ აქ საქმე ყოფილიყო უცილო საკითხის შესახებ, მაგრამ, რაც შეეხება ამურის რკინის გზას — შინგარიოვის აზრით — რა მხრითაც უნდა გავშინჯოთ ეს საკითხი მისი გაყვანა ზედმეტად სათუოოა. არც სახალშენო, არც სამხედრო მიზანი დამტკიცებული არ არის. „მე რომ მკითხოთ — სთქვა დებუტატმა შინგარიოვმა — თუ როგორ ვფიქრობ შორეულ აღმოსავლეთის, შენარჩუნებას რუსეთისათვის, ვალდებული ვიქნები საფსებით, გარკვევით მოგახსენოთ: უნდა ვიაროთ არა იმ გზით, როგორც უკვე განუზრახავს სახელმწიფო სათათბიროს და მიმოსვლის კომისიებს. მე მრწამს, რომ მხოლოდ ის განაპირა ქვეყანაა მჭიდროდ შეკავშირებული სახელმწიფოსთან, მხოლოდ ის განაპირა ქვეყანაა ძლიერი, რომელსაც აქვს ძლიერი, დიადი ცენტრი, ცენტრი კულტურული, შეიარაღებული კაპიტალით, ცოდნით და ხალხის ენერგიით... თუ კი ჩვენ გვერდს აუვლით ხალხის ინტერესებს, თუ კი მცირე ხარჯსაც

დავაკლებთ მის განათლებას, თუ მის დამოუკიდებლობას და თვით მოქმედების და თავისუფალ თავის გამორკვევას არა გავავითარებთ, ჩვენ არასიღეს არ ვიქნებით ძლიერი. ჩხუბისათვის საჭიროა კულტურა, ენერჯია და თავისუფლება. სანამ ეს პირობები არ შეგვიქმნია, მანამ მე არ შემიძლია ვილაპარაკო შორეულ აღმოსავლეთის განაპირა ქვეყნის დაცვის შესახებ. ვშიშობ, რომ ჩვენ კიდევ მოგველის მუგდენი და ცუსიმა“ ამის შემდეგ შინგირიოვმა გაარკვია ამურის რკინის გზის გაყვანა ფინანსიურის მხრით; აღნიშნა, რომ 300 მილიონი მანეთი დასჯდება ამურის გზა, მეორე ციმბირის ლიანდაგის გაყვანა 150 მილ., ჯარისა და ფლოტისათვის მიწვდენა საჭიროა ნუზლისა 300—400 ალაჯის მანძილზე, „სახელმწიფოს ვალი — სიტყვა შინგაროვმა — დღეს 8¹/₂ მილიარდს უდრის; 60 მან. ხდება რუსეთის თვითეულს მცხოვრებს. რასაკვირველია მდიდარ და მეოჯახე ქვეყნისათვის ეს არ იქნებოდა საშიში; თანამედროვე რუსეთისათვის ზედმეტად დიდი და შეუძლებელია. მხურვალე სიტყვა წარმოსიტყვა დებ. როდიჩევმა. სხვათა შორის როდიჩევმა წარმოსიტყვა: „თქვენ სდგეხართ ისტორიულ ხმის მიცემის წინაშე. ამ მომენტში თქვენ ქვეყანას ამ თუ იმ ლიანდაგზე აყენებთ: ორ გზას შუა ხართ! და ჩემთვის საკითხი იმაში მდგომარეობს, თუ საით წავა ცოცხალი ძალა ხალხისა, რისთვის დაიხარჯება იგი? უნაყო უდაბნოს დასახლებისათვის, თუ შინაგან ძლიერების შესაქმნელად? როდესაც რუსეთი თვითონ გაგზავნის ამურზე კოლონიზატორებს, შეიარაღებული ცოდნით და თვით მოქმედ ძალით, მაშინ რკინის გზა გაყვანილი იქნება ჩვენი კოლონიების მიერ და ამ კოლონიებისათვის. მე მითხრეს აქ: „გვაჩვენე მეორე საშუალება ამურის დასაცავად. მე მიგითითებთ. რუსეთი უნდა შეიქმნეს თავისუფალი, მდიდარი, ამაყი და მაშინ გექნებათ ძალა... სახელმწიფოს თავისუფალ ძალების გაღვიძების შედეგი იქნება კულტურული დაპყრობა ამურისა“... გლენების დებუტატებიც წინააღმდეგი იყვნენ ამურის რკინის გზის გაყვანისა; გულ-მხურვალედ უმტკიცებდენ ოქტომბრისტებს, რომ ის თანხა, რაც ამ გზას მოუნდება, გლენ-კაცო-

ბის მდგომარეობის გაუმჯობესებისათვის მოხმარებულიყო მაგრამ არა ვაწყობ რა, ვინაიდან სათათბიროს უმრავლესობას უკვე გადაწყვეტილი ჰქონდათ ეს საკითხი მმართველობის წინადადების თანახმად და არავითარს მოსაზრებას საჭირო ყურადღებით არ ეპყრობოდნენ. ყოფილმა პრემიერმა ვიტტემ სახელმწიფო საბჭოში რუსეთის ფინანსიურ მდგომარეობას ექვის თვლით შეხედა და მისი არა ნორმალური მდგომარეობა აღნიშნა. ფინანსიურ მხარეს საპატიო ალაგი უნდა დაეკირა ამურის რკინის გზის გაყვანის შესახებ საკითხის გადაწყვეტის დროს. ვიტტემ სთქვა: საჭიროა ფრთხილად მოვეპყროთ ჩვენს ფინანსებს; საჭიროა ჩვენი შერყეული კრედიტის გამაგრება, ამისათვის კი საჭიროა საშუალებების მიხედვით ცხოვრება... აქედან კი ერთი რამ გამომდინარეობს: შეუძლებელი იყო და არის ამურის რკინის ზგის პროექტის მიღება.

* *
*

14 მარტს რუსეთის პარლამენტში დაიწყო სჯა და ბაასი 6.900 ათ. მან. გაღების კანონ-პროექტის შესახებ ხალხის განათლებისათვის. ზემო აღნიშნული თანხა მმართველობამ მოითხოვა ვითომდა საერთო სწავლის მოწყობისათვის; კანონ-პროექტი მიაჩნდათ, როგორც პირველი ნაბიჯი ამ ზედმეტად რთული და დიადი საქმის მოწყობის გზისაკენ; ნამდვილად კი აქ საერთო განათლება არაფერს შუაში იყო. სწავლა-განათლების სამინისტრო თხოულობდა რამოდენიმე მილიონს, რათა შესძლებოდა დაკმაყოფილება საერო და სხვა საზოგადოებრივი დაწესებულებათა შუამდგომლობისა, ვინაიდან სასკოლო საქმის მოწყობა დახმარებას თხოულობს მმართველობისაგან; მაგრამ ამ საკითხმა გამოიწვია პრინციპიალური ბაასი პარლამენტში; სათათბიროში თავმოყრილმა პარტიებმა გამოსთქვეს თავიანთი აზრი სახალხო სწავლა-განათლების საჭიროების და მის მნიშვნელობის შესახებ და მით გამოარკვეეს ერთი ფრიად საინტერესო საკითხი. ექვს გარეშეა საერთო განათლების მნიშვნელობა თანამედროვე ცხოვ-

რებისთვის. პირველ დაწყებითი განათლება, როგორც სამართლიანად სთქვა ეტტინგენმა, „ფერმენტია ცივილიზაციისა“. „ხალხი, რომელსაც საუკეთესო სკოლები აქვს, — ამბობს ჟიულ სიმონი, — უსათუოთ შეიქმნება დღეს თუ არა, ხვალ მაინც მოწინავე ხალხად ქვეყნიერებაზე“. დღეს ყველასთვის ცხადია, რომ ხალხის განათლება ერთად ერთი გზაა ცხოვრების გასაუმჯობესებლად და ერთი ძლიერი ფაქტორია ხალხის სიმდიდრის განვითარებისათვის. —

საუბედუროთ რუსეთის ბიუროკრატია ხალხის სწავლა-განათლებაზე არ ზრუნავდა. ადმინისტრაციის და პოლიციის შენახვა ბევრად უფრო მეტი უჯდებოდა და უჯდება საერთოთ სახელმწიფოს და კერძოთ ქალაქებს, ვიდრე ხალხის განათლების და საექიმო და საბეითლო დახმარების მოწყობა. შემდეგი ცხრილი ნათლად დაგვანახავებს ამას. 1907—8 წ. განმავლობაში ქალაქების დაახლოებითი ხარჯი 1 მცხოვრებზე კაბ. მოდის:

	სასწავლებლებზე	პოლიციაზე.
მოსკოვი —	— 73,0 —	— 116,0
ირკუტსკი —	— 90,0 —	— 115,0
კიევი —	— 59,1 —	— 93,0
პეტერბურგი —	— 80,3 —	— 90,5
ვილნო —	— 9,5 —	— 71,0
ორიოლი —	— 8,6 —	— 44,7
ლუქაისკი —	— 4,3 —	— 31,8
ხარკოვი —	— 30,3 —	— 50,8

(სტ. ბ.ბ. ნიკიტინისა ცნობ. მოსკოვის ქალაქის თვით მმართველობისა №№ 11—13 1903 წ.).

ერთი სიტყვით რუსეთის ბიუროკრატია ხალხის განათლების მაგიერ პირველ რიგზე ხალხის უმეცრების გაბატონება წამოაყენა. აი ამიტომაც 14 მარტის სჯა-ბაასს დიდი მნიშვნელობა აქვს, მაგრამ სათათბიროში წარმოთქმულ სიტყვების შინაარსს — ყველას აქ, რასაკვირველია, მკითხველთ ვერ გადავცემთ.

როგორც აღნიშნა დეპუტატმა კოვალევსკიმ (ოქტომ.) მმართველობა უკვე პირველ დეკლარაციაში, პირველ სათათბიროსადმი მიმართულში, დაჰპირდა ხალხის წარმომადგენლებს მოსაზრების წარდგენას საერთო განათლების შესახებ. მეორე სათათბიროსათვის სამინისტრომ კანონ-პროექტი შეიმუშავა და ამ კანონ-პროექტის შესახებ სამინისტრო შესაძლოდ სცნობდა საერთო განათლების მიღწევას 10 წლის განმავლობაში. საუბედუროთ პროექტი, რომელიც მეორე სათათბიროში შეიტანა სამინისტრომ, შეცვლილი შეიქმნა და ხარჯის ჯამისა (103 მილ. მ.) და 10 წლის ვადის შესახებ სრულიად არაფერი იყო ნათქვამი. მესამე სათათბიროში სამი სხვა და სხვა კანონ. პროექტი იქმნა შეტანილი: ორს მადგანს საკრედიტო ხასიათი აქვს, მესამე შეიცავს ძირითად დებულებას რუსეთში საერთო განათლების შემოღების შესახებ; მაგრამ უკანასკნელ პროექტს, რომელიც არ არის დამყარებული არავითარ კრედიტზე, არავითარ ხარჯ-აღრიცხვაზე, პლატონიური ხასიათი აქვს.

„რასაკვირელია — სოქვა კოვალევსკიმ. ხალხის განათლების საქმე დამოკიდებულია გამგეობის ორგანოების მოწყობაზე და საერთო ფინანსიურ ორგანიზაციაზე, მაგრამ საქმე არ იცდის და ყოველ-გვარი შეჩერება განათლების განვითარებასა იქნებოდა ნაბიჯი უკან. საქმე იმაშია, რომ მარტო მცხოვრებთა მომეტების გამო ყოველ წლიურად საჭიროა გაიხსნას 3000 სკოლა. ამისათვის სახალხო განათლების კომისია წინ აყენებს ორ კანონ-პროექტს, რომლებიც შეეხება 6.900 ათ. მან. გაღებას და უდგენს დასამტკიცებლად სახელმწიფო სათათბიროს. ამ თანხის გაღება პირველი ნაბიჯია საერთო განათლების შემოღების გზისკენ.

საუბედუროთ, დაუმატა კოვალევსკიმ, მმართველობამ გამოიჩინა ზოგიერთი სულ მოკლეობა... მესამე სათათბიროში წაკითხულ დეკლარაციაში მმართველობა მხოლოდ გაკვირით იხსენიებს ხალხის განათლებას; ფინანსთა მინისტრი აღიარებს რა 1908 წ. ხარჯთ-აღრიცხვაში 5¹/₂ მ. მან. შეტანას, არაფერს არ ამბობს ახალ ხარჯების აუცილებლობის შესახებ, მთე-

ლი იმედი ქვეყნისა ეხლა მიპყრობილია ხალხის წარმომადგენლობისკენ. „სახელმწიფო სათათბირო ერთბაშად უნდა დაადგეს გამორკვეულს და შეურყვევლს გზას, რომ რამე ფერად მიაღწიოს საერთო განათლებას... სახელმწიფო სათათბირომ უნდა განაცხადოს, რომ იგი ხალხის განათლების საქმეში არ დაკმაყოფილდება მარტო განყენებულ ფორმულებით, არამედ ჩათვლის თავის მოვალეობათ ამ ფორმულებს თან ახლდეს თანაბარი მოქმედებაც, ხალხის განათლება უნდა გადაიქცეს ნამდვილ სახელმწიფო მოთხოვნილებად, როგორც შენახვა ჯარისა, სასამართლოსი, რკინის გზებისა და სხვ.

სოც.-დემოკრატ. ფრაქციის წარმომადგენელმა ბელოუსოვმა დაახლოებით შემდეგი სიტყვა: ს.-დ. ფრაქცია მომხრეა კანონ-პროექტის... მმართველობა ყოველთვის ხელს უშლიდა, აფერხებდა სწავლა განათლების საქმეს; მმართველობას ავანტურისათვის ყოველთვის ჰქონდა საშუალება, და ხალხის განათლებისათვის კი არა; ამით აიხსნება, რომ რუსეთში 207 ვერსტის მანძილზე ერთი სკოლა... დღესაც პირობები არ შეცვლილა. საჭიროა იმგვარი ზომები იყოს მიღებული, რომ მართლა განხორციელდებულ იყოს საერთო უფასო სწავლის შემოღება. გარდა ამისა საჭიროა შემოღება სწავლისა სამშობლო ენაზე ყოველგვარ ტიპის სკოლებში, აღვიარება რელიგიის სწავლებისა კერძო საქმედ, ყოველგვარ პრიველეგიების მოსპობა განათლების მიღების საქმეში და სხვა.

დასასრულ ბელოუსოვმა სიტყვა: სკოლამ უნდა აჩვენოს ცხოვრება იმგვარად, როგორიც ის არის. ბრძოლა კანონია ცხოვრებისა. კლასობრივი ბრძოლა — კლასობრივი ცხოვრების კანონია... საერთო კაცობრიული ხასიათი პროლეტარულ იდეალისა გამოისახება სკოლაში კლასობრივ ბრძოლის შეგნების გამორკვევით და ამით არა ერთურთის სიძულვილის თესლი იქნება წმინდა, არამედ თესლი საერთო კაცობრიული სოლიდარობისა... მემარჯვენეებიც მომხრე იყვნენ საერთო განათლებისა, მაგრამ მათ სიტყვებში თვით სკოლა და მისი ხასიათი გამორკვეულ ელფერს ღებულობს. „ხალხს სურს იცოდეს, თუ რა სკოლა ექნება... ცოდნა სკოლაში

მომავალშიაც ხელს შეუწყობს იმ მიზანს, რომლის მისაღწევად მმართველობამ ჩვენში სკოლა მხოლოდ პოლიტიკურ პროპაგანდის იარაღად გახადა. ამ მიზნის წყალობით ოფლით შექმნილი კაპეიკი ჩვენი, პოლონელი მუშისა ანუ პოლენელი გლეხისა, თუ ხანდისხან მის სამშობლო სოფელს უბრუნდება, ეს მხოლოდ იმისთვის, რომ მისი სიმშვიდე დაარღვიოს, სული ბავშვისა გარყვნას.

მეორე მხრით — განაგრძო რჟონდმა — ჩვენ კარგათ გვესმის ის ცუდი მდგომარეობა, რომელშიაც იმყოფება ხალხის განათლების საქმე მთელს სახელმწიფოში. ჩვენ გვესმის დიდი მნიშვნელობა ამ ცუდ სკოლისა რუსთა მცხოვრებთათვის იმპერიაში. ამისთვის კანონ-პროექტის წინააღმდეგი ჩვენ არ ვიქნებით. პოლონელი კოლო მხოლოდ ამ საკითხის ხმის მიცემაზე უარს აცხადებს“.

ყველასათვის ცხადია, რომ პოლონეთის დეპუტატის სიტყვაში ნამდვილი სიმაართლე იყო აღნიშნული. უარყოფა ამ სიმაართლისა შეუძლებელია. ის, რაც განაცხადა პოლონეთის წარმომადგენელმა, ეხება არა მარტო პოლონეთის, არამედ უმეტეს ნაწილს ერებისას, რომელიც რუსეთის იმპერიაში სცხოვრობენ. რჟონდის რუსის ხალხის გასაკიცხავად არა უთქვამს რა. მიუხედავად ამისა ოქტომბრისტების ბანაკილამ გაისმა ხმა გულმოსულობისა, საყვედურისა. ფონ-ანერჰმა სხვათა შორის სთქვა — „მე ვგრძნობ ღრმა სიამოვნებას რომ იმგვარ პირობებში ვართ, რომ პოლონელ გუბერნიების წარმომადგენლებს არა აქვთ ჩვენთვის გადამწყვეტი მნიშვნელობა. რა მოხდებოდა — წამოიძახა ფონ-ანერჰმა — ეს რომ ასე არ ყოფილიყო? საერთო ხალხის განათლებაზე რუსეთისათვის უარს მივიღებდით ეხლა, იმისათვის რომ პოლონელთა იდეა — რუსეთი დაიღუპოს უმეტრობის მორევში“...

თავდა-პირველად ის უნდა აღვნიშნოთ, რომ რჟონდის სიტყვა სრულიადაც არ აძლევდა ფონ-ანერჰს საბუთს ამგვარი სიტყვებით მიემართა პოლონელებისათვის. აქ ის არის გასაკვირველი, რომ ოქტომბრისტების წარმომადგენელი ალტაცებით ღებულობს სამი ივისის კანონის შემოღებას, ე. ი.

ხალხის წარმომადგენლობის დამცირებას. ამასაც რომ გვერდი აუხვიოთ, არც დაფასება პოლონელთა კოლონ მნიშვნელობისა მეორე სათათბიროში არის მართალი, რადგანაც კოლონ მომენტებში თამაშობდა თვალსაჩინო როლს მეორე სათათბიროში, როცა მთელი პარლამენტი ორ თანასწორ ნაწილად იყოფებოდა.

ყოველ შემთხვევაში რჟონდის სიტყვაში არა ყოფილა არაფერი იმგვარი, რასაც შეეძლო გამოეწვია ფონანრეპის მხრით ამგვარი ბრალდებლობის წამოყენება. მით უფრო რომ, თვით ფონანრეპმა სთქვა; „მე მესმის, რომ შეგურაცხყოფილი, შეღახული, დამცირებული გრძნობა თხოულობს თავის პროტესტებისათვის გამოსახვას“. პოლონელ კოლონ გადაწყვეტილებაში მეტი არა ყოფილა რა. დღეს უფრო ნათლად სჩანს, რომ რუსეთის პარლამენტის ცენტრში სხვა და სხვა მიმდინარეობა არსებობს. ოქტომბრისტები დღესაც არ შეადგენენ კომპაქტიურ მასას. ერთი მხრით არის ვიწრო, ნაციონალისტური მისწრაფება და მიმდინარეობა; ეს სავსებით გამოიხატა ფონანრეპის სიტყვაში; მეორე მხრით ვხედავთ ვიწრო სურვილს, მორიდებულს, ძრიელ მორიდებულს ნაბიჯს ოქტომბრისტების მხრით, მიმართულს ვითომდა სათათბიროს უფლებათა დაცვის გზისაკენ, მაგალითად პროტესტს აცხადებენ ოქტომბრისტები იმის შესახებ, რომ მმართველობამ ახალი სერიები და ახალი უზრუნველ ყოფილი რკინი გზის ობლიგაციები გამოუშვა სათათბიროს ნებადაურთველად; გარდა ამისა სათათბიროს 25 აპრილის კრებაზე, როცა რკინის გზის მდგომარეობისა და შემოსავლის შესახებ იყო ბაასი და სპეციალისტურ კომისიის დაარსების გამო კამათი ასტყდა (კომისიამ უნდა შეისწავლოს და გაეცნოს რკინის გზების მდგომარეობას) ფინანსთა მინისტრმა სთქვა— „მაღლობა ღმერთს, ჩვენ პარლამენტი არა გვაქვს“. ოპოზიციამ იმ დღესვე ჯეროვანი პასუხი გასცა, ხოლო ოქტომბრისტებმა ცოტა უფრო გვიან: უვაროვის პირით აი რა განაცხადეს: „მთავრობის წარმომადგენელმა კოკოვცევმა სთქვა: „მაღლობა ღმერთს, ჩვენ პარლამენტი არა გვაქვს“. ეს რომ ვისმე სხვას ეთქვა და არა ისეთ დიდად

ნიკიერ ორატორს, დაწვრილებით მკოდნეს, რომელსაც ძრიელ ემარჯვება რუსული ენა, შესაძლებელი იყო კიდევ ფიქრი, რომ ეს უბრალო სიტყვის წამორღვევაა, მაგრამ ვინაიდან ეს ფრაზა კოკოვცევა სთქვა, რომელსაც მართლაც მოხვეჭილი აქვს სახელი ნიკიერ ორატორისა, ამისათვის საუბედუროთ, ამ სიტყვებს უნდა მეტი მნიშვნელობა მივაწეროთ, ვიდრე შესაძლებელია თვით ორატორი აწერდა მათ. ამ მომენტში ეს სიტყვები ზედმეტად დიდ მნიშვნელოვანი უნდა ყოფილიყო, რომ სავსებით არ ეწინააღმდეგებოდეს იმ სიტყვას, რომელიც ნოემბერში—(დიდი ხანი არ არის მას აქეთ), სთქვა აქ მთავრობის ოფიციალურმა წარმომადგენელმა სტოლიპინმა, რომელმაც ნამდვილად და აშკარად გამო-სთქვა აჭრი წარმომადგენლობით წეს-წყობილების შესახებ რუსეთში. სასურველი იქნებოდა, რომ კოკოვცევს აეხსნა, არის შესაძლო თუ არა წარმომადგენლობითი წეს-წყობილება უპარლამენტოთ. მაგრამ მგონია კოკოვცევი არ არის წარმომადგენელი მმართველობისა, როცა ამ სიტყვებს ამბობს, ვინაიდან, მმართველობამ თავის დეკლარაციაში განაცხადა პირდაპირ საწინააღმდეგო იმისა, რაც კოკოვცევა სთქვა. კოკოვცევა ილაპარაკა ეს არა როგორც ფინანსთა მინისტრმა, ვინაიდან სად ილაპარაკა მაშ თუ არა პარლამენტში? შესაძლებელია ფიქრობს ის, რომ ჩვენ — დეპუტატებს წარმოვადგენთ მის სამინისტროში? მაშ სად ილაპარაკა? თუ კი ის მართლაც მმართველობის აზრს წარმოადგენს, მაშინ პირველი ის არ უნდა მოსულიყო აქ, რაგორც არ მოსულა დღეს. თუ კი მან ილაპარაკა, როგორც მხოლოდ კოკოვცევა, ეს მე მამუზიდებს, რადგანაც „ნამდვილი საიდუმლო სოვეტნაკები“ ბევრი გვეყავდა ჩვენ და ბევრი გვეყოლება კიდევ და ყველა მათი სიტყვებისათვის მმართველობა პასუხს არ აგებს. ამისათვის არ არის საჭირო სერიოზულად პასუხი გავსცეთ ამ სიტყვებს. ეს იყო მხოლოდ უბრალო სიტყვები, შესაძლებელია უნებლიეთ ნახმარი და მეტი არაფერი“ ..

სათათბიროს თავმჯდომარემ დასძინა ამ სიტყვებს: „როგორც თავმჯდომარეს მე არა მქონდა არავითარი საშუალება

შემეჩერებინა ფინანსთა მინისტრი, როდესაც მან იხმარა მოუხერხებელი წინადადება. მე არ მქონდა არც საშუალება და არ არც უფლება, მაგრამ ვფიქრობ, რომ მაქვს საშუალება და უფლებაც ამ სიტყვების განხილვა შემდეგში მოვსპო...

ასეთი ურთხილი ნაბიჯით, დრო გამოშვებით, ჰბედავენ ოქტომბრისტები წარმომადგენლობით წეს-წყობილების დაცვას. ამას ისიც უნდა დაემატოს, რომ ოქტომბრისტები ვითომდა მოწადინებული არიან გაახორციელონ 17 ოქტომბრის მანიფესტით დაპირებული თავისუფლებანი“. მათ წრეებში შეუმუშავებიათ კანონ-პროექტი ბეჭდვითი სიტყვის შესახებ, მაგრამ, როგორც გადმოგვცემენ გაზეთები, ეს კანონ-პროექტი სრულიადაც არ ამყარებს სიტყვის თავისუფლებას და არც ამ პრინციპის ზომიერ მოთხოვნილებას. ამგვარივე ბედი სწვევია პიროვნების თავისუფლების შესახებ კანონ-პროექტის შემუშავებასაც. ადმინისტრაციას რჩება დიდი უფლება...

რაც შეეხება ერთს ძირითად საკითხს რუსეთის თანამედროვე ცხოვრებისას, სახელდობრ აგრარულ საკითხს, ეს საკითხი ხელახლავ მთელი თავისი სიმკაცრით წამოყენებულ იქმნება, თუმცა მმართველობა და სათათბიროს უმრავლესობა ყოველ დონის ძიებით ცდილობენ ვნების მოშორებას... ერთი სიტყვით ყველა თითქმის სერიოზული საკითხები უცდიან მომავალში გადაწყვეტას, მაგრამ სათათბიროს მათ გადაწყვეტის გზისაკენ ჯერ-ჯერობით არა გაუკეთებიარა.

ხუთი თვე მეტია, რაც რუსეთის პარლამენტი მოქმედობს; ხუთი თვე მეტია, რაც ტავრიდის სასახლეში ხმა მალლად გაიძახიან „კანონების“ დამყარების შესახებ, და „კანონები“ არ დამყარდა.

პირიქით სფერა უსამართლოებისა, სფერა თავგასულობისა პრინციპიალურად ფართოვდება და მმართველობას, როგორც მის მომხრე მესამე სათათბიროს უმრავლესობას, დააწესდათ კიდევ სახელმწიფოს განახლებისათვის საჭირო რეფორმების შესახებ ფიქრი. ხუთი თვის განმავლობაში წევნვერ ვნახულობთ სათათბიროს მოქმედებაში რაიმე პროგრესიული-რეფორმატულს მოღვაწეობას; მმართველობა ხომ

სრულიადაც არ ფიქრობს ახალ-წეს-წყობილების დამყარებისათვის. პირველ რიგზე ღღესაც წამოყენებულია ბრძოლა „ძველის იარაღით“, ბრძოლა მხოლოდ რეპრესიების გაძლიერებით განმათავისუფლებელ მოძრაობასთან. ეხლაც, როგორც ყოველთვის, გაიძახიან—ჯერეთ დამშვიდება და ვითომ შემდეგ რეფორმა. ამით აიხსნება ის გარემოება, რომ მმართველობამ თავის უმთავრეს მიზნად დაისახა მხოლოდ რეპრესიები მშვიდობიანობის დასამყარებლად, ვითომდა ერთად ერთი ხსნა ქვეყნისა რეპრესიების გაძლიერებაში მდგომარეობდეს და არა რეფორმების შემოღებაში.

ჩვენ არა გვაქვს ხელში სტატისტიკური ცნობები თუ რა ციფრებით გამოისახა ამ უკანასკნელ ხუთი თვის განმავლობაში რეპრესიების გაძლიერება. სამაგიეროთ ჩვენ გვაქვს 1907 წლის შესახებ ცოტად თუ ბევრად სწორი ცნობები. გაზეთმა „ტოვარიშჩმა“ გამოაქვეყნა რაოდენობა დასჯილთა 1907 წლის განმავლობაში. სულ სხვა და სხვა სამჯავრო დაწესებულებათა დადგენილებით დასჯილთა რიცხვი 11,066 კაცია. ამ რიცხვიდამ სიკვდილით დასჯა გადაწყვეტილი ჰქონდა 1,692 კაცს, სამუდამო კატორღა—477 კ., გადასახლება 413 კ. ციხეში, საპრობილეში და სხვ. დაპატიმრება 6.112 კ. ორთაშუა რიცხვით 1,1 წლით, დისციპლინურ ბატალიონში ყოფნა 427 კ. დაახლოებით 2, 2 წლით. იგივე გაზეთი ზედმეტად საინტერესო ცნობებს აქვეყნებს დასჯილთა საზოგადოებრივი მდგომარეობის შესახებ: 4,704 გლეხი ყოფილა, 2.130 — სამხედრო კაცი, 1.603 ქალაქის მუშა, 446 — მოსწავლე, 211 — დეპუტატი პირველ დამეორე სათათბიროსი, 176 — რედაქტორი პერიოდულ გამოცემებისა. ექვს გარეშეა ეს ცნობები სრული არ არიან და სინამდვილეს დაახლოებებითაც არ გვისურათებენ; აღნიშნული ცნობები, მაგალითად, არ შეიცავენ ადმინისტრატიულ გზით დასჯილთა რაოდენობას; ცხადია ეს ადმინისტრატიულ დასჯილთა რიცხვი დიდია, რადგანაც თანამედროვე, როგორც ყოველივე დროის, ადმინისტრაციამ, რომელმაც არ იცის საზღვარი უსამართლობისა და თავგასულობისა, „რეპრესიების“

პოლიტიკაში“ ბევრად გადააქარბა თანამედროვე სასამართლოებს.

1908 წლის გასული ხუთი თვის შესახებ სამწუხაროდ არა გვაქვს ცნობები, მაგრამ შეცდომა არ იქნება, თუ ვიტყვით, რომ დასჯილთა რიცხვი მატულობს და ადმინისტრაციის უფლებების გაძლიერება, მხოლოდ პოლიციის და პოლიციელთა თარეშობას აბატონებს სახელმწიფოში. დღე არ გადის, რუსეთის პოლიციის შესახებ თავზარდამცემი ფაქტები არ გადმოგვცენ გაზეთებმა იმის შესახებ, თუ როგორ თვით მმართველობის აგენტები ჰქმნიან დანაშაულობას, უსამართლობას, ძალ-მომკრეობას და ამასთან ერთად არ გადის დღე, რომ გაზეთებში არ ამოვიკითხოთ, რომ აქ ორი დახვრიტეს, იქ სამი ჩამოახჩვეს, აქ ექვსი დაატუსაღეს, იქ ხუთი გადასახლეს და ასე თითქმის მთელს რუსეთის სივრცეზე დღესაც იგივეა, რაც გუშინ იყო და მესამე ივნისის კანონით შემდგარი პარლამენტი არამც თუ ხელს არ უშლის 17 ოქტომბრამდე არსებულ წეს-წყობილების რესტავრაციას, არამედ განამტკიცებს მმართველობის პოლიტიკას.

